







Ex Bibliotheca
majori Coll. Rom.
Societ. Jesu





NICOLAI MACCHELLI
Medici Mutinensis,

2

TRACTATUS
METHODICVS, ET
OMNIBVS NVMERIS
absolutus.



De
LVE VENEREA, EIVSQUE
NATVRA ET CAVSSIS, ET QVÆ
eam sequuntur, symptomatis, nec non
singulorum curatione.

ACCESSERVNT DISPUTATIONES
*Medica, subtilissimis Doctorum opinionibus
refertissima;*



IN QVIBVS PRÆTER RERVM COE-
lestium, terrestrium, & aquatiliū tractationem, soli,
dissimè agitur de febris pestilentis cogni-
tione & cura:

Sib. Tes. Soc.

AUTHORE

coll. Ambr. de Jona

GERHARDO COLUMBA, MEDICO ET
Philosopho Messanense.

Cum geminis Indicibus, operi utriq; accommodatissimis.

Syl. Legio



W. J. J. J.

FRANCOFVRTI,

Excudebat Nicolaus Hoffmannus, impensis
Ioannis Iacobi Porssij.

Anno M. D C V I I I.



12. 7. K. 29

VI

W. J. Jones

W. J. Jones

IVNIORES MEDICI

COLLEGII MUTINENSIS

Lectoribus, S.



Um sapius audinissemus Nicolaũ Macchellum cinem nostrum, virum in re Medicaprastantem, de eo morbi genere, quod nostrates Itali Gallicum vocant, differere cognovissemusque aliam curandi istiusmet morbi rationem iniisse, ac alij antehac aggressi fuerint, quæ tamen magis doctrinæ Hippocraticæ aliorumq; veterum physicorum innitatur, quàm cuiuspiam quæ de hoc morbo scripserit: rogavimus ipsum, ut nostræ utilitatis gratia, scriptorem quempiam qui hoc negotium tractandum suscepit, sumeret exanimandum, ostenderetque quo delinqueret à nitida illa methodo ab Hippocrate monstrata, exactèque à Galeno tradita. Ille autem libenti animo obsequens scriptoris, quem ipsi attulimus, dicta recensens & diligentissime perpendens, mira facundia nobis tunc indicavit, quæ parum consentirent, quæque discreparent ab antiquorum doctrina. Cum verò optaremus ut quæ semel coràm narrasset nobis, perlegenda traderet, cùm liberum quondam munus: ipse (quæ suæ est modestia) ne laudi cuiuspiam seu viventis seu mortui, vel minimum nominatim detrahat, omnino abnegans alium potius laborem subire decrevit, (cum alioqui nobis quoquo pacto satisfacendum esset) atque brevem tractationem conscripsit, quæ sultâ methodo illa antiqua, omnia quæ ad ipsum morbum spectant, persequitur, ipsius innixa rationibus atque principiis.

Qua quidem quantum ab aliis omnib. qui de huiusmodi materia haecenus scripsere dissentiat, vos iudices estote. Hoc nos impulsu huiusce nostrae artis utilitati studentes statuimus, ut commodius, citiusque vobis ac nobis satisfaceret, non scriptis, sed typis impressis opusculum hoc edere, ipsum praeterea precibus ad egimus, ut libellum Raza de pestilentia, quem ipse nuper rimè, è græco in latinum transtulit, ederet, cum lues quoque hac, per contagium in genus humanum grassetur, & maximum ab virisque imminet vita dispendium. In qua quidē re facile perspicietis haud exiguos caterorum interpretum lapsus, vel luce clarius, cognoscetisque quantum polleas. Vir hic noster tum in exponendis suis met rationibus, tum aliorum sensibus interpretandis. Valete.



NICOLAI MAC- CHELLI TRACTATUS DE MORBO GALLICO.



Os verò, cùm omnia ferè quæ à multis
medicis huiusce tempestatis, de morbo,
quem *Neapolitanum Galli, Itali Gallicum* *Morbus Gal-*
vocant fuere scripta, sub vnius exemplo, *licus Gallie*
& eius quidem omnium celeberrimi, cer- *Neapolita-*
tissimis argumentis, & rerum experientia *nunc vocatur.*

relecerimus, nunc morbi eiusdem naturam, & causas, & *Ordo & ma-*
quæ cum sequuti symptomata, adhuc verò & curationes, *thodum ab*
pro vera veterum doctrina, si D^{no} placet explicare *authore ser-*
mus. *uanda.*

Hic inquam morbus à loco primi contagij, & ab his *Morbus gal-*
qui ipsum primò suscepere, nomen est consequutus. Nam *licus & unde*
cum *Neapoli* primum in homines iruisset, à Gallis *nomen ha-*
bus Neapolitanus est vocatus: quum verò *Galli* vel per in- *beat.*
temperantiam, & plenam viuendi rationem, vel per cali-
ditatem eius regionis, in qua præter consuetudinem ver-
sabantur viribus infirmati, eo morbo, plusquam alij indi-
genæ, cepissent occupari, ab *Italis Gallicus* est vocatus.

Hic morbus & *simplex & compositus* esse potest. *Simplex* *Morbus gal-*
quidem est, vt in præternaturalium intemperaturarum *licus & sim-*
genere, vel in genere tantum instrumentalium morbo- *plex & com-*
rum, vel in eo quod ad partium præternaturalem vel vni- *positus est,*
tionem, vel solutionem spectat. Quid enim obstat, quin in *& simplex*
corpore humano, bene habito, minimè excrementoso, *quid?*
bene attemperato, per insignem motum iuxta corpus a-
liud, prauo hoc genere morbi inquinatum per attritio-
nem, per frictionem, per mutuam forum, feruidus qui-
dam calor, concitetur: dehinc mutua spirituum emissionem
& susceptionem prauum id vitium homini, qui primo bene
habitus erat, minimè erat excrementosus, probe attempe-
ratus concepto iam feruida caliditate, quæ sensibili-
liter lædat functiones, communicetur? Morbus tunc erit
calida præternaturalis intemperatura: prauum illud
vitium tertia quædam qualitas erit, quæ morbum nullo

non tempore comitatur. Verum quod per mutuam attritionem, & frictionem, & mutuuum forum, fervido calore excitato: corpora calefacta spiritum vicissim excipiant, & ex sese emittant, aliorum omnium exemplo nulli non patet.

*Fruges quæ
calefiunt,
spiritum &
suscipiunt.
& emittunt.*

Nam fruges si calefiant, & legumina, & fructus, & folia, & stirpes, & ligna, & cætera denique quæ calefiunt spiritum suscipiunt & emittunt. Quo fit ut vir morbo Gallico inquinatus, si in consuetudine cum munda muliere sese ei ita mutuo affricet, atteratque ut mutuo calefiant, emissio ab eo spiritu & eodem a muliere suscepto mulier inquinatur: si inquinata est mulier suo spiritu vitiato vitium viro impartitur: Ratiocinatio hæc sumpta est ab Hippocrate *libro de Nat.*

*Morbus Gallicus contra-
giosus est.*

tura factus. Sin corpus sit excrementosum vel male habitum, vel attemperatum, facilius per mutuam perfrictionem, vel forum, vel attritionem suscepto calore, dehinc succedente mutua spirituum emissionem, & susceptionem excipit inquinamentum. Tuncque in male habito verisimile est, ut viscera iamdiu infirmata, primo inquinantur: In excrementoso humores qui exinde naturæ facti hostiles, ab ea repudiuntur, & pelluntur extra corpus, si penitus a natura superentur, scilicet, vacuatione sensibus vel manifesta, vel occulta: sin superentur quidem, ac non prorsus, pelluntur ex corpore ab hac parte in illam donec in aliqua quæ ceteris sit infirmior, sistant: in ea præternaturalis intemperatura aliqua sæpe comitatur. Tunc quæ si sensibiliter læduntur particulae functiones, id erit vel causa tumoris, & erit simplex morbus instrumentalis: vel causa intemperaturæ, & erit similarium partium morbus simplex: sin utriusque causa morbus erit compositus, scilicet & similarium partium & instrumentalium.

*Humores insigni ac-
cedi inconiuncti
& cutem, &
partes ei sub-
iectas cro-
dunt.*

Quod si hostiles illi humores insignis acredinis sint participes, poterunt una cum tumore & intemperatura aliquando non cutem solam ei odere, verum etiam subiectas partes, scilicet & carnes, & nervos, & membranas, & chartilagineas, demum & ossa ipsa. Quamobrem si per erosionem tantum, & non per-

tumo.

TRACT. DE MORBO GALLICO. 7

tumorem vel intemperaturam, sensibilibiter læserint functiones, morbus erit simplex, partibus similaribus, & instrumentalibus communis, scilicet continui solutio: Sin merito etiam tumoris & intemperaturæ, erit compositus ex omnibus morborum generibus.

Solent eiusmodi affectus tempore vel in alios vel sui generis vel alterius cuiusvis transmutari, simplices in simplices, in compositos compositi: intemperaturæ in intemperaturas, calidæ nimirum in frigidas, frigidæ in calidas, humidæ in siccas in humidas siccas: tumores item in alios tumores migrari, & tandem iidem ipsi in abscessus.

Hinc factum est, ut multi medici videntes in eodem morbo hominis statu, tot metamorphosas, morbi naturam satis aptè nequiverint definire, opinantes enim sub unico genere contineri, alii ad instrumentale genus, alij ad genus commune, alij tamen ad utrumque, nulli ferè ad intemperaturas deflectere.

Nos vero, non sub vno tantum genere morbi contineri, vel duobus, sed sub omnibus simul arbitramur: Ut ipsum ubi pluribus numeris constet, in hunc modum satis commodè possimus definire.

Morbus quem nostrates *Gallicum* vocant est præternaturalis congeries affectuum, sensibilibiter ac multifariam lædens functiones, à qualitate venenosa non immunis. Vbi vero simplex sit, ita definiri potest.

Gallicus morbus est affectus præternaturalis sensibilibiter lædens functiones, à qualitate venenosa non immunis.

Verum cum ex notitia simplicium quorumcunque composita veniant cognoscenda, superest, ut nos primum singulorum simplicium eiusmodi morborum naturam exponamus, ut exinde compositorum natura nulli non sit aperta. Dicimus nos à diuturna experientia edoctos esse, quod si duo humana corpora, quorum vnum hoc genere morbi inquinatum sit, alterum benè habet, se se mutuo morbis concitatis refricent, iuxta accubant se,

Quare multis medicorum in astruenda Gall. morbi definitione sine hallucinati. Opinio aliorum de hoc morbo. Opinio propria. Definitio morbi Gallici compositi. Simplicis morbi Gallici definitio. Ex notitia simplicium compositum sunt cognoscenda.

mutuo foueant : calefiunt primum, & aliquando ita calefiunt, vt anhela vix tantum spiritus attrahant, vt satis sit pulmonibus refrigerandis. Hæc necessitate caloris urgente spiritus hinc & inde suscipiuntur, & emittuntur, vt inde ægri inquinamentum sano homini imperiatur ac communicetur. Primus igitur affectus calida

*Morbus hic
quand o sim-
plex.*

*Quando
compositus.*

*Calida in-
temperatura
tumorem
præternatu-
ralem ad se
trahit.*

est intemperies, quæ vbi primum lædit sensibilibiter functiones, simplex est morbus, vbi vero secum accersit tumorem aliquem præter naturam cuius etiam genera lædantur membri alicuius functiones, iam morbus compositus esse incipit. Hæc enim calida intemperatura, quam præludium huius morbi esse diximus nisi, præsto amoueat, præternaturalem tumorem ad sese trahit, talis enim est natura calidi & vis. Is tamen pro ratione naturalium temperaturarum & ætatum, & humorum cuiusvis tumorum generis esse possit, nihilominus ferè in morbi initio ex genere est phlegmones. Hæc si aliquandiu perseveret, vel in abscessum vel in tumorem durum transit. Calida vero illa intemperatura, si diutius immoretur primum spiritibus & sanguine digerendis, transit in frigidam. Hæc gignendis cruditatibus & cumulandis, in humidam migrat. Tandem verò & ista, deficiente idoneo alimento corporis in siccam transit. Interim autem cruditatibus fluuantibus hinc & inde varii tumores fiunt, quorum aliqui vertuntur in ab-

*Qualitas cõ-
tagiosa hu-
ius morbi in-
separabile
symptoma,*

scessum, aliqui ita obdurescunt, vt marmorea tubercula esse videantur. Perseuerante morbofo hoc statu fit hæc affectuum vicissitudo. Nec qualitas contagiosa, quam horum generum morborum inseparabile symptoma esse opinamur, vlllo vnquam tempore intermittit, deseritque. Hæc est huius morbofi status præternaturalium affectuum congeries, sub qua aliquando Gallicum morbum contineri dicebamus.

*Intempera-
tura calida
qua sint cau-
sa.*

Singulorum causæ, tamen iam obiter à nobis ferè sint enarratæ, nihilominus nunc etiam aliquantulum fusius explicabuntur. Intemperaturæ calidæ, quæ initium est malorum, causæ sunt, motus concitati, mutæ restrictiones, mutui attritus, mutui cū accubitus,

tum

rum etiam fatus. Tumorem verò præternaturam humores à modo recedentes, simplicium quidem simplices, compositorum verò compositi. Hi vel in particula intumescēte generantur, vel aliunde aut pulsi, aut tracti congeruntur. Hi rursus in particula generantur ipsius vi concoctrice laborante, expultrice vim passa, retineantur. Pelluntur autem vel quantitate, vel qualitate, vel vtraque ratione infesti. Attrahuntur per vacui necessitatem, scilicet ne vacuum relinquatur locus, eam vero necessitatem facit vel immodicus eius partis calor, vel alicuius apppositi medicamenti & natura & vis. Continuitatem solvunt, quæcunque vel scindunt, vel contundunt, vel distendunt, vel erodunt. Scindunt, quæ per aciem quicquid sibi obuiat separant: in his sunt, quæcunque exterius per aciem secare possunt, quæque interius prædita sunt vi tenuis caloris frigorisque. Contundunt quæcunque dura simul & graua in aliquam rem sibi occurrentem inciderint: in horum numero sunt præduri articulorum tumores, qui vicinas partes suis necessariis motionibus contundunt, laniant lacerantque. Distendunt autem quæcunque per immodicam copiam à suo loco nequeunt contineri, ut immodici vel humores, vel flatus, qui si à loco continentur vel suapte natura, vel ex acquisita intemperatura densi, vi maiore agunt, tantoque maiore, quanto locus fuerit densior: si vel natura raro distendunt, sed minus quidem ut simul & distendant, & ex parte digerantur. Erodunt autem quæcunque qualitate acria sunt, & ignea vi pollent. Verum si admodum vehementer ignea sunt, non erodunt solum, sed etiam exurunt & crustas parant. Hoc in extrinsecis videmus, videmus & in intrinsecis, tum intemperaturis, tum vſitatis succis. Hæc de causis. Iam de symptomatis singulorum disseramus.

Calida intemperatura quam inter morbos gallicos origine primam esse, dicebamus, ardorem parit, aliquando in pene tantum vel pudendis mulierum, aliquando in cute corporis vniuersi. Hæc eadem si cutem occupet vniuersam, in ipsa ruborem, nitorem, ac splendorem parit. Insuper eadem ipsa absumendis ac digerendis pilorum alimentis efficit, ut hi languescant primum, dehinc quasi sem-

a s mortui

Continuitatem qua soluantur.

Scindant.

Contundant.

Distendant.

Erodant.

Calida intemperatura symptoma.

mortui colore subobscurentur, tandem vero & decidant. Interim oculi scintillant, atque illustrantur. Quid? quod ob eandem caliditatem tunicis ipsorum rarefactis, spiritus ipsi visui inferuientes, attenuati in ambientem aerem dissipantur, quo factum est aliquando, ut visus acies nonnullis sit imminuta, nonnullis vero eousque sublata est, quoad amorā calida intemperatura, & tunicis ad pristinā densitatem redeuntibus, non amplius immodicē in ambientem digerantur, sed prout decet, retenti commodē suo inferuiant instrumento. Hęc sunt ferē istius calidę intemperaturę symptomata. In tumorib. præter naturam phlegmone siue in pene siue in locis muliebribus, siue in inguinibus, siue in aliqua quauis parte fiat, dolorem, pulsū, feruorem, & renitentiam parit, mutatq; colorem affectę partis. Verum erysipelas quoniam ex sanguine & bile flaua, admodum calidis generatur, maiorem calorem ostendit, coloremque cum rubro magis flauum repręsentat, quod si digito vel leuiter premas, sanguis, ut qui admodū tenuis est, statim subrefugit, rursumq; illabitur rubrumq; colorem redaccendit. Sunt duę alię inflammationes, quę de sola bile flaua fiunt, quę si crassa sit, cutem cui subest, exedit, & nōnihil subiectę carnis, & vocatur exedens herpes, sin tenuis, cutem tantum exurit, & non exest, hic vocatur herpes miliaris. vtraque naturalem particulę colorem ad flauū vertit. Exedere & vrere sunt morbi functiones vitiatę, color immutatus ex genere est vitiatę corporis qualitatē nimirum eiusmodi inflammationum symptomata. Dolent omnes quidem sed phlegmone omnium magis, dehinc exedens herpes, postea miliaris, erysipelas autem omnium minus. Est & alia phlegmone, quę cutem tantum attingit, minimē vero subiectam carnem, & hęc quidem dolorem facit, & colorem in rubrū mutat sed caret pulsū. Genus hoc inflammationis glandem penis & locos muliebres in hoc morbo quem *gallicum* vocamus, afficit non infrequenter: imō & frontem, & partem capitis capillatam, & oris labra, & palatum & fauces. Huius symptomata scilicet color ruber, calor immodicus, & sine pulsū dolor. Sunt & alię duę inflammationis species, quas tametsi in hoc genere contagiosi morbi nos earum alteram vix semel viderimus, nihilominus quia per me-

di

*Phlegmone
in humorib.
præter natu-
ram qua pa-
riat.*

*Erysipelas
ex sanguine
& bile fla-
ua admodū
calidu gene-
ratur.*

*Herpes ex-
edens.*

*Herpes mil-
liaris.*

*Alia species
phlegmones.*

*Eius sym-
ptomata.*

*Alia duę
inflammationes.*

dici vel imperitiā, vel socordiam, vel per languentis intemperantiā accidere possunt, nolumus ipsas silentio præterire. Vna est eiusmodi. Sanguis influens ubi abunde calidus sit & crassus, in quamcunque particulam affatim influxerit, vlcus in ea parit cum crusta, partes verò circum iacentes in inflammationem extollit, & per feruorem admodum seuum dolorem facit. Hæc sanè inflammatio carbonuncupatur: cuius symptomata sunt, exurere, cutis leuitatem vitare, seuum dolorem excitare. Altera vero est quam nos aliquando sub nostro præceptore, in pube hominis hoc gallico morbo laborantis sumus conspicati, confluebat ad locum sanguis ater, crassus, cœnosus, & feruidus, inde serositas quædam tenuis superficiales quasdam bullas excitabat cute tenus, earum quæ ab igne eleuantur instar. Quibus disruptis deprehendebatur sub esse crustosum vlcus, & hæc vero ipsa carbo appellatur: Cuius etiam symptomata sunt immensus feruor, dolor acer, cutis inæqualitas demum etiam asperitas. Oedema verò est tumor mollis, hunc gignit aliquando spiritus flatuosus, aliquando influens pituita. Tumor hic cum in alijs corporis partibus, tum maximè vel in articulis vel in extremis membris fieri solet, symptoma vtriusque communis est, membri mollicies, illius verò proprium cute tenus perspicuum esse, huius sub obscuro colore infici affectam partem: vtrique citrà dolorem premi possunt, subpremente vtrique concuantur: verum in illo pars depressa affatim relabitur, in hoc relabitur, sed paulatim. In tumorum præternaturalium genere est etiam scirrhus, qui quoniam duplex est, exquisitus qui penitus caret sensu, & non exquisitus, qui sensu quidem præditus est, sed valde obscuro: hinc fit vt illius quidem symptoma sit carere sensu huius verò heberi sensu esse. Iam verò ad symptomata continuitatis solutionis, & continuitatis eorum quæ soluta esse deberent accedamus. Abscessus inter ipsas nobis primo sese offerunt, qui nimirum ob id Abscessus appellantur, quod in ipsis particulæ, quæ prius sese mutuo contingebant, nunc interclusa aliena materia mutuo distident. Materia est vel humiditas quædam, vel spiritus flatuosus. Hæc quidem & distendendis particulis a quibus continetur, & ipsis aliquando erodendis dolorem semper

Carbonis species dua, eorum symptomata.

Oedema quid. Eius generatio. Tumor. Symptoma vtriusque.

Abscessus quid. Eius materia.

infect.

*Circa puris
generatione
qua fiant.
Alia eius
symptomata*

inferuntur verò magis cum suppurationis tempus instat. Nam circa puris generationem, dolores & febres maiores fiunt, quàm dum generatum est. Dolor igitur utrorumque commune est symptoma. Præterea & alia symptomata esse possunt, etiam penes qualitatem affectæ partis immutatam scilicet vel calorem, vel frigus, vel duritiem, vel molliciem, vel lenitatem vel asperitatem, vel colorem siue magis album, siue cinereum, siue liuidum siue nigrum, omnia scilicet pro ratione vel quantitatis, vel qualitatis materiæ, quæ in abscessibus continetur. Contigere etiam aliquândo in hoc morbi genero ulcera quædam in penis glande, & in interna parte præputij operientis, quæ per negligentiam vel medici vel languentis ita inuicem coaluere, vt nullo pacto præputium a glande diduci posset, cuius quidē præter naturalis vnitionis symptoma præcipuum impedimētum est coeundi: affectus autem est vnitas eorum quæ naturaliter ab inuicem soluta esse debuerat.

*Grauitas
scapularum
à substantia
vitiosorum
humorum
oritur.
Dolor ab ea
dem.*

Quare dolores noctu augentur interdum mitigentur opinioniones aliorum.

*Foris ratio.
Confutatio.
2. ratio
Refutatio.*

Sunt præterea tria alia symptomata, quæ tunc potissimum deteguntur, quâdo morbus iam toti corpori est communicatus, primum est grauitas scapularum, secundum est iugulorum & summorum humerorum dolor, imò aliquando & brachiorum, & crurium, tertium est faucium rubor, & calor. Grauitatem scapularum à substantia vitiosorum humorum scapulis incumbente oriri opinor: dolorem autem ab eadem vel simili substantia, sed altius quidem infixam, in membranarum scilicet, à quibus ossa operiuntur, & in tendonibus musculorum, qui ad eas partes peruenere, quæ tantò tenuior quàm illa esse debet, quânto meatus tendonum & membranarum meatibus carniū sunt angustiores. Verum quoniam ij dolores noctu ingrauescunt, mitescunt verò luce proxima sunt qui dixere, id primum noctis humiditati acceptum ferri, inquietes ab ipsa internas humiditates augeri atque agitari. Nos verò augeri quidem humiditates ab noctis humiditate posse non negamus, agitari autem nequaquam. Humiditas enim inefficax. Dicunt secundò, naturalem calorem noctu introsum reuocari, humores commouere, dolores ex eorum commotione exacerbari. At nos arbitraremur naturalem calorem, vbi ad viscera reuocatur atque vnitur, vim maiorem accipere, & melius humores frenare cohibere. Quâ-
breu

obrem nos potius aliter diceremus, scilicet corpus à noctis frigidityte densari, digestionem acrium vaporum inhiberi, imò potius cogi atque vniri, & inde membranas, ossium operimenta vi maiore erodi. Nihil verò ad rem spectat id quod aiunt, scilicet humores à quibus gallicus excitatur morbus, vt plurimum frigidos esse, quia adhuc super esset quærere: cur frigidi humores noctu quam interdiu magis vexent. Quod verò per corporis densitatem à noctis frigidityte acres vapores intus retineantur indicio est quod leui linteorum caliditate ac fòtù, circa dolentes partes nonnihil mitescit dolor, dehinc perseuerante calefactione ac fòtu augetur, quoniam leuis caliditas ac fòtus corpus rarefacit, vehemens & diuturna præter hoc quod acredinem auget, plus acrium vaporum auget quàm digerit.

Faucium autem calorem & ruborem excitat influxus sanguinis feruidiorum. Nunc verò de præfagiis agendum.

Sunt qui affirmēt, neque à Galeno, neque à quoquam antiquorum in hoc genere morbi præfagia quærenda esse, morbum hunc nouum esse asseuerantes. Sed oh rem nefariam & penitus perniciosam, scilicet discipulos à vera veterum scriptorum doctrina auocare, ad sese, & inania fabulamenta pertrahere. Verum mihi dicant quæso, quid in hoc genere morbi quod nouum esse centies dicere non erubescūt reperitur, cuius Hippocrates in præfagiis, & prædictionibus, & consequenter Galenus in ipsorum expositionibus non fuerit memoratus? Præteriere ne ipsi silentio vlcera recentia, vetera mollia, prædura, benigna, maligna, lutea, liuida, nigra humida, sicca & quouis modo intemperata, imò & alta, & quæ cutem tantum afficiant? Tacere ne cuiusvis generis intemperaturas? Simples, compositas, cum materia, sine materia? Tacere ne tumores præter naturam? duros molles, mucronatos, non mucronatos in trorsum vel extrorsum erumpentes? Tacere ne supurationes vel internas vel externas? Atque hoc mihi saltem non negabunt, vnicam scilicet omnis præfagationis radicem esse, cuius Hippocrates in ipso statim præfagiorum initio est memoratus, quando secundum nostram interpretationem dixit: *Morborum igitur eiusmodi naturas non*

ignorare

3. ratio.

Solutio.

Linteorum caliditate mitescit dolor.

Leuis caliditas corpora refacit, vehemens acredinem auget.

Hic morbus an nouus sit, & an veteres illum meminissent: opinio auctorum & eius confirmatio.

ignorare est opus, quantum scilicet, supra corporum vires emineant. Sed quid aliud tantum est hoc, quam morbi vires cum corporum vitibus comparare. Morbi autem vires cō-

Morbi vires ex quibus consistunt.

Vires languentis unde cognoscantur.

Naturalis facultatis functiones.

Vnde cognoscantur.

stant ex eius substantia, ex præstantia affectæ partis, & ex eius malitia. Quæ nimirum ex symptomatis dignosci possunt. At vires languentis cognoscantur ex functionibus trium generum facultatum, naturalis, vitalis, animalis. Naturalis sicut quadruplex est, ita quadruplices sunt eius functiones, scilicet alimenti attractio, retentio, mutatio, & superflui excretio. Harum vero robur dignoscitur ex habitu corporis primum, qui si bonus sit, hæc functiones validas esse ostendit; sin ad summum attingat bonitatis, iam non caret vitio, & est periculosus: non enim in eodem consistere potest, nec in melius proficere, reliquum igitur est, ut in peius. Verum si malus est vel gracilis, vel tumens, si gracilis, corpus atrophiam laborare significat: sin tumens, plus attrahi atque retineri, quam immutari atque excerni ostendit ille tabem præfagitur, hic vero aquam intercutem. Sed quam alia ratione ex urinis præfagimur, & alui excrementis, ex vomitionibus, ex sudoribus, ex sputis, ex narium mucis, ex ceruminibus, ex lachrymis, ex saniebus, ex pedendo, ex sternutando ex ructando, quam ut robur, aut infirmitatem huiusce facultatis indicemus?

Ex quibus præfagiendū

Quam alia ratione spirationis frequentiam, raritatem, magnitudinem, frigiditatem, & facilitatem, sed & pulsum vehementiam, obscuritatem, & mediocritatem exploramus, quam ut ostendamus fortitudinem, aut imbecillitatem, vitalis facultatis? Quid enim aliud ex decubitu præfagimur, ex oculis, & alio quouis sensus instrumento, siue communi, siue proprio, ex dentium stridore, ex conuulsione, ex manuum gestulatione, ex pandiculatione, ex appetentia, vel inappetentia, vel appetentiæ prauitate, ex constantia, vel inconstantia rationis, quam ut demonstremus, quæ sit vis facultatis animalis? Hæc est, vera veterum medicorum præfagiendi ratio, non in antiquis morbis solam, sed etiam in his quos isti novos vocant, nec vlla est alia: quam summè opto, & spero ut Deo optimo benè iuante tandem totis viribus amplectantur. De symptomatis autem fracturarum rupti numi vasorum, & vulnerum, non est ut verba faciamus: quodiam

niam ad morbum hunc, quem Gallicum vocamus, nihi spectant. Reliquarum vero solutionum continuitati symptomata abundè exposita sunt superius, cum de symptomatibus præter naturam agebamus. Iam vero tempus est, ut ad curationem singulorum transeamus à calida in temperatura auspicari.

Calida intemperatura, quæ inter hæc morborum genera primas partes habet, ut facillè cognosci potest, ita & curari. Curatur autem per suum contrarium, scilicet per frigidam intemperaturam remediorum. Hæc autem cum altera sit qualitarum actuarum facillè sese corpori insinuat. Vno igitur aut saltem altero die hæc intemperatura corrigetur, si quis probè, & ut decet, suam sibi contrariam admouerit atque opponet. Admoueri potest exterius & interius. Exterius per qualitatē frigidam aeris ambientis, per lauacrum, per illitiones, & per ea, quæ apponi possunt, Græci epidimata appellant: Interius per eundem aërem, qui inspiratur, & qui dilatatione arteriarum in ambitu corporis vniuersi, & per ea, quæ ore ingeruntur: ea vero sunt, cibi & potiones, & frigida medicamenta. Domus igitur ad Aquilonem spectet, ad frigidū permutetur frigidis irrigationibus, floribus, herbis, germinibus, fructibusque. Tepido dulci oleo illiniatur: dehinc ieiuno ventre, & purgatis alui excrementis, balneum ex aqua dulci temperata intret, in eo aliquandiu versetur: cumque exitū apparat, sese in frigidā demergat, vel ex frigida irroretur: dehinc lintheis mollibus detergarur, cubile intret, modicè quiescat, postremò cibum capiat ex frigidis holeribus, ex teneris & arenosis pisciculis ex acetarijs & frigidis intritibus, & cum modico sacchare poscam bibat, vel frigidā aquam, si ei insuevit, vel etiam cōtonci, vel punici mali succum. Quod si his peractis adhuc magnum & frequens spiret, cordi frigida potestate apponantur. Hac enim demum ratione quicquid aduentitij caloris residuum est, illico submouetur, nec amplius phlegmonem expectare oportet, siue in inguinibus, siue in pudendis fore, tutoque poteris affirmare, te morbum sæuissimum in prima sui origine iugulasse.

Verum si antequam ad languentem accesserit, calida illa intemperatura phlegmonem iam, siue in pudendis, siue

Calida intemperatura facile curari potest.

Cura calida intemperatura.

*Hac inter-
peratura si
phlegmonē
attrahit,
quomodo
curanda.
Vitus ra-
tio.*

siue in inguinibus excitari, nec dum ea suppuret quidem, sed cruda existens, fluxiones vndequa; ad sese conuertat excipiatque: Tu habita prius ratione virium ægrotantis, nec non temperaturæ, & naturalis, & per consuetudinem acquisitæ, & ætatis, qualitatis ambientis, nec non temporis, quo morbi summus vigor expectatur: ita viuendi formam institue, vt languens interius refrigeretur, exterius modicè calefiat, ne per frigiditatem ambientis mala morbi qualitas ad viscera repellatur: ita nutriatur vt vires summum morbi vigorem possint expectare, morbi vero causa minimè augeri possit. Hac victus ratione instituta, quoniam in foribus est morbus ingens & sæuus valde, si languentis

Vena sectio.

vires & ætas ferunt, venam aperito, non ex superioribus aliquam, ne vitium ad viscera comportetur, sed ex infernis, siue in poplitibus, siue in malleolis. Quantitatem sanguinis vacuandi præscribant plenitudo, corporis robur, ætas,

Et caueda.

ambiens aer, anni tempus, cœli status & regio. Antea vero cauedum, ne quid crudum resideat in intestinis, siue humor siue cibus. Tale autem si quid insit, prius educendum est, vel leui sublutione, vel glande, vel caussis, vel manna, vel lactis sero. His ita peractis, crura quotidie vacuo ventre linteis asperis & calentibus fricentur, vincula supra malleolos & poplites adigantur, cucurbitulæ femoribus apponantur, nihil omittatur, quod influxum sæui huius morbi ad viscera possit inhibere. Quæ omnia sunt communia, omnibus inflammationibus pudendorum & inguinum, de quibus agemus consequenter. Atq; interim loco affecto non repellentia quidam apponi debent, (quod cæteris quidem fluxionibus est commune, quatenus scilicet sunt fluxiones:) sed quæ trahunt, quæque in halitum digerunt ac maturant. Constant hæc ex pinguedinibus,

*Frictiones
& inhibi-
tiones in
fluxus hu-
mori morbi.*

ex corticibus radicibus althææ, bryonæ, bulbis liliorum, ex pingui-
bus caricis, similibusq;. Quod si vel myrrham, vel bdellium,
vel ammoniacum addideris, trahent quidam magis, nec sup-
purationem inhibebunt. Tu ex alijs simplicibus medica-
mentis potestate his similibus alia composita tibi ipsi pa-
rare poteris, prout locus & temporis occasio expostula-
bunt. Dum hæc peraguntur, nulla intercadat dies, qua al-
uius non leuiter stimuletur siue leui sublutione, siue glande; quo nimirum intestinorum vis retentrix ex humidis & pinguibus.

*Aluius quo-
modo stimu-
lenda.*

pinguibus nonnihil quoddammodo laxetur atque infirmetur: & natura quæ hominum corpus regit, infuscat eò suas superfluitates deriuare. Hoc verò perpetuum esto in gallici morbi curatione. Id verò etiam ut còmodius & exactius fiat, singulis diebus aliqua potio ventri vacuo est propinanda, quæ in primis infrigidet, & detergendis & secandis succis corpus fluidum reddat, imo & bonam aluum faciat. Parantur hæc ex decoctis passularum, mixariorum, *subi, cicerbita, & similibus.* Quibus decoctis si addatur vel *syrupus acetosus, vel oxyria chara, vel de acetositate citri,* præter hoc, quod bonam aluum faciemus, sistemus humorum fluxiones, & humores dominio naturæ subijciemus. & obstructa aperiemus, & quicquid reliqui est calidæ illius intemperaturæ adimemus. Verum si phlegmone transeat in abscessum, quoniã tunc partes phlegmone affectæ ab inuicem diducuntur, & materia subintrat aliena, dolores augentur, neque non & febres, modò præcesserint, si nõ præcesserint, tunc maxima ex parte excitantur. Quæ verò subintrat materia, vel naturam affectæ partis superat vel à natura superatur. Si superat vel retrocedit, & per totum corpus spargitur, ut viscera & reliquas corporis partes malo hoc genere morbi inquinat, vitietque, & tunc primum humeris ingens pondus imponitur, ut plumbi magna moles sibi incumbere videatur, dehinc paulo post dolores iugula & summos humeros inuadunt, qui vix paululum interdum remittuntur, noctu inualescunt, dehinc consequenter incipiunt fauces rubere, incalescere, dolitare, deglutio læssiri, vox rauescere. Sed hic non est locus in quo de morbi communicatione sit agendum: Ad phlegmones igitur abscessus reuertamur. Dicebamus abscessus materiam, contra naturam victoriam obtinere, vel à natura superari: obtinere victoriam, quando vel retrocedit, & toti corpori communicatur, vel naturam affectæ partis corrumpit, & emortuam & sensibus carentem reddit; hoc erat quod nobis supplendum fuit. Gangrænâ hunc affectum vocant, quem nos quidem quoniam raro in gallico morbo fieri accidit, silentio præterire decreuimus. Sin natura materiam superat, vel prorsus exactè, vel non exactè, quidem, si exactè illam quidem fundit, dissipat, discurtit, in aerem ambientem vertit; nec amplius gallici morbi ti-

*Potio Venti
Vacuo propi-
nanda.*

*Si phlegmo-
ne in absces-
sum transit
quid facien-
dum.*

*Si materia
subintrans
partem affe-
ctâ superat,
quid agen-
dum.*

*Abscessus
materiaquâ
do naturam
superet.*

Si non exacte illam superat, in pus vertit. mor est reliquus: sin non exacte, illam ad semimalam materiam mutat, scilicet in pus: Tuncque pro victoriæ ratione mitescit dolor, durities remollitur, tenitencia, rubor, & calor remittuntur, omnia fiunt leuiora. Cum verò pus iam genitum est, cessat dolor omnis, & iam tempus instat, aperiendi, nisi spontè erosa cure, foras pus erumpat, prodeatque. Si igitur sponte non erumpit, scalpro aperiatur sanguis prodire sinatur pro virium ratione, dehinc cohibetur oui candido Pus verò si album sit, leue, & æquale nihil

Pus si album sit nihil amplius timendum.

est quod timeamus, neque gallicum morbum quidem, modò probè & vt decet expurgerur, id quod fiet, si pro modo sordis detergatur, siccetur pro modo puris, verum inter siccandum ratio habeatur non temperaturæ solum languentis, verum & ætatis, & sexus, & qualitatis aeris ambientis, imo & temperaturæ affectæ partis. Nam non solum qui per naturalem, vel acquisitam ex consuetudine viuendi temperatutam, & qui per ætatem & sexum sunt sicci, sicciores egent medendi ratione, quam qui humidi: Imo etiam ij quorum pars affecta per naturam sicca est, adhuc multo magis medicamentorum vi egent sicciores, quam ij quorum pars affecta humida est per naturam. Atque in detergendo sensus acuitas, vel hebetudo particulæ laborantis, operi modum definiunt, ac præscribunt, siquidem quæ acutiore est sensu, opus detergentia mitiora, quæ hebetiore fortiora. Sed neque

Vlcus cauum alimento eget.

Alimentum si sumè calidum sit quid oportet.

Si humidum.

Si siccum.

in caui vlcis curatione victus ratio contemnenda: eget enim cauum vlcus alimento, quod qualitate & quantitate modum seruet, siquidem alimentum, quod per qualitatem à modo aberrat, si immodice calidum est, sordes & saniem acres reddit, si immodicè frigidum, vlcus impallescit, aut liuè, nigricatue, alimentum non probe concoquit, in sui substantiam non immutat, sin humidum nimis, vlcus & humescit & sordescit, sin siccum nimis, etiam vlcus ipsum siccescit, & priuatur alimento, quo deficiente labra fiunt gracilia lori instar, dehinc pallida liuidaue. Verum si alimentum per quantitatem à modo deficiat: si sit nimis multum, vlcus fit excrementosum: sin paucum nimis squallet & priuatur alimento. Tamet si verò alimentum vtraque ratione optimum in cauum vlcus deferatur, nihilominus, nec quod deest

Si nimis multum quid efficias.
Si paucum.

deest carnis aggenerabitur, neque vlcus æquabitur, nisi cuiusq; ex subiectis vlceri particulis sua insit temperies naturalis, ipsa enim est quæ alimentum ad sese trahit, tractum tamdiu retinet quoad immuret, & suo subiecto assimilet, vniatque. Quamobrem si qua particula sit immo- dice frigida, quoad latis est, calefiat: si calida, refrigeretur: si sicca, humefiat, si humida, siccetur: pariterque si calida & sicca, frigeat & humectetur sicque de alijs compositis ad proportionem, habito semper respectu ad temperamen- tum suæ ipsius sanitatis. Quod si præterijt, nunc ipsum quærere non est opus, sed quod adest, seruari debet. Ve- tum quoniam in curatione caui vlceris, siccantium & de- tergentium fecimus mentionem, multa autem sunt eius- modi: non alienum fuerit horum aliqua ad memoriam reuocare. Siccant igitur sine morfu in simplicibus oleis *fex*, *Siccantia.*
oleum dulce sine sale lotum: fermentum, quod præterea ex imis trahit, digeritque: *cerasi, gummi, cyperi radix, sapa myrrha, sarcocolla, stibium, tragacanthum, terra omnis ma-*
ximè si sit lota cadmia, stutia multoties lota, calx lota, &
oui tum album tum luteum, imo & *radix bryonia & aspho-*
delli, magis vero & *ipsis eius*, adhuc verò & *omnia metalli-*
ca & lapidea & terrena. In his omnibus siquid est quod per acredinem sit suspectum, id toties aqua omnis qua- litatis expette lauetur, quoad acredinem, quam gustu deprehendere poteris, amiserit. Detergunt autem *testa* *Detergentia*
quoruncumque animalium testa intestorum, mel radix
bryonia, aristolochia, asphodelli radix, succus absynthij, sta-
phus agria, elleborus & terque, marrubium, propolis, Masti-
che, terebinthina, sagapenum, cucumeris agrestis radix, be-
ta, terra china & samia, exustum cornu cetuinum & capri-
num, & quicquid inuenire possis vel nitrosum vel ama-
rum. Vlcerum vero sordem sine morfu purgat, quic- *Sine morfu*
quid dulce est & tenues partes habet velut eruum horde- *purgantia.*
umque & suba. Tu ex his & alijs similibus, sumptis indi-
 cationibus ex naturalibus, non naturalibus, & ex his quæ sunt præter naturam poteris tibi ipsi composita medica-
 menta comparare, quæ naturæ caua vlcera implenti & æ-
 quanti per hæc binas facultates opem ferent: Nec te qui-
 dem huic certissimæ rationi & stabili fulcro nitentē fallēt.
 Verum deinceps medicamenti compositi vim & potētiam

*Medicame-
 torum vis ex
 sensu agri
 cognoscitur:
 & quomodo.*

exlanguentis sensu poteris coniectari. Nam si appositum ulceri adeo momorderit, ut agrotus ipse se vim ipsius sustinere non posse affirmet, certus fies nimium deterfisse. Quod si vim ipsius non senserit, non satis deterfisse coniectator. Siccâdi autem vim & modum & ex quâritate puris elicies, & ex naturali tēperatura corporis vniuersi & affectę partis, præterea ex ætate sexu ambientis qualitate, &c.

Iam verò ad erysipelas descendamus. Si igitur calida illa intemperatura, quam initium & veluti carcerem esse diximus, vnde hic gallicus morbus promouetur, erysipelas euocarit, siue in pudendis siue in inguinibus siue in pube, (ad hæc enim loca fluxiones primo immitti solent :) siue parum sit erysipelas, siue phlegmonem secum ad iunctam habent, omnino eadem fere methodo curari debet, qua phlegmonem curari dicebamus, scilicet ut fluxionem quidem ita inhibeamus, ut si fieri possit nihil ad superiora, id est ad viscera repellatur. Mittatur igitur sanguis ab infernis venis, fricentur crura à fœmoribus ad extremos pedes, supra poplites & malleoles, vinciantur affectus locus lauetur sæpe ac foueatur posca admodum diluta, & tepenti, dehinc leuiter detergatur, consequenter vero iterum ac frequenter ex *unguento rosaceo Galeni altu frigidò* foueatur, modus apponendi fuerit, quoad ex refrigeratione senserit leuamenrum. Quod si calida illa intemperatura flauam bilem acciuerit crassam feruidamque, & inflammatio in iam dictis locis vel in eorum aliquo sit oborta, hæc non cutem solum exest, verum etiam aliquid subiectę carnis quam herpetem vocant exedentem. Hanc igitur curare aggrediamur: influxio, quam fieri potest trahatur in infernas partes, nihil in supernas refluere permittatur, de partibus inflamatis nihil repellatur quoniam igitur magnus morbus est & adhuc maiorem fore suspicamur, aperiatur ex inferioribus venis aliqua, sanguis dematur pro ratione virium, ætatis, temperamentī, ambientis aëris, &c. Crura ut dictum est, fricentur, vinciantur: cucurbitulę fœmoribus apponantur. Quoniam vero superius, cum de cura phlegmones agebamus, dictum fuit aliud esse extimulandam leuibis sublutionibus, glandibusque potionibus esse leniendam, corpusque simul esse refrigerandum, & per easdem motus humorum sistendos esse, vias esse ape-

riandas

*Erysipelas
curandi ratio.*

*Herpes exedens
quomodo curetur.*

riendas, & exemplum posuimus alicuius eiuscemodi por-
tionis: necessum nō est vt eadem in curatione reliquarum
inflammationum reperamus: sunt enim hæc omnibus e-
iusmodi inflammationibus cōmunia. Verum herpes exe- *Herpes exe-*
dens illud etiam cum erysipelate communē habet, quod *dens & erys-*
refrigerari postulat, verum non pariter atque erysipelata *pelas in qui-*
humectari, imo refrigerari quidem & insigniter exsiccari. *bis cōueni-*
Quamobrem non ei conferunt *diluta posca, & vnguentum aut & disse-*
rosaceum & succus lactuca, & intubi, & palustris lenticula, *rant.*
& semper viuis sed statim folia rubi confusa, & canini rubi,
& arnoglossi, dehinc vero & lens addi potest: Interim vero
& farina hordeacea, & mel. At supra locum vlceratim satis
fecerint, quæcunque detergerint, siccantque: superius eo-
rum sylvam amotauius. Tu ex his spectans ad ea quæ i-
bi diximus, poteris tibi ipsi composita comparare. Verum
si per imperitiam medici, vel per ægri intemperantiam pu-
tredo ima petierit, & latius pabularit, tū *globulis illis* vritor,
qui ad Polyidem, vel ad Pasionem, vel ad Musam, vel ad An-
dronem referuntur: illos vero soluito, vel ex *passo* liquefa-
ciens, vel ex *vino albo tenui*, & *subastringente*: semper in
memoria habens temperiem & ægri & affectæ partis, nec
non & reliqua quorum superius fecimus mentionem, ad
quæ videlicet vires medicamentorum temperabis. Fortē
etiam cogeris ignito vti ferramento, id quod nec te deci-
piet quidem, modo id affectæ parti rure possis admo-
uere, *Ignito ferra-*
quod nimirum magna difficultate & locis muliebribus, & *mento, qua-*
palato, & faucibus admo-uetur. Atqui si per ægri timidita- *modo vten-*
tem, vel per loci affecti angustiam & caernositatem eo *dum.*
vti nequeas, vteris *myssi*, & *chalcitide*, vel *sori*, vel *calce*, vel
arsenico, vel *sandaracha*: ea excipito vel *passo*, vel *vino*, vel
mulso, vel *aceto mulso*: vel etiam vti poteris composito illo
medicamento, quod refertur ad Ægyptios: habent enim
& hæc igneam potestatem. Succedit inflammationis quar-
tum genus, quod cutem vrit, circumcirca bullas excitat, *Aliud in-*
tamen subiectas partes non attingit. Hoc genus inflam- *flammatio-*
mationis semel vidimus nos, cum morbo hoc gallico cō- *nis genus.*
misceri. Cum superiore id commune habet, quod refrige- *In quibus cō-*
rari & sicari postulat: at minus quidem quam illud, *ueniat &*
quoniam partes cuti subiectas nisi admodum diu peren- *differat cū*
ner, minime afficit, sed cutem tantum, propterea his *superiore.*

per



per illitiones, quæ ex *Glauco* fiunt, satisfiet id *Memitho* nostri vocant: soluitur ex *aqua*, cui si non satisfecerit, *acetum* addi potest, huic etiam affectui præsumt *plantaginis* & *solanis succus*, quod si temporis diuturnitate subiectas cuti partes inuaserit, tunc confugiendum erit ad curationem herpetis exedentis. Verum quoniam morbi longitudine solet mala huius morbi qualitas, visceribus communicari, iam tunc purgationum ratio habenda venit. Quod enim tarda mali curatione toti fere corpori est impertitum, desinit iam suspectum esse, & nos quidem hætenus purgatoriorum medicamentorum vsum declinauimus, ne fortè per ipsa vitia succi gallici morbi ad viscera traherentur: Nunc verò malo ipsis communicato, abit suspicio, sed de hoc alias: nunc ad phymata id est tumores, illos paruos qui ferè pudenda primum, dehinc reliquas corporis partes, maximè vero frontem & mentum & partem capitis capillatam, neque non & palatum, & fauces obsident descendamus. Hæc dum adhuc tantum pudendas partes male habent, non omisissis reuulsionibus ad infernas partes, de quibus iam semel, & iterum locuti sumus, hisque tenui substantia consent, & in halitum digerant ex cuti, atque curari debent, scilicet foribus, illitionibus, & cataplasmatibus. In eorum classe sunt oleum *vetus*, oleum *cedrinum*, oleum *rosaceum*, *ocsi-pus*, *leonis adeps*, *pardis hyena*, *istum abrotanum*, *sitex*, *brytonia*, *radix*, *aristolochia*, *sicca plantago*, *radix asphodelli*, *radix rubi*, *radix glycyrrizæ*, *amomum*, *asari radix*, *salsæ flos salis nitræ*, *arsenicum* & *sulphur*, *melantheria*, *my-sis*, *sandix*, *sepia testa exusta*, & *exusta lana*: insuper *opobalsamum*, *terebinthina*, & *propolis*, & *gummi*, & *mastiche*, & *euphorbium*, & *fermentum*, multa que alia, quæ longum esset enarrare. Tu verò, ex horum aliquibus fortis, & illitiones, & cataplasmata poteris comparare, modo temperaturæ corporis vniuersi & affectus partis, & ætatis, & sexus, & qualitatis aeris ambientis & naturæ morbi non definas memorari. Verum si aliqua ex his non excutiantur, sed in pus vertantur, fiunt vlcera quædam rotunda, subdura, & prærubra, græci *syca* vocant, nos vero *figus*, hæc malignæ sunt, & insigniter siccati postulant. Prosunt vero medicamenta, quæ ex *alumine scissa* confi-

Eius cura.

Phymata.

*Quibus cu-
rentur phy-
mata qua
pudenda sa-
pi occupant.*

*Ætas, sexus,
aer, morbi
naturæ & to-
tus corporis
temperatura
observanda.
Syca: vel si-
cra.*

conficiuntur, & *are gſto*, & *ſaurocolla*, æquis portionibus
 & duplo horum ex *aris ſquamis*, vbi exacte trita fuerit, ex
aceto & *illita*: quod ſi nimis momorderit, *ſino ſubſtrin-*
gente vice poſcæ, acuitatis enim ſenſus habenda ratio.
 Conferunt & *halecularum exuſta capita*, & *aſſati bulbi*,
 & *cinis aceto mixtus*. Quod ſi ſpargantur per cutem cor-
 poris vniuerſi, vtendum eadem medendi ratione, ſcilicet
 euocatiua, ſed ex alio principio. In priuati membri phy-
 mæ mali vitium ne in viſcera ſerperet, tentabamus euo-
 care, in phymatis totius corporis euocamus, vt operi na-
 turæ opitulemur: ſcriptum eſt enim, *Vndecunque natura*
repiſt, inde ducere oportet per conuenientes regiones. Conue-
 nientiffima autem regio eſt cutis, quæ corpus noſtrum
 ambit, ſuapte enim natura emunctorium eſt corporis vni-
 uerſi. Cutis igitur rarefacienda lenibus frictionibus, ventre
 vacuo, illitionibus euocantibus inungenda, in hypocau-
 ſtis diu ac frequenter, quò abunde ſudet, immorandum,
 cucurbitulæ inibi toti ferè corpori aſſigendæ, & pro vi-
 riũ robore ætate. &c. Scarificanda eſt cutis, dehinc ſapo-
 ne detergenda, tepida abluenda, & cum exitus apparatur,
 linteis tepidis ſiccanda: vlcuſcula poſtremò præſcriptis
 illitionibus, vel ſimilibus facultate, illinenda. Verum
 quoniam diximus, phymata quæ per cutem corporis v-
 niuerſi ſparguntur, pariter atque illa quæ pudendas tan-
 tum partes occupant, per cutem digerenda eſſe, atque ex-
 eutienda, ſed ex diuerſo tamen principio: Siquidem pu-
 dendorum phymata idèò digerenda per cutem eſſe, ne
 eorum materia, ad viſcera retrocedat: hæc vero quo na-
 turæ eo mouenti opitulemur, atque foueamus. Quocir-
 ca Hippocratis authoritatem adduximus, ſcilicet. *Vnde-*
quaque natura repiſt, &c. Quidam obieciſt, neque ineprè
 quidem, inquiens, tantam excrementoſam materiam cor-
 pori ineſſe poſſe vt niſi ſaltem leui purgatorio medicamē-
 to minuatur, vix phymata ipſa niſi admodum longo tem-
 poris ſpatio ſanari poſſe. Subijt ſtatim alius quidam, obij-
 ciens Galeni authoritatem, qui alopeciam (in qua nimi-
 rum ſicut & in hiſce tuberculis, natura mouet à nobiliori-
 bus ad ignobiliores partes humorem vitiatum) curat pur-
 gatione, eadē igitur ratione, inquit, & in phymatis purga-
 re licet. Nos vero hiſce argumētis reſpōdere poſſe arbitra-
 mur

Cutis conue-
nientiffima
regio.

Cutis emun-
ctorium eſt
totius corpa-
ris.

Pudendorũ
phymata cur
digerenda.

Et cur ea
qua per totũ
corpus ſpar-
gantur.

Obiectio,
Alia obie-
ctio.

*Solutio obic-
tionum.*

mur in hunc modum. Natura cum in alopecia & phyma-
tis mouet ad cutem humorem vitiatum, is humor non pa-
riter utrobique est vitiatum, nam in illa vitiatum est per pra-
uam qualitatem manifestam, scilicet per acridinem ero-
dentem, atque exedentem, in his vero per prauam qualita-
tem & occultam & manifestam. Quamobrem primum ca-
sus sunt diuersi. Præterea in vtrisque hisce motibus, ab inter-
nis ad externa natura vel sponte mouet vincēs humorem,
quem mouet, vel non sponte quidem, sed per motum sym-
ptomatis, id est impulsu & vim passa ab humore quē mo-
uet, si sponte quidem mouet, & obrita victoria supra hu-
morem sibi opitulandum est, ac fauendum, & inde ducen-
dus est, quod natura ipsum inclinatur, cum regio sit opportu-
na, neque timere oportet, vel alopecia, vel phymatum in-
crementum, nam vincēte natura humorem, is iam coctus
est, & ad mediocritatem suæ substantiæ, & suæ temperatu-
ræ reductus, iam non amplius mordax est, nec immodice
crassus est, ut sub cute possit retineri, alioqui a natura non
vinceretur, tuto igitur eo tradi potest, cum iam deposita
crassitie sub cute non immoretur, sed vel in sudorem ma-
nifestum, vel in halitum non manifestum digeratur, & in
ambientem dissipetur. Quod si natura non sponte, sed per
motum symptomatis, id est extimulata, & vim passa mo-
uet, id illi euenit, vel per humoris vitiatam qualitatem, vel
eiusdem quantitatem, vel vtriusque ratione. Statue igitur
naturam vtraque ratione extimulari, adhuc enim motum
vis naturæ illata magis apparebit: tunc verò vel ex eo hu-
morum motu suspicio erit alicuius vehementioris morbi,
quam sint phymata ipsa, vel alopecia, puta, vel lepra, vel e-
lephantiasis, vel cancri, vel gangrenæ, & similibus perni-
ciosorum malorum, vel nulla talis est suspicio. Si autem ta-
le aliquod perniciosum immineat, humoris motus non so-
lum remittendus est, & retardandus, verum etiam inhibē-
dus. Quod si dixeris, Undecumque natura repit, inde ducere
Ecce. Dicimus Hippocratis theorema perpetuò verum esse
cum natura sponte mouet, non impulsu, non vim passa, a-
lias nequaquam semper: Medicus enim perpetuo imitator
est naturæ sponte agentis, non extimulatæ neque in furo-
rem actæ. Verum si nihil aliud scilicet expectatur: Si per
quantitatem stimulat, quantitas est demēda siue multis
ad

*Vincente na-
tura humo-
re nihil am-
plius metu-
endum.*

*Quare natu-
ra stimulat
& vim passa
moueat.*

*Medicus per-
petuus imi-
tator est na-
tura sponte
mouentis.
Natura sti-
mulatur vel
Qualitate.*

ad motis cucurbitulis & sacrificatis ipsarum locis, siue ciborum abstinencia, vel ciborum paritate, siue frictionibus, siue externis illitionibus: si per qualitatem, ipsa per contrariam qualitatem est corrigenda. Hoc vero coquere humorem, & ad mediocritatem sui temperamenti & substantiæ reuocare. Quæ ubi feceris, tunc intendito ad naturæ motum, qui si sit ad cutem, tu pariter per cutem euocato. Is enim motus iam est naturæ sponte agentis, nō amplius extimulata, nam humor ad mediocritatem & substantiæ & temperamenti est reuocatus. Sin natura coctum humorem quiescere sinat, tu moue ipsum, si natura mouere debet, ac non mouet quidem, moue inquam, siue per medicamentum purgatorium, scilicet si purgandus humor aluo sit vicinior, & viæ ad ipsam aluum sint paratæ id quod est corpus fluidum esse, vt dicebat Hippocrates: siue per vomitorium, si in ventriculo fluuiter, atque innatet: siue per medicamentum quod vrinam cieat, scilicet si humor sit supra iecur, ac non admodum sit multus. Subscribunt hæc doctrinæ magni Hippocratis, neque Galeno vel tantillum aduersantur.

Vel quantitate.

Motus ad cutem, natura est sponte agentis.

Nunc vero ad binas alias inflammationes, quæ ex genere sunt carbonum, diuertamus. Hæc eisdem fere indicationibus curationem expostulant, quibus & exedens herpes, scilicet vt vlcus qua parte est crustosum, vehementibus siccet medicamentis, at tanto mitioribus quidem, quādo minus ima petit, ac depascit. Verum per ambitum crustosæ partis apponantur quæ refrigerent, siccentque. Globuli igitur & Andronis, & Pasionis, & Polyidæ soluantur, non ex passō quidem neque ex vino neque ex posca, sed ex aqua vel ex succis, siue fereos, siue plantaginis, siue solani. In ambitu autem vel eadem herba contusa apponantur vel eandem succi, vel etiam cataplasma, ex crui farina, & aceto misco. Verum cum absoluerimus curationes omnium solutionum continuitatis, quæ contingere solent in hoc morbi genere, nunc curationem instituamus vnitæ solutionis. Dixeramur superius, aliquando in hoc morbo euenire, vt per vlcera glandis penis & præputij, ita inuicem coalescant, vt nullo pacto diuelli queant, & eo maximè si tumet penis. Quamobrem primum particulam tepidis, quò cum or remittatur, foueri oportet: dehinc pinguib. ir-

Alia inflammationes ex genere carbonum. Earum cura.

Vnitam solutionem sanandi modum.

b 5 rigari,

rigari vt remittentia subsidat, & vlcuscula de integro sup-
purentur. Interueniente enim pure, vnitæ partes ab inui-
cem separantur. Hic profecto curationis modus, vnitam
solutionem sanat, promouet autem continuitatis, solu-
tionem. Alius vero curandi modus est, vt citra puris gene-
rationem partis præter naturam vnitæ, scalpro separen-
tur. Atqui nihilominus particulam affectam foribus tepi-
dis, irrigationibus, & illitionibus præparare oportet: Id
quod neque citra prouocationē vlcis assequi licet. Nūc
ad Oedema transeundum, Tumorem hunc per binas cau-
sas, à quibus prodit, duplicem esse dicebamus, flatuosum,
alterum pituitosum. Ille in his qui ex aqua inter cutem
male habent, vel in rabe vel in alio malo, habitu in cruri-
bus & pedibus oriri solet, potiusque symptoma, quam
morbus debet appellari. Quamobrem de ipso agendum
nunc non est. Verum Oedema, quod fluxio pepererit pi-
tuitæ in hunc modum mea sententia curari debet. Pituita
vel concreta est, qualis in vetere oedemate esse solet, vel li-
quida, si concreta, prius liquari debet, dehinc & digeri, &
ficcari & repelli. Liquatur pingui ac leui frictione, & tepi-
dis lotionibus, foribusque. Digeritur per ea, quæ calidæ ta-
tem tenuem habent, quale est *linxium*, magis vero etiam
si sulphuris est particeps, digeritur etiam *nova sponsia alli-
gata*. Siccatur & per *nitrum*, & *aphronitrum*, & *alumen*, si
lixivio sint adiecta. Repellitur autem per vincula, si de in-
ferioribus ad superiora, quemadmodum in fracturis de-
ducantur. At si liquida sit pituita, non tanta medicamen-
torum vi opus habet, sed satis erit, *nova sponsia ex aqua li-
xivia*, & *aceto apposita*, & *alligata*: Semper verd mollitu-
dinis & duricie corporum habenda ratio, nam, molliori-
bus mitiora, durioribus vehementiora medicamenta sunt
ex usu. Iam de scirrhis vltimo loco agendum. Duplices hi
sunt sensu præditi, & carentes sensu. Qui sensu carent, ca-
rent & spe sanitatis: Nihil enim cui sanitas inniti ac super
extrui possit, habent. Quis enim marmori vel gypso, spiri-
tum vitale inspiret: de hoc igitur frustra laborandum non
est. Alter vero quia durus est, remollitionem, quia res præ-
ternaturalis est, exsolutionem poscit: remollitionem ex
medullis, & *adipibus* comparabis, in medullis præstantissi-
mis est *ceruina*, dehinc *vitulina*, in adipibus *anserinus*, in
genere

*Alium eam
curandi mo-
dum.*

*Oedema du-
plex flatuo-
sum & pitui-
tosum.*

*Cura oede-
matis pitui-
tosi.*

*Scirrhi du-
plices.*

*Scirrhi sen-
su carentes
sanitate ca-
rent: & cur.
Cura scirrhi
sensu præ-
diti.*

genere volatiliū, in quadrupedum *leoninus*, post hos in volatiliū adipibus *gallinaceus*, in quadrupedum *pardi*, *adeps*: dehinc vero *ursinus* & *thaurinus*. Hic igitur pinguibus, vel horum aliquo scirrhus illinitur, illud vero seligitur quod scirrhus & naturali corporis, vel mollitudini, vel durities idonea proportionē correspondet. Quod si vi maiore uti oportet, aliquid ex malacticis adiicitur, talia autē sunt, quæ sub sole fundi possunt, scilicet *ammocinacum*, *bellium*, *myrrha*, *Opopanax*: Miscentur hæc aduersus scirrhos pinguibus, scilicet olei, adipibus, & medullis, quo simul tumor & remolliatur, & in halitum digeratur. Verum si durities probè sit remollita, possunt ex solo aceto & solui, & illiniri. Atqui si durus tumor nerueam musculi partem, vel articulum aliquem obsideat, tunc maiore vi remollientium, & digerentium uti est opus. Primum igitur tumor ille durus, pingui perfusione præparetur, pingue illud oleum tenue esto, quale est *sabinum*, *vel id in quo viride anethum sit incoctum*, *vel origanum*, *scirpillum*: Dehinc membrum densio linteo opertum, ex ignito lapide *pyrite*, aceto acerrimo, super asperso suffiatur: Interea membrum sese inflectat, erigat, nullum motum non tentet, adhuc enim modum commodè liquefcit tumor, dehinc verò appposito aliquo ex medicamentis, quorum superius fecimus mentionē, discutitur atq; euanescit.

Dicebamus supra, cum de abscessu agebatur, quod si materia abscessui inguinum vel pudendorum ita naturam superet, ut ipsa materia retrocedat, & per corpus spargatur vniuersum, viscera, & reliquæ corporis partes hoc contagio morbi gallici inficiuntur. De hoc igitur inquinamento nunc agendum.

Quamobrem si delitescente abscessu scapulæ ingrauescant, si iugula & summi humeri, dolent, ingruit suspicio non contemnenda gallicum morbum iam totum corpus occupasse. Quod si præterea fauces rubeant, tumeantque, iam nō suspicio solū instat, sed certa fides, certus euentus rei. Grauitas igitur scapularū, q̄ ex genere est lassitudinū, & faucium rubor, & tumor, & iugulorū dolor, corpus excrementosum esse ostendūt. Quamob. cōsideranda est præterita viuendi ratio hominis laborātis, in cibis, in potionib. in ocio, in labore, in animi affectibus, in vigiliis, in somno,

in cor-

Ex quibus
presumatur
morbus gal-
licus.
In cura hu-
ius morbi
spectanda
est ratio
viuendi

*Urina.**Temperatura.**Exemplum.**Cura.**Potiones.
Cibi.*

in corporis excrementis, siue præter consuetudinem vel expurgatis, vel retentis, veletiam secundum morem excrementis. Quæ omnia si corpus excrementosum esse ostendunt, spectandæ urinx certissimum quidem indicium eorum excrementorum, quæ intrus sunt in venis. Insuper habenda est ratio temperaturæ præsentis, siue sit naturalis, siue sit acquisita, ætatis, habitus, & qualitatæ aëris ambientis: quæ una cum urinis indicabunt, qualia & quæ sint corporis excrementa, num scilicet ex genere bilis vtriusque, an ex genere pituitæ, item num tenuia, num verò crassa, num etiam glutinosa, an glutinositate carentia. Cruda autem esse nemo est qui ambigat. Non enim morbi promouentur à cocta materia, sed à cruda. Languens per ætatem vi-geat, habitu gracili & hirtio, aër ambiens sit calidus siccusque, tempus verò æstiuum. Urina sit abunde flaua, pauca, tenuis, & acer valde, nihil continens. Ex his liquet materiam esse bilem flauam, calidam, tenuemque & acrem. Hic nimirum omni ratione, id est, per viuendi rationem, & per medicamenta postulat se refrigerari, & humectari. Versetur igitur in aëre frigido humidoque, iram, vigilias, & labores vitet, ac sicut singulis diebus cibum capit, ita & communia excernat excrementa, stercora, lotiaque. Quod verò natura non fecerit, tu potionibus, & his quæ mandipossunt, & sublutionibus, & glandibus extimulato. Cibi frigidi sunt, humidique: panes primum extriticeæ farina bene munda cum modico fermento, modicè cocti, sine fabulis, vescatur frigidis holeribus, ptissana hordeacea cum oleo, aceto, & sale non immodicè. Nam illud quidem, si modum ex-cesserit cibus supernat, & niturulentas eructationes mouet, acetum verò, si immodicum sit, ptissanam aclescere facit, quod vitium sibi ferè est peculiare, sales autem immodici siccant nimis nimisque astringunt. Vescatur & saxatilibus piscibus, qui ex infirmo aceto vel ex sua acerbo succo condi-antur. Bellaria sunt lactuca, cauli, capita papaueri albi in-tribi, sem. melonum & coriandrorum & cucurbita, & melo-nès, omnia ex candidissimo saccare condito. Vinum album esto, tenue, & aquosum, minimè vetus. Nunc verò ad medi-camenta descendamus. In medicamentis ea refrigerant, & humectant, de quibus supra cum pudendorum & ingui-num phlegmones curationem tractabamus. Eadem quia

etiam

etiam bonam aluum faciebant, hinc nostro negotio in- *Medicamen*
 feruient, conferentque. Idonea etiam erunt, quæ ex *rosis*, *ta*
 quæque ex *violis*, & *saccare* apparantur. Imo & illa *confectio*
 quam diarodon Græci vocant, nec non ea quæ à *tribus*
sandalis nomen est adepta. Interim verò, dum per hanc
 vindendi formam, & per hæc & eis similia corpus & hu-
 mores immutatur, *vrinæ* spectentur, diebus singulis. Quæ *Vrina singu-*
 cum prius esset admodum *flauæ*, & *tenuis*, & valde *acres*, *lis diebus*
 nihilque in sese haberent, & paucæ essent, nunc maiore *spectanda.*
 copia mingantur cum substantia nonnihilc assiore, mi-
 nus acri, colore hebitiore, cum quadam tenui nubecula
 inæquali, & rubra. Hæc ubi primum apparent, indicia sunt
 obscuræ cuiusdam coctionis. Tu nihilominus prædicto-
 rum medicamentorum vel similium vsum non desere, sed
 numero dierum & syruporum spreto, *vrinas*, quæ tibi tan-
 dem exactam excrementorum coctionem ostendent, ob-
 seruato. Hæ autem, ubi mediocritatem fuerint assequutæ
 in substantia, in quantitate, & colore, & nubecula, quæ a-
 lias rubra erat, & inæqualis, & tenuis nunc modice crassa
 apparet, albaque, & lenis, & æqualis: spectato, quo natura
 tentans excrementorum purgationem, ea ipsa excremen-
 ta inclinât, num scilicet ad vesicam, num ad os ventriculi
 vomitum factura, num vero ad aluum, num ad cutem, vel
 pustulas, (id quid tamen vix accidere posse crediderim, si
 assatim cocta sunt excrementa) vel sudores euocatura.
 Quicquid autem horum tentet, tu eius operi inseruito, &
 opitulator. Nam *Vndecunque natura ripit &c.* Si igitur mo-
 ueat ad vesicam, medicamentis quæ *vrinam* ciant admi-
 sceto, scilicet vel *velerisimum*, vel *asarum*. vel *calamum a-*
romaticum, vel *origanum*, vel *thymum*, vel *pulegium*, vel
thymbram, vel aliud ex consimilibus protestate: Sin ad os
 ventriculi, fauces vel *digitis* vel *penna oleo madente stimu-*
 lato, sit vero vel *nardinum* vel *cyprinum*, vel *irinum*: verum,
 si ad cutem: tu ipsam rarefacientibus, & detergentibus
 præparato, rarefacies leuibus frictionibus ex pingui ali-
 quo, quod tenue sit, quale est, *oleum sabinum*, *chamameli-*
num, & *anthinum* quibus semel addideris, simul & rarefa-
 cies, & detergebis: adhuc vero magis, si addideris *There-*
binthinam, vel *oleum abiegnum*. Quod si adhuc vehemen-
 tius detergere & euocare volueris, cum opportunis pulueri-
 bus

Semper na-
tura motui
opitulandi.
Et quomodo.

*Sulphur
vires.*

bus perfricato. Tales sunt *ostrearū & buccinarum & purpurarū testa, in tenuem pollinē redacta. Sulphur* vero hac facultate, ita excellit, vt cum *vetere oleo, vel melle, vel terebinthina* scabies & lepras, & lichenas non infrequenter sanet eiuscemodi enim affectus abstergit, materiarum autem ipsarum nihil pellit in ima corporis, id quod ex eiusce generis medicamentis non pauca facere consuevere. Eadem pollent potestate *soles & sti, & nitrum, & aphronitrum, & spuma nitri.* Atqui *alcyonia omnia* detergunt & excutunt quidem, asperitatem enim omnia in se habent. Verum illud quod *asperum* nuncupatur, lene quidem est in superficie, asperum tamen est intus, calidissimum vero est omnium, vt etiam exurere pilos queat, quocirca aliis mitioribus vtimur aduersus lepras & vitiligines, & scabies, & lichenas, sed *asperum alcyonium* cutem non solum detergit, verum etiam abradit, vlceratque, *milesium* vero *alcyonium*, quod verubus persimile est figura, & colore rubens,

Alcyonia.

*Alcyonium
milesium.*

molle est consistentia, & omnium est tenuissimum, quocirca ipso vsto, cum pingui aliquo, ad cutem detergendam, & superfluitates euocandas vti possumus magna securitate. Tu verò pro quantitate & modo substantiæ humoris euocandi, mitioribus & vehementioribus vtipotes. Verum interim, dum cutis apparatus, potionibus & medicamentis quæ manduntur, aliqua sunt admiscenda ex his, quæ sudores mouent: cuiusmodi sunt *cyminum, anisum, serpyllum polium, sisymbrium, cistus, dictamnium & quacumque alia impetu sui caloris ad cutem pellunt.* Quod si natura ad aluum mouet, tu medicamentis purgatoriis quæ bilem flauam purgent, opitulator. Sunt verò ex simplicibus, *coma absynthij* cuius decoctum & infusum dantur *ab vncijs quinque ad octo*, pulueris ipsius à *drachmis duabus ad tres*, succi à *drachmis tribus ad quatuor*. Item *rosa* quorum succus cum saccare ab *vncia vna & sique ad duas* propinatur, *syrupus* autem factus cum succo cum *vncijs duabus & sique ad quinque*. Item & *viola*, quarum decoctam & infusum datur *ab vncijs quatuor ad octo*, succus vero *ab vncia vna, & sique ad duas* syrups autem *ab vncijs duabus & sique ad quatuor*, conditum verò *ab vncia vna & semisse & sique ad tres*. Manna præterea quæ datur à *drachmis sex & sique ad quindecim*, adhuc verò & *Myropalati lutei*, qui triti dentur à *drachmis duabus*

*Simplicia
qua bilem
flauam pur-
gant quæ
sint.*

luabus & ſque ad quinque, eorum verò infuſum à drachmis quinque & ſque ad viginti: Sunt prætera & *Tamarinds* qui ſtantur ab ſunciis duabus & ſque ad quinque: *Quin* & *lactis erum*, quod ab ſunciis ſex ad libram propinatus. Hæc verò exiguam vim habent, maiorem *Rebarbaricum* cuius infuſum datur à drachmis duabus, & ſemiſſe & ſque ad decem, cuius verò contuſum, à drachma una & ſque ad quatuor, Adhuc verò maiorem *Scammonium*, quod à granis quinque & ſque ad duodecim dari poteſt. Incompoſitis electuarium le pſſilio, *Electuarium Roſarum Meſues*, *Electuarium Diadonitem*, Infuſio roſarum, quam *Syrupum roſarum ſolutivum* vocant, & *Electuarium ſucci roſarum Nicolai*. Habita gitor ratione temperaturæ, & ætatis, & habitus, & motum hominis laborantis, inſuper & aëris ambientis, & temporis anni, & ſtatus cœli, nec non humorum quantitatis, adhuc verò & loci de quo ſunt trahendi tibi medicamenta ſiue ſimplicia, ſiue compoſita ſeligito. Verum ſi exuerat pituita, cruda eſt illa quidem in morbi initio, ſicut le ſtauable dicebamus. Eſt igitur vel aquoſa nimis ſeri
 nſtar vel cauſa, vel etiam glutinoſa, illa calcſieri poſtu
 at, quo inter calcſaciendum, reſoluta aquea ſui parte, reſi
 lium ad ſubſtantię medioeritatem reducat: Hæc non
 aleſieri ſolum, verum & detergi, & ſecari, diuidique. Ca
 efaciunt ſicut de refrigerantib. dicebamus, & opportuna
 iuendi ratio, & medicamenta, ſiue manſa, ſiue epota, ſiue
 ppoſita. Statuamus igitur mulierem adoleſcentulam co
 ore candidam, pinguem, tactu mollem, glabram, ocio
 ndulgentem media hyeme & eodem frigido, evaneſcen
 e abſceſſu, vel pudédorum vel inguinum ſenſiſſe in ſcapu
 is grauitatem, ſummis humeris & iugulis indoluiffe, vix
 que præ timore faucium deglutire, & iam cœpiſſe rauo
 cere, quis ultro hanc morbo gallico inquinatam, eſſe du
 titabit? nemo quidẽ. His ſignis apparentib. ego ſanẽ ipſam
 & morbo gallico inquinatam, præterea per ſexum, per æ
 atem, colorem, pinguitudinẽ, tactus mollitiem, cutis le
 nitatẽ, demũ per ociũ, cui indulſit, & excrementoſam eſſe
 oieſtabor. Quod ſi præterea meietit aquoſum, tenue ni
 il in ſeſe, vel ſedimẽti, vel ſuſpẽſi, vel nubeculę cõtinent,
 à nõ ſolũ & morb. gall. inquinatã, & excrementoſam eſſe,
 ſed

*Pituita vel
 aquoſa vel
 craſſa vel
 glutinoſa.*

Exemplum.

sed etiam oculata fide credidero, in ea serosam exuperare pituitam. Siñ vrina alba sit & crassa, & contineat vel nubeculam, vel rem suspensam crassam obsecutam, vix solubilem, opinabor pituitam crassam, & viscidam exuperare, ambæ quia crudæ sunt coctionem indicant: illa per viam calefaciendi facultatem, hæc per hanc ipsam & per facultatem detergendi, scilicet, per ea quæ suapte natura caliditatem acedini associatam habuerit. In ratione victus, sexus, temperatura & mores non calefacientium, sed frigidorum usum indicant. In morbis enim quæ consueta sunt, qualia sunt seruari postulant, vt quæ sunt per naturam, seruantur autem omnia per sui similia, sicut per sui contraria submoüentur. Quamobrem cum hæc languens per sexum & temperaturam, & mores frigida sit, refrigerationem exposuit, at per humorem exuberantem id est per pituitam, & per ætatē, & per qualitatem aëris ambientis, & per anni tempus, & cæli statum se insigni calefieri indicabit. Spectet igitur victus ratio ad calidum, sed tanto minus, quanto eadem indicatio sexui, temperamento naturali, & moribus languentis aduersatur. Cum igitur paria sint numero, quæ in victus ratione refrigerationem cum his, quæ calefactionem indicant, mediocritas inter calefaciendum & frigefaciendum venit. Quamobrem omnia ad mediocritatem spectent, domus, in qua habitat, cibi, & potus, exercitia, somni, animi affectus, nec non & quæ consueta sunt, singulis diebus ex purgari, scilicet stercore, vrinæ, & quæcunque per cutem digeruntur, adhuc enim scopum intentus, omnia facile per teipsum poteris reperire. Paritet verò & medicamenta attemperatam caliditatem spectent, videlicet quæ sorbentur, quæ deuorantur, & quæ exterius apponuntur. Nunc vero modicam caliditatem habent, *Sitica semen & folia, anagallides & tragacanthæ fructus, Eryngium, cicerbita sicca, & iuncus odoratus, vulgo squinanthum vocant.* Potus horum aliqua & alia similibus facultatis ex aqua coquere, siccat decocto addere, adhuc verò & passulas & mixaria, vt simul cum moderata calefactione alius leniatur, & id languenti mulieri propinare potes item potionem moderatæ caliditatis ex simplicibus contrariarum facultatum, scilicet, calidarum & frigi-

*Omnia suis
similibus ser-
uantur, re-
moüentur
contrariis.*

*Cura mulie-
ris suprapro-
posita.*

*Omnia ad
mediocritatem
in hac
cura specta-
re debent.*

*Quæ modi-
cam habent
caliditatem.*

*Potus mulie-
ris morbo hoc
laboranti
propinan-
dus.*

rigidarum conficere, cui si aliqua, addideris quæ bonam
 luum faciant, sicut *passulas, glycyrrhizam, & palmulas*,
 nihil ulterius in huiusmodi excrementoso affectu poteris
 efiderare. Hac methodo Ioa. Mesuè suū *syrupum*, quem
cetosum diarodon appellauit, & *syrupum de hissopo* compo-
 nit, qui in hoc genere excrementorum sunt, per oportuni
 d quorum exemplum poteris alios tibi comparare. In his
 erò quæ mandī possunt, ex vsu essent *conserua boraginis*,
 & *biglossi*, item *mielrosatum cum foliis* Nostro autem pro-
 osito conueniret *confectionem*, quæ à rosīs *Diarodon* ap-
 ellatur, cum *pāri portione aromatici rosatici*, commiscere.
 Hæc enim iuuare possunt crudæ pituitæ coctionem, nec
 ossunt immodicum calorem excitare. Viscera verò quo-
 um vires necessariae sunt succis concoquendis, hoc est vē-
 iculus & iecur, cum moderatè calidis, modicèque astrin-
 entibus, foueri possunt, hoc est cum *absynthij coma*, & *sicc-*
amenta æquis portionibus addita amborum quantitate
rosis siccis. Hæc super tēgula subignita, calefiant, atque
 iterim aspergantur *vino tenui, odoro*, & *moderatè astrin-*
ente, & illis ipsis visceribus apponantur. Interea dum hæc
 guntur numerum dierum quibus illis medicamentis v-
 is fueris, minimè computato, id quod faciunt plerique
 ostrates Medici, & nihilominus apud vulgus sunt illu-
 res, sed vrinas per singulos dies contemplator, quæ vbi
 undem mediocritatem habuerint, prout decet, in exu-
 erantia pituitæ, scilicet in motu substantiæ, & in colore
 in his quo continentur, purgationis quidem iam in-
 at tēpus. Quamobrem obseruatō quo natura hunc
 ituitosum succum expurgatura dirigat, atque inclinet,
 ilicet, vt de bile flaua dicebamus: num ad os ventriculi,
 um ad aluum, num ad vesicam, num verò ad cutem, &
 d quæcunque harum partium mouerit, ipsam iuuato,
 : superius didicisti. Nunc igitur de vomitu, de cute præ-
 aranda, & sudoribus euocandis, deque cienda vrina, ni-
 il differemus, cum superius de his satis abunde dixerimus.
 erum purgationem per aluum non licet silentio præte-
 re, quoniam pro ratione purgandi humoris opus est me-
 dicamenta seligere. Purgant enim hæc bilem flauam hæc
 ituitam tantum, hæc verò melancholiā. nec desunt quæ
 ina humorum genera, quæc omnia simul purgent. Tra-
 hunt

Purgantia.

*Qua medi-
camenta
simplicia pi-
tuitam faci-
liter tra-
hant.*

*Qua maiore
vi trahant.*

hunt enim pituitam in *myrrhopalams, Cepuli*, qui triti dantur à *drachmis 2 ad 4.* eorum verò infusum à *4. drachmis* & *sque ad 10.* item *Emblisi*, & pariter *Bellirici*, qui triti exhibentur à *drachma 1. ad 3.* infusum verò eorum à *drachmis 3. ad 6.* Adhuc *Hysopus hortensis & montanus*, quorum decoctum datur à *drachmis 5. ad 10.* pulvis à *2 drachm. ad 4.* & hæc quidem facilliter. Maiore autem vi *Turbith*, is enim in puluerem redactus datur à *drachm. 1. ad 2.* eius verò decoctum à *drachm. 2. ad 4.* Præterea & *Agaricus*, cuius pulvis dari potest *drach 1. ad 2.* decoctio à *drachm. 2. ad 5.* Adhuc verò multo maiore vi purgat, *Agrestis cucurbita*, quam græci colocontida appellant, cuius substantia datur à *carattis 6. & sive ad 10.* floris verò ipsius à *drachm. 1. ad 2.* Modus verò reliquorum dicetur paulo inferiorius, cum de purgatione agemus humorum diuersorum. Præterea & *Tithymalus & Elætherium, & granis, Gnidium, & Cartamisemen.* Hæc de medicamentis simplicibus, quæ ducunt pituitam.

*Picra Gale-
ni, & eius
vires.*

*Hiera Her-
metis.*

In compositis *Picra* Galeni simplicior primas habet, quia cum facilitate, trahit pituitam, & humiditates crudas in visceribus attenuat, & detergit, & concoquit, imo & resolvit, flatum item discutit, & viscerum robur augeat. Atqui purgat vehementius eundem humorem, *Hiera Hermæti* & *Archigenis* insuper & medicamentum ex *Palmulis*, diaphoinicon vocant. Potesiam per teiplum siue simplicibus purgatoriis pituitæ uti, siue ex eisdem composita comparate, siue uti compositis aliorum, modò indicationes sumas cum ab humoris purgandi modo & substantia, tum à loco in quo residet, tum verò à viribus & temperamento, & habitu, & ætate hominis laborantis item à regione & aëris qualitate anni tempore &c. Eadem verò tibi etiam modum medicamenti porrigendi, & temporis occasionem indicabunt. Verum affectus etiam hominis purgandi in purgationibus ipsis iuris nonnihil habet. Aliqui enim ita affecti sunt, ut purgatoriam potionem sorbere nequeant, pilulas autem facile possint deglutire, ut etiam crassiores bolos: aliqui neque illud, neque hoc faciunt, sed solidiora saccare operta mandant deuorantque. Tu ergo taliter affectorum habeto rationem, & pro ipsorum affectu medicamenta componito, ac supped tato

*Diuersim
sumendis
medicamen-
tis hominū
mores.*

Tem.

Tempus verò iam est vt de exuberante melancholia differamus. Languēs igitur iuuenis esto benè habitus, colore per naturam flauus, modice hirtus, venas habero latas: arteriarum pulsus per sanitatem magnos & fortes, modice celeres, & frequentes, non, molles, non etiam duros: nunc verò paruos, infirmos, segnesque & raros, imo etiam iam non nihil duros, sit nunc præter consuetudinem aluo astricta, sicca admodum deiiciat, nidorulenta, & nigra, mingat tenuia, pellucida, acria, nihil in se habentia vel sedimenti, vel suspensi, vel nubis. Hic inquam medio vere, & eodem temperato, ex delitescente inguinum vel pudendorum abscessu grauitatem in scapulis iam aliquandiu sentire cœperit, indoluerit summis humeris, iugulis, & sincipite, tumores duri sincipit occuparint, hi ita inhæreant vt caluariæ impacti esse videantur. Nos ex delitescencia inguinum, & scapularum, grauitate, ex dolore in summis humeris, & iugulis, & sincipite, & ex tumoribus duris caluariæ hærentibus, ac fere impactis hominem opinabimur gallico morbo laborare. Verum ex hominis ætate, & habitu, & colore naturali, & temporis anni temperie adhæc ex pilorū mediocritate, venarū amplitudine pulsuum naturalium bonitate, præsentium verò paruitate, duritie ac segnitie: opinabimur non solum, gallico morbo laborare, sed etiam admodum & periculoso & sæuo. In morbis enim magis periclitantur quicunque naturæ, ætati, &c. Atque ex alio præter modum astricta, ex stercoreibus siccis, tetris, ac nidorulentis. Item ex vrinarum tenuitate, perspicuitate, & contentorum caritate, non dubitamus melancholiam exuberare, & eandem per vstionem à sui generis mediocritate recessisse. Ad mediocritatem igitur per sui contraria reduci debet, dehinc purgari. Contraria sunt humiditas & frigiditas moderatæ, dicimus moderatæ, quoniam his lauguens per naturalem temperaturam, ætatem, perque corporis habitum naturalem, nulla eget mutatione, sed sui tutela tantum, sed per humorem vstum, quo immodicè est refertus, postulat & frigefieri, & humectari: tantum scilicet, quantum a mediocritate bilis succus hic declinauit. Hæc verò & per viuendi rationem, & per medicamenta quæri debent. Verum quoniam de his in ea per se, in

*Mediocritas
si qua con-
traria.*

qua de curatione calidæ præternaturalis intemperaturæ, & in curatione, siue præseruatione, quæ fit per purgationem bilis flauæ, satis loquuti sumus: nunc opus non est, vt de victus ratione vel de medicamentis, quæ bilem vstam ad bilis mediocritatem reuocant, disseramus, illud tantum debemus obseruare, vt tanto frigidioribus & humidioribus.

Quando bilis ista flaua calidior & sicciior est, tanto frigidioribus & humidioribus utendū.

victu & medicamentis vtamur quando bilis vsta, flaua bile, calidior est sicciiorque. Vrinæ vecò sæpissimè contemplandæ. Hæ vbi mediocritatem prout licet in atræ bilis excessu adeptæ fuerint, in colore, in modo substantiæ, & in contentis: tunc statim purgationis ratio ineunda, & sedulo obseruanda naturæ inclinatio ac propensio. Verum si natura succū hunc, siue ad cutem, siue ad vesicā dirigat, quomodo sibi sit opitulandum, superius, quantum negotio expediebat, dictum fuit, non opus nunc est vt eadem vel similia repetamus. Atqui si succium hunc ad os ventriculi moueat, id est, si vomitionem accendet tamen si dixerimus quomodo vomitio sit proritanda, nihilominus huic tanto affectui, & naturæ hominis admodum contumaci, nostra quidem sententia satisfactum non est: Extremis enim morbis, extrema remedia sunt ex vsu. Quo circa ad *Elleborum* refugiendum esse arbitramur, potest enim *Elleborus* corpora permutare, temperaturam corrigere, & eandem iuniorem, & fortiolem reddere. Verum non omnia hominum corpora medicationem per *Elleborum* ferre possunt: sed viri quidem magis, quam mulieres, & ex his ipsis quidem qui per habitum sunt fortiores, quam obrem qui effæminati sunt, & qui ad modum sunt habitu pingues, vel etiam exiles, quique pectore sunt ex-carni & longo collo, puerique & senes, & qui admodum frigido sunt temperamento, quique benè habent & sanguine abundant, & qui difficulter vomunt, tandem vero & qui animo sunt pusilli, nequeunt citra periculum *Ellebori* vsum ferre. Vtendi verò tempus opportunum ver, dehinc autumuis, incommoda sunt æstas & hyems, nisi magna vrget necessitas. Quocirca vbi vrget necessitas, per *Elleborum* minore noxa curari possunt hyeme, qui admodum calido sunt temperamento, æstate verò senes. Cœli status opportunior iucūdus, serenus calidusq; Temporis occasio in morbis, qui intermittunt est ipsa morbi

Extremis morbis extrema remedia conueniunt. Ellebori vires.

Non omnes Elleborum ferunt.

Tempus quo sumendum Elleborum. Cœli status. Temporis occasio.

intermissio & quies. Vbi vero nulla sit morbi intermissio, quævis temporis occasio admitti potest. Atqui in quartanis, & in destilationibus, ad intestina, ipsummet inuasionis tempus. Verum quoniam in hac ratione medendi, per Elleborum aliquot incommoda solent accidere, scilicet, *Incommoda ex Elleboro sumpto.* vellicationes ventriculi, animi defectus, & conuulsiones aliquib. remediis hoc generi medendi præoccupare est opus pro ventriculi vellicatione, *Vellicatio Ventriculi quibus remouenda.* aquam calidam, & frigidam, prius parare oportet, & hyssopi decoctum, vel mellis, vel ruta, vel pulegij. Pro defectione animi, acetum, poma, panem calidum, vinum tostas auiculas. Pro conuulsione, oleum commune, siccionum, sales, chabnam, castorium, cyprium oleum, vel narcissinum, vel irinum, pennas, sternutatoria variæ cucurbitulas, vehiculum, lepticam cum molli stragulo præterea & clysterem. Atqui optimum Elleborum nosse oportet, quo nostrum opus scilicet sit & faustum nec frustra laboremus, hominem inaniter torqueamus. Festucas igitur admodum habeto multas, pendentes ab radice vna, easdem vero distentas, paruasque. Quæ nec radices quidem habeant, nec in acutum desinant, caudæ muris instar, albus intus candidior, foris pallidior: Niger parte interna candidus, externa niger, plenus sit vterque & carnosus, vterque friabilis, in fractione humidum quiddam emittant non puluerem, qui enim puluerem, edût, sapiunt vetustatem, sit vterque primum inter mandendum dulcis quodammodo, deinde modicè acer postremo feruidus & multam saliuam proliceat, vere velluntur radice adhuc prægnante. Hæc de Ellebori bonitate. Verum quoniam non omnes qui Elleborum sunt sumpturi, ad ipsius purgationem probè sunt comparati, sed aliqui sunt, qui facile quidem vomant, aliqui verò qui difficulter, & istos quidem antequam ad Elleborum ducantur præparare oportet. At duplici ratione præparantur, vna per humectationem, solidarum corporis partium, alia per vomitoria elleboro mitiora. Humectantur solidæ partes dupliciter, scilicet, si pluri cibo, & quiete præoccupent ellebori potionem: Iuxta illud *Quibus agri ad Elleborum sumendum præparatur.* Ad Elleboros qui non facile supra purgantur, &c. Qui igitur difficulter vomunt, & elleborum sunt sumpturi, per aliquot dies orio indulgeant, ne alimenta quibus solide partes humectari debent, per corporis motus liqueſcât,

*Medicamen-
ta quibus
Vomitus pro-
ritatur.*

in halitum digerantur & euanescent. Interim vescantur pluri cibo, & omni medicamentosa qualitate experte, acerbis, acris, saluginosis, denique & amara, deinceps mitioribus medicamentis vomitus proritetur. Sunt igitur medicamenta non acerbis, non sicca, sed vel dulcia potius, vel acris. In his enim primas habent *raphanus, eruca, & Getus salsamentum*: In illis autem *prissana cum melle, carnes pingues, & dulces amigdalæ, & seminaria cucumeris, & pepum melle macerata*. In his verò quæ elixantur, non solum solum sorbere oportet, sed totam ipsam molem & sorberè & manducare, neque in mandenda diutius immorari, adhuc etiam modum minus in ventriculo conficiuntur, & facilius euomuntur. *Vina* sunt *dulcia, & actu tepida*, quæ enim talia sunt, in ventriculo fluitant, & summa petunt. Verum & hoc optimum fuerit vomitu proliciendo, sumito *decocti raphani, & aqua* in qua caricæ fuerint maceratæ, pares portiones, hæc *tepsida* non exigua quantitate potanda porrigito ieiuno homini, ut euocet ante cibum, & ut euomere facilius à cibo possit. Esto verò *raphanus* acris valde, hunc item in tenuia frustra secare potes, deinde integram noctem in *aceto & melle* macerare, postmodum multum ipsius deuorare, & per exigua temporis intervalla non nihil eius *aceti mulsi* super sorbere: deinceps duas horas leniter inambulare, postremo multa *tepidâ aqua* e-pota, *digitis* vel *penna oleo intincta*, vomitum proritare. Vbi vero per hæc ventriculum vomitionibus ac suefeceris, tandem tres dies saltem à *carnibus* abstineto, nec non ab aliis edulis & potibus, quibus gignitur crassus succus. Hæc verò de præparatione ad elleborum. Nunc de differentiis exhibendi agendum. Modus autem simplicior præbendi elleborum, qui apparatus potius ad elleborum dici debet, quam modus ellebori exhibendi est huiusmodi. Sumuntur *raphani, & stimuli arundineis* punguntur, postea *optimi ellebori festucæ* foraminibus illis infiguntur in quibus ubi integram noctem manserint, festucis amotis, *raphanus* infrustra secatur, & ex *aceto mulso* deuorantur, dehinc languens ad duas horas proritet vomitum, siue *digitis* siue *penna*: atque obseruandum est, neque ellebori frustula in raphanos relinquatur, sunt autem ellebori festucæ à *drachmi 2. ad 6.* pro virium languentis ratione, & corporis ap-
para-

*Modi exhibendi Elle-
borum.*

paratu. Superfunt tres alij modi probandi elleborum, sunt enim qui *infusum eius* propinant, sunt qui *decoctum*, sunt vero etiam qui *substantiam ipsam* præbent, & horum aliqui forficibus *sectum*, aliqui vero *contusum*, & *cribratum*. Qui in tenues partes *sectus* porrigitur, cito purgare incipit, ut in summa post horas binas, & citra multam vel icationem purgat utramque bilem, & pituitam, & ipse quidem in spacio quatuor aut quinque horarum, vomitione una cum humoribus expurgatur, finem purgationi imponit. Qui verò *contusus. est cribratus* in tenuem pollinem est verius, tarda admodum opus purgandi inuadit, ut sæpe etiam ultra quatuor vel etiam quinque horas auspiceretur. Ducit & is omne genus bilis & pituitæ, & periculum conuulsionis affert, nec non immodicæ purgationis: ad multo maiore vtilitate purgationem in longum profert. Datur *infusum ellebori* senibus & pueris, his qui fluido sunt habitu, & qui morbo non admodum difficili detinentur. Oportet autem ellebori *drachm. 5. ex aqua pluuialis hemina media* irrigare, sinere per tres dies, dehinc colorare: ubi coalueris, & calefeceris, totum propinare: semper tamen animaduertere, ut modus infusi proportionem respondent viribus ægrotantis, & quantitati, & substantiæ humoris expurgandi. *Decoctum* verò datur & illis & robustioribus quam sint illi, apparatus autem in hunc modum. Sumuntur ellebori optimi *uncia bina aqua pluuialis hemina in ea quinque dies maceretur, dehinc coquitur in mitiorib. prunis ad tertiam aqua partem, postea elleborus inter colandum exprimitur, decocto aqua pars despumati mellis adiscitur, postmodum ad mellis crassitudinem coquitur, datur sorbendum sub magni cochlearis mensura, vel ad summum cochlearium duum, potest & cum aqua calida, & cum alia sorbitione permisceri* Æger verò prius vomitionibus insueuerit, sicut superius dictum fuit, ieiunus sit, præassumptos cibos probè coxerit, alui excrementa siue sponte, siue per infusum clysterem deiecerit, propinatus in hunc modum, neque conuulsionem, neque contractionem, neque immodicam purgationem facit, officitque ut medicus, & languens de ulteriori irritatione meditentur: ut insectum etiam porrigere, hic

*Modus infu-
si Ellebori
quibus re-
spondere de-
beat.*

*Decoctum
Ellebori quo
modo detur.*

*Seetus Elle-
borus & cō-
tusius quo-
modo appa-
ratur & da-
tur.*

sumere non diffidat. *Seetus* autem *elleborus*, & his, qui ma-
iore auxiliorum momento, maioreque superfluitatum
excussione, quam superiores opus habent, fortioribusque
& audacioribus, & his qui facilius vomunt dandus. At *cō-
tusius*, & tenuissimo cribro excussus, adhuc istis ipsis vel au-
dacioribus, vel qui plus eiusce generis medicationi insue-
uere, est porrigendus. *Seetus* apparatus in hunc modū, su-
muntur *festucarum optimi ellebori drachm. bina*, vel ad sum-
mum *bina cum dimidia*, forficibus secantur in *frustula solen-
ni magnitudine*, quod puluerum lentum est, ex linteo excu-
titur, ne languens suffocari pericliteretur, nimis enim effi-
cax, dehinc *fragmenta tenuia detrahantur*, suffocationem
enim & hæc ipsa afferre possunt, *residuum ubi in succum
vel ptissana vel halica coxeris*, edendum porrigito: postmo-
dum ne quid elleborum vel in faucibus, vel in gula relin-
quatur, aliquid *mulsa aqua vel pura* potillato. Ea verò
*pars seeti ellebori, qua substanti. i. habet farina crassioris, ubi in
mortorio contusa fuerit, pondere drachm. vnius & duū o-
bulorum ad summum*, cribata tenuissimo cribro, & parte
eius tenuissima detracta, datur *ex calida* scilicet, quod est
in ipsa solidius pleniusque. Quod vero *tenuē* est, iterum
conrūdinus, & diligenter cribramus, dehinc *ex melle pra-
cocto & solidissimo*, in *pilulas* reformamus, & diglutiendas
propinamus.

Mos verò est antiquorum his quia potione huius me-
dicamenti facile purgantur, *aquam frigidam* sorbendam
dare, dehinc iubere vt olfaciant ad virium consolationem
odorata: Dormiant, vel decumbant, vel statim duabus ho-
ris per quietem orientur, ne citius quam decet medica-
mentum euocetur, post hæc autem moueri debent,

*Vomitum
antecedens.*

Vomituri primò caliditatem excipiunt in ventriculi o-
re, atque in gargareone, ipsis deinde os salua perhume-
scit: postea verò euomunt cibi aliquid & medicamenti, v-
nà cum pituita, posthac pituitam & bilem, atque aliquid
medicamenti, deinceps bilem puram, sæpe verò & venter
subducitur, singultiunt autem leuiter, & si tolerabilior sit
purgatio, & facies perrubescit. Quod si purgatio faciliter
cedit, facies probe coloratur, & singultus cessat. Verum .n
verò si in media purgatione singultiunt, tu vel *ruta deco-
ctū* vel *aquā tepidā* propinato, purgatione expleta, lauato,
cibum

ibum præterea sumito. Quod si purgatio in longum pro-
eratur, *mulfam calidam rusa incocta* sorbendam dato, vel
equam oleo mixtam hydrelæon Græci vocât, dehinc *penna*
leo intincta & *el in primo*, & *el irino* vomitionem proritato,
recumbens in pensili lectica dimouetur. Quod si magna
um perturbatione suffocationis metus instet, *infusionis*
ellebori cyathos tres propinato, quam etiam paratam habe-
e oportet, sua enim qualitate purgationi opitularur. Ve-
um si neque hæc porione suffocationis periculum amo-
etur, *acerrimo clysteri* vacuato. Dato verò & ipsis *chalba-*
es obolos tres, non ad vomitionem excitandam, sed ad pe-
iculum suffocationis amouendum. Interim dum in pen-
ili lectica nullo non tempore dimouetur, & dum penna
omitionem proritare non desinit, *forti sternutatorio* et-
am uti præcipito. Mitescit autem singultus purgatione
ccedente, sicuti dictum fuit. Atqui si adhuc vehemens ef-
perseueret, *sternutatorio* instato, & *cucurbitulis* vititor se-
undum magnas vertebrae transversæ septi. Nam cucurbi-
ulæ immorantes, os ventriculi à singultu contractum, &
uasi obliquatum dirigunt non infrequenter. Præterea
artes extremas corporis vincito, contrectato, & in frigi-
am aquam demittito.

Verum quoniam ex purgatione per elleborum sæpe ac-
idit ut crura & manus contrahantur, sunt hi quidem le-
iendi multa pinguitudine, multa insuper palpatione, fri-
atione & foru non partium extremarum tantum, verum
tiam & musculorum qui sunt in furis. Illinantur igitur
leo dulci, vel *scyonio*, vel aliquo ex medicamentis quæ las-
tudines sedant, acopi Græci appellant. Adiciatur illis
castorium, & potandum porrigatur. Iuuat verò ipsos
alneum inprimis, si ipsius facultas suppetat: sin minus,
olium. Totum igitur corpus, ac præsertim contractæ par-
es *multo oleo dulci* inungantur, aqua esto benè temperata,
t in ea diutius immorari possit, sic enim conuulsiones se-
abuntur. Tunc statim *panem in diluto vino maceratum*
anguenti porrigito, vel *immixto & succo* & *uæ acerba* &
uæ, omphacomeli vocant exhibeto, scilicet si vehemen-
er sit purgatus. Quod si à cibo calorem in ore ventriculi
ersentiscat, omphacomeli *calida aqua temperatum* &
roto potandum porrigito: dehinc vero secundo, si opus

Excitantia

Si crura &
manus con-
trahuntur
quibus re-
mediis ven-
dum.

fuerit, ex aqua frigida temperatum, exinde verò alimenta sunt boni succi: vina verò & tenuia & vetera. Hæc verò de præparatione ellebori, & de modis exhibendi satis sunt: superest nunc ut exponamus, quibus in morbis sit ex usu, quibus verò minime.

Elleboro quibus in morbis utendū.

Elleborus igitur in diuturnis morbis, & vehementibus est ex usu, & his qui ab alijs medicamentis nihil opis susceperunt, scilicet laborantibus aqua inter cutem, elephantice, male habitis, iamdiu resolutis, comitialibus, & melancholicis morbis, & arthriticis, & podagricis. Sed longum esset, omnes morbos, quibus elleborus prodest, enarrare, nec præ copia quis facile id præstare posset. At non minori utilitate morbi, quibus elleborus nocere posset, forent recensendi. In his sunt sanguinis reiectio, spiritus difficultas cum suffocationis metu, suspecta oculorum suffusio, affectus qui ad caput tantum spectant, & horum maximè qui per temporum interstitia cum faciei rubore violentos dolores ferunt, præterea & suffocationes uterinæ, & frequentes animi defectiones, & vasorum distentiones.

Elleborus quibus morbis nocent.

Iam de purgatione bilis atræ per vomitum satis à nobis dictum est, superest modo ut de purgatione per aluū eiusdemodi humoris disseramus. Quamòbrem si natura hunc humorem præcoctum ad aluum dirigat, ipsam iuuare oportet purgatorijs medicamentis, & eisdem opportunis. Sunt verò opportuna quæcunque atram bilem respiciunt, & eius quantitatem, & locum unde promouetur, insuper ægrotantis vires, ætatem, habitus &c. Multa vero sunt cum simplicia tum composita medicamenta, quæ bilem atram purgant. In simplicibus *Myrabalani Indi, Castis serum, Fumaria, siue Fumus teria, Pulegium, Tragoriganum, Parthenium, Alyssonque.* Hæc verò imbecilliora & mitiora. Vehementiora autem *Polypodium*, trahit enim & pituita *Lapis Armenius, folia, & folliculi Sena, sed folia* sunt efficaciora *folliculis*, dicat Ioannes Mesue quicquid velit, experientia contrarium probat. Experientia verò & ipsa docet, quod præter atram bilem trahat secundo pituitam, grauem illam quidem & non nihil acrem, ut inde pondera sentiantur in imo ventre, & excitet tenasum, id est inanem cupiditatem egerendi. Hæc de simplicibus medicamentis quæ atram bilem ducunt. Qua vero arte ex simplicibus pur-

Purgatio bilis atræ per aluum.

Simplicia medicamenta qua bilis atram purgant.

gatorijs

gatorijs medicamentis composita conficiantur, paulo inferius ostendemus, quando de exuberantia diuersorum humorum differemus. Nunc composita, quæ atrâ bilem purgant, explicemus. In his sunt *Utraque confectiones Hamech*, *Composita pillula Inde*, *pillula de lapide Lazuli*, *pillula de lapide Arme-* *atram bilē*
ro. Tu verò sumpta indicatione ab humoris & substantia *purgantia*.
 & quantitate & à loco vnde purgari debet, & à languentis viribus, ætate &c. quæ tibi medicamento præscribunt quantitatē, vitior vel simplicibus, vel compositis prout lubet, quic enim arti innitens, errores, & infamiam apud doctos declinabis, & conscientia rei benè & foeliciter gestæ ex animo iubilabis.

Verum si non vnum tantum humorum genus exuberat, sed vel duo, vel simul omnia, scilicet vel flaua bilis cum pituita, vel eadem cum bile atra, vel cum atra bile pituita, vel si humores omnes simul: tunc vel vno simplici purgatorio medicamēto, quod singulis humoribus respondeat uti oportet, vel in vnum simul diuersa commiscere.

In his autem quæ diuersos humores purgant sunt *Pellus* *Diuerfos hu-*
 quam pharmacopolæ *Efulam rotundam* vocant, & *Pellion*, *mores pur-*
 ambo autem quoniam paribus facultatibus constāt, *gantia*.
 simul recensentur, nam eorum semina & aliquando vna *um germinibus siccata* in vmbra, contusaque, & cribrata *ondere sculpulorum 4. data*, ex aqua mulsā, & supra absorpta pauxilla quantitate *aceti* post flauam bilem, atram, & pituitam ducunt, & distrumpunt fluxus; quo fit vt affectus flatuosis præfint, quæ initia sunt melancholiæ. Proiunt etiam diuturnis inflammationibus lienis, vteri & coli, & mollibus tumoribus imi ventris.

Polypodium atram bilem & pituitam purgat. Datur *ra-* *Polypodium*
elix eius pondere scrupul. 7. Vel *minus* prout vires ferunt. Verum in *diluta aqua mulsā*, prius macerare oportet. Potest & super balsamenti abrasa ante prandium manducari. Purgat vero mediocriter, & citra læsionem vel in *inscula* *gallina* vel *in pitissana elixata*.

Lapis Armenus atram bilem, & omnia quæ crassa & *Lapis Arme-*
 glutinosa sanguini commiscuntur purgat. Quamobrem *nus*.
 datur *pondere scrupulorum quatuor* Vel *plus*, Vel *minus*, pro virium modo. Melancholicis & Elephanticis & similibus.

*Cētaurium
minus.*

Cētaurium minus, crassissimam bilem & mucores purgar. Quocirca potandum datur *de coctum ipsius coxendicis, & lienosis*. Sunt autem centaurij *scrupuli 7. aqua hemina*, coquitur vero ad dimidium.

Colocynthis.

Colocynthis pituitam & bilem, & mucores purgat, quare optimum medicamentum est omnibus morbis, qui difficulter excutiuntur, & qui quodammodo sunt scirrholi. Datur *interioris partis ipsius quantitas, dum scrup. ex aqua mulsa, scyathis duobus*. Imbecillioribus autem quantitas *Unius* tantum. Verum eligenda est, quæ candida est & mollis, sicca enim & nigricans mala: atque contunditor, & leuigator diligenter, sepius vero cribrator, ipsa vero cum uti volueris, in mortario omni cum diligentia ex *aqua mulsa* leuigator. Accidit enim ut ubi contusa fuerit, antequam irrigetur, tenuissima esse videatur, cum verò in mulsa maduerit, inrumeat valde, adeo ut qui eam viderit, non satis fuisse cribratam suspicetur: quod si fortè acciderit, hærent partes illæ quæ non probè ex mulsa fuerint leuigatæ, ventri aliquando, aliquando ori ipsius, sed maximè quidem in uolutionibus intestinorum: quo fit ut per sui acredinem, & mordacem qualitatem vlcèrent intestina, & inferant nerueas passiones, scilicet tormina & contractiones. Quà obrem opus est ipsam summa cum attentione ex mulsa aqua leuigare. Verum si mitius purgare volueris *magnam colocynthida* aperito: ubi aperta fuerit, quicquid *seminum* est, detrahit, dehinc reposita in ipsa sine seminibus *lanuginosa parte*, ipsam impleto vel *passo, vel vetere, & dulci vino*, sicque finito diem & noctem irrigari: posthæc vinum linteo percolatum, & calefactum, bibendum dato, optimè enim arquatos purgat, nec non eos, qui per summa corporis pustulas habent liuidas, & eminentes.

Tishymalus.

Tishymalus omnis pituitam & bilem trahit: dantur verò ipsius *ramusculi virides*, imò & paucillum in testaceo aliquo calefacti, dehinc leuigatur, & admodum pondere *scrupulorum 4. triumue* in aqua cum farina commiscuntur, & potatur: siccati enim sunt infirmiores. Tu vero *radicem eius tishymali* qui *Characias* nupcupatur, ubi in umbra siccaueris, cum vsus postulat, deductum corticem contusum & cribratum pondere *scrupulorum 4. in vino dulci & vetere*, integrâ diem & noctem maceratum linteo percolato, postea

postea nonnihil calefacito, & propinato, purgat id optimè, vt sint qui ipso in omnibus, vt arcano remedio, vtantur. Verum & *Tithymali*, qui iuxta aquam, & in humidis locis, & syluosis producitur, liquor probè & sine noxa purgat, scilicet si *farina* vel *siccopane* leuigato excipiat, deturque ad magnitudinem *nucis iuellana*. Eius verò liquoris *gutta quatuor quinquaginta*, dantur ab aliquibus, vel *cariicis*, vel *farina* exceptæ. Atque epotus, linguam & vicinas partes vehementer exulcerat, & ventriculum incendit.

Elaterium bilem & pituitam purgat, datur *obol. 3. cum Elaterium.*
hemini. media lactis super mulsi.

Granum Cnidium purgat humores aqueos & serosos, *Granum Cni-*
purgat vero etiam moderatè bilem & pituitam, habet au-
tem qualitatē igneam & peracutam. Datur *pars interna*
granorum 30. vbi eam cum *farina* contuseris, & cum *uino*
confuseris. Verum si leuius purgare volueris, dato *gran. vel*
29. vel 15. A potione parum *olei rosacei* superforbeto, scilicet ne fauces exutantur, at præstiterit leuigata *ex melle co-*
cto in pilulas conformare.

Agaricus purgat pituitam, & bilem, at non acriter, dā- *Agaricus.*
tur huius *drachm. bina* cum *aqua mulsæ*, vel *aceto mulsæ*:
& ori ventriculi per leuitatem, cuius gratia, in natat, of-
ficat.

Thymus pituitam & bilem abunde & sine noxa purgat. *Thymus.*
Contunduntur *corymbi ipsius*, & cribrantur, danturque
pondere *drachmarum quatuor triumue*, cum modico *sa-*
le & *posca*.

Rapum terra ciclamini non vocāt Græci, admodum pro- *Rapum terra.*
be contusum, & lenigarum pondere à *gran. 15. ad mediā*
drachmam cum *posca* propinatur. *succi* vero eius à *gran. 15.*
ad scrupul. 4. decocti verò radicis ab *unc. 1. ad 4.* Purgat id pi-
tuitam & bilem, & sudorem mouet. Eius autem prolicien-
di cum instat necessitas, medicamento epoto, languens in
operis naturæ auxilium decumbat, cooperiatur & fo-
ueatur.

Medicamenta simplicia recensuimus, quæ sigillatim
priuatos ac peculiare humores purgare possunt, & adie-
cimus mensuram aut pondus quibus singula porriguntur.
Vt inde sumpto initio methodum id est viam & rationem
apponamus, qua plura simul citra languentis læsionem
possimus

*Medicamē-
ta quando
miscenda.*

possimus commiscere. Ad hæc vero miscenda compelli-
mur, cum non vnâ humoris speciem sed plures simul pur-
gare oportet, nec suppetit medicamentum simplex, per
quod id commodè & citra noxam exequi valeamus, tunc
enim miscemus vel duo simul, vel tria, vel etiam plura pro
varietate humorum, qui purgari debent. Est & alia miscē-
dorum medicamentorum necessitas eiusmodi. Habent fe-
rè omnia medicamenta purgatoria insignem aliquâ qua-
litatem, per quam vel gustandi sensum vel tangendi, vel o-
dorandi lædant. Harum vero singulis contraria admiscere
oportet, quo infestæ illæ qualitates vel de medio tollantur,
vel minuantur, vel saltem fiant mitiora. Si quis igitur duos
humores simul purgare velit, duo simplicia purgatoria
medicamenta seligar, quorum alterutrum alterutro hu-
mori ex aduerso respondeat. Esto vero quantitas vtriusq;
medietas vel ponderis vel mensuræ, sub quibus vtrunque
seorsim exhibebatur: sin tria pars eius, quod seorsum ex-
hibebatur, admiscetor: sin quatuor, quarta pars singulo-
rum, & hoc quidem cum singuli humores æquo modo &
exuberant & egent purgatione. Vbi vero eorum aliquis
cæteros quantitate excellit sui medicamenti qualitas, cæ-
terorum ac singulorum quantitatem ad proportionem
opus est vt excellat. Dehinc olidis & graue olentibus per
suauia & odorata, amaris per dulcia, acribus per glutino-
sa, emplastica vocant, salis per insulsa, acerbis per matura,
astringentibus per laxantia, laxantibus per astringentia re-
pugnato. Ad hunc igitur modum ex simplicibus purgato-
rijs medicamentis, composita, prout vsque & temporis oc-
casio postulabunt apparato. Hæc de excrementorum pur-
gatione satis sunt.

*Vitiati hu-
mores inter-
dum etiam
post purga-
tionem intem-
peries relin-
quunt, qua
suis contra-
riis sunt re-
mouenda.*

Atqui solent vitiati humores post purgationem pro sua
ipsorum natura prauas aliquas intemperies relinquere,
siue in corpore vniuerso, siue in præcipuis ipsius partibus,
membrisque: quæ nisi per contraria amoueantur, de inte-
gro consimiles humores vel etiam deteriores generabunt,
congerentque. Harum igitur singulas, singulis contrarijs
corrigere atque fugare oportet: calidas frigidis, frigidas
calidis, humidis siccis, siccis humidis, & compositis com-
positas opponendo. At quousque immutare oportet, na-
turalis temperatura si adhuc manet, indicabit, sin abiit
naturalis.

naturalis, & alia ex consuetudine viuendi in ipsius locum subiit, hæc pariter atque illa in morbis se tueri atque seruari ostendet cupietque.

Verum dicebamus supra, fieri aliquando, vt ex præternaturalibus intemperaturis, vna in aliam mutaretur, calida in frigidam frigida in humidam, humida in siccam. Statuamus igitur calidam intemperaturam, quam initium morbi huius esse dicebamus, per improbam curationem tempore digerendis sanguine, & spiritibus in frigidam degenerasse, hanc verò cruditatibus cumulandis humidam secum associasse, vt iam non frigida sit solum, sed frigida

Si calida in-
temperatu-
ra in frigidā
humidamq;
transierit, li-
gno Indico
curare debet

simul humidaque, corpus quantum per humores cōgrue-
bar, purgatum esse, scilicet vel per vrinas, vel sudorem, vel
vbi purgationem. vel vomitionem, etiam per elleborum si
opus fuerit, demum adhuc frigidam & humidam intem-
peraturam in similaribus ac simplicibus partibus vna cum
improba qualitate gallici morbi derelictam esse, quod re-
medium quæso ad hunc modum præparatum magis con-
ducibile quam decoctum Indici ligni poterit reperiri: nul-
lum ferè mea sententia. Indicum enim lignum calefacien-

di & siccandi vires habet: Hæc sensus indicant. Siquidem
decoctum ipsius ore retentum, os & fauces calefacit, garga-
rizatum in primis per acridinem saliuam proicit, dehinc
absumit, vt etiam affectui gulæ quem Græci sialism non vo-
cant, opem ferat, subscribunt sapor amarus & acer, & odor
non obscurus. Lignum hoc resinam exudat, cuius gratia
remollit, maturat digeritque. Vt inde quidem, pro corpo-
rum præparatione, & naturæ propensione, aliquando alu-
um lenire possit, aliquando vrinam, sudorem vero ali-
quando moueat, cieatue. Nutrire autem sensibilibiter posse

haud crediderim, tamen si medici quidem non contemnē-
di, id affirmant. Quid enim Indicum lignum habet dulce-

cedinis, quæ communis est omnium quæ nutrire possunt: sine
qua nihil nutrit: quicquid enim nutrit, dulce est plus mi-
nusue. Quod si quis dicat Indicum lignū particeps esse dul-

cedinis, & ad proportionē ipsius nutrire posse: Nos statim
linguam, quæ est gustus instrumentum appellabimus. Ha-

bet enim potestatem quæ similia sunt, quæque dissimilia
sunt discernendi: vt inde naturas rerū cognoscens, quæ fa-

miliaria sunt eligat, aliena vero respuat. Mirabor si vnū ex
millibus

Ligni Indici
Vires.

Lignum Im-
dicum an
nutriat.

millibus per integram & inculpatam sanitatem quis inuenit, qui gustato Indici ligni decocto meraco & sincero, se dulcedinem qualemcunque præsentire affirmet. Hæc de viribus ipsius: nunc de bonitate.

*Ex Ætate
maximè co-
gnoscitur li-
gni Indici bo-
nitas.*

*Ætate qua
inducunt.
Indica arbo-
ris humidi-
tates qua-
tuor.*

- 1.
- 2.
- 3.
- 4.

Habet *lignum Indicum* suam bonitatem, maximè ab ætate, Ætatem aut indicant grauitas, color densitas, odor & sapor. Demus igitur Indicæ arbori à sua radice excisæ, sicut & cæteris lignis, humiditates quatuor: Vnam crudam, & aqueam, temere per ipsam fluitatem, quam nuper excisa aliquandiu habet, seruatque. Alteram coctam, & per suum ipsius corpus singulis partibus distributam, & ferè substantiæ arboris assimilata, atque vnitam. Habet tertiam, quæ substantifica pars est ipsius plantæ, cæteris partibus assimilata iam, atque vnitam. Habet & quartam, quæ arboris partes mutuo continuat, & continuatas seruat. Prima humiditas ea est, quam nuperrimè terra per arboris radices est impertita. Secunda ea est, quam singula arboris partis pro similitudine, & conuenientia quam secum habent, maxime traxere ad sese, cõxere, & ad sui similitudinem fere permutauere, sibi que apposuerunt. Tertia illa est quæ nuper trahebatur, coquebatur, permutabatur, & singulis partibus arboris apponebatur, iam verò est tracta, concocta, ad similitudinem earum partium permutata, quibus antea apponebatur, & nunc quidem est substantifica, & propria & naturalis est plantæ humiditas. Quarta verò, illa est humiditas, quæ ligni partes mutuo continuat, & continuatas tandiu seruat, quandiu lignum est lignum. Nunc verò ad proportionem harum humiditatum, demus Indico ligno ætates.

*Ætates Indi-
ci ligni.
Pueritia.
Adolescen-
tia.*

Iuuentutis

Ætas Virilis

Ætatem quidem puerilem, quoad sui radici hæret, & ab ea cibum capit. Adolescentiam ligno nuper à suo trunco exciso, in qua tamdiu versetur, quamdiu viride est, & humiditatem illam, seruat crudam aqueamue hæc quidem illa est humiditas, quam viride lignum igni appositum ea parte quæ excisum vel sectum, vel fractum est, multo cum strepitu ac stridore emittit, euomitque. Iuuentutem denotat ligno, quando assumpta aquea humiditate, retinet coctam illam humiditatem, quæ ferè est substantiæ ligni assimilata, atque vnita. Virilem ætatem, siue consistẽtem, siue ætatis vigorem, liceat enim illam appellare, prout cuique

cuique placet, demus ligno, quando absumpta iam humiditate illa cocta & fere assimilata, atque vnira, suam substantificam humiditatem integram & illaeram seruat. De Senectute.
 mus verò senectam, quando absumpta penè substantifica humiditate, lignum euanidum, & cariosum esse incipit. Aetatem vero decrepitam, quando iam temporis diuturnitate, in puluerē redigitur, & iā propè est vt desinat esse lignū.

Indicum igitur lignum optimum est, & tandiu esse perseverat, quamdiu per ætatem viget, florem id ætatis vocant, tunc enim maximè densum, maximeque ponderosum est, vt lignum ex sui ipsius substantia, nō ex aliena humiditate esse potest, tuncq; maxime est per saporem acrè, maximeque subamarum: amaror enim, qui antea per acerbitatem vivebat, nunc putescit coctione, ac credo autem exacuitur & inualefcit. Nam caliditas quæ antea sub humiditatibus obscura erat, nunc prioribus illis duabus absumptis detecta, ligni acridinem auget, minuit amarorem, & pinguitudinem ad ligni superficiem pellit, & in resinam cogit, vt etiam nunc magis resinosum esse videatur & sit, & eandem ob causam magis sit adorum luteumque. Bonum verò est, quod in ætate est inuenturis, nonnihil tamen infirmatum sub humiditate, quæ nondum suum finem & complementum est adepta. Nec caret bonitate, quod in ætate est adolescentiæ, sed superioribus tamen per aqueam & crudam humiditatem infirmius, aqua fere obruitur & suffocatur. His omnibus adhuc infirmius, quod puerilem ætatē agit, id est, quod suæ radici adhuc hærens, alimentum veluti lac infantium instar de terra sugit: id enim humidissimum, & ea ratione infirmissimum, non secus atque infantes per ætatis humiditatem sensibus & ratione omnium infirmissimi sunt, omniumque quarumcunque ætatum stupidissimi. Quod vero per senilem ætatem iam exolefcit, & in cariem verti cœpit, non solum vires infirmas, sed etiam planè à sui natura abalienatas habere cœpit, vt pariter quodammodo & officere & prodesse possit. Illud autem quod iam ad vltimam peruenit senectutem, vt iam prorsus sit cariosum, nec suarum partium continuitatem seruet, nihil commune cum Indico ligno habet. Quamobrè iuuare quidem nequit, officere autem potest. Hæc de Indici ligni bonitate. Nunc vero videre o-

*Flos ætatis
 Indici,*

*In Iuuentute
 an bonum
 sit hoc lignū.
 An in Adolescentia.*

Pueritia omnium infirmissima.

portet, quibus medicatio per Indicum lignum sit ex vſu, quibus autem non.

Ex natura & viribus eius, quibus proſit, quibus vero nõ proſit, facile cuius patere poteſt. Habet enim à natura, hoc eſt, à Deo Opt. Max. quod morbo quem Gallicum Itali vocant, aduerſetur. Hoc enim per experientiam, nemo ferè eſt medicus qui non credat, & affirmet. Cuius vero qualitatis ratione, nemo nõ ignorat: omnes enim fatètur morbo huic per qualitatem aduerſari occultam, atq; innominatam, id quod nos etiam authoritati vniuerſitatis medicorum aſſentientes confirmamus. In vniuerſum igitur omnibus hoc genere morbi laborantibus ex vſu eſſe debet, modo aliquid momentaneum non repugnet. Cum vero vires habeat caleſcendi, & ſiccandi, itè remolliendi, maturandi, & in haliſum digerendi: liquidò patet, quod omnibus per frigidam & humidam intemperaturam male habentibus vſum præſtet. Adhuc vero & illis qui alicubi in corpore humores frigidos, & eoſdem crudos & concretos habent. Quamobrem præter gallicum morbum prodeſſe poterit malo habitui, cachexia vocat, neruorum reſolutioni, conuulſioni, pareſi, podagræ, arthritidi, coxendici, ſtupori, aliquando vero & menſium retentioni, & præfocationibus vterinis, adhuc autem & ſatiæti, & ſialismo id eſt ſuperabundanti ſaliuæ, & inteſtinorum leuitati, in vniuerſum verò frigidis omnibus morbis, & humidis ſive cum materia, ſive ſecus, conferre vtilitatem poteſt. Hæc de vſu medicationis per Indicum lignum. Iam vero de his diſſeremus, qui ad hoc genus medicamenti probe ſunt comparati.

Quas habeat vires: & quibus morbis proſit.

Omnes cuiusque ætatis huius ligni vſum ferre poſſunt.
Indicum lignum infundi poteſt & in quibuliſque viribus.

Nemo eſt qui non per naturalem temperaturam, ſexu, corporis habitum naturalem, & ætatem hoc genus medicationis ferre nequeat: modo vires ſuppetant, & medicum doctum, & natura prudentem ſit naſtus. Quid enim prohibet, quin puerum tenellum, aut delicatiore ſcæmellam, aut ſenem decrepitem hoc genere medicamenti curare experiamur? An non poſſumus viuendi rationem, & medicamenti apparatus languentis temperaturæ naturali, ſexui, corporis habitui naturali, & ætati, & viribus accommodare? Iam vero de præparatione medicamenti agendum.

Indicum lignum infundi poteſt, poteſt & eoqui, poteſt & in

& in puluere redactum deuorari. Verum in quouis liquore, prout ratio postulat, infundi & coqui potest, in *simplici aqua*, in *medicamentosa*, in *uino*, in *posca*, in *lactis sero*, & in summa in *liquore quouis*, qui operi & scopo, medici faueat, atque opituletur. Liquor igitur eligendus erit pro indicatione propensionis naturæ, & singularum partium affectu, siue principalium, siue principalibus inferuentium. Vbi enim natura nihil moueat, nec viscus aliquod momentaneum, aliquo præternaturali tumore sit affectum, ac præfertim lien, Indici ligni infusio & decoctum in *aqua fiat simplici & pura*. Vbi vero natura superfluitates moueat aliquorum, si opportuna sit regio, tu pariter eo vim medicamenti idoneo ad id liquore, ex quo infusum vel decoctum sis facturus, dirigit. Ad eundem modum si viscus aliquod inflammationem subiërit, à *uino* abstineto: sin tumorem durum, *aquam* declinato, tuncq; de *posca* deliberato, maxime vero si lien præduro tumore sit affectus Quocirca si natura ad vesicam mouet, *aqua Polytrici*, vel *Apij* vel *Adianti* uti potes: sin ad aluum *Lactis serum* fuerit opportunum, *caprinum*q; inprimis. Neq; alienum fuerit, aliquando *aqua aliqua* uti ex sponte nascentibus, calidisq; præfertim vero ubi gallico morbo societur lienis tumor. Liquores igitur eligendi, qui naturæ inclinationi respondeant, & viscerum affectibus aduersentur. Qua vero quantitarum proportionem lignum cum liquoribus misceatur, nunc dicendum.

Sciendum tamen singulorum quantitatem nec sciri nec scribi posse, sed oportere, ipsam ex naturali temperatura laborantis coniectari, item ex habitu naturali, & sexu, & ætate, præterea ex magnitudine morbi, & aeris ambientis qualitate, & regione, & anni tempore, & præfenti tempestate. Virtus enim natura calidis & siccis, & ad proportionem sui temperamenti benè habitis, si per gallicum morbum ad præternaturalem intemperaturam frigidam & humidam sint versi, meracius medicamentum dari debet, adhuc vero meracius si magna sit intemperies: multo autem meracius si ambiens aer, regio, anni tempus, & tempestas, frigida sint humidaque. Meracius infusum erit, si seruata eadem liquoris quantitate, in ea *plus scobis ligni Indici* macerabis. Dilutius erit, si *minus scobis* immiseris, quod si

Quantitas liquorum ex quibus conici debent.

Quid sit meracius infusum. Quid dilutius.

Decoctum ligni Indici.

Quando ipsa substantia huius ligni dari possit. Eius apparatus.

Modus propinandi decoctum & infusum ligni Indici.

huc minus immiseris, adhuc magis dilutum erit. Liquorem igitur feruidum ea qualitate qua volueris, in vas angustioris scobi inspergito, os statim obturato, dehinc vas in *calente fursure triticeo* obruito, duos integros dies macerato, dehinc percolato, & calidum propinato. Hoc parum efficax est, & pueris & delicatioribus scœmellis dari potest. At decoctum efficacius, paratur autem in hunc modum: sumitur *scobi ligni*, & *liquoris* quem tibi elegeris, sua cuiusque quantitas, prout ipsam ex illis indicantibus, de quibus supra potueris coniectari, *scobem*: in vas ut dictum est, angustioris coniecito, *feruidum liquorem* inspergito, vas obturato, in *calidum fursur* sepelito, diem & noctem macerato, dehinc coquito, aliquando ad quadrantem, aliquando ad trientem, nonnumquam verò ad semissem, ad tertias verò aliquando prout vel efficacius, vel minusefficax medicamentum habere cupis, spectando semper ad ea, de quibus supra. Hæc est ratio parandi infusi, & decocti ligni Indici. Verum ipsius substantia tunc dari potest, quando languēs ipse liquida medicamenta auersatur, solidiora non abhorret, sed appetit, atque exposcit. In cuius apparatu ad propulsionem naturæ spectare oportet, sicut de infuso & decocto dicebamus. Namque si natura ad aluum mouet, ei in tenuissimum, & probe excussum pollinem redacto, quæ aluum leniant, admiscere oportet, scilicet vel *pruna*, vel *passulas*, vel *palmulas*, vel *cassia florem*, vel *mannam*, vel *myxaria*, vel *quid tale*, ea vero vel ex *faccare*, vel ex *melle* excepta ad *eclegmaticis substantiâ* reduci possunt. Sin natura vrinas vel sudores mouet: tu *Indici ligni pollini*, quæ vel vrinas, vel sudores moueant admisceto. Catalogum verò eorum, quæ vrinas vel sudores cient, superius adnotauimus, nec opus est, ut ea iterum repetamus. Dari autem debet mane & vespere ventri vacuo, saltem tribus horis antecibum. Nunc de modo propinandi infusum & decoctum.

Vtrunque pariter datur ventri vacuo mane & vespere, modo nequid impediat, calidum vtrunque, nisi pro tempore venter æstuet, dehinc stragulis modicè operiatur. Sudorem enim ex impetu naturæ prouocari optamus, nō ex onere stragulorum. Dormiat ut naturalis calor exinde ad viscera reuocatus, atque inibi vnitus, ac propterea roboratus, potionē conficiat, & ad venas, & ad corpus vniuersum digerat.

digerat ac dispenſet. Sudorem ſi mouerit, ipſum ad vltimū detergito, eò enim plus ſudabit, quo infrequentius detergatur. Portionis modus iſte eſto, qui nec ventrem admodum grauet, quique nō in ipſo fluctuet, & emergat. Vanum autem eſt numerum vnciarum portionis, vt plerique faciūt, explicare: cū non æquale pondus æqualiter ferant omnes, & aliqua portionis quantitas, in alio fluctuet, in alio indiſſolubiliter, amplectatur. Potio vbi conſecta fuerit, & ventriculū dereliquerit, quæ nimirum ventris alleuiatio, & ruſtus indicabunt, tunc offerendi cibi inſtabit tempus. Iam igitur ad viuendi rationem deſcendamus.

Viſtus autem non ſecus, ac medicamentum oblatum, ad calidum & ſiccum ſpectet. Modum præſcribunt, primum quæ languenti homini naturalia ſunt, temperatura naturalis, ætas & ſex, & habitus naturalis: quæ præternaturalia ſunt, ſcilicet morbus, morbi cauſa, & quæ morbum ſequuntur ſymptomata. Hæc vero quia præternaturalia ſunt, ſeſe per cōtraria ſummoueri indicāt. Aeris vero qualitas, anni tempus & præſens tempeſtas, & regio, & exercitia, & mores, quia nec naturalia ſunt languenti, neque præternaturā, ſi morbo aduerſantur, talia qualia ſunt, ſeruari oportet, ſi morbo conſentiāt, rātum remittere eorum qualitatē oportet, quantum ſingula à ſua cuiuſque mediocritate reſceſſerint. Hæc verò ad exemplum prædictorum ſuperius, ſi emēdatione opus habent, corrigātur. Nunc autē de ratione viſtus in cibo & potu quæ ad eò medicationi per Indicium lignum inſeruit, vt vix citra ipſam vel tantillum iuuare illa videatur. Hæc ſicut & illa ad calefactionē & ſiccationē ſpectet. Quod ſi languēs per naturam, per ſexum, per habitum corporis naturalem, & per ætatem calidus ſit, & ſiccus, tantò efficacius calefacere & ſiccare oportet, quanto horum ratione temperato calidior eſt, ſicciorque. Adhuc verò & hoc ipſo efficacius, ſi conſueuerit eo viſtu vti, conſuetudo enim altera quædam eſt natura, quæ per ſibi ſimilia cōſeruat. Viſtus nihilominus in hoc medicationis genere eſto tenuis, prout vires languentis ferūt, ſed præterea aliquid dandum eſt ætati tempori, & conſuetudini. An verò plus cibi mane an vespere offerre oporteat ægotanti id morbi exacerbationes indicabunt: In exacerbationibus enim abſtinere oportet. Quamobrem ſi mor-

Aeris qualitas.

Viſtus ratio.

An plus cibi mane an vespere offerendus.

bus manè increbuerit, vel cibi omnino nihil, vel pauxillum penitus offerri debet, sin vespere illud item obseruandum. Verum quo adusque hoc medèdi genus debeat prorogari, naturalis & temperies, & habitus indicabunt. Nāque si naturalis temperies à præter naturali sit derelicta, & habitus naturalis, qui sub improbo prius latebat, sit detectus, iam pulsus & respiratio ad sui cuiusque naturam rediere, mens probe constat, cibos appetit, omne genus excrementi, prout in sua quisque sanitate, excernit: Hæc ubi primum apparuerint, per hoc genus medicamento satisfactum esse confidito. Quod si adhuc eò ventum non est, nec cessato, sed eodem medicamento instato, quo ad propositum tibi finem assequaris. Omnia enim secundum rationem facienti, si non eueniat secundum rationem, non est ad aliud transeundum, stāte eo quod ab initio visum fuit. Hæc de medicatione per Indicū lignum satis sunt. Nūc verò gallicum morbum cum intemperatura frigida & sicca copulemus: vel, ut rectius loquar, copulemus improbā qualitatem sēuam & contagiosā, qua sine morbo quouis non amplius Gallicus appellatur, hanc ipsam igitur qualitatem cum frigida & sicca intemperatura copulemus in hunc modum.

Signa sanitatis.

Cuncta secundum rationem facienti an ad alia transeundum, stāte primo.

Exemplū alterum.

Statuamus igitur hominem excrementosum frigida & humida intemperie laborasse, per medicum quātum satis esse videbatur fuisse ab excrementis expurgatum: Interea verò deficientibus idoneis alimentis ita contabuisse, ut nō sanguis solum, & simularium partium nutrimentum, dissipata sint, sed & pinguitudo simul, imò & carnis pars maxima: siccitatem autem nec dum solidas partes attigisse, nec deesse tamen prauā illam gallici morbi qualitatem. Hic imaginatione, & re ipsa, bini præternaturales sunt affectus. Vnus intemperatura frigida, & sicca, quæ corporis humiditati substantiæ nocet multum, prodest vero nihil. Alter, eadem ipsa frigida & sicca intemperatura copulata, cum venenosa illa gallici morbi qualitate. Prima vix quidem sanari potest. Secunda vero minimè, ut nos opinamur. Prima sui instaurationem indicat, secunda idem, ac præterea vsum alicuius Amulati, quod venenose qualitati gallici morbi ex propria natura aduersetur. Verum quoniam nullum adhuc amulatum huius ma-

lino-

li nobis experientia submonstrauit præter Indicum lignū & vsum Argenti viui, neutrum vero ipsorum caret suspitione: siquidem illu siccitatem auget, & imminuit corporis alimenta: hoc vero & exiccat quidem, & quicquid est excrementi a partibus ignobilioribus ad nobiliores pellit, scilicet a cute & carnibus ad os, & fauces & gulam, & ventriculum & intestina, quo fit, vt illa aliquando ita inflammet, & excoriet, vt nec languens mandere cibum queat, nec deglutire, vt nonnullos aliquando per inedia interire contigerit. Accidit vero etiam aliquando vt per excoriationem ventriculi & intestinorum successerit eorundē leuitas. Græci lienterian vocant, quæ sanata excoriatione, insanabilis effecta per leuitatem cicatticis hominem ad aquam intercutem, & tandem ad miseram mortem produxit. Sed amabo quis in tanto affectu siccitatis, in tanta virium infirmitate Indico ligno vel Argento viuo vti audeat? Superest igitur vt spreta nunc secunda intemperatura prout secum adiunctam habet qualitatem illam venenosam, Nos istam ipsam citra qualitatem venenosam curare experiamur. Curari quidem refectione, non quauis, sed ea quæ paulatim fiat: Quæ enim longo tempore extenuantur corpora, lentè reficere oportet &c. Animi tranquillitate, cibo & potu, opportunis scilicet qualitate, quantitate, vsus ordine, & temporis occasione, ad hæc dispensatione alimenti. Cibi igitur *humidi* sunt, *calidi*q; sed circa cibi caliditatem admodum multa diligentia vti oportet, ne scilicet per immodicum calorem siccitas augeatur: Quantitas autem noxæ modum calefaciendi subostendet. Hominis igitur taliter affecti curationem hisce principijs ordiamur. Quotidie purgatis alui excrementis, & ieiuno ventre hominem pinguius ex *dulci oleo* fricato, dehinc in solium *aqua tepida* plenū demittito, prout superius in curatione calidæ intemperaturæ dicebamus: in eo immorator, vt sibi lubet, vbi exierit, linteis calidis detergitur, postremo iterum inungitur *oleo calefaciente*, *modiceque astringente*: ne cute per balneum rarefacta alimentum fusum, ac dispensatum, in halitum digecatur, his peractis aliquantisper in lecto quiescito, dehinc cibum capito, cibus esto *coctus facili* & *nutriens*, & *minimè glutinosus*, *minimeque excrementosus*, in hoc cibi genere, *lac nuperrimè multū* primas habet.

Intemperatura citra qualitatem venenosam quomodo curanda.

habet, ac præsertim *muliebre*, ut pote quod homini & simile est, & familiare, post ipsum, *asinum*, cuius omnis bonitas ad tenuitatem suæ substantiæ referri debet, ea enim ratione minime coagularur, & citissime in corpus permeat, ac dispensatur, *mel* vero *optimum ac despumatum* ei admisceto, id quod nutrit quidem, & calefacit, ac neque lac cogi sinit. Vbi *lac* sumpserit, quiescito, quoad tempus sit secundæ lauationis, id quod ferè erit post quatuor aut quinque horas ab assumpto lacte. Verum an probè illud coxerit, ructus & ventris moles indicabunt. Namque quoad ructus lac redoleant & ventris moles non subsideat, secundæ lauationis adhuc tempus non est. Contra vero ubi ructus nihil olent, & subsedit ventris moles, iam instat lauationis tempus. Quamobrem igitur pinguius fricato, ut prius, & reliqua ad eum modum, quem diximus, peragito, *lac cum melle* iterum exhibeto, & iterum quiescito ad cœnam usque: ne alimentum, quod nuperrime concretum fuit, dissipetur & pessum eat. Æger autem si oblatione oblectatur, iterum & tertio ad præscriptum modum ante cœnam inungitor & lauatur. Cibus verò, qui ad cœnam apparari debet, *panis purus* esto, *modice fermentatus*, probè coctus, & qui *salis* nomihil habet: cui etiam si aliquid *chiamastiches* addideris, venter, cui primam ciborum coctionem acceptam ferimus, aliquam consolationem minimè contemnendam consequetur. In obsonium *ova gallinacea* ad leuem cōcretionem diligenter cocta, sunt ex usu, item *pulli gallinacei, & ala, & testes*, ego vero nec *perdices* nec *phasianos* reprobarim, quorum scilicet carnes friabiles sunt, quia non pridè nec nudius tertius, sed tādju à iugulatione fuerint maceratae. Tales enim à ventriculo iam per tabem inanito, ac semimortuo facilius & immutantur, & conficiuntur, sed & *auicula montana*, quæ molles sunt carne, sunt ex usu, sunt enim omnium minimè excrementosæ. Declinare verò oportet, à *palustribus omnibus*, & ab *his quæ carnes duras* habent, siquidè illæ sunt excrementosæ, earum verò, ubi languet naturalis calor, sicuti nunc languet quidè, nec satis immutari neque coqui possunt. Ciborum quātitas esto, si fieri pōt, quæ nō grauet quidè, nec homini statim somnū inferat, ac torporē. Quod si in homine exinanito, ac ferè macie cōfecto, qualis is est, qui nobis est propositus, vitari nequit, quam

occissime

Cibus.

Obsonia.

ociffimè definat, & grauis & torpidus, & fomno captus ef-
 fe. Ordo verò ciborum offerendorum is esto qui iam ferè
 à nobis est obiter declaratus: scilicet vt *liquida* primum &
costu faciliora, deinceps verò *crassiora*, & *minus costu faci-*
lia porrigantur. Verum occasio ciborum offerendorum
 inde experatur, vt qui prius fuere assumpti; confecti iam
 sint, & ventriculum de reliquerint, quæ dignosci ex ructi-
 bus & ex ventris mole dicebamus. Potio, *vinum* esto, *vetus*
 quidem, & eò *antiquius* quo frigiditas maior fuerit, nec
 tamen ad eò sit *antiquum*, vt iam amarorem in gustu ostē-
 dat, amara enim siccant nimis. Quantitas autem esto, quæ
 in ventriculo nec fluctuet, nec innatet. Vbi verò per hanc
 viuendi rationem corporis habitus & plenior, & corpo-
 rator esse cœperit, iam non nihil victus venit immutan-
 dus: pluribus enim frictionibus iam vti oportet, ciboque
 vefci & crassiore & glutinosiore, hoc est magis nutrienti,
 vt pro lacte *alica* offerri possit, pro volatilibus *suillacarnes*,
in alica elixata. Sed propositum nostrum non est, vt totam
 refectoriā viuendi rationem omnibus numeris exple-
 tam exponamus. Illud autem quod initio fuit dictum, sem-
 per in memoria haberi oportet, quod hæc permutatio
 paulatim fiat: pariterque nec illius obliuisci, scilicet dan-
 dum esse aliquid ætati, tempori, & consuetudini. Hæc igitur
 de hac refectoria viuendi ratione in præsentiarum la-
 tis sunt. Verum vbi hominem ea macie confectum refe-
 ceris, finito tandiu quiescere ab omni medendi genere,
 quoad robore virium comparato, medicationis per Indi-
 cum lignum rationem tutò inire possis. Tuncque re pro-
 bè gesta methodoque quam circa medicationem per In-
 dicum lignum annotauimus inhærendo, certam fiduciam
 habere poteris, integræ sanitatis acquirendæ.

Nunc demum ad corrigenda symptomata descēdamus.
 Tamen si nos multa recensuimus, cum de symptomatis a-
 gebatur: nihilominus quatuor sunt potissimum quorum
 nos sigillatim rationem habere est necessum. Primum
 grauitas scapularum. Secundum iugulorum, & summo-
 rum humerorum dolor. Tertium faucium rubor, & calor.

Quartus pilorū casus, & visus hebetudo: quæ id eò vnà cō-
 iunximus, quia ambo ab vnica causa pendent, & eadem fe-
 cū curatione opus habent, differente tantummodò, ex na-

Ordo ciba-
 rum offerē-
 dorum.

Potio.

Ager si cor-
 poratior esse
 cœperit, eius
 cibum
 mutandum.

Sed paula-
 tim.
 Et pro ratio-
 ne ætatis tē-
 poris & con-
 suetudinis.

Symptoma-
 ta huius mor-
 bi quatuor

1. Grauitas
 scapularum.
 2. Iugulorū.
 3. Faucium
 rubor & ca-
 lor.

4. Pilorum
 casus & vi-
 sus hebetudo

*Gravitas
scapularum
Vacuatione
curatur.*

*Gravitas
scapularum
eadem cura.*

tura affectarum particularū. Gravitas igitur scapularū, quoniam a substantia vixiosorum humorum scapularum musculis incumbente est orta, vacuari postulat. Et quamvis multa sint vacuationis genera, commodissima tamen est ea, quæ fit per tenues meatus cutis, cū sit magis vicina exitui, & minus periculo exposita. Vacuare verò per cutem possunt, quæcunq; rarefaciunt, subiecta attenuant, deterguntq; euocantq; de his autem dictum est abūde cum de curatione pustulatum, quæ per totum corpus spargūtur, agebatur, ad quæ recurrēdum, ne eadē nos iterum frustra repetamus. Atqui iugulorum dolor expetit & hoc medicamenti genus. Verum quoniam eius materia alius est in fixa, scilicet & in membranā, qua ossa integuntur, & intendones musculorum, qui ad summum humerum pervenere, tanto tenuior & leuior esse debet, quanto meatus membranarum & tendonum meatibus carniū sunt angustiores. Sicut igitur minorem gravitatem parit in particula cui insidet: ita dolorem per acredine quam in se habet sæuiorem. Cum præterea sit alia causa doloris, sæuioris, & obstinatoris, scilicet suæ particulæ densitas multo vtiq; maior carniū densitate, propterea & initiore medicamentorum materia, magisq; rarefaciēte opus habet. Pinguibus igitur admiscenda erunt, quæ tenuem caliditatem in se habent: neq; incōmodum fuerit, aliquid tātilum admiscere, quod medicè sensum obtineat hebetetq;. Vbi sumus verbis, *tantillum* & *modicè* ne ex copiosiore usu obstupescentiū, tendones & mēbranæ plus iusto dēfensur, & contumaciores fiant. Sumito igitur *medulla vitulina* & *adipis asserini* pares portiones *opopunacis* & *sulphuris* utriusque prædictorum sextam partem, *opij croci*, iugulorum sulphuris folius duodecimam partem, *cera pars quarta medulla esto* & *adipis, cera cum medulla & pinguedine. liquefat*, quibus liquefactis cætera tenuiter puluerizata adiiciātur, & statim vbi cum *spathula* miscueris, ab igne amoveantur. Quod si magis digerere volueris, aucto *sulphuris* quantitatem. Sin magis rarefacere, & remollire, addito ad quantitatem *pinguedinis* & *medulla opopunacis*, vel pro *medulla vitulina* utitor *ceruina*, & pro *opopunace* *sagapeno*. Hæc medicamento calente particulas dolentes illinito, verum prius linteo tepido particulas illas leniter perfricato, ab

to, ab illitione lana ex *asfpo pingui* & calente obuoluito. Possunt contumelia medicamenta, dempto *opio*, scapularum grauitati opitulari. Quod si vehementioribus euocantibus uti uolueris poteris pro pinguedine & medulla, uti oleis, scilicet *chamamelino*, vel *anethino*: vehementius uero fuerit *irinum*, & *laurinum*, & *olcum* *serus*, & *cedrinum*, poteris etiam admiscere *adipem leonis*, vel *pardi*, vel *hyexa*, quibus admisceri possunt & *radix bryonia* & *aristolochia*, & *radix asphodeli*, *nitrum*, *arsenicum* *sistum*, *melantheria*, & eiusmodi: Iuno & *euphorbium*, si uolueris euocare. Hæc uero de grauitate scapularum & doloribus iugulorum & cæterum solidiorum partium satis sunt. Nunc uero de faucium rubore & calore.

Faucium rubor & calor statim ubi appareant ni supprimantur, inflammationem accrescent, inflammatio curem si semel accesserit, nisi citissime amoueatur, vlcus exedens parit tanta est huius morbi malignitas. Faucium igitur rubor & calor ubi statim apparent, quæ refrigerant quæque astringunt, adhibenda, & humores, ne influant cohibendi. Cohibentur illis ipsis quæ refrigerant, & adstringunt, præterea & reuulsionibus ad inferna. Refrigerant, & astringunt leuiter quidem, *posca*, & *lac chalybeatum*: vehementius *acuti lapathij decoctum* & *succus*: adhuc vehementius, *rubi decoctum*, & *canini rubi*: item *mali punica*, & *balanstarum decocta*. His uero addi possunt, & *succus* *sua acerba*, & *rhoei succus*, & *hypocistidos*, & *acatia*. Atqui deorsum trahunt, *acuti clysteres*, trictiones partium inferiorum, vincula supra cubitos admota, præterea & cucurbitulæ præcordiis affixæ scapulisque. Si subsederint rubor, & calor, inflammationis omnis cessat timor. Sin non subsederint quidem, & iam inflammatio accesserit, & iam vlcus exedens pepererit, tamen si de eiusmodi vlceribus iam antea satis abundè suo loco dixerimus, nunc obiter, adiciamus, quod vix eiusmodi vlcera citra suffumigationem sanari queunt. Cætera enim medicamenta à salua abluuntur nec suæ facultatis vix imprimere quicquam possunt. Quamobrem nunc etiam ex usu erit, aliquid de suffumigis addidisse. Et primum quidem dicemus quibus suffumigia conueniant, quibus uero minimè.

Faucium rubor & calor malignitas.
Curatio.

Suffu-

*Suffumigia
quibus con-
ueniant.*

Suffumigia sunt ex usu his, quibus in faucibus vlcus malignum hæret, & quibus in gargareone, quibus etiam in palato præterea & his qui difficulter, & non nisi recta ceruice spirant, insuper & his qui in thorace multos frigidos succos habent: his verò ex usu non est, qui sanguinem rufi reiectauere, neque non iis qui morbo sicco circar horacem malè habent.

*Suffumigiū
quomodo pa-
retur.*

Suffumigiū verò in hunc modum parare oportet. Se-deat languens, totus linteis operatur: crura ab inuicem diducat, caput ita deorsum inclinet, vt facies genibus sit vicina, ore hiet, & ponatur suffumigiū inter crura, & fumum ore hiantē excipiat. Atqui melius fuerit, si per infundibulum excipiat. Iam verò, quibus ad suffitum vti possimus, explicandum.

*Ex quibus
paratur.*

In suffitu omnia ad siccitatem spectent. Hæc verò sunt, quibus suffiri licet. *Castorium, Aristolochia, Bitumen Sandarache, Ladanum, Therebinthina, Calaminthe, Styrax, Mastiche, Thui Cucumeris agrestis radix, Centaurium, Fœniculi semen.* Fortiora sunt. *Stibium & Mysi, & Cinnabari.* In compositis illud est experientia comprobatum: in humidis affectibus & pectoris & capitis, leue tamen est, ac commodatum delictioribus, & humidioribus naturis. Cōstat id ex *Styrace, Therebinthina, Sandaracha & Mastiche aquis portionibus.* Quod si siccantius facere volueris, addito *Cinnabari* plus, minusue pro mali magnitudine, & temperatura naturali totius corporis, & affectæ partis. Hæc de suffumigiis. Nunc verò de usu capillorum & barbæ.

Dicebamus supra ex splendore, & nitore cutis, & oculorum, & ex priuatione pruritus, & mordacitatis, astrui posse, minimè materiam alienam subesse cuti & tunicis oculorum (materix enim alienæ cutem & oculorum, tunicas fœdant, non illustrant,) imò potius per quandam simplicem, & alienam caliditatem rarefieri cutem & tunicas.

*Alimentum
pilorum di-
geritur &
dissipatur in
bute.*

In cute digeri, ac dissipari pilorum alimentum: In oculis spiritus visui inferuientes. Ex his autem duæ indicationes elici possunt, vna ex caliditate illa non insigni cutis & tunicarum, oculorum, altera ab earundem immodica raritate: Illa refrigerationem hæc astrictionem indicat. Refrigerat ambiens aër, si talis esse contigerit, sin non sit talis

appa-

apparetur copactio, quo alias superius dictum fuit. Item corporis & animi tranquillitas, & quies, & longus & altus somnus: Sicut contra exercitationes, & ira & vigiliæ in externis calorem augent.

Quamobrem, indiam, exercitationes, iram, & quicquid calefacere corpus potest, auersator, venereis abstinento, purgationes, sanguinis detractiones, omnes denique euacuationes, præter eas quæ naturæ sunt consuetæ, ut maximè hostiles declinato. Sunt ex vfu lauationes, primum quidem ex tepida, dehinc verò ex frigida, ad hunc enim modum frigida vis altius penetrabit, & suam facultatem imprimet, quæ si aluminosa, & ferrea sit, quales ex sponte nascentibus multæ sunt in Italia, cutem præterea & tunicas oculorum densabit, cogetque. Et vtraque ratione, ambo hæc symptomata retinentis pilorum alimentis, & visui spiritibus, reparabit, corrigerque, neque efficacius remedium reperiri posse crediderim, Sed & oculi, & facies sæpissimè lauentur, *ex posca admodum diluta*, constet ea ex *aqua rosacea, & rosaceo aceto*, esto verò sub solis calore tepesfacta. Illinantur item oculi *ex onorum albis*

*A quibus
abstinendum
agro.*

*Quæ ex vfu
sint.*

diutissimè in plumbeo mortario benè mundo agitatatis, *lacte insuper muliebri iam non-nihil accescente.*

F I N I S.

INDEX



INDEX PRÆCI- PVORVM VERBORVM ET RERVM QVÆ IN HOC tractatu continen- tur.

A.



<i>Vthor qua ab omnibus fere aliis de hoc morbo scripta sunt sub vnius exemplo proposuit.</i>	5
<i>Affectus in morbo gallico in alios vel sui generis vel alterius transmutantur.</i>	6
<i>Authoris opinio de definitione huius morbi.</i>	7.
<i>7. aliorum opiniones.</i>	ibid.
<i>Acria, & ignea & pollentia erodunt.</i>	9
<i>Abcessus quid. 11. eius materia.</i>	ibid.
<i>Aluus stimulanda.</i>	16
<i>Abcessus materia quando naturam superet.</i>	17
<i>Acutior sensus mitiora optat detergentia.</i>	18
<i>Aetas, aer, sexus, morbi natura, & reperaturae observanda</i>	22
<i>Aegro corporatiore effecto cibis mutandis. 57. sed paulatim & pro ratione aetatis, temporis & consuetudinis.</i>	ibid.
<i>Alimenti summe calidi operationes. 19. item, humidi, & sicci, nimis multi, pauci. ibid. &</i>	19
<i>Alopecia curatur purgatione.</i>	23.
<i>Alcyonia. 30. milesia</i>	ibi.
<i>Armenus lapis.</i>	43
<i>Agavicus.</i>	45
<i>Alimentum pilorum digeritur & dissipatur in cute.</i>	60
<i>Aegro à quibus abstinentum. 61. & quae ei sint ex & sa.</i>	ibid.

B.

<i>Bilis flava Erysipelata gignit.</i>	10
<i>Bile flava & siccioris, calidioris & siccioris existente frigidioribus & humidioribus est utendum.</i>	36
	Bi. 16

Bilis atra purgatio per aluum simplicia medicamenta eam purgantia. ibid. composita. 43

C.

- C**orpus etiam bene temperatum, contagione huius morbi corripitur potest. 5. 6. mutua vitiosorum spirituum emissio & susceptione inquinatur. *ibid.*
- Cretis subiectæ partes.* 6
- Calida intemperatura tumorem præternaturam ad se trahit.* 8. præludium morbi gallici. 8 si diutius immoretur quid efficiat. *ibid.*
- Contagiosa qualitas morbi gallici inseparabile symptoma.* *ibid.*
- Continuitatē qua soluant. 9. scindant, contendant, distendant & erodant* *ibid.*
- Calida intemperatura origine prima est inter morbos gallicos.* 9
- Carbonis species dua & eorum symptomata.* 11
- Calor naturalis noctu introrsum remocatur.* 2
- Corpus à noctis frigiditate densatur.* 13
- Caliditate linteorum mitescit dolor.* 13
- Calida intemperatura facile curari potest. 15. & quomodo.* *ibid.*
- Calida intemperatura cum phlegmone coniuncta quomodo curanda. 16. in ea curanda videtur ratio. ibid. Vena sectio. ib. præcauenda.* *ibid.*
- Contrariis suis omnia remouentur.* 32
- Caliditatem modicam habentia* 32
- Centaurium minus.* 44
- Cyclaminum seu rapum terra.* 45
- Cibi an plures mane, an Verò vel Vespere offerendi.* 53

D.

- D**efinitio morbi gall. quare adeò diuersa apud medicos. 7
- Definitio morbi gallici simpliciu. ibid. compositi.* *ibid.*
- Dura & graua contundunt.* 9

E.

- E**rysipelas ex sanguine & bile flaua vehementer calidius generatur, curandi ratio. 20

Extra-

I N D E X.

<i>Extrema remedia extremis morbis ex & su.</i>	36
<i>Elleborum 36. eius vires ibid. elleborum non omnes ferre possunt. ibid. sumendi tempus ibid. incommoda. optimum. 37. agri ad id sumendum quibus pramuniendi ibid. exhibendi modi. 38. decoctum quomodo exhibeatur. 39. Sectum. 40. quibus in morbis eo utendum. 42. quibus in morbis noceat. ibid.</i>	37
<i>Elaterium.</i>	45

F.

<i>Furges calefacta spiritum suscipiunt & emittunt.</i>	6
<i>Facultatum tria genera, naturalis, animalis, vitalis.</i>	14
<i>Frictiones & inhibitiones influxus huius morbi.</i>	16
<i>Ficus, & earum curatio.</i>	23
<i>Faucium rubores & caloris malignitas.</i>	59

G.

<i>Galli quibus de causis primum hoc morbo correpsi sint.</i>	5
<i>Grauitas scapularum à substantia vitiosorum humorum oritur. 12. & dolor. ibid.</i>	12
<i>Galicus morbus non amplius est metuendus si natura exactè materiam superet. 17. in eius cura diata est spectanda: & & Urina ac temperatura. 28</i>	28
<i>Granum cnidium.</i>	45
<i>Grauitas scapularum & vacuatione curanda. 58. eius cura. ibid.</i>	58

H.

<i>Humores in excrementoso corpore natura hostes. & accedunt participes. ibid. insigni accedini coniuncti & ceterum & ei subiectas partes erodunt. ibid. à modo recedentes simplices simplicium tumorum præter naturam, compositi compositorum causa 9. & bi generentur. ibid. quando, pelantur, attrahantur. ibid.</i>	9
<i>Herpes exedens 10. miliaris. ibid.</i>	10
<i>Humiditates à noctis humiditate augentur.</i>	12
<i>Hebetior sensus amat fortiora detergentia.</i>	18
<i>Herpetus exedentis curatio. 20. in quibus conueniat cum erysipela. e. 21</i>	20
<i>Hiera Hermetis</i>	34

Intem-

I N D E X.

I.

I ntemperatura mutantur in intemperaturas.	7.
<i>Intemperatura calida qua sint causa. 8. & 9. Symptoma- ta.</i>	9.
<i>Ignito ferramento quomodo utendum.</i>	21
<i>Intemperatura citra qualitatem venenosam quomodo cu- randa.</i>	55

L.

L enteorum caliditate dolor mitescit.	13
<i>Lenis caliditas corpus rarefacit, Vehemens acredinem auget.</i>	18
<i>Lignum Indicum. 46. eius Vires. ibid. annutiat ibid. eius bonitas maxime ex aetate cognoscitur. 48. aetatem qua in- dicent. ibid. arboris humiditates quatuor. ibid. aetates. ibid. flos aetatis. 49. pueritia omnium infirmissima 49. morbo Gallico occultae qualitate aduersatur. 50. quibus morbis profit. ibid. eius Usus omnes ferre possunt 51. infundi po- test, & in quibus liquoribus. ibid. decoctum eius. 52. sub- stantia huius ligni quando detur. ibid. eius apparatus & modus propinandi.</i>	ibid.

M.

M orbus Gallicus Gallie Neapolitanus dicitur. 5. Unde nomen habeat. 5. & simplex & compositus est. ibid. contagiosus. 6. simplex quis. ibid. compositus quis. ibid. non sub uno tantum genere morbi, sed sub omnibus simul con- tinetur. 7. an novus sit, & an veteres illius meminerint: opinio authoris, & eius confirmatio.	13
<i>Morbi Vires ex quibus consistunt.</i>	14
<i>Medicamenta siccantia, detergentia, & sine morsu purgan- tia.</i>	19
<i>Memishe.</i>	22
<i>Motus humoris inhibendus est imminente Vehementiore morbo.</i>	24
<i>Medicus perpetuus est imitator naturae.</i>	ibid.
<i>Motus ad cutem natura est sponte agentis.</i>	25
<i>Medicamenta curantia morbum Gallicum.</i>	29
<i>Mores hominum in assumendis medicamentis diversi.</i>	34
<i>Mediocris tati contraria.</i>	34
e	Medica-

I N D E X.

Medicamenta diuerfos humores purgantia.	45
Medicamenta quomodo miscenda.	46

N.

N ^O titia ex simplicium compositis sunt cognoscenda.	7
Natura calida & vis.	8
Naturalis facultatis functiones. 14. Unde cognoscantur.	ibid.
Naturalis temperies alimentum ad se trahit, & immutat.	19
Natura stimulata & vim passa mouet & cur.	24
Vel qualitate ex Vel quantitate.	24
Natura motus semper & quomodo opitulandum.	29

O.

O ^R do & methodus huius libri.	5
Oedema quid. 11. Eius generatio. ibid. duplex flatuosum	ibid.
& pituitosum. 26. pituitosi cura.	ibid.
Ordo ciborum offerendorum.	57

P.

P ^H legmone in tumoribus prater naturam qua pariat.	10.
Alia eius species.	ibid.
in Pene phlegmone fieri potest.	ibid.
in Pudendu mulierum.	ibid.
Praesagia morbi Gallici apud quos quarenda.	13
Praesagiendi modi.	14
Potio Ventri propinanda.	16
Phlegmone in abscessum transeunte quid faciendum.	17
Parte affecta à materra Visita quid agendum.	17
Pure albo nil timendum.	18
Phymata. 22. quibus curentur. ibid. pudendorum quomodo	ibid.
curanda & digerenda.	23
Pituita Vel crassa Vel aquosa Vel glutinosa.	31
Pituita crassa signa.	32
Pituitam qua facilliter trahant. 34. qua vi maiore.	ibid.
Picra Galeni & eius vires.	34
Polipodium.	43

Q.

Q ^U alitate admodum ignea erodunt exurunt & crustas	9
parant.	9
Quantitas contagiosa morbi gallici inseparabile symptoma.	8.
Simplex	Simplex

S.

S implex morbus gallicus in quibus consistat.	8
Simplices affectus in simplices, compositi in compositos mutantur.	7
Symptomata calida intemperatura qua sint.	9
Sanguis & bilis flava admodum calida 10. sanguis influens calidus & crassus crustas parit.	11
Scurvus duplex 11. Exquisitus, & non exquisitus. ibid. sensu carens, caret spe sanitatis. 26. sensu praediti cura. ibid. &	27
Sulphur vires.	30
Simplicia bilem flavam purgantia.	30
Ingultus quibus mistescat.	41
Ignis sanitatis.	54
Affumigia quibus conveniant. 60. quomodo parentur. & ex quibus.	ibid.

T.

T umores in tumores alios & tandem in abscessus possunt mutari.	7
Tumor prater naturam à calida intemperatura trahitur.	8.
prater naturalis initio morbi gallici ex genere est phlegmones.	ibid.
Tumoris quem oedema vocant generatio.	11
Tumor praedurus quomodo curetur.	27
Tithymalus.	44
Tymus.	45

V.

V iscera in morbo gallico primò inquinantur.	6
Vacuatio est vel sensibus manifesta vel occulta.	ibid.
Vesera in glande penis & interna parte praputij.	12
Ves languentis unde cognoscantur.	14
Ves medicamentorum unde cognoscantur.	20
Vita solutio quomodo curetur.	25
Vina in hoc morbo curando quotidie spectanda.	29
Vlicatio Ventriculi quibus remouenda.	37
Vomitum proritantia. 37. antecedentia. 40. excitantia.	41



GERARDI
COLVMBÆ DO-
CTORIS MEDICI, ET
PHILOSOPHI MESSA-
NENSIS DISPUTATIO-
num Medicarum

De Febris pestilentis cognitione, & curatione,

LIBER PRIMVS.

DISPUTATIO PRIMA.

*An dentur morbi Pandemij, ab Endemiis & Epi-
demijs distincti in doctrina Galeni. Opinio
aliorum. CAP. I.*



LOANNE Fernelius, Medicorum nostra
tempestate clarissimus, primus fuit, qui *Ioan. Fernelius.*
morbos Pandemios, ab Epidemiis & En-
demiis differētes, introduxit, *lib. 2. de ab-*
ditis rerum causis, cap. 11. Hanc sententiam
probavit Philippus Ingrassias vir celeberrimus, *lib. 1. de contagio pestilēti, c. 18.* dum dixit: Morborum
in multos vagantium, alios esse Pandemios, quos Latini *Philippus Ingrassias.*
vocant communes: alios sporadicos, hoc est dispersos. Cō-
munium vero, alios Epidemios, alios Endemios, alios tã-
dem simpliciter Pandemios: differre tamen. Nam si causa
communis sit aēr, Epidemij, vel Endemij fiunt: si verò ci-
bus & potus communis, Pandemij simplices. Philippum
sectatus est Marcellus Capra Siculus medicus insignis, *Marcellus Capra.*
libello suo, quem nūper edidit, & inscripsit de morbo pan-
demico: qui verba Philippi, quæ alios dicit non bene per-
cepisse, nec explicat, neque tuetur, sed ad verbum transcri-
bit *fol. 11. eius libri,* ubi inquit: *Pandemij iterum subdividū-
tur: quidam sunt Epidemij, alij Endemij, & alij denique ob*
A *caren-*

carentiam proprij nominis, nomine generis vocantur Pandemij simplices. Hanc diuisionem Philippus inquit esse de mente Galeni: subdit enim lib. eodem s. de contagio: Trium horum morborum distinctam doctrinam didicimus ex Galeno in proæmio lib. s. de morbis vulgaribus, & in com. 9. libri s. de ratione victus acutorum.

Opinionis euersio. CAP. II.

Verum si communes morbos omnes pandemios, vel pancenos appellēt, nulla inter nos de nominibus est controuersia. Inquit enim Galenus *lib. de opt. sec. c. 18. Verū nos aduersus nomina mutantes minime pugnamus, sed rem ipsam proponemus, cui quisque suo iure nomen imponat. Quod confirmat 4. method. c. 4. 4. eiusdem c. 9. 2. de diff. feb. c. 6. & alibi saepe: & ante ipsum protulit diuinus Plato in Carneade, & Theatro. Cæterum si, quos morbos vocāt simplices pandemios, ab epidemijs, & endemijs putent genere diuersos in doctrina Galeni, aduersantur planē Galeno, qui nunquam diuisit communes morbos in hæc tria genera, sed ubiq; in morbos epidemios, & endemios. Primum Galeni verba s. in s. de morbis vulgaribus in proæmio, hæc sunt: Igitur in libro de aquis, aëre, & locis, regionales agritudines docet, quæ per singulas habitationes fiūt: hoc autem libro Epidemiorum agritudines, quæ per aliquod tēpus passim, vel ciuitates, vel nationes totas adoriantur. Et consuevit quidem ambo hæc agritudinū genera & communia, & passim grassantia nuncupare, cæteras vero omnes sporades, id est, dispersas. His ergo verbis, de mente Galeni, duo sunt, non tria communium genera morborum. Rursus si morbi pādemijs simplices essent ab Endemijs & Epidemijs diuersi: tunc non communes essent, sed sporades; vel falso diceret Galenus: Consuevisse quidem Hippocratem ambo hæc agritudinum genera communia, & passim grassantia nuncupare, cæteras vero omnes sporades, id est, dispersas. Accedit, quod si pandemij non reducerētur ad epidemios, nullibi de illis egisset Hippocrates; vel falso diceret Galenus: Egisse Hippocratem de endemijs lib. de aquis, aëre, & locis: de epidemijs autem, in libris de morbis vulgaribus: quoniam in his libris Epidemiorū egit de communibus morbis, quos Pandemios appellant simplices, & ab epidemijs putant distinctos. Non minus esset*

Gale-

*Duo tantum
morborum
Communium
genera secū-
dum Gale-
num.*

Galenus diminutus, qui communes morbos diuifit in endemios & epidemios tantum. Non minus erraffet, qui ab endemijs, & epidemijs, ceteros omnes morbos, difperfos effe affirmauerit. Præterea Galenus *1. acut. com. 9.* inquit: *Vt Epidemius morbus fit, qui tempore aliquo in regione aliqua abundet.* Et paulo poft: *Eft autem & aliud morbi genus commune multis, quod in regione fuperuenit, acceditq; Endemumq; Vel Endemium appellatur, quafi patrium dixeris, aut Vernaculum.* His autem omnibus aduerfantur fporades, id eft, qui fparfim priuatimque prehendunt, agros difcrepenter fatigantes, neque fecundum communem modum conftantes. Sed cur Galenus & hic de pandemijs iftis nō meminit, fi & ipfi communes funt, & ab endemijs, & epidemijs diftincti? Cur definit, Epidemios effe morbos, qui tempore aliquo in regione aliqua abundant? cum idem habeant & pādemijs fimplices, quos putant toto genere ab epidemijs diuerfos. Cur tandem concludit, his omnibus, nempe Endemijs & Epidemijs aduerfantes morbos, effe fporades? fi pandemij ad epidemios non reducuntur, cum & ipfi priuari non fint, fed communes. Ad hæc falfo etiam Galenus auctorem libri fecundi de natura humana redarguens, dixiffet, *com. 3. Vt tamē id nō omnino recte dictum fit, quod ortus communium morborum in aërem folummodo fit referendus.* Rectē etenim auctor ille loquutus effet, fi epidemij, de quibus loquebatur, foleo communi aëre fierent. Ex cōmunibus autem cibus, vt in Aëno, epidemij nō forent, fed fimplices pādemijs, genere ab eis diuerfi. Præterea morbi, quos tractat Hippocrates in libris de morbis vulgaribus, epidemij funt, fi non mentitur Galenus *primo 1. Epid. in proœmio, & 1. acut. com. 9.* Sed illi nō modo fiunt ex aëre, verum et ex cōmuni cibo & potu. Subdit enim Galenus *primo eodem Epid. in proœmio*, poftquā de epidemijs meminit: *Horū autem morborum ficut generatio, ita & cauffa communis. Cū autem tres fint cauffa, a quibus morbi afficiantur: vna quidem in ijs, qua offeruntur: altera vtro in ijs, qua fiunt: & tertia in ijs, qua extrinfecus incidunt: per vnam quamque fanē communes morbi fieri confueuere, ac præfertim quidem per affectum aëris nos ambientis. Non enim frequenter accidit, vt per ingeftos cibos morbus communis ciuitatem vel nationem, vel exercitum perueniat. Sed cur hæc Galenus, fi in his libris*

*Epidemius
& Endemius morbus
quid.
Sporades.*

*Cauffa tres,
a quibus morbi
afficiantur:
vna quidem in
ijs, qua offeruntur
cibi ingefti
viro communis
morbi
cauffa.*

de solis epidemijs tractaret Hippocrates? qui à solo aëre fiunt. Cur de cibis & potibus tractat, si non epidemios, sed pandemios morbos cibi constituunt? Sed si tractat de epidemijs & pādemijs, cur de vtriusq; non proponit se tractaturum? si diuersi generis inter se sunt: cur diuersorū morborum causas promiscuè confundit? Rursus, an non falsum diceret Galenus? qui postquam dixit, in libris Epidemiorum tractare Hippocratē morbos epidemios, subdit: *Per vnamquamq; sanè communes morbi fieri consueuerunt, praesertim quidem per affectum aeris nos ambientis.* Non enim ex aëre praesertim, sed perpetuo, epidemios fieri dicere oportebat: neque cōmunes morbos epidemios fieri per vnamquamque causam: cum ex cibis & potibus omnino nunquam illos fieri, proferre debuisset. Verum consulamur rationem, & naturam rei.

Aer morborum communium causa praecipua.

Cur est, quod communes morbi à communi cibo progeneriti, epidemij esse non possunt? Respondet Marcellus folio 13. sui libri, loquens de Pandemijs: *Neque causam si specilli & eius riorum ex aëre, & epidemij, sed communem habent causam in confutatio. cibis & potibus deuoratis, corruptis, aut vitiosis.* Sed suis dictis seipsum euercit. Primum, tunc morbus, qui pessimè Siciliā confecit anno 1591. non fuisset pandemicus, vt ipse dicit, qui à solis cibis nō fuit, sed ab aëre. Referens enim ipse illius morbi causas libro suo de morbo pandemico, folio 16.

Pestis Sicilia Anno 1591.

inquit, *prouenisse partim ob annonae caritatem, & partim ob aeris astius humiditatem.* Morbum autem Epidemium explicans folio eiusdem libri 11. dicit, *fieri ob aeris superstantis, atque vndiq; circumueuentis alterationem, seu aliam communem causam.* Et paulo post loquens de eisdem epidemijs, subdit: *Hi enim morbi non solum ex aëre, sed ex malo regimine proueniunt.* Ergo ille morbus pandemicus nō fuit, sed epidemicus.

Morbus fuit Epidemicus non Pandemicus.

Rursus, si velit à solo communi cibo productos morbos, esse pandemios simplices, à cibis autem & aëre simul progeneritos, esse epidemios, vt ex verbis eius nuper adductis facillè constat: manifestum est, morbum, quem pandemicum vocat, qui proximè Siciliam inuasit, epidemicum fuisse; cum ex Marcelli confessione ex aëre simul & cibis effectus sit: Inquit enim libro suo eodem fol. 17. *Quapropter incidisse credam omnes ferè in hanc mali moris febrem, pri-maria hac ex causa, ciborum scilicet corruptela, & humidissimo*

simo postmodum aeris statu, ex tot magnis & cōtinuis imbribus, & ex caliditate aestatis, aptissimis ad putridorum humorum generationē. Nec est, ut quis pro eo dicat, aeris humiditatem causā fuisse non primariam, sed coadiuuātem. Præterquam quod enim causā adiuuans efficiens est, (inquit enim Auctor finitionum medic. *Adiutrix causa est, quæ opus quidem conficit, sed agrè: quia propter alij cōsociatur, quo rem assequatur facilius, quam prompte obire scorsum nequit*) gratis accipit, causā primariam eius morbi fuisse cibos. Nam fuisse aërem probabilis est: tū quia aeris constitutio est causā morborum, suapte natura vniuersalior, quam cibus & potus, ex Galeno primo primi *Epid. i. a proemio*; tum quia cibi illi prauam omnem qualitatem a praua aeris constitutione, & cœli inclementia suscepere. Hoc negare Marcellus nō potest, qui libro eodem suo folio 2. hæc verba profert: *Ineunte aestate vredo, rubigoue, quam vulgus resinam appellat, super arbores, plantas, segetes, & deniq; herbas omnes virētes sic apparuit, ut eas omnes (miserabile dictū) breui temporis spacio depauperit. Pecudes, vacca, & armenta omnia, ob pascua rubiginata, & mala qualitate infecta emaciata euasere; ac & si lactifera erant. Et paulo post subdit: Lac omne fetidum, & pallidum erat: tritica, hordea, & legumina ferè omnia, pauca, æruginata. & à multis imbribus corrupta, & fetida agricola collegunt. At propter quod vnūquodque tale, & illud magis. Tum denique: nam anni cōstitutio calida, totque magnis & continuis imbribus humida, causā omnium vehementissima existimanda est ad putredinem, & pestilentes morbos, ex Galeno r. de temp. c. 42 ubi dicit: Ego vero, tantum abest, ut aut ver humidum & calidum pronunciem: aut, si quid temperatū est, calidum atq; humidum concedā; ut, quod planè contrarium est, id affirmem, omnium aeris nos ambientis temperamentorum pessimum id esse, quod humidum est & calidum. Quod sanè temperamentum in quatuor anni temporibus inuenire prorsus nequeas: in morbo, & pestilēti aeris statu interdum incidit: Veluti quodam loco Hippocrates commemorat his verbis: Pluebat per astitū imber largus assidue, Id namq; est humidi & calidi statui proprium, ut in aestu assidue pluat. Quod confirmat 3. in 3. *Epid. com. 1. & com. 22. 6. de sanitate tuenda, & alibi sæpe.**

*Pestis Sicilia
qua causā
fuerit.*

*Anni cōstitutiō calida
& imbribus
cōtinuis humida, potissima causā
putredinis.*

Cæterum, cur est, quod nō solos morbos dicāt epidemios,

*Epithemij
Etymologia.*

mios, qui à solo aere communiter alterato proueniunt, à communibus autem cibis productos, non item? Est, inquit Marcellius *folio 11*. Nam Epidemius à Græcis dicitur à dictione, ἐπι, quæ significat, *super*, & δῆμος, quod significat populum: quasi dicat super populum Vnde Latini morbos vulgares, ac populares vertunt. Hoc accepit à Philippo Ingrassia *lib. 1. de cont. pest. c. 1. §. 18. vbi* asserit ἐπὶ, in compositione significare *suprà*: ergo (subdit Philippus) morbi Epidemij erunt ab aere, qui *suprà* populum est. Sed tunc erit fallacia à simpliciter ad secundum quid, quando *suprà* populum non modo sit aer, sed & multa alia ab aere diuersa. Ad hæc tunc ἐπιληψία, ἐπιγνώσις, ἐπιπλοῖς, ἐπιζέσις, ἐπιγλυττίς, ἐπιδέρμις, ἐπικρύσις, ἐπικρύσις, ἐπιπλοκή, ἐπιφαιμίνα, & alia diuersorum generū, quæ, & ipsa, ἐπὶ, in compositione recipiunt, erunt a causa, quæ vel aer sit, vel ab aere; quod quam verum sit ipse iudicet. Adde quod Endimij non erunt ab Epidemiis diuersi, quando

*Rerum diff-
erentia vel
identitas con-
sideratur.*

Endimios ipsi ἐπιγνώσις appellent. Verum à nominum diuersitate, vel similitudine, nulla sumitur apud Peripateticos rerū differentia, vel identitas; neq; verum, vel falsum: sed contra potius ab eo quod res est, vel non est, oratio dicitur vera, vel falsa. Multo minus apud Galenum, qui præter ea quæ *suprà* ex ipso retulimus; *libro etiam xi de simp. med. facult. capit. 1. inquit: Verum de nominibus, et semper monemus, contendendum non est. Et quarto de locis affect. capit. 3. Quippe, inquit, tunc primum, homines res ipsas neglexerant, cum nimio studio nomina quærere caperant. Et libro 1. de diff. pul. capit. 1. optarem, inquit res et percipi, et tradi, citra ipsarum nomina posse; Sed quod nominibus, quæ volumus, interpretamur, Sophistis hinc commentorum, et inutilis disputationis copiosa materia suppeditatur. Cateri vero, quicumque rerum scientiam, non usum vocum, moramur, inuiti quidem compellimur, propter Sophistarum contumelias, de nominibus laborare. Hæc Galenus.*

Opinio propria C A P. III.

*Morbi vel
communes
vel privati.*

Dicimus itaq; morbos, vel cōmuniter multos, vel sparsim vnum aut alterum defatigare. Priores, & communes, & passim grassantes vocat Galenus; posteriores vero

vero priuatos. Priores item in triplici esse differentia negauimus, ut qui in duas tantum à Galeno diuidantur: Velenim sunt vnius regionis proprij; qui illius loci incolas, ac si cognati essent, omni tempore comitantur; & hi Endemij dicuntur, de quibus Hippocrates locutus est, libro de aere, aquis, & locis: Vel per aliquod tempus vnam, vel plures regiones inuadunt, qui Epidemici nuncupantur, de quibus libris de morbis vulgaribus Hippocrates tractat: qui licet frequenter a communi aeris vitio fiant, quandoque tamen a communis cibi vel potus mala qualitate contingunt. Præterea hi omnes Epidemij bifariam diuiduntur: Vel enim inultos inuadunt, & plurimos occidunt, & hi sunt pestis; Vel multos inuadunt, & plures non interficiunt, & hi Epidemij simplices sunt, qui & benigni, & maligni esse possunt, non tamen vere pestilentes. Nec est, quod quia communes morbi quidam ab aëre, quidam à cibis proueniant, diuersi generis inter se constituantur. Non enim à quauis causarum, ad rei generationem concurrentium, diuersitate, substantiæ essentialis differentia sumi debet. Actus enim est, qui separat, & distinguit; ex Arist. 7. Metaph. 49. actus inquam, siue quod quid est rei, siue forma, ex 2. phys. 28. & 5. Metaph. 12. & 2. de anima. Quod ibidem explicat Auerroes comm. 2. 7. 8. & 9. Accidentium vero differentiam à subiecto, cui insunt, desumendam esse, docet idem Auerroes 1. de demonstr. comm. 31. & 8. Metaph. comm. 6. Verum apud Medicos amplior est causarum latitudo, tum numerus. Efficientium autem morbos, aliæ abditæ sunt, aliæ manifestæ, ex Cornelio Celso libr. 1. in præmio. Has vero diuidit Galenus tertio in 6. Epid. comm. 20. in ante incipientes, antegressas, & continentes. Veræ tamen & essentielles differentiæ morborum desumuntur apud Medicos à tribus. Primo, ab ipsius morbi natura: (Habent enim singuli proprias naturas, ex Hippocrate libro de aëre aquis, & locis, cap. 21.) Secundo, à subiecto in quo insident. Tertio, à modo ipsorum. Ideo Galenus loquens de essentialibus febrium differentiis 1. lib. de diff. feb. c. 1. inquit: Statim enim, cum primum atque præcipuum differentiarum genus ab ipsius rei diuersa substantia sumatur, intueri licet. Apertissime enim

Morbi communes in duplici tantum differentia.

Eorū causa

Morbi Epidemij duplices.

Essentialis differentia à forma: accidentium à subiecto sumenda.

Morborum differentia unde desumuntur.

Febris essen-
tia in calore
præter natu-
ram cōsistit. in febribus ab ipsius rei substantia, simul atq; à dignotione in proprias differentias fecit sectionem: si quidem febris substantia in genere caloris, qui est præter naturam, consistit Caloris autem differentie, & ex eo, quod magis & minus, & ex materia, in qua hic præter naturam calor accenditur, & ex modo motus caloris eiusdem, accipiuntur. Ex his assero, in orbos communes, qui endemij nō sunt, tum ab aëre, tum à cibis productos, licet à causis diuersis, non diuersi tamen, sed eiusdem generis inter se fore: quoniam eādem habent formam, & differentiam constitutiuam; idem subiectum, & undem modū motus, & operationis. Forma & natura eorum ea est, quod communes sint, non tamen vnius populi perpetui, sed vnum, vel plures, ad aliquod tēpus peruadant. Hoc expressit Galenus 1. *Epidem. in præmio* per hæc verba: Non hoc quidem libro Hippocrates Com. agere instituit de propriis cuiusq; regionis morbis, sicut sane alias nonnunquam: quod scire sermo ipsius omnis sit de morbis, qui Epidemici, id est, passim grassantes nominantur, qui ab Endemijs, id est regionalibus, sic differunt, quod hi quidem per aliquod tēpus, aliquam regionem peruadāt. hi vero incolas, ac si cognati essent, nullo non tempore comitentur Et mox subdit: Hoc autem libro Epidemiorum agnitudines, qua per aliquod tempus passim, vel ciuitates, vel nationes totas adorianitur. Sed eandē naturā habent morbi, quos vocant Pandemios, à comuni cibo producti. Monstrat hoc Galenus, qui eodem præmio, postquam dixit, tres esse causas, à quibus communes morbi auspicantur; vnā in ijs, quæ offeruntur: alterā in ijs, quæ fiūt: & tertiam in ijs, quæ extrinsecus incidunt, subdit: Per vnāquamq; sanē communes morbi fieri consueuere, ac præsertim quidem per affectum aeris nos ambientis. Non enim frequēter accidit, ut per ingestos cibos, morbus communis ciuitatem, vel nationem, vel exercitum peruadat. Quod autem accidit non frequēter, nunquam cūniri dici nō potest. Secundo vtriusq; subiectum idem est, vnus, vel plures populi, siue nationes, siue exercitus, non perpetuo, sed ad tempus affecti. Explicat hoc Galenus *comm. 3. lib. 2. de natura humana*, tum dicit: Quod communem causā habeat, si quid multis morbis commune sit. Probe profecto ab eo dictum est, perinde ac cætera huius orationis. Ut tamen id non

Causa mor omnino rectè dictum sit, quod ortus communium morborum in aërem

aërem solummodo sit referendus, quando ex fame in Aëno le-
guminibus vescentes crura imbecilla habuere: qui vero eruo, munii, non
illis genua dolebant. Jam etiam nouimus, quod comesse semi-
putridum triticum famis necessitate compulsi quidam, com-
muni morbo ex communi causa correpti sunt. Sed & exerci-
tus quandoque, dum prauis steretur aquis, simili in omnibus
militibus noxa vexatus est. Tercio eundem modum læsio-
nis æque habent: vterque enim vnum, vel plures populos
ad tempus fatigat simili nota, tam viros, quam fœminas;
tam iuuenes, quam senes, tam eos, qui in multis sunt, quã
qui in paucis laboribus. Quod de cõmunibus ab aëre pro-
ductis dicit author libri de natura humana, pariter & de
cõmunibus à cibis progenitis dicit Galenus in comm. Nec
est, quod putent diuersarum esse constitutionum, quoniam
alter ex aëre, alter ex victu producat. Præterquam quod
enim morbi non diducuntur in suas causas, ex Galeno 9.
methodi c. 14. errasset quoque Galenus, qui in illas causas
hos morbos non diuideret, sed oppositum omnino protu-
lit, vt supra monstratum est.

Tandem, si quicunq; communes morbi ab aëre fiant,
necessario diuersi generis erunt à morbis, quos victus cõ-
munis produxit, & ab aëre geniti Epidemij, à cibis Pande-
mij simplices dicendi essent: tunc morbi endemij rursus in
epidemios, & pandemios simplices erunt diuidendi. Quod
non minus absurdum est, quam si diuidamus speciem sub-
alternam in differentias oppositas, diuisiones sui generis: vt
diuidentes animal in irrationale & rationale, iterum diui-
damus rationale in substantiam insensibilem & sensibilem.
Euidens est ratio: diuidunt enim morbum pandemium in
epidemium, endemium, & pandemium simplicem: & iterum
coguntur subdividere Endemium, in epidemium, & pan-
demium. Negare hoc nō possunt. Nam endemici morbi,
aliquando fiunt à vitio aëris eius loci proprio; non unquam
vitio aquarum: quandoque à propria loci natura. Quod
non est, vt monstrem ex Hippocrate libro de aëre, aquis, &
locis, cum id ipsi vltro admittant, vt fatetur Ingrassias lib. 1.
eodem c. 18. & Marcellus libro suo, folio 12. cum inquit: Vnde
Latini morbos regionales appellant: hi enim, vel ob terra, vel
ob aëris, vel ob aqua, vel sitius rationem proueniunt. Verum
putare epidemium speciem endemij esse, omnem Galeni

borum com-
munium, non
in aërem tā-
tum referē-
da.

3.
Eundem le-
sionis modum

Morbi com-
munes, ex
aëre, & vi-
ctu, num di-
uersa Consti-
tutionum.

Morbi endemici vnde
fiant.

diuisionem inuertit. Ex quo patet, non esse probandā sententiam Herculis Saxoniae viri clarissimi, qui *secunda sua editione de phænigmis, libro 2. c. 1. asserit; Quod si febrem aliquam vniuersae regionis, aut vrbis incolae inuadere, ac maiori ex parte interficere contingat, hanc quoque non iniuria pestilentem endemiam dixerimus*: non esse probandam, inquam: esset enim vel Epidemius morbus, vel non pestis. Impossibile enim est, vna in regione pestem esse sempiternam: Tales autem sunt morbi endemij, *ex Galeno 1. Epidem. in proæmio. Quæ autem ex Nili inundatione ferè quotannis Egyptum pestes conficiunt, epidemij sunt, non endemij*. affectus: cum ad tempus grassentur, desiliant, & redeant, non perpetuo affligant. Dicit tamen Galenus, loquens de Endemij. Epidemij: *Ab Endemijs, id est, regionalibus sic differunt; quod Epidemij & his quidem per aliquod tempus aliquam regionem peruadant: Endemij illis vero incolae, ac si cognati essent, nullo non tempore commorbi quidentur*. Pestes autem de genere sunt epidemiorum, *1. acuto differant. commen. 9. primo primi Epid. in proæmio, tertio tertij eiusdem 20. Ad extremum, non est quod forte putent, communes morbos à cibis epidemios esse non posse, vt sunt vitio aëris producti: cum à cibis veræ pestes, prout ab aëre, fiant. Nam sequenti disputatione, veras pestes solius communis cibi perniciæ produci posse, rationibus & Galeni auctoritate demonstrabimus.*

DISPUTATIO II.

An à cibo & potu communi pernicioso, citra aeris alterationem, vera pestis fieri possit. Opinio propria, & oppositarum opinionum exercitio. CAP. IIII.

Quod autem post diras fames, nullo aëris vitio, solis cibis, & potibus perniciosis, obseruatæ non semel sint pestes, non modo veræ, sed vehementes, vnum vel plures populos peruadentes, plurimi historiarum scriptores testes sunt. Sub Tito enim & Vespasiano Hierosolymis, *post crudelem famem, teterrimam pestem subsequutam, per author est Ioseph. lib. 7. de bello Iudaeico, cap. 26. Egesippus de ex-*

de excidio Hierusalem, & Eusebius lib. 3. de historia ecclesiastica, capit. 6. Cæsar lib. sua historia post durissimam obsidionem, ex esu putridi hordei, validam pestem contigisse narrat, quod Romæ euenisse refert Cornelius Tacitus lib. 16. Ita sub Iuliano Apostata, Sozomenus lib. 6. cap. 4. ut sub Valentiniano dicit Eusebius lib. 2. cap. 6. At historiarum fides abneganda non est, ex Galeno lib. de sub. fides abne-emp. cap. 9. cum inquit: Historiam ego non vituperō. Cum enim unius hominis vita ad omnium inuentionem sufficere est. nequeat, longi temporis observationem historia colligit, & eius beneficio, tanquam ex multis tot seculorum hominibus, unus efficiatur eruditissimus. Quod confirmat lib. eodem cap. 12. Cæterum Medici, medicorum observationes afferamus, Nicolaus Florentinus sum. 2. distinctio. 6. tracta. 2. cap. 2. refert, homines carceribus clausos, fame compulso, genus quoddā scarabeorum abominabile comedisse, ex quo peribant. Nec non & plures herbam quandam, quam Arabes *Keulam* appellant, quam Matthæus Siluaticus dicit esse rithymalli speciem, & subdit, id causse fuisse necis illorum repentinę. Auenzoar lib. 3. theysir. tract. 3. c. 4. inquit: Similiter & idi in quadam ciuitate, qua *Mazarius* nominatur, homines, qui propter ingentem famem, querebant, & frangebant ossa antiqua, & vetusta cadauerum, comedebant ipsorum medullas, & subito moriebantur. Respon- det Philippus Ingrassias; has non fuisse veras pestes, sed morbum pandemium venenosum. Donatus Antonius Altimari lib. suo de febre pestilenti c. 6. dicit, non fuisse veras pestes, quoniam ab aere productę non fuerunt: vocari tamen pestes. Nam verę pesti fuere similes. Neutra tamen responsio recta videtur. Primo valde diminutus erit Galenus in explicanda pestis ratione, si vera sunt quę affirmat. Inquit enim tertio in 3. Epid. comm. 20. Neque certi est nomen morbi *vulgare*, vel *pestilens*. Cæterum quicumque una in loco multos inuaserit, *vulgaris* hic vocatur, qui simul, si hoc habeat, & multos perimat, *pestis* fit. Sed totum hoc erit non modo mancum, sed falsum, si dabitur ex communi cibo vitiatō morbus multos inuadens, & plurimos occidens, qui non sit pestis, sed pesti similis, vel pandemicus venenosus. Falsum non minus diceret Galenus, cum subdit comm. 21. Et cum dicit, quamplures moriebantur, *pestilens*

Pestes ex vitio
Eius vitioso
num vera
Ingrassias
Altimari.
Refutatio
Eius ratio

Ratio 2.

pestilentes fuisse morbos, qui vulgarentur, demonstrat. Vbi de vera pestilenti constitutione loquitur, vt eodem tertio in 3. comm. 71 Gal. affirmat. Secundo, si verum esset quod affirmant, darentur morbi, longè magis perniciosi, lethales, ac pestilentes, quam vera pestis: qui tamen vera pestis non essent. Euidens est ratio: nam idcirco pestis ipsa cēsetur perniciosus affectus, quia cum multos inuadat, illorum plurimos occidit. Sed est longè magis perniciosus, qui cū multos inuadat, nō plures illorum modo, sed omnes ad vnum interficit, vt longè magis est lethalis, qui simpliciter & omnino cnecat, eo, qui magna ex parte; vt refert Galenus 6. aph. comm. 18. Affectus, quem retulit Auenzoar, quem pādemicum, malignum, & pesti similem vocant, nō pestem, quotquot inualit, omnes omnino, & derrepente necauit. Fuit ergo vera peste magis perniciosus. Putare tamen dari morbum, qui perniciē pestē superet, aduersatur communi hominum sententiæ, de veræ pestis perniciē horribili, ac omnium morborum teterrima: aduersatur & Galeno, qui primo in 1. Epidem. in proœmio inquit: Itaque pater, ex vulgariū morborum esse genere eos, qui malignissimi sunt, & pestilentes appellantur. Et paulo post: pestem appellant omnes homines, sciuntq; exitialem morbum esse, & ad Deos saepe referunt, de eius curatione consulentes. Et post: Horum perniciosissimi, quique pestilentes appellantur Quod confirmat 1. acut. comm. 9. & lib. de theriaca ad Pisonem c. 16. Tertio, cōtradiciunt Galeno, qui 1. de differentiis februm c. 4. inquit:

Ratio 3.

In pestilenti aeris statu, inspiratio potissimum est caussa: sit enim & aliquando ob eos, qui sunt in corpore humores, ad putrescendum paratos, cum breuem aliquam occasionem ad februm originem ab aere ambiente acceperit animal. Magna autem ex parte ex inspiratione incipit aeris circumstantis, à putrescibili euaporatione infecti: Hæc Galenus: qui falso diceret, aërem esse caussam potissimum pestilentis constitutionis, si absolutè, & perpetuo solum aer est caussa, ita vt citra eius vitium vera pestis fiat nunquam, & humores, aere vt caussa non concurrente, non possent veram pestem, vel efficere, vel concipere. Quarto, Galenus in hoc quarto c. libri primi de diff. feb. per humores ad putrescendum paratos, vel accipit humores, vt dispositionem ad pestem concipiendam necessariam requisitam: vel vt instrumentum aeris ad

Aer potissimus, sed non sola vel perpetua pestilentis constitutionis caussa.

Ratio 4.

ris ad pestem consociendam: vel ut causam absolutam, quæ aliquando citra aeris venenatum coinquinamentum, propria corruptione pestem producat. Si primo modo; perpetram diceret Galenus, aliquando fit ob humores: nam non aliquando, sed semper & necessario requiritur patientis dispositio, ut fiat febris. Subdit enim Galenus *c.eodem. Oportet enim semper hoc memoria tenere, quod nulla causarum sine patientis aptitudine gerere potest* Si secundum; non debebat Galenus subdere, aerem esse causam potissimum & magna ex parte: nam nec magna ex parte, neque potissimum, sed semper aer esset dicendus efficiens causa, tam si immediate, quam si mediantibus humoribus, ut instrumento, pestem induceret. Si tertio modo aerem potissimum, & humores, aliquando pestem facere intelligat, ut causas effectrices inter se distinctas, manifestum est, aerem veræ pestis causam perpetuo non esse, sed cibos aliquando illam efficere, citra aeris concursu. Nec satis est firma Altimari euasio, cum dicit, humores neque putrescere sine aere, quia Galenus subdit, *cum breuem aliquam occasionem, ad febris originem ab ambiente acceperit animal.* Nam si Galenus per breuem aeris occasionem, aerem causam efficientem intelligit, cur subdit, aerem esse causam febris pestilentis magna ex parte? tunc enim nec magna ex parte, sed perpetuo; nec potissimum, sed omnino & semper ab aere fierent. Cur vocat breuem occasionem ab aere accipere animal ad febris originem? non enim esset dicenda brevis occasio, si eius febris esset efficiens. Vel cur esset in humoribus brevis occasio? an quia humores forte, valde satis prave dispositi, leui aeris impulsione in pestem incidant? Sed non est brevis occasio, si pestem etiam momento inducat ob patientis aptitudinem: cum effectus magnitudo, qualis est pestis, non referatur ad solam materiam valde dispositam. A materia enim nulla sumitur actio, sed ad efficientis actionem valde vehementem, etiam si breui tempore grandem effectum producat. Sic enim brevis occasio illuminationis diceretur actio Solis, quæ momento diaphanum valde dispositum illuminat. Ita non brevis occasio, sed magna vis dici debet eius aeris, qui momento inspiratus pestem inducit, & enecat. Rursus, vel his aer est brevis occasio, inspiratus, vel extrinsecus corpori circumfusus. Si primum

mum Galenus intelligit; implicat dicere, aerem inspiratū
 esse breuem occasionem, & dicere, in pestilenti aeris statu
 inspirationem potissimam esse causam. Si secundum, tūc
 vel est quatenus morbida excretionē, ac pestilenti cōspersus,
 per arterias in cutim delinētes trahitur vsque ad cor,
 vel quatenus breui tēpore ad cor permeat. Primum bre-
 uis occasio esse nō potest, cū deferat se venenosa.
 Dicit enim Galenus 1. de semine, c. 16. *Minima particula hu-
 moris lethaliū venenorum, qua deleteria appellat, &bi in a-
 nimalis corpus ingressa fuerit, totum id mōmēto temporis im-
 mutat.* Talis immutatio non breuis occasio, sed efficiens
 causa vehementissima dici debet, cum ad interitum vehe-
 menter immutat. Nec secundum: nam longē breuiori
 tempore penetrat per inspirationem, ex aspera arteria ad
 cor, vt dicit Galenus 1. de differentiis februm, cap. 4. & ta-
 men aer pestilens inspiratus, breuis occasio non dicitur.
 Sed dices: cur ergo dixit, cum breuem aliquam occasio-
 nem ad putrescendum ab aere ambiēti acceperit ani-
 mal? Dico, quod humores sine aere non putrescunt. Con-
 currit enim aer ad illorum putredinem, quatenus putre-
 factio est corruptio propriæ ac natiuæ caliditatis, in vno-
 quoque humido, ab aliena caliditate, quæ est ambiētis.
 Ambiens autem est aer. Habet autem aer vim ad excitā-
 dam putredinem, tum suo calore humido, tum suo frigore
 obstruente; in quem sensum Hippocrates lib. de flatibus
 dixit, aërem esse causam februm, quæ à priuata mala di-
 cta contingunt. Non tamen ex hoc valer, illam breuem oc-
 casionem aeris, esse pestis causam: ex hoc enim non est
 venenatus aer, vt contagione sua corrumpat humores ex-
 cellenti gradu putredinis, ita vt in venenum illos commu-
 tet, vt facit quando pestis est causa; sed solum putredinem
 excitat in humoribus, qui non ex occasione, qua putre-
 scunt, sed ex natura eorum (si putrescerent) apti sunt mu-
 tari in corruptionem veneno similem; vt de Sycomoris, si
 putrescant, dicit Galenus 2. de alim. facul. capit. 11. Hoc
 declarat Galenus, dicens breuem occasionem: nomine e-
 nim *occasionis* intelligit Galenus paruas causas, quæ com-
 mittere per seipsas morbos nequeāt, & patet primo in 3. E-
 pid. com 15. Quæ tam leuior est, quā nō modo occasio, sed
 leuis occasio nuncupetur. Adde quod Galenus cōparat: ae-
 rem, &

Humores si-
 ne aere non
 putrescunt.

Putrefactio
 quid

Aer & caus-
 sa putredi-
 nis & pestis.

& humores in genere causſæ efficientis peſtem : dicit enim, aerem potiſſimū & magna ex parte eſſe cauſſam : humores vero aliquādo. Ergo ut accipit aerem pro cauſſa efficiente abſolute, ſic & humores. Comparatio enim fit in ſpecie, & non in genere, in quo latent æquiuocationes, ex *Ratio 3.*
Ariſt. 7. phyſi. 29. & 31. Quinto, ſi examinemus verba Galeni *lib. de cibis bonis, & mali ſucci, c. 1.* peſtem verā à ſolis cibis vitiatis inueniemus effectā. Refert enim, quod in crudeliſſima *Hiſtoria Gale*
 fame, quæ ſcuij in multas nationes Imperio Romano *leni de peſte*
 ſubditas, populos fuiſſe coactos, ut veſcerentur cibis prauis *ſolis cibis*
 ſucci, quos ante nunquā ne periculi faciendi gratia degu- *ſuiſſent.*
 ſtauerant. Ex quo ſubdit: *Videre erat quosdā deſinente Vere,*
plerosq; omnes ineunte aſtate ſolceribus in cute quamplurimis
corruptos, quorum non ſonica eſſet in omnibus facies: ſi quidē e-
ryſipelas alia, phlegmonem alia referebant: & alia herpetē, &
impetigines alia. Et paulo poſt: *Aliis vero quibuſdam carbū-*
culi, & phagedæma ſpecie quum apparuiſſent, cum febrī, plu-
rimos interfecere, pauciſſimis agre, poſt multum temporis, ſer-
uatis. At ſine cutaneis affectibus febre plurima ſigūere, quas
cum aliis recrementa ſequebantur, male olentia & mordax-
cia, inteſtinorumq; difficultates, & teneſmus: tum acres ſri-
nas & græue olentes, quæ quorundam veſicas exulcerarunt.
Tam non nulli diiudicati ſunt ſudoribus male olentibus, ab-
ſceſſibusq; putredinoſis. Quibus nihil horū accidiſt interiøre v-
mines. Hæc Galenus. Reſpōdet Altimarus, hos morbos fuiſ- *Opinio Al-*
 ſe ſporadicos, non vulgares, neq; peſtē. Probat ex Galeno, *timari & e-*
 qui eodem c. ſubdit: *Atqui nihil ſanē mirum videri debet, ſi*
quidem contrariis inter ſe, tum morbis, tum ſymptomatis, cor-
rupti fuero, qui tunc agrotarent; & qui non ſolum natura in-
uicem, aut ætate, ſed etiam antea à vitæ ratione differrent,
alimentiſq; ſi eſſent in fame, pugnantibus inter ſe qualitati-
bz prædictis. Cæterum hæc opinio recta non videtur: ſpo- *Morbi poſt*
 rades enim non fuerunt, ſed vulgares, & pſteriq; vere peſti- *famē a Ga-*
 lentes. Quamvis enim in illa tempeſtate, omnibus popu- *leno relatā*
 lis vnum morbi genus commune non fuerit, ſed morbiſeculi, non *fuerunt ſpo-*
 tum plures, tum diuerſi, tum ad ſe inuicem contrarij: ta- *rades, ſed*
 men quicumque vigerunt, non fuēre ſingulares, ſeu pri- *communes.*
 uati, ſinguli ſingulorum hominū proprij: ſed ſinguli plu- *communes.*
 rium communes & vulgares, ſinguli à cōmuni victus ge-
 nere, plurib; progeniti. Hoc clare docet Galenus eodē c. cū
 dicit:

dicat: *Quidam desinente Vere, omnes incunte astate: Et mox; Aliis vero quibusdam carbunculi, & phagedana, qua plurimos interfecere, paucissimis seruatis: Et mox: Et sine cutaneis affectibus febres plurima viguerunt: Et paulo post: Iam nonnulli iudicati sudoribus male olentibus, & abscessibus putredinosus quibus nihil horum accidit interiere omnes.* Hæc Galenus. Præterea cibi insolentes, licet fuerint diuersorū generum, tamen nullum illorum priuatum fuit, sed vnumquodque commune pluribus. Subdit enim Galenus: *In diuersa porro rerum copia, alij cibos adhibuere succi acidi, &c alij acerbis & si sunt, &c.* Ipse quosdam non ex fungorum esu perijisse statim: quosdam ex cicuta, aut ferula: nec sane paucos ex his vix seruatos. Hæc Galenus. Ergo quæcunque eo tem-

Trium fuerunt generum.

pore viguerunt ægitudines, communes fuerunt. Fuerunt autem in vniuersum trium generum: Primi generis, fuere plures homines varijs vlceribus in cute correpti: Secundi, plures alij, quibus carbunculi cū febre apparuerunt, quorum plurimi mortui sunt: Tertij, multi correpti febre sine cutaneis affectibus, quorum nonnulli iudicati sunt cum sudoribus, & abscessibus, alij vero, quibus nihil tale euenit, mortui omnes sunt. Horum quamuis primi non peste, sed morbis vulgaribus mitibus correpti viderentur, secundi tamen & tertij vera peste sunt profligati: laborarunt enim febre communi secundi, cum efflorescentijs malignis: postremi cum pessimis excretis. Vtriusq; generis plurimi interepti sunt, paucis omnino seruatis. Talis est pestis verus chacterismus 3. in 3. epid. 20. 1. acuto. 9. Nec est necesse, vt in vna constitutione pestilenti morbi omnes, qui vulgantur, eiusdem sint formæ: possunt enim esse non modo diuersi, sed cōtrarij, pro corporum dispositione diuersa, pro partium affectarum vario robore, vel infirmitate. Vbi enim omnes vulgares fuerint, & magna ex parte lethales, omnes verè pestilentes sunt, vt patet ex Hippocrate 3. in 3. Epidem. à tex 9. ad 19. vbi recenset sacros ignes, febres arden-tes, phrenitides, ora aphthis vitiata, pudenda tuberculis, lippitudines, carbunculos, comata, vigilias, hydropes, tabes. Erant ista tum diuersa, tum inter se pugnancia morborū genera. Subdit tamen Hippocrates: *Ex qualibet morborum, quos recensuimus, specie, complures agrotabant, & moriebantur.* Vbi Galenus; *Cum dicit & complures moriebantur,*

Morbi in pestilenti constitutione diuersi esse possunt & contrarij.

tur, pestilentes fuisse morbos, qui vulgarentur, demonstrat. Qui quando diversi fuerunt, de singulis separatim infra actuum promittit. Hæc Gal. Cōfirmatur: nam in principio primi capitis libri de cibis boni & mali succi, ubi versio Iulij Alexandrini legit (declarat fames,) versio antiqua & melius inquit, (declarat pestis:) tum quia græcus codex legit λοιμός & non λιμός tum maximè: nam subdit Galenus: *Quæ per plurimas Romano Imperio subditas gentes sæuissimis multis demceps annis continue.* Sed breui tēpore sæuissimæ fames, lōgo tempore pestis. Declarat hoc Galenus, cum subdit: *Quum enim ciues pro more suo (quo æstate quamprimum solent frumenti, quod satis sit in reliquum anni tempus, parare) quicquid in agtis tritici fuerat, abstulissent, consumptis hyeme ijs, quæ facta reliqua fuerant, agrestes necessariò vere toto succi prauis alimētis vescerentur, adhibitis ad cibi vsum, arborum fruticumq; germinibus, &c.* Subdit: *Itaq; videre erat, ex his quosdam desinente vere, plerosq; omnes inuente æstate, & ceteris, &c.* Fames ergo fuit non multis annis, sed vnus anni, hyeme & vere: & in fine veris cōpère morbi. Fuit bene multis annis continue pestis, quæ subditas Romano populo nationes afflixit. Galenus s. metho. cap. 12. inquit: *In grauis huius pestilentia initio, quæ vrinam aliquando cesserat.* Tertio de prasag. ex pul. c. 4. dicit: *At in pestilentia, qualis nostra memoria fuit, & viget etiam nunc.* Quæ adhuc durabat, quo tempore scripsit libros de simp. med. facul. vt patet 9. eiusdem c. de terra samia, & 3. in 3. Epidem. 53. Et pestis, inquit, illa longissima, quæ nostra ætate vulgata est. Sexto Galenus lib. de alimento. Hippoc. c. 3. fol. 16. littera F. dicit: *Alias morborum differentias nunc enumerat, quæ ab alimēto, ab aëre nos ambiente, & ab aliis multis rebus desumuntur.* Et paulo post: *Eiusmodi autem edulius & esci multi fame occidit, aut mortui sunt oppressi morbis, qui a corruptela oriri solent, & quos pestis affert, &c.* Hæc Galenus. Septimo ex praua humorum corruptione fit venenum in corpore, ex Galeno 6. de locis affectis c. 5. vt nos infra mōstrabimus. Ex qua fit febris de genere sporadicarum, quam Galenus appellat pestilentem sine peste, 3. de prasag. ex puls. c. 4. At si quaeramus, cur est pestilens sine peste? Hippocrates respondet 1. acut. 9. *Cum enim nullus cōmunis pestiferi morbi modus passim grassatus fuerit, sed morbi sporades, id est, sparsim prima-*

Pestis tempore Culeni

Ratio 6.

Ratio 7.

rimque prehendentes. Gal. 3. in 3. Epid. comm. 57. dicit: Quod quidem esse symptoma videtur in perpetuum febris, quam pestilentem priuatim vocant, cum mortales vel citra pestem corripit. Ergo si contingat vni populo communis humorum corruptela à communi cibo vitiato, quæ magna ex parte interficiat, necessario erit febris pestilens cum vera peste. Inquit enim Galenus commen. 9. 1. acutor. Ostendit hac oratione Hippocrates, morbos multos vno fieri tempore, quos, si perniciosi fuerint, pestem appellant. Octauo, quando aër immutatur malo quodam modo, vt homines interficiat, pestis est, ex Galeno libro de theriac. ad Pisorem cap. 16. Ergo si vnius populi, vel exercitus, ob communem venefici victus rationem, humores in omnibus malo quodam modo immutentur, & corrumpantur, vt omnes, vel maiorem partem inteficiant, pestis erit. Nonno, causa immediata & continens pestis non est aër, quouis malo modo corruptus, seu venenatus: illa enim est ratio formalis, qua posita res ponitur, & remota remouetur, vt de causa continente dicit Galenus libr. contra Iulianum in fine. Sed posita aëris venenata dispositione (licet pestis magna ex parte contingat, cum homines non possint non respirare) necessario pestis non ponitur. Quid enim si plures illius populi malis humoribus vacui sint, nec ad putredinem concipiendam dispositi? cum sine patientis aptitudine actio non fiat: & corpora prauis humoribus vacua, vel omnino nihil, vel saltem leuiter lædantur, ex Galeno primo de differ. feb. cap. 4. pestis vrique non erit. Nam minor pars populi ægrotabit, maior erit in columis. Sed posita corruptione substantiæ cordis, communiter vnius populi, à communi causa corrumpente septica, seu venenosa, ponitur necessario communis mor-

Ratio 8.

Ratio 9.

Aër non est causa im-
mediata pe-
stis.

Actio non fit
sine patien-
tis aptitudi-
ne.

Pestis & ab
aère & à vi-
tu prauo &
corrupto fie-
ri potest.

Medici idē
statuentes.

bus lethalis ac perniciosus, & ea remota remouetur. Manifestum est igitur, quod siue à prauo ac venenato aère, siue à prauis ac malo modo corruptis cibis substantia corbis corrumpatur, in maiori parte eiusdem populi, vel exercitus, pestis erit. Vt ergo ab aère, sic à cibo vera pestis potest constitui. Ideo Auerroes 4. colliget. cap. 14. Et similiter, inquit, sunt agitudines pestilenciales à corruptione aquæ & ciborum, sicut accidit tempore famis. Item agitudines pestilenciales, quæ fiunt à corruptione aëris. Aëcius, nulla

nulla facta distinctione pandemici ab epidemico, omnes morbos vulgares seu passim grassantes, & pestilentes, tum ab aëre, tum a communi cibo & potu vitioso fieri explicat *lib. 1. tetrabib. 2. c. 94.* Oribasius *lib. 1. c. 26.* Paulus *lib. 2. cap. 35.* Rasis *lib. 2. cap. 25.* Hieronymus Fracastorius *lib. 2. de contagio, cap. 8.* Mercurialis in *suis lectionibus de peste, capit. 2.* Fallopius, Montanus, Trincavellius, Augenius, Ioubertus, & plerique medicorum grauissimi idem plane affirmant, quos sigillatim enumerare puto superfluum.

Oppositarationes diluuntur. CAP. V.

CÆterum si quæ hætenus diximus, vera sunt, cur Galenus inquit, primo primi *Epidem. in proæmio*: *Horum perniciosissimi, quique pestilentes vocantur, qui perinde ac totum vulgare morborum genus, ex eali statu profusuntur.* Adhæc cur Hippocrates *lib. de flatibus Febrium* duo dicit: *Sunt autem febrium genera duo, quorum alterum genera commune omnibus, pestis appellatur: alterum propter malam diatam priuatim his contingit, quæ ea vtuntur.* Vtriusque autem generis aër author & causa existit: Præterea cur Auicennas *prima sen. quarti tractu. 1.* loquens de febre pestilenti, meminit de solo aëre, non autem de cibis? Tandem cur author libri secundi de natura humana *tex. 3.* dicit: *Quum multi homines vno corripuntur morbo tempore eodem, id in causa esse arbitrandum, quod communissimum sit, quoque omnes maxime vtuntur.* Id vero est, quo respiramus. Et *tex. 4.* subdit: *Quum vero idem morbus populariter inuasit, tunc obscurum non est, vtrum hand esse in causa, sed id quod spirando trahimus.* Hæc ille. Verum hæc facillimè diluuntur, si dicamus, consueuisse grauissimos Medicos nominare simpliciter & absolute id, quod non omnino semper, sed magna ex parte contingit: contra vero, putare id, quod rarius contingit, oppositam vniuersalem sententiam ab eis prolatam, neque destruere, neque disturbare. Id docet Galenus *6. aphor. comm. 58.* cum dicit: *Commune si quidem est huic aphorismo cum aliis ab Hippocrate dictis, vt perpetuum quiddam ex figura dictionis offendatur: quamvis res ipsa non semper eodem modo eueniant, sed, licet raro, interdum etiam aliter accidant.* Quod

Rationes
contraria.
1.

2.

3.

3.

Solutio.

*Pestes cur
absolue ab
aere fieri di-
cantur, cum
à cibis fi-
ant.*

*Autor libri
de natura
humana, re-
prehenditur
à Galeno, &
Cur.*

confirmat 2. de diff. resp. c. 6. cum dicit: *Non enim diffecat id, quod raro incidit in illo aliquo eorum qua sic dicuntur, sententiam in vniuersum prolatam.* Ergo quia ab aere pestes fiunt, & frequentiores, & vniuersaliores, à cibis verò rariores, hinc est quod Hippocrates, Galenus, & Auicennas absolute ab aere illas fieri dicant. Re vera tamen hoc nō tollit, quòd quandoq; à cibis vera pestis fiat. Hoc docet Galenus in proœmio primi Epid. cum dicit: *Non enim frequenter accidit, ut per ingestos cibos communis morbus ciuitatem, vel nationem, vel exercitum perueniat.* Ad extremum author libri de natura humana in illo commen. tertio reprehenditur à Galeno, nec sine ratione, quidquid dicat Ingrassias. Nam illum non arguit, quod aerem dicat causam esse communissimam, vt credidit Philippus: sed quòd solum aerē causam putauit: quòd cibos, sporadicos solum morbos facere dixerit. Quæ dicta sunt falsa, vt Galenus ibi demonstrat: quando à communi cibo vel potu, populus, vel exercitus, communi noxa vexatus sit. Falsum non minus est, cum dicit, in communibus cibis vitium esse nō posse; cum oppositum mōstret Galenus lib. de cibis boni, & mali succi, & doceat experimentum. Et tandem quòd putet, epidemicos à solo aere fieri; cuius oppositum supra ex Hippoc. Gal. & ratione monstratum abunde fuit.

DISPVATIO III.

Abditas Stellarum vires à lumine, & motu diuersas Galenum admittere. CAP. VI.

Marcellus libro eodē fol 17. inquit: *Dimitto Stellarum malignas, & humano generi perniciosas, aliasque cacas influentias: cum plusquam humanus ille Mirandulanus à cælo malum effluere non posse contra hos Astrologos, & suas portētosas nugas multa scripserit. Et si Galenus 3 de diebus decretoriis c. 6. stellas maleficas esse, & morborum productrices, quod ipse obseruauit, testetur; hoc dicit non ex sua sententia, sed, & ipse ait, esse inuentum ab Astrologis Ægyptiis.* Hic tria sunt explicanda: Primum (vt ab hoc postremo exordiamur,) an Galenus putauerit, stellas esse morborū productrices: an id dixerit de sententia Ægyptiorū, & non propria. Secundo, an à cælo & stellis, simplicissimis corporibus, malum aliquod

aliquid in mundum hūc sublunarem possit effluere. Ter-
tio tandem, an stellæ solo lumine & motu hæc sublunaria
gubernent, & tota astrologia iudiciaria damnari debeat,
vt Picus Mirandulanus cōtendit. De primo Marcellus sibi
videtur non cōstare. Primum enim stellas maleficas, quas
nunc damnat, videtur admittere *fol. 11. vbi inquit: Quæ æ-*
ris alteratio, & à celestibus & ab inferioribus oritur. Et pau-
lò post: *Hi enim morbi, non solum ab ære oriuntur, vel ab a-*
liquo, siue occulto siue manifesto vitio cælitus proveniente Er-
go siue solo lumine, & motu, siue quauis abdita virtute, vi-
tium aliquod manifestum, vel occultum, sublunaribus im-
mittant, maleficæ sunt. Secundo, hic seipsum suis verbis e-
uertit. Quomodo enim dicit, inuentum ab Ægyptijs esse,
& non de mente Galeni, quicquid affert de stellis 3. de die-
bus decretoriis c. 6. si fatetur Marcellus, illud idem Galenū
cognouisse propria obseruatione. Tertio, Galeni verba
plane Marcellum conuincūt, quæ hæc sunt: *Porro illud de-*
nno repetendum est, quod nos quoque obseruantes, scripsimus
semper esse comperimus, ab Ægyptijs astronomis inuentum.
An quia dicit esse inuentum ab Ægyptijs, dicit esse verum
de mente aliorum? & ita de mente aliorum vt Galenus ve-
rū non putet? Sed si de propria mente id non affirmat, cur
dicit esse verissimum? an quod dicit verum, esse verum non
putat? & quod testatur se obseruasse, falsum iudicat? Ergo
adducit falsum pro vero, non causam pro causa, nos non
docet, sed decipit; & ex professo ac data opera mētitur Ga-
lenus, si Marcellus verum dicit. Nec est quod Picus Mirā-
dulanus lib. 3. contra Astrologos c. 16. dicat, Galenum lib. 6. de
simpl. med. facul. Ægyptios vocare deliros. Ibi enim non de
Astrologis, sed de herbarijs & incātoribus Ægyptijs lo-
quitur. Eius verba hoc ostēdunt, quæ c. 1. hæc sunt: *Verum*
is ad fabulas versus aniles est, simulq; præstigiaturæ quasdā
deliras Ægyptias, iunctis nonnullis incantationibus, quas, cū
herbas colligunt, admurmurant. Quarto, si Galenus falsum
credit, quod ab Ægyptijs astronomis dicite inuentum, cur
eodem tertio loquens de falcatis apparitionibus Lunæ, in-
quit: *Quare nec Aratus male ipsas neglexit, tanquam imbe-*
cillas existentes: conuenitq; eos laudare, qui de eis scripserint,
tanquam ne vel minimum quidem omittentes. Sed cur lau-
dat scriptores rerum quas veras non iudicat? cur dicit, mē-

*Stella an
morborum
productrices
& malefica.*

*Galenī sen-
tentia.*

sis tempus non constare triginta diebus? & id confirmat, authoritate Hypparchi 3. eodem e. 4. si illorum inuenta vera non putat? cur tandem gloriatur Galenus, se hoc lib. 3. inuenisse causas dierum criticorum, cum iis Ægyptiorum principiis innitatur, quorum inuenta vera non iudicet? Qui 3. prognost. comm. 4. inquit, loquens de diebus criticis: *Sed, quæ nam sit causa horum, ipsi tentauimus docere libro de diebus decretoriis tertio, cum tamen nemo antea vel dicere aggressus sit.* Quinto, cur 3. de dieb. dec. c. 10. dicit, hanc dierum decretoriorum disputationem difficilem & subtilē esse? quæ subtilitas disputationis, si procederet ex inuētis Ægyptiorum, quæ vera non existimaret, nonne & amicos decepisset Galenus, in quorum gratiam illa scripsit, si ex inuētione Ægyptiorum speculationem venatus esset, quorum observationes non putauit veras? An probare aliquid authoritate illorum, qui eius rei, vel inuētores vel periti habentur, est loqui de mēte aliorum & non vera? Sexto, Galenus nec poterat sine ignominia adducere sententiā Ægyptiorum, quam putabat non veram, cur eo loco vel alibi illorum, quos putabat, errores non detexit? non confutauit? oppositum, quod putabat verum, non docuit? cur passus est sua authoritate irretiri homines dogmate Ægyptiorum non vero, Medicus, Philosophus, Indagator veritatis? Septimo, an Ægyptiis in re astronomica danda sit fides? si consulamus Aristotelem, summus Peripateticus sic respondet 2. celi 60. *Quod dudum ea obseruauerunt à plurimis annis Ægyptij & Babylonij, à quibus multam fidem habemus de quo quoque astrorum* Quod confirmat 1. meteo. e. 3. loquens de comētis: & vniuersalius loquens. 6. ethic. cap. 11. inquit *Quare peritorum hominum, & seniorum, seu prudentum pronunciationibus, & opinionibus, absque demonstratione, non minus quam demonstrationibus attendendum est: Quia namque ex ipsa experientia visum habent, principia intuentur.* Rursus si consulamus Galenum, cap. 6. eiusdem 3. libri ita respondet: *Rursus igitur eas in summam colligamus: Luna tetragona, & diametra stationes, in principis bonis bonas faciunt alterationes: in malis malas. Atque hoc, praterquam quod Astronomis est in confesso, integrum est etiam tibi obseruare. Sin autem huiusmodi, nec obseruare volueris, nec is, qui obseruauerunt, fidem adhibere, indubie sophistarum ubique*

nunc

Quid Aristoteles de Ægyptiis & Babylonis.

nunc obstrepentium aliquis es, qui ratione manifesto apparetia nos approbare postulant. Hæc Galenus.

DISPUTATIO IIII.

An Stella morbos, & eorum, quæ genita sunt, interitus inducant, in hoc mundo sublunari. Opinio aliorum. CAP. VII.

SECUNDUM Marcelli dictum succedit examinandum. Inquit enim, à cælo malum influere non posse. Confirmo ego hoc Marcelli dictum ex Platone, qui in Epimonide in- *Platonis de*
quit: Hæc cælestia existimamus animalia esse, diuinum a corporibus
astrorum genus, corpore quidem pulcherrimo, anima vero, tum cælestibus o-
beatissima, tum optima constitutum. His itaque animalibus primis.
ex duabus sortibus alteram tribuendam putamus. Nam aut
absque perniciæ, immortalia atque diuina necessario singula
sunt; aut vitam longam agunt, singulis adeo sufficientem,
et longiore non indigeant. Et paulo post: Hanc astrorum na-
turam esse visum quidem pulcherrimam, progressu, et chorea o-
ptima et ientem, omniumque chorearum decentissima, et ma-
gnificentissima, quæ cunctis animalibus commoda præbet.
Hæc Plato. Chalcidius interpres, inquit: Aut omnes Stella *Chalcidij.*
diuina sunt, et bona, nec quidquam faciunt mali: aut que-
dam malefica. Sed maleficas esse, in illo sancto et pleno boni-
tatis loco, quatenus conuenit? Aristot. 9. meta. text. 19. inquit: *Aristotelis.*
Non igitur in rebus, quæ sunt ex principio, et quæ sunt æter-
na, non est aliquid malum omnino, neque error, neque corruptio;
corruptio enim est ex rebus malis. Picus Mirandula- *Pici Miran-*
nus lib. tertio contra Astrologos. cap. 21. Cælum, inquit, per
se conseruat res sublunares, ac in vniuerso proportionem
respondet cordi, quod homini principium vitæ elargi-
tur. Ergo cælum corruptionis et mali sublunaribus causa
esse non potest. Nihil enim destruit id, quod suapte natu-
ra conseruat.

Opinionis confutatio. CAP. VIII.

SED Marcellus, influxus, et malum, quod à stellis non
posse profluere proclamat contra Astrologos hoc loco,
forte non recordatus, admittit eod. lib. fol. 55. cum dicit: Est

sciendum quod pestilentialium febrium tripartita sunt genera; Quadam pestilentes febres dicuntur, quando pestilentia causse, ut volunt Astrologi, cœlestis quadam est configuratio, quæ vim suam inferens influensq; talem producit effectum.

Rationes, quibus influxus stellarum probatur.

1. Ex Aristotele.

Præterea id monstrari potest. Primo, si a stellis & cœlo malum non profluit sublunaribus, cur dicit Aristot. 2. de generat. 56. Quocirca si in adueniendo, & in propè esse generat, & in recedendo, & longe fieri, id ipsum corrumpit. Contrariorum enim contraria causse, Et tex. 58. Apparent autem & secundum sensum confessæ his, quæ à nobis dicta sunt. Videmus enim, quod adueniente quidem Sole generatio est, recedente autem corruptio. Vel ergo nõ erit malum corruptio: quare nec morbus & pestis, quæ ideo perniciofa est, quia multos interimit; Vel à stellis, & cœlo, nõ minus corruptio & malum proueniet,

2. Ex Galeno.

quam bonum & generatio. Secundo, Galenus 3. de diebus decretorii c. 6. inquit, Lunam non modo ægris, sed etiam sanis, dies, quales tandem futuri sint, posse prænunciare. Si etenim ad Planetas temperatos steterit, faustos ac bonos dies producere. Si ad intemperatos, graues molestosque. Fingamus enim homine quodam nascète, salutare Planetas in Ariete, malignos in Tauro esse: is homo, nimirum cum Luna in Ariete, Cancro, Libra, & Capricorno fuerit, pulchrè deget. Cum vero Taurum ipsum, vel tetragonum aliquod, vel diametrum signum occupat, male tunc & moleste vitam trāsiget. Atque iam morborum initia, huic, cum Luna in Tauro, Leone, Scorpio, & Aquario fuerit, pessima: sine periculo autem, & salutaria sunt, cum Arietem, Cancrum, Libram, & Capricornum, Luna permeat. Adhæc alterationes magnas, quas in tetragonis, & diametris per septimanas fieri diximus, in lethalibus quidem morbis, lethales & ipsas, in salubribus bonas euenire necesse est. Tercio, Auicennas in sua Cantica, trac. 1. parte 1. tex. 104. inquit:

Ex Auicenna

Si etiam stella, quæ dicuntur infortunata, fuerint in exaltatione sua, significabunt super corruptionem animatorum. Si vero quæ fortunata dicuntur, fuerint ibidem, significabunt salutem eorundem omnimodam. Et lib. 4. sen prima trac. 4. c. 1. exponens naturam & causas febris pestilentis, loquens verbis necessariis, graditer & accurate in re tanti momenti inquit: Et principium omnium harum alterationum sunt forma, ex formis calis faciētes esse necessarium illud, cuius ad-

uentus

mentus ignoratur. Licet sint quidam, qui dixerunt in eo aliquid, non proportionatum ad causam eius. Immo oportet, & scias, quod causa prima longinqua ad illud sint figura caelestes, & propinqua, dispositiones terrestres. Et quandoque faciunt necessario virtutes agentes caelestes, & virtutes patientes terrestres, humectationem & chementem aëri, eleuantur vapores, & sumi ad ipsum, & sparguntur in ipso, & putrefaciunt eum cum caliditate debili. Et quando fit aër secundum hunc modum, venit ad cor. Quare corrumpit complexionem spiritus, qui est in ipso, & putrefit quod circumdat ipsum de humiditate, & accidit caliditas egressa à natura, & spargitur in corpore causa fluxibilitatis sua, & fit febris pestilentialis. Et li. 1. fen. 3. tract. 5. c. r. inquit: Multoties quoque est principium corruptionis aëris, ab ipso aëre, propter illud, quod ei aduenit ex corruptione vicinantium aërum; aut propter rem caelestem, cuius qualitas non est hominibus cognita. In huiusmodi ergo ad domos subterraneas est fugiendum. Hæc Avicennas. Quarto Hippocrates libro de aëre, aquis, & locis cap. 6 inquit: Periculosissima sunt ambo solstitia, maxime vero æstiuum. Periculosum etiam æquinoctium & trimumque, magis vero autumnale. Oportet autem & astrorum exortus considerare, præcipue Canis, deinde Arcturi, & Pleiadum occasum. Morbi enim in his maxime diebus iudicantur: alij perimunt, alij desinunt: reliqui vero omnes in aliam speciem aliumque statum transmutantur. Hæc Hippocrates. Sed si à cælo malum non potest effluere, cur periculosa solstitia? periculosa æquinoctia? Et si à cælo cuncta bona mortalibus & salutaria proueniunt, quid ex eis periculi potest timeri? Cur stellarum exortus & occasus Medici obseruant? si omnis eorum actio salutaris, & laudabilis? Et si talis; cur dicit, in solstitijs, æquinoctijs, & astrorum ortu & occasu, morborum alios interficere, alios in alios permu-
tari? Quinto, cur inquit Hippocrates libr. de carnibus? De rebus sublimibus, in aëre & cælo, neque opus habeo dicere, nisi quod, quantum ad hominem, & reliqua animalia, qua sunt & nata sunt, pertinet, demonstrabo, & quod anima sunt, & quod sanitas, & quod morbus, & quod in homine malum & bonum, & unde moritur. Sexto, Aëtius libr. 1. sermone 3. capit. 164. Quandoquidem inquit etiam stella in cælo oriuntur, iuxta tempora à Deo ipsis ordinata, & similiter occidentes, aëra mutant, & cōtingat ex

Ex Hippo-
crate.

Ex Aëtio

7.
*Authorita-
 te aliorum.*

hoc etiam Ventos alios aliter spirare, necessarium duxi hic tempora indicare, in quibus eorum, qua palam aërem alterant, ortus & occasus sunt. Nam sanorum corpora, & multo magis agrotum, iuxta aëris statum alterantur: & mox Stellarum ortus, & occasum enumerat per singulos menses totius anni, & quas tempestates, serenitates, & temporum mutationes, vnaquæque stellarum inducat, toto illo capite enarrat. Septimo, tot viri celebres, qui de peste tractant, pestis causas in astra referentes, vana & irrita docuissent. Marfilius Ficinus, in schola Platonis summus philosophus, libro Epidemia, cap. 2. sic inquit: Concreatur huiusmodi vapor in aëre, vniuersalisioris tempore pestis, et malignis quibusdam constellationibus, praesertim ex Martis cum Saturno in signis humanis coniunctione, & ex luminarium eclipsibus. Guidus de Gauliaco, tract. 2. doct. 2. cap. 5. ex maxima coniunctione Martis, Iouis, & Saturni, in signis humanis, euenisse refert ingentem pestem, quæ sola contagione ex obtutu, maiorem hominum partem absumpsit. Quod testatur Philippus Ingrassias 1. parte de pestilenti contagio, cap. 2. Beda lib. 3. de historia ecclesiastica, cap. 27. & Paulus Diaconus lib. 6. cap. 3. testes sunt, anno 138. à mundi redemptione, & anno 664. post luminarium eclipses, pestes validissimas euenisse. Anno autem 703. ab eorum non modo eclipsi, sed obscuracione insolita, pestem adeo insolentem peragrassè vniuersam Italiam, vt ea Pontificem Maximum Agatonem substulerit, vt refert Platina in illius Pontificis vita, Tarcaniotus, & Blondus in suis historiis. Præterea anno 260. Sol per plures dies lumen amisit, quo tempore tam immanis & rabida pestis Romam inuasit, vt vno die ad quinque millia extincti iacuerint, auctore Petro Messia in vita Galieni Imperatoris. Sunt & rationes ad hoc argumentum validissimæ, quas luculenter adducit doctissimus Fernelius lib. 2. de abditis rerum causis, cap. 11. & Horatius Augenius parte 1. epist. med. lib. 4. epist. 1. quas, ne videar actum agere, volens omitto.

Opinio propria, & oppositarum Rationum solutio. CAP. IX.

Dicimus itaque, cœlestia corpora esse nobilissima, & perfe-

perfectissima omnium corporum naturalium, quæ Arist. æterna putauit, (licet eius sententia vera non sit) sine contrariis, sine malo. Quæ per se conseruant omnia corpora sublunaria, cum à primo ente communicatum sit esse & viuere omnibus, iis clarius, illis obscurius, vt fatetur Arist. 1. celi 100. & 8. phys. 47. Ideo, vt omnis numerus in unitate; ita in cælo omnes sublunarium perfectiones, perfectiori, simpliciori, ac eminentiori modo continentur. Hinc dicit Arist. 1. meteor. c. 1. *Oportet mundum hunc inferiorem superius latioribus esse contiguum, & omnis eius virtus inde regatur, & gubernetur* Quare ad vniuersi perfectionem, oportuit cælum esse etiam corruptionis sublunarium authorem, non quod, dum quæ genita sunt corrumpit, per se malum & corruptionem intendat; (id enim repugnaret suæ perfectioni, vt benedicit Chalcidius) nec quod per se intendat destruere rotum, vel partem mundi, quem per se conseruare intendit: Sed corrumpit per accidens, vt per se generet: per accidens destruit, vt per se cõseruet; & sic tam generationis actio, quam corruptionis, quæ à cælo prouenit, est per se ordinata, bona, laudabilis, ad vniuersi conseruationem & perfectionem instituta. Cum enim sublunaria; tum elementa, tum mixta, ob summam materiæ, ex qua constant, imperfectionem & appetentiam, quam explere, atque perficere nulla sublunaris forma seorsim possit; nec non & ob contrarias qualitates, ex quibus constât, perpetua esse non possint: ideo natura prouida, quod numero non potuit, specie æternum procurauit, cõsimilium generatione; vt 2. de anima, com. 34. docet Auer. secundum mentem Arist. Quoniam autem non potest forma de nouo in materia recipi, & generatio fieri, nisi, quæ præfuit, expellatur, generatio enim vnius, est alterius corruptio, vt 1. de gene. docet Arist.) ideo corruptio est necessaria ad speciei propagationem, vt necessaria est præcedens formam priuatio, in materia ad compositi naturalis generationem. Corruptio itaq; & à cælo fit: & quauis, ratione eius indiuidui, quod corrumpitur mala sit, ratione tamen speciei, & perfectionis vniuersi, necessaria est. Sic & fœminæ generatio, licet ratione naturæ particularis, quæ marē intēdit potius, (cū de possibilib. intēdat quod melius) quodammodo monstrum dicatur; ratione tamen propagandæ speciei, & per,

*Cælum cor-
ruptionis
sublunariū
autor, &
Cvr.*

*Forma de
nouo in ma-
teria non re-
cipitur, nisi
prior expel-
latur.*

*Corruptio
an & quare
nec mala.*

*Monstra cō-
tra particu-
laru, non v-
niuersalis
natura in-
tentionem
sunt.*

*Celi motus
sine latitudo
necessitas &
utilitas.*

*Aristotelis
de Solis &
Lunæ Viri-
bus sententia.*

& perfectionis vniuersi, non minus est necessaria, & à natura vniuersali, ad vniuersi perfectionem, & speciei propagationem requisita, vt pater ex Arist. 4. de gene. animalium cap. 3. Imo & ipsamet monstra, quæ ratione particularis agentis, error naturæ dicuntur ab Arist. 2. phys. 82. tamen extra naturæ vniuersalis intentionem nō sunt, vt ibidem inquit Simplicius, & ad vniuersi ornatum necessaria. Quod in specierum ordine, entium perfectionibus, diuersitatibus, contrarietate, & equilibrio consistit. Nec ex quo raro fiunt, vniuersalis naturæ effugiunt prouidentiam, quod luminarium eclipses ostendunt. Hoc totum luculenter monstrat Franciscus Venerius 2. parte libri de gen. & corruptio. c. 12. & seqq. Ergo cum materia sublunaris perpetui ortus & interitus causa efficiens esse nō possit, (coincideret enim efficiens & materia, quod repugnat Arist. 2. phys. 70.) nec agentes particulares, cum sint natura corruptibiles, possent conseruare, quod esse debet perpetuum: propterea cœli latitudine opus fuit, tum primi mobilis, tum signiferi, vt eorū accessu & recessu, ope Solis & Stellarum, generationes & corruptiones perficerentur, & agētium particularium dirigerentur actiones. Ideo Arist. 2. de gener. 56 inquit: *Necesse enim, si erit semper continua generatio & corruptio, semper aliquid moueri, vt non deficient ipsa transmutationes: continuatur igitur, quia est totius, latitudo causa est.* Hæc Arist. Inde est: quod natura non intēdit indiuidua propter se ipsa, sed propter species, & species propter vniuersi perfectionē. Ita nec per se intendit ignem: sic enim omnia elementa fecisset ignem: sed ad mixtorum necessitatem, & mundi æquilibrium, & completētum. Ita & aquam igni contrariam, & aliorum contrariorum vnumquodq; propter quod intendit corruptiones, morbos, vitarum periodos, & eorum quæ generātur, interitus. Ideo Arist. 4. de gen. anim. c. 10. loquens de Solis & Lunæ viribus, dicebat: *Quamobrem con-ducit ad omnes generationes, perfectionesq;.* Calores enim & refrigerationes, cum moderatione quadam, generationes; sine moderatione corruptiones efficiunt. Terminum autem tum principij, tum finis qualitatum earum, motus horum syderum obtinet. Vt enim & mare, & omnē humorum naturam subsistere, mutarique proflatum motu, & quiete videmus: aerē vero, & flatu pro Solis Lunæq; circuitu affici: Sic ea, quæ ex

ij, aut

q̄i, aut in ijs oriuntur, sequi necesse est. Nam, & rerum minus principalium circuitus sequantur magis principalium rerum circuitum, ratio est. Vitam enim quandam, & ortum, & interitum, vel flatum esse fateor. Conversiones vero eorum siderum alia fortasse principia sunt. Natura igitur ita sibi vult, & eorum numeris generationes & obitus numeret. Hæc Aristot. Ex his patet ad Platonē, Picum, & Chalcidium responsio. Arist. autem 9. *Metaphy.* dixit, in rebus æternis non esse malum, neque corruptionem, illas in seipsis considerans, qui cælum nec graue, nec leue, nec alterabile, nec generabile, nec corruptibile putauit, sed æternum.

DISPUTATIO V.

Romanam Ecclesiam non damnare omnem Astrologiam iudiciariam: aduersus Picum Mirandulanum. C A P. X.

ERat tertium Marcelli dictum: *Dimitto alias cæcis influentias, cum plusquam humanus ille Mirandulanus, à cælo malum effluere non posse, contra hos Astrologos, & suas portentosas nugæ, multa scripserit.* Locus, ad quem peruenit, monet, vt aliquanto digrediar, & in Marcelli atq; studiosorum gratiam expendā disputationem viri doctissimi Ioannis Pici Mirandulæ, qui suis duodecim libris omnem Astrologiam iudiciariam contendit funditus euertere: ac cælos à lumine & latrone nullas vires habere mortalius affirmat. Primum quid sit pro veritate sentiendū adducam. Mox illud rationibus & autoritatibus confirmabo. Vltimo Pici tum impugnationes, tum euasiones euertam. Primum itaque Ptolemæus lib. 1. *de iudiciis* principio, professionem de stellis partitus est in theoricen seu demonstratiuam, & iudicalem. Theoria vniuersi figuram declarat, orbium numerum, sphaerarum motus varios, loca Planetarum, ac siderum magnitudines, distantias, ortus, occasus, aspectus varios, eclipsium rationes, anni tempora, dierum, ac noctiū inæqualitates, & huius generis reliqua. Hanc tractant Ptolemæus, tresdecim libris *Almagesti*, Thebir, Alphonsus, Proclus, Theodosius, Aliacenſis, Mōteregius, Hyginus, Sacrobustus, & plerique alij. Iudicialē

I. Picus Mirandula hostis Astrologorum acerrimus.

Astronomia Vera.

Astrologia iudiciaria.

ſingunt,

singunt, domibus, stationibus, fortunijis, infortunijis, de-
pressionibus, exaltationibus, directionibus, retrograda-
tionibus, prædicere, quæ futura sunt in terris, seu diuinare
contendunt, de quibus egit Ptolomæus quatuor libris, quos
Quatripartitum vocat, nec non Apotelesmaton, & pro-
gnosticon diuinandi. De priore demonstratiua nulla no-
bis controuersia est; quam Picus *lib. 1. contra Astrologos*, ar-
tem certam, & nobilissimam appellat, & longe melius Ar-
ist. *12. Metaph. 44* peculiarissimam philosophiam Mathe-
maticarum scientiarum. De iudicijs itaque censeo turpi-
ter errare tum Arabes, tum Chaldaeos, tum Latinos scri-
bentes. Primo dum credunt, ex illius artis præceptis, quæ
sibi fingunt, posse futura certo prædicere: cum hæc cog-
nitio solius sit Dei, vt monstrat D. Augustinus *secundo super*
Genesim ad literam cap. 17. secundo de doctrina Christiana
cap. 21. & quinto de ciuitate Dei, & Eusebius *14. de prepa-*
ratione Euangelica, cap. 4. & lib. 6. cap. 9. Ideo Ptolomæus
in suo centiloquio, soli, inquit, diuino numine afflati par-
ticularia prædicunt. Secundo errant, quod putent viri Ge-
nethliaci, exfiguratione cœli ab eis designata in natali
hora prædicere, quæ spectant ad nati virtutes, vitia, ho-
nores, diuitias, mores, fortunam secundam, vel aduer-
sam, amicos, propinquos, itinera, cades, &, vno verbo, ad
propriæ actiones, quæ à libera pendent voluntate. Hanc
enim prædictionem, vt impiam, damnant concilia, vt
Bracarense primum *cap. 9. & 10.* Toletanum primum in
assertione fidei contra Priscillianistas: damnant leges,
vt 2. parte decret. cap. 26. per primas quinque quaestiones:
damnant Patres, vt Leo Papa, *epist. 71.* damnat & ratio.
Si enim illa diuinatio vera esset, tollerentur leges, inuti-
les essent preces, & consilia, iniustæ pœnæ vel præmia, o-
mnia necessario euenirent: hominis arbitrium liberum
non esset, nec in rebus contingentia: & ad extremum, o-
mnia Fati necessitate traherentur ineuitabili. Quæ affir-
mare impium est, ac detestabile. Nec stellæ, quæ corpo-
ra sunt, vum habent vllam in hominis animam, incor-
poream, spirituales, immortales, atque diuinam. Vn-
de etiam Aristot. *3. Ethicorum cap. 8.* in nostra potesta-
te dicit esse vitia & virtutes, quod confirmat *1. Rhet.*
capit. 10. Tertio errant, quod putent, humanarum actio-
num

Errores nō-
nulli Astro-
logorum.

1.

2.

Stellis nulla
vis agēdi in
animam ho-
minis.

3.

num initia, sub felicibus, vel infaustis constellationibus inchoata, bonum, vel aduersum exitum habitura. Quod perbelle Diuus Augustinus *lib. de doct. Christ.* monstrat, ad perniciosam superstitionem pertinere, & egregiè confutat Diuus Thomas *3. contra gentes cap. 82.* & Picus *lib. 3. contra Astrologos, cap. 1. & lib. 5. cap. 12. ad finem & sique.*

Quarto, in effectibus merè naturalibus, circa vitam & mortem, sanitatem & morbum, temperamentorum varietates, & huius generis alia, quod singularibus hominibus hæc, vt futura sunt, à stellis credant diuinare, magna ex parte falluntur Genethliaci; & quod nec horam sciunt, à qua auspicari nati vitam, & cœlorum configurationes debeant; & quam credunt, non est; quæ est, nō possunt deprehendere: Est enim hora non partus, sed conceptus, au-

thore Ptolomæo *3. Apotelesmatum*, & Haly *libro de electionibus.* & quod natalis hora, si ea foret, cum indiuisibilis nō sit, sed quandoque ad horæ æquinoctialis spacium protrahatur, quæ sexaginta non minutis modo, sed singulorum

minutorum momentis partita est, momentum indiuisibile, deprehendi non possit. Singulis enim minutis tota cœ-

lorum, ac siderum perpetuo decurrentium, in suas configurationes varias, successiuè facies permuratur; vt manifestum est exemplo rotæ, rapidissime decurrentis, in qua nec

simul duo puncta possunt eodem loco designari, vt docet Phauorinus apud Gellium *li. 14. c. 1.* & quod, etiam si momentum deprehendant, stellas omnes, ad eundem effectū nati concurrentes, pari causæ ratione, nō agnoscunt: in-

numerabiles enim sunt, vt dicit Galenus *3. prog. comm. 7.* Seneca *2. naturalium quest. c. 16.* Eusebius *7. de preparat. Evang. c. 5. in Timæo* Diuinus Plato, & Arist. *2. cœli 61. & 16. de Ciuitate Dei, capite 23.* Diuus Augustinus: pauciores tamen hominibus cognitæ. Plinius *lib. 2. cap. 4.* dicit, signa cœ-

lestia esse 72. Hypparchus & Ptolomæus, stellas mille & viginti duas, aspectu notabiles, quas diuiserunt ad 48.

imagines, & sex magnitudinum differentias. Et tandem, si omnes stellas sine errore deprehenderent, (vt ob rapidissimam cœlorum vertiginem, summam distantiam, medijs impedimenta, instrumentorum defectus, vnius sensus nostri hebetudinem vix esse potest, quin maxime non implicentur) solis stellis id omne tribuunt, quod omnibus

Hora non partus: sed conceptus obseruanda.

Facies cœli singulis minutis immutatur.

Stella innumerabiles.

Stella notabiles quot.

alij

*Stellarū ef-
fectus siquos
habēt, à caus-
sis variis im-
mutantur.*

alijs causis commune est. Etenim materiæ dispositiones diuersæ, loca generationis varia, seminum differentia, agentium particularium vires, elementorum commistiones non eadem, ciborum diuersitates, assuetudines, cōsilia, leges, libera hominis voluntas, atque prudentia, sæpe stellarum effectus variant, immutant, & nō semel omnino propulsant. Ideo Auenzoar, *libro de nativitatibus cap. 1.* inquit: *Qua stella promittunt, non possunt euenire: primo, quia materia apta non sit influxus recipiendi: secundo, quia res humana à nostro arbitrio pendet: tertio, quia cælo maior diuina providentia* Ptolemæus in ceteriloquio inquit: *Potest is, qui sciēt est, multos stellarum effectus evitare.* Arist. *libro de diuinatione per somnium* inquit: *Quod autē non eueniant multa somniorum, nihil inconueniens. Neq̃ enim eorum, quæ in corporibus sunt, signorum, & cælestium, sicut quæ aquarum, & quæ ventorū. Si enim alius vehementior isto acciderit motus, à quo futuro non sit signum, & multa consulta bene, quæ fieri expediebat, dissoluta sunt, propter alia præstantiora initia. Omnis enim non omne fit, quod futurum erat: neq̃ idem, quod erit, & quod futurum est.* Hæc Arist. Hinc manauit adagiū, quod sapiens astris dominabitur, quod cōfirmat Porphyrius *libro de oraculis.* Nec defuerunt etiam Chaldæi, qui hanc diuinationem spreuere, referente Strabone *lib. 15. de situ orbis,* & non semel diuinatores & Genethliaci fuerunt Roma expulsi ab Imperatoribus, Tiberio, Vitellio, Diocletiano, Constantino, Theodosio, & Iustiniano, vt D. Ambrosius *lib. 4. in exameron c. quarto* docet: abūde. Cæterum errores sunt hominum, non stellarum. Nec enim quia homines plus tribuāt stellis, quam oporteat; & ab eis plus requirant, quam dare possint, vel debeant, illis erit auferendum, quod habent. Sunt stellæ & cælum corpora naturalia nobilissima, & sublunarium corporū effectrices, & cōseruantes causæ & ad illorum omnium effectus naturales, vt causæ remotæ mediata, vnā cum particularibus causis concurrunt. Ideo vt lumine & latione calorem generant: sic propria facultate, à calore diuersa, per se frigus & humidum, & vnā cū secundis causis modo serenitates, modo tempestates inducunt, nunc salubritates, nunc ægritudines: sic penurias & vbertates, ventorum motus, maris fluxus & refluxus, tempestates, in animalibus humorum in-

crementa.

*Genethliaci
Roma ex-
pulsi.*

*Cælum &
stella corpo-
ra nobilissi-
ma.
Vires & ef-
fectus eorū
in subluna-
ria.*

elementa, siccitates, vitas & vitarum periodos, ac mortē, morborum crises ad salutē & interitū: & quæ per septimanas fiunt, & quæ per septem menses, & quæ per septem annos, mutationes. Quæ actiones quamvis à causis particularibus impediri possint, nō inde valet, stellarum proprietates non esse illarum remotas causas. Nec verum est, solo lumine & motu illas agere, sed abditas habere vires, circa ea, quæ ad Medicinam, Agrariam, & Nauigatorem spectant, putandum est. Errores enim & abusus hominum rerum naturas non inmutant. Arist. posuit mundi æternitatem, motus temporis, & materiæ: de animæ immortalitate perplexē, vt quibusdam Peripateticis videtur, fuit loquutus, diuinam prouidentiam satis cōfusam putauit: nec aliam visus est posuisse felicitatem, quam in hac vita, vt multi Peripatetici affirmant. Auerroes monstruosam illā humani intellectus vnitatem machinatus est. Zeno negauit motum. Democritus posuit infinitos Mundos, casu & temerario Atomorum concursu resultantes. Anaxagoras statuit, pro rerum naturalium principijs, infinitatem quandam consimilium partium. Pythagoras credidit animas hominum in bestiarum corpora transmigrare, & Plato regressum rationalis animæ in corpus humanū, priore corrupto: Vnde probat in Phæd. nostrum scire esse reminisci. Cæterum hi sunt errores hominum, qui omnino sunt detestandi. Non tamen ex his damnata est, vel explosa naturalis & vera philosophia: cum verum vero nō repugnet, vt monstrat D. Thomas *primò contra gentes* c. 7. Respondet ad hoc Picus *lib. 1.* damnare quidem sanctam Romanam Ecclesiam philosophorum errores, nō ipsam philosophiam. Verum non Astrologorum modo errores reprobare, sed astrologiam ipsam iudiciariam errorem esse statuere. Cæterum Picus nimis absolutè pronunciat, & non rectè. Damnat enim Ecclesia Dei iudiciariam illam, quæ de futuris contingētibus, successibus, & fortuitis casibus, quæ ab humana pendent voluntate, certo euentum pronunciat: sed iudicia ex obseruatione stellarum, & naturalium causarum, quæ Medicinæ, Agrariæ, & Nauticæ facultatis gratia fiunt, non damnat, sed admittit. D. Augustinus *lib. confessionum*, exponens dictum Moïsis, posita sydera in signa, & tempora, non signa, inquit, quæ obseruare vanitatem est, sed

Stellarū proprietates nō tolluntur a rationibus aliunde impeditis.

Stella nunc solo lumine & motu agant.

Aristotelis & aliorum errores varij

Astrologia iudiciaria, quæ in parte reprobatur.

Vita & sibi necessaria, qualia nauta, agricola, & id genus artifices observant. Diuus Thomas opusc. 26. Medici, inquit, circa agritudines dies criticos observant, qui determinantur secundum motum Solis & Luna. Vnde non est inconueniens, secundum aliquas alias occultiores stellarum observationes, circa corporales affectus & iudicium astrorum iudicium. Caietanus idem confirmat in sua summa, titulo, astrorum observatio. Paulus IIII. summus Pontifex concessit Ephemeridas, in quibus à cœlorum motibus, & stellarum configurationibus, & proprietatibus desumuntur prognostica singulis annis, non eclipsium modo, pluuiarum, serenitatum, vel vbertatis, & caritatis annonæ: sed agritudinum, & salubritatis hominum, tum animalium reliquorum. Sixtus Quintus summus Pontifex, suo decreto anno 1585. Romæ sancito, damnat omnes Astrologos iudiciarios, præter exercentes iudicia circa Medicinam, Agrariam, & Nauigatariam, ex observatione stellarum. Summa post Tabienam, Armilla, e de astrologia, est, inquit, Astrologia, vna ex septem artibus liberalibus, & est vera scientia, nec mala de sui natura est, neque prohibita, secundum Panormitanum in c. extimor, de fortilegiis. Vnde leges dant præmia ijs, qui dant operam ijs scientijs, l. i. ff. de var & extraord. cognit. Nec vquam Ecclesia Dei sanciuit, stellas præter lumen & motum nullas alias habere vires; Imo præter lumen & motum, abditos stellarum influxus admittunt clarissima Roman. Eccles. columna: D. Thomas, de cuius doctrina, tam egregie sentit sancta Dei Romana Ecclesia, lib. 3. contra gentes cap. 82. & 84. in fortioribus terminis, ita inquit: Sciendum est tamen, quod hac corpora cœlestia, directe intelligentia nostra causæ esse non possunt: aliquid tamen ad hoc operantur indirecte. Licet enim intellectus non sit virtus corporea, tamen in nobis intellectus operatio compleri non potest sine operatione virtutum corporearum, quæ sunt imaginatio, & memoratiua, & cogitativa, & ex superioribus patet. Et inde est, quod impeditur harum virtutum operationibus, propter aliquas indispositiones corporis, impeditur & operatio intellectus: sicut patet in phreneticis, & lethargicis, & aliis huiusmodi. Et propter hoc bonitas dispositionis corporis humani, facit aptum ad bene intelligendum, in quantum ex hoc prædicta vires fortiores existunt. Vnde dicitur 2. de anima, quod

Sixtus V. Pō
tiffex dāna-
uit Astrolo-
gos.

D. Thoma
de Viribus
corporum cæ-
lestium sen-
tentia.

quod molles carne aptos mente videmus. Dispositio autem corporis humani subiaceret cælestibus motibus. Dicit enim Augustinus in quinto de ciuitate Dei, quod non & sive quæque absurde dici potest, ad solas corporum differentias assilatus quosdam valere siderum. Et Damascenus dicit in secundo libro, quod alij, & alij planeta, diuersas complexionēs & dispositiones, & habitus in nobis constituunt. Ideo indirectè corpora cælestia ad bonitatem intelligentia operantur. Et sic, sicut Medicis possunt indicare de bonitate intellectus, ex corporis complexione, sicut ex dispositione proxima: ita Astrologi ex motibus cælestibus, sicut ex causa remota talis dispositionis. Et per hunc modum potest verificari, quod Ptolomæus in centiloquio dicit: Cum fuerit Mercurius in natiuitate alicuius, in aliqua domorum Saturni, & ipse fortis in esse suo, dat bonitatem intelligentia medullitus in rebus. Hæc D. Thomas, qui prima pars summa, quæst. 115. art. 4. ad 3 dicit: Plures homines sequuntur passionēs, quæ sunt motus sensitiui appetitus, ad quas cooperari possunt corpora cælestia. Pauci autem sunt sapientes, qui huiusmodi passionibus resistant: & ideo astrologi, & in pluribus, vera possunt prædicere. Idem affirmat prima secunda, quæst. 9. art. 5 ad tertium. Idem 2. sent. dist. 7. quæst. 2. art. 2. Idem 3. parte summa, quæstio 93. Idem secundo celi lect. 10 super text. 42. Idem tenet Diuus Antoninus 2. parte summa 1. ræct. 12. c. 10. Damascenus lib. 2. de fide orthodoxa c. 7. Basiliius homilia 6. Dionysius Cartusianus, art. 12. super Genes. nec non & summi philosophi, & Theologi: Scotus, Henricus de Gandauo, Alexander de Ales, Durandus, Albertus Magnus, Paulus Venetus, Ægidius Romanus, Albertus de Saffonia, & plerique cæteri, quos consulto derelinquo.

Si Stella à lumine, & motu, vires alias non haberent, earum multitudo innumerabilis, & Planeta, tot cælorum orbes, & motus, essent inutiles & plane otiosi.

CAP. XI.

Sed rationibus inquiramus. Primum, si stellæ solo lumine, & motu, sublunaria ac vniuersi perfectionem tue-
rentur,

Rationes, quibus stellas non motu & lumine tantum regere probare

rentur, ad quid natura, quæ, vt non deficit in necessarijs, ita non abundat in superfluis, ex *Arist. 2. celi, 60.* multiplicauit in firmamento tot stellas, numero inenarrabiles, motu vehementissimo concitatas, magnitudine vastas, figura varias, ordine differentes? An ad lumen non erat satis Sol, qui lucem rebus copiosè ministrat, aufert tenebras, sidera reliqua occultat, & suum lumē omnibus stellis tribuit? An non erat satis in nocte Luna? An ad annum, menses, & dies constituendos, latro Solis, Lunæ, & primi mobilis, non erat satis? Essent ergo plane otiosa tot sidera, si nihil omnino, præter lumen & motum, operari possent. Natura autē sine necessitate entia non multiplicat, vt *1. celi com 4.* docet Auer. Responderet Picus *lib. 3. c. 5.* non esse stellas otiosas. Cum enim omnes sint natura lucidæ, omnes suum complement officium, luce calorem viuificum immittentes. Ita calorem Solis stellæ adaugent accedentes, minuunt recedentes. Sed hæc euasio non tollit difficultatem. Primo, ad calorem viuificum, pro generatione sublunarium, satis est Sol, vt monstrat *Aristo. 2. de gene. 56.* Secundo, stellæ vel omnino effatu indignum, vel omnino nullum calorem ad nos demandant. Nullum ergo caloris incrementum, si accedant: nullum decrementum, si recedant, stellæ producant. Antecedens est *Aristo. 1. Meteor. summa 1. ca. 4.* vbi inquit: *Ubi igitur sunt tepor, & calor, sufficiens est efficere etiam Solis latro tantum: Velocem etenim oportet & non longe esse. Quæ igitur astrorum est, velox quidem, longe autem: quæ autem Lunæ, deorsum quidem, tarda autem: quæ autem Solis, ambo hæc habet sufficienter.* Tertio, calor Solis caloris additamentum à stellis non suscipit. Sol enim in genere luminis, & caloris viuifici generantis, ac vegetare facientis, omnium stellarum est maximus, & summe perfectus, ex cōmuni Philosophorum, & Astrologorum sententia: qui dies & noctes, ortus & interitus, & anni tempora, suo lumine distinguit, & constituit. At perfectio additio fieri non potest, vt monstrat Auerroes, *8. physic. com. 75. 1. celi, com. 4. & 12. 5. Metaph. c. de perfectio, & in paraphrasi 2. celi, summa 2. quæst. 3.* Quarto, etiam si additionem caloris stellæ facere possint, ob summam tamen à nobis distantiam, vel omnino nullam, vel inducunt sensu non perceptibilem. Id veritate coactus concedit Picus, *lib. 3. c. 10.* cum inquit: *Et si sequamur experientiam*

tiam

*Natura sine
necessitate
non multi-
plicat Entia.*

*1.
Solis calor
sufficiens ad
generationē
sublunariū.*

2.

*3.
Solis calor
anaugeatur
calore stella-
rum.*

*Perfectio ad-
di nihil po-
test.*

*4.
Stellarū ca-
lor ob distā-
tiā non per-
cipitur.*

tiam, videmus, harentium illarum, quamquam adeo vasta magnitudinis, radios nocte non praesentiri, etiamsi cum illis supra finitorem Saturnus & Iuppiter nos irradiant. Et paulo post: Nam, inquit: quicquid deorsum provenit à sideribus aliis, id perenne per exiguum est. Quod etiam fatetur eodem 3. c. 7. Quinto, cur natura provida, in terra tot herbas, tot plantas, tot lapides, non modo ad ornatum terræ, vel animalium usum efformavit, Sed singulis, etiam minimis, etiam abiectis, etiam vilissimis, virtutes indidit admirandas? Cur in homine, animali morticinio, ne partem quidem vel minimam, sed nec pilos, omnino sine opere, vel usu constituit? In cælo autem purissimo, eximio, perfectissimo corporum omnium, primo omnium Motu proximo, in genere corporum summo, in cuius orbibus tegendis intellectus immortales imposuit, tot stellas, tantæ pulchritudinis, & præstantiæ, tantæ magnitudinis, efformavit? quarum (vel Pico non negante lib. 3. c. 10.) quæ primæ sunt magnitudinis, tertæ uniuersam molem contineant centies septiesque: Iuppiter nonagesies quinquies: Saturnus nonagesies & semel: Mars terra sit duplo maior: secundæ vero magnitudinis nonagesies: tertiæ vero septuaginta & una vicibus excedant: quod fatetur Arist. 1. Meteorolo. c. 3. ubi terram multis astris dicit esse minorem. An hæc omnia non ad aliud opus elaboravit natura, quam ad vnam leuissimam caloris accessionem summo Solis calori, qui cumulatissime omnia caloris opera per se absoluit? An non dici posset, quod dicit Arist. 2. celi 50. Nihil enim ut contingit, facit natura: neque curam quidem animalium habuisset: quæ autem tam præciosa sunt, despexisset. Sexto, ad quid quinque illos Planetas addidisset, quinque separatis cælorum sphaeris, singulos singulis? An non omnino nulla, vel leuissima saltem fieret caloris accessio à quinque stellis ad Solem, Lunam, & alias omnes stellas? quarum tanta est multitudo, ut quæ planè numerari nequeat, esse videatur, auctore Arist. 2. celi 61. Septimo, ad quid Planetis proprios indidit motus, inter se diuersos? ut Saturnus triginta annis, Iuppiter duodecim, Mars duobus, Venus & Mercurius infra annum, suos orbibus absoluant, & omnes simul contrarios motui primi mobilis: & omnes, licet proptia latione, oppositum iter peragentes, in aduersum rapiantur, primi mobilis vertigine per-

Stellarum & Planetarum magnitudo.

Stella ad quem finem creata.

6. Planetarum frustra singulis sphaeris infixi.

7. Planetarum motus.

petta, ut viginti quatuor horis omnem Mundi circunferentiam percurrentes, eodem tempore ad contrarias lationes, sine contrario, sine labore, sine defatigatione circunducantur. Octauo, si corpora cœlestia sunt diuersæ naturæ inter se, cur idem opus caloris præstant omnia? & si eiusdem, cur alia vnica, alia duplici latione circunducuntur? Ad quid tanta motuum diuersitas, & cōtrarietas, præcipuè cum nulla cœlorum circumlatio, ex sublunaribus quicquam secum rapiat, præter ignem & aëris primam regionem. Secus enim in media nubes non cogrentur, ut *1. Meteor. c. 4.* docet Arist. Nono, quæ causâ fuit, ut in Zodiaco signa illa duodecim, ex tot stellis natura composuerit, diuersarum figurarum adinuicem, æquali graduum proportionem, totum obliquum circulum sibi diuidentia? si, ut inquit Picus, *lib. 3. cap. 13.* (ad hoc ipsum Zodiaci facit obliquitas, non natura signorum,) non ideo in Leone flagrat Sol, quia signum Leonis, aut Solis domus, aut calidum signum: præterrim cum dicat Picus, *lib. eod. c. 12.* quod *stellarum cum sole coniunctio, vel oppositio, accidentalem facit operationem.* Decimo tandem, cur non pauciores? cur nō omnes eiusdem cœli? cur non omnes eiusdem figuræ, ordinis, situs, & magnitudinis? si omnes ad idem, vnum opus erant stellæ institutæ? & satis erat ad calorem multiplicandum, vel minuendum earum accessus & recessus. Quod si cœlorum motus non ad hæc sublunaria solum, sed propter cœlos ipsos, erant producti, ut primum omnium Motorem inuitarentur, in suo bono communicando, ut innuere videtur Picus *3. eodem, cap. 9.* cum dicit: *Non pertinere ad effectuum sublunarium Varietatem, diuersos illos cœlorum motus,* cur ergo inferiores orbes habent plures motus, supremi vero pauciores? Quod si, ut inquit Picus, ignobiliora pluribus, nobiliora paucioribus indigent, cur inferiores magis distantes à primo principio, & minoris nobilitatis, plures habent motus, stellæ vero paucissimas: superiores autem digniores, & primo Motori viciniore, motus pauciores, stellæ vero innumerabiles? cum nobiliora minoribus operationibus indigeant, & cœlum operetur per stellæ, tanquam per organa, ut *2. celi, comment 42.* docet Auerr. cum multitudo arguat imperfectionem, vnitas perfectionem, ut docet Auerr. *1. celi comm.*

omn. 4. cum cœlo non sint tot intelligentiæ, quot stellæ, sed quot orbes, secundum Aristo. 8. *physic.* & 12. *Metaph.* cum stellæ, quæ corpora sunt, nec Deum intelligent, nec seipsas: in abstractis enim idem est intelligens intellectio, & intellectum, ex Aristo. 3. *de anima*, 14. cum stellæ singulæ seipsas non moueant, 2. *cœli*, 50. sed sphaeræ latione eadem circunducantur. Ergo vel natura omnino fuit improuida in corporibus cœlestibus, quæ in his vilioribus est adeo sagax, & in omnibus adeo sollicita: vel ad vniuersi perfectionem, & ad bonum propagandum, tot stellæ ac motus ordinauit, ad opus aliquod eximium, à lumine diuersum, nō minus, quam lumen, necessarium.

Si non darentur influxus, frigidum, humidum, & siccum essent in vniuerso per accidens.

CAP. XII.

NON contineret cœlum per se omnium sublunarium corporū perfectiones naturales, nec eorum omniū esset per se causa, sed quorundam per accidens esset, vt per accidens quædam essent elementorum qualitates in vniuerso, quæ tamen sunt de vniuersi, tum perfectione, tum necessitate. Frigidum enim & humidum, & aquæ elementum non minus, quam ignis, sunt ad vniuersi perfectionem, nexum, ordinem, ac mixtorum transmutationem, successionem, & vitam necessaria. Lumine autem per se non nisi calorem generat, & latione ignem conseruat, nō frigus, nec aquam: alioquin eodem medio per se produceret duo contraria, quod repugnat Arist. 2. *de gen.* 56. cum dicit: *Idem & similiter se habens semper, idem natum est facere.* & paulo post: *Contrariorum enim contraria causa.* Respondet Picus *lib. 3. c. 4.* cœlum suo motu, & lumine, dare esse, & vitam omnibus sublunaribus. Calor enim cœlestis est in causa, vt calida calefaciant, frigida refrigerent; illo enim cessante, cessat omnis sublunarium actio: & subdit: *Non enim calor illa sideris, frigori contrarius est, vt calor ignis, vel æreus: sed omnes continet elementares qualitates eminenter, vt motus circularis omnes motus, lux omnes colores, & nitas omnem numerum.* Et capit. 6. subdit: Hunc calorem cœlestem, & viuificum, pro patientis dispositione,

in quo recipitur, debilitari adeo, vt in elementis nō videatur differre à natura ignis, vt non nisi in solo homine vere

Hominis calor similis cemento stellarum, cœlestis videatur, cuius calorem similē esse elemento stellarum dixit Arist. secundo de gen. animalium c. 3. Verum, vt ab hoc eius postremo dicto exordiamur, à quo debilitatur ille calor cœlestis, si frigido contrarius non est, & omni caret contrario? vt fateatur Picus c. 4. & à subiecto, in quo recipitur, actio nō prouenit? eius enim est pati, non agere. Arist. enim 1. de gen. 55. inquit: *Materia autem, secundum quod*

Materia est pati. *materia, passivum est. Et secundo eodem 53. Materia enim est moueri: mouere autem, Et facere, alterius potentia.* Secundo,

Materia propter formā, non contra. etiam si patiens agentis vim immutare posset, cur elementum cœli calorem & vim diminuit, atque immutat, non potius actio cœli vim elementi superat, & infringit? cum cœlem, vt est elementi nobilius, ita sit & potentius: & agens omne nobilius sit patiente, & forma præstantior materia. Formæ enim non sunt propter materiam, sed materia propter formas, ex Auer. 2. de anima, 60. Et 2. physico. 87.

Tertio hic calor cœli, receptus & debilitatus, vt inquit, adhuc suam naturam retinet? an illam omnino cōmutauit? Si primum; ergo à frigido non potuit destrui: cum per se contraria non sint. Si secundum; ergo non erit calor cœlestis: quod enim corruptum est, non est, ex Arist. 5. physie.

9. Ergo nec vt cœlestis elementa producat, vel conseruabit.

Ab eo enim quod non est, actiones non prodeunt. Rursus primum Pici dictum c. 4. difficultatem non soluit. Nam supponamus, cœlum eminenter cōtinere omnes quatuor qualitates, ac illas conseruare in suo esse, id aliquo medio faciat necesse est: cum omnis actio physica per contactum fiat, ex Arist. 7. physie. Et 1. de ortu Et interitu: Tunc si cœlū

Omnis actio physica fit per contactū solo motu agit, & lumine, calore quantumvis viuifico frigidam qualitatem, & elementum aque per se non generabit, ita agentes particulares, eius qualitatis, nec adiuuabit, nec conseruabit. Inquit enim Arist. 2. de gene. 22. *Extrema*

Elementa si inuicem quidem, Et sincera, ignis & terra: media autē, Et mixta materis, aqua & aer: Et utraque utriusque contraria. Igni enim contraria aqua, aeri autem terra. Hæc enim ex contrarijs passionibus constituta sunt. Ergo si per se ignem calidum siccum producit, per se aquā frigidam humidam contrariam non producat. Nec est quod dicat, calorem cœlestem frigori

Cœlestis calor num frigori contra- producat. Nec est quod dicat, calorem cœlestem frigori

contra-

contrarium non esse. Cur enim calor viuificus frigus expellit à terra, in qua radiorum reflexione calorem producit? Cur phiala aqua plena, Soli exposita, radiorum collectione per antiperistasin, ignem concipit, vt lanam suppositam comburat? Quomodo ex putri materia generabit animalia? cum omnis formæ introductionem præcedat alteratio, quæ motus est de cōtrario in contrarium: & idem sit agens disponens materiam, & introducens formam, vt 7. *Metaph. comm. 32.* monstrat Auerroes. Cur tandem calidum innatum homini, quem viuificum & cœlestem faceret Picus, nimium frigus exstinguit? Manifestum igitur est, quod licet in natura cœli nihil sit contrarium, tamen calor, radiorum actione ex terra & aqua, de potentia ad actum productus, vt causa præsentem sit, sic remota interit: & vt ex elementorum passiva potentia cœlestis agentis actione ad actum extrahitur: ita & frigore exstinguitur: ita per se suum contrarium, neque producit, neque cōseruat: alioquin per se cōseruaret, quod per se destruit. Sed cœlum contrarias qualitates per se producit, & cōseruat, vt expedit ad vniuersi perfectionem. Ergo id omne non solo motu & lumine, sed distinctis à motu & lumine viribus aliis exsequatur necesse est. Secundo, si quærat à Pico, an cœlum producat frigiditatem per se, an per accidens. Respondet c. 4. ex seipso cœlum nulla media causa facere tantum calorem per se, cæteras vero qualitates ex accidenti; sed vt causa vniuersalis cum particularibus agentibus, facit per se tam calorem, quam frigus. Sed hæc responsio nō subsistit. Quādo enim cœlum generat aquam cum aqua, vel aliquam immitit facultatem, ob quam aqua aquam generet, vel nullam. Si secundum, nullo modo cōcurrerit ad aquæ generationem. Si primum; cum cœlum aquam immediatè non cōtineat, quo medio viuificam virtutem suā tribuet aquæ generanti? Calore, dicet, per motum & lumē producto. Sed calor per se non nisi calorem producer, frigus vero per accidens. Ergo idem cœlum per se, & per accidens, aquam generabit. Actiones enim & mutationes nō distinguuntur à potētia, sed ab actū, & à termino, vt 5. *physica.* docet Arist. Tertio, calor cœli, siue immediatè, siue mediante particulari agente operetur, semper intendit calefacere. Ergo si quando refrigerat, erit præter eius naturæ

Cœlum contrarias qualitates per se producit.

Cœlum quomodo frigiditatem producat.

Calor per accidens frigus producit.

intentionem: ergo per accidens. Quarto, cœlum eo modo agit cum secundis causis, quo modo illis dat esse. Ergo si solo lumine, & calore esse tribuit, tunc agentibus particularibus frigidis dabit esse per lumem & calorem. Igitur aquam in esse suo cōstituet per calorem. Sed calor per se intendit ignem aquæ contrariū. Ergo aquæ per accidens esse dabit. Quinto, si cœlum aquam producit motu & lumine, profectò Solis lumine omnium stellarum potētissimo illi faciet. Sed an accedēs Sol ad nos, an recedens aquā producat? Nō accedens: tūc enim calorē auget, aquas minuit, frigus exterminat, vt æstate experimur in aquis sub Austro, *ex Arist. 2. cœli*. Non recedens: calor enim minor effectus, nō producat frigus in summo & absolute. Ergo nullo modo aquā. Inquit enim Arist. 2. de ge. 23. *Terra enim sicci magis, quam frigidi: Aqua autem frigidi magis, quā humidi: Aër autem humidi magis, quam frigidi: Ignis vero calidi magis, quā sicci*. Vt ergo in summo calidus est ignis: sic in summo frigida est aqua. At licet minus calida in ratione ad magis calida dicantur frigida, absolute tamen frigida non sunt: cum magis & minus speciem non variet. Sexto, ordo naturæ non erit, nec laudabilis, nec perfectus in vniuerso. De perfectione etenim vniuersi est, essentialis ordo & connexio, & vt sit perfectus essentialis ordo, & connexio omnium partium eius, præsertim in causis efficientibus. Est autem perfectior, si omnes sint per se, non quædam ex accidenti: & vt omnes causæ inferiores positiue producant effectus: sic positiue ad illos concurrat causa superior. Adde septimo, quod nobiliori, & perfectiori modo, aqua generaret aquam, quam cœlum aquam: cœlum enim generat aquam per se, ex Pico, quatenus dat esse aquæ generari. Sed illi dat esse per accidens, si nullo alio medio nisi calore illam producat. Aqua vero aquam vniocet, & per se producit. Hoc tamen non est dicendum: contradicit enim Arist. 8. physic. 41. cum inquit: *Quod prius, est dignius, quam sit causa motionis cōsequens, & suum mouere ad illud est magis*. Ita nec omnino erit verum, quod dicit in 1. propositione libri de causis, quod causa prima plus, & vehementius, intimius, inseparabilius, concurrat ad effectus causarum secundarum, quam ipsa causa secunda, & iuuat causas secundas in effectibus ipsarum, & magis est causa effectuum, quam causa secunda.

Perfectio & vniuersi in quibus consistat.

Causa secunda potiores in effectibus quā prima.

secunda. Octauo, licet elementum ignis maioris actiuitatis, ac nobilitatis, elemento aquæ esse videatur, natura tamen non intendit ignem producere vel conseruare propter se ipsum solum, quod reliquis præstet elementis: sic enim (cum faciat de possibilibus, quod melius,) omnia elementa fecisset ignē, vel saltem non protulisset aquā aptam ignem extinguere. Quare effecit ignem ad vniuersi perfectionem; ergo non minus intendit natura aquæ elementum. Rationabile igitur non est, putare naturam, adeo de igne sollicitam, aquam sic despexisse, vt cum ignem cōseruet in vniuerso duplici medio positiuo, nempe lumine Solis & omnium stellarum, & latione cælorum omnium, aquam ne vno quidem positiuo medio, sed solo caloris defectu, vel recessu conseruet, ac generet purē per accidens. Sunt autem vires aquę non minus necessarię, quam ignis, ad mundi perfectionem, ac nexum elementorum. Natura enim ob id non minus facit ignem descendere, quam aquam ascendere. Sunt & aquę vires ad vsum ac necessitatem, tum mixtorum, tum viuientium, summē necessarię, vt Hippocrates *lib. de vsu humidorum*, *lib. de aere aquis*, & *locis*, & *lib. 3. acut.* affirmat Galenus *1. de tuenda valetudine*, *1. de simpl. med. facul.* & *4. Epid. sec. 6.* Auic. *lib. 1. fen. 2. doc. 2. c. 16.* abunde demonstrant: vt non defuerit vnus Thales Milesius, ex septem Græciæ sapientibus, qui rerum omnium principium putauit aquam, vt refert Aristot. *1. Metaph.* Plutar. *1. de placit. philosophorum cap. 3.* Sen. *3. q. nat. cap. 13.* Nono, si cælum per se, ac peculiari medio, distinctio à lumine, frigus & aquam non produceret, vt lumine calorem producit & ignem: tunc in vniuerso generaretur aer ex igne, sine generante, nec vniuersali, nec particulari, quod omnino est falsum. Ignis enim in sua sphaera non est numero perpetuus. (Nihil enim tale est, quod est in potentia ad oppositam formam, ex Arist. *9. Metaph. 17.* Quare perpetuo mutatur, secundum eius partes, in alia elementa vt docet Arist. *2. meteor. c. 3.* Ergo, quando partes ignis mutantur in aërē, hæc mutatio à quo agēte fit? Non ab igne: nihil enim seipsum corrūpit vel destruit, sed conseruat, ex Arist. *2. de anima.* Non à solo aëre: tunc enim à minori in æqualitate proueniret actio cum victoria. In homogeneis enim, vt se habet totum ad totum, sic pars ad partem. Ignis

Natura non minus de aqua, quam igne sollicita fuit.

Thales Milesius de aqua opinio.

Ignis n. n. est numero perpetuus, sed per partes mutatur.

ergo

Ignis aere potestior. ergo tum ratione maioris quanti, in quo est maior virtus, *2. phys. 80.* tum ratione maioris actiuitatis, est aere potentior. Sunt enim tria elementa vt materia ignis, *ex Arist. 4. meteororum c. 1.* Generatur ergo aer ab aëre, & cœlo, quod perpetuo sublunaria conseruat. Sed id nō facit cœlum suo circulari motu: rapitur enim ignis ad motū diurnum, qui regularis est, vniformis, non accedens, & recedens, vt Zodiaci, qui motus ignem conseruat, non destruit. Est enim aptus ignire ligna, lapides, & ferrum, *2. celi, 42.* & cōcauus Lunæ locus est ignis: locus vero locatum generat, conseruat, & perficit, *4. physicorum 48. § 49.* & est tāquam actus, & forma, *4. celi 23.* Locatum ergo non destruit. Nec lumine Solis hoc facit cœlum: radiorum enim reflexione calorē generat lumen, quod in igne, & aëre non fit: densa enim non sunt vt terra. Ideo mediā aëris regio, licet Solis radios percipiat, frigida adeo est. Aquæ vero & terræ exhalationes frigidae, ad ignis sphaeram non pertingūt, vt in ea partes ignis mutant in aërem; sic enim cometæ, & calidæ impressiones cæterę, in illa regione nō fierent; potentia etiā, quę posset ignem mutare in aërem suo frigore, calidos vapores exstingeret. Ergo vel cœlum sua peculiari vi aërem producit, vel sine generante fiat, necesse est.

Fierent Maris tempestates, in luminarium coniunctione sine efficiente, si influxus non darentur. CAP. XIII.

Turbationes aquarū quando & quā decaussa eueniant. IN Lunæ coniunctione cum Sole vehementissimæ fiunturbationes aquarum, præcipuē maris & vētorum. Illas non facit cœlum suo lumine. Dicit enim Galenus *3. de diebus decretoriis, c. 3.* Nam Validissima eorum, quæ prius erant, mutatio committitur, dum Luna cum Sole coit, ac eius lumine circūuallatur: quippe, quæ prius appareat, nunc nulli conspicitur. Et paulo post: *Logum autem hoc tempus occultationis est, integri fere signi cursum explens.* Hæc suo motu non præstat. Siue enim ad Aquilonem, siue ad Austrum declinet Luna, à via Solis, siue diurna, siue propria circulatione ducatur, non nisi in cōiunctione, oppositione & quadris, marisurbationes eueniunt. Quod si per se motus id faceret, perpetuo faceret. Quod enim est per se tale, est de omni & sem.

& semper; vt 1. de demonst. docet Arist. Est autem cœlorum *Motus cœli*
 latio regularis, & vniformis, ex Arist. 2. cœli 35. cum dicit: *regularis.*
Circularis autem lationis non est aut vnde, aut quo, aut me-
dium. Neque enim principium, neque finis, neque medium est
ipsius simpliciter: tempore enim sempiterna est, & longitudina
simul ducta, & minimè intersecta. Quare si non est lationis i-
psius status, neque irregularitas erit. Quod confirmat 2. cœli
 28. 36. & 37. Ergo illud operatur cœlu abdita, ac peculiari
 virtute, a tali cōfiguratione producta, præter lumē & mo-
 rum, quæ determinata analogia mare pertingit, & agit.
 Respōdet Picus lib. 3. c. 5. facere Lunam illam mutationem,
 comodo, quo quis agit nihil agendo: destituens enim cor-
 pora suo lumine, nocet illis. Videtur tanta eruditione non
 digna responsio. Luna in suis configurationibus est verè & *Luna caus-*
 positiuè causa efficiens illarum perturbationū. Hoc pro- *sa turbatio-*
 batur Nam configurationibus præsentibus fiunt, remotis *nis maris.*
 cessant, vt experimentum monstrat, & Galenus confirmat
 3. de diebus decre c. 3. cum inquit: *Vehementiores mutationes*
eveniunt, vbi ipsa cum Sole coit: insuper in apparitionibus ple-
nilunij. Minores his contingunt, dum dichotomos, seu dimidia
apparet. Imbecilla, dum vtrinque gibba, & scalata videtur.
 Auerroes: 4. de gene. anim in paraph. c. 10. inquit: *Quod patet*
ex his, quæ videntur in cōiunctionibus, oppositionibus, & qua-
dris. Cognoscitur enim eius immutatio in moribus aquarum
& ventorum. Nicolaus Sagri nauta peritissimus idem te-
 statur lib. suo de fluxu, & refluxu maris: quod & omnes nau-
 tæ longa obseruatione confirmant, & fatetur ipsemet Pi-
 cus lib. eod. c. 5. Sed principium vnde motus, efficiens est; ex
 Arist. 2. physico 28. & Galeno 1. de locu affectu c. 2. vbi inquit:
Id enim, quo nos tangente hic aliquis affectus sit, & quo sepa-
rato, statim cessat, causam esse, apud omnes homines in confes-
so est. Ergo non est causa illarum turbationum Luna, quia *Luna qua-*
 destituat corpora hæc, sed quia moueat: alioquin à priua- *tenus causa*
 tione proueniret effectus positiuus. Rursus ab eo instru- *turbationū*
 mento agentis, quod non est actu, actio fieret, & motus in *aquarum.*
 actu. Ita nec omnis motus esset actus mouentis, non sepa-
 ratus a mobili, vt monstrat Arist. 3. phys. 20. Secundo, vehe-
 mentiores & erent actiones à priuatione formæ, quam ab
 ipsamet forma præsentī. In plenilunio enim Luna lumine
 plena mouet mare, in coniunctione tamen omni lumine
 priua-

priuata mare mouet, & vehementius, ex Galeno 3. *de diebus decre. c. 3.* Tertio, erit ergo Luna vere efficiens, nihil agens, sed solum non agens, & ab actione desistens: quod omnino affirmare implicat. Quarto, nec deberent sublunaria, vel debiliora fieri, & aptiora, vt offendantur, Lunæ lumine deficiente. Quicquid enim roboris tribuit eis Lunæ lumen præfens, idem & longè validius dat Solis calor nunquam deficiens, ac calore Lunæ potèrior, qui Lunæ tribuit lumen suo lumine. Id negare non potest Picus, qui *lib. eodem cap. 6.* inquit: *Sed operabitur idem suà natura fidus & trumque: licet Luna remissius, quod intensius Sol efficiet.*

Maris turbatio tempore conjunctionis vehementior.

Quinto, coniunctionis tempore maris vehementes perturbationes, a quo excitabuntur, vt ab efficiente actu mouente? Si ab eo quod est, ergo non à lumine, quod tunc nō est: Non à motu, qui nec vsque nos pertingit. Alio ergo instrumento, ab his distincto, Luna operetur oportet. Sexto, cur est, quodd debilius fiat mare, dum Lunæ lumine destituitur: cum suapte natura frigidum, & humidum sit aquæ elementum, nec calore, vel lumine opus habeat, vt sit id quod est. Quod si debilius inde non fit, nec Luna illi nocebit, lumine illud destituens. Sed si lumine & calore eger mare, vt roboretur, cur id non habet à Sole? cur non à stellis reliquis, quæ calorem diffundunt gignituum, & que viuificum, in aerem, aquam, & terram? cum ex Pici sententia ad vnum calorem fabrefactæ sint omnes; præsertim cum, vt Luna minor sit tota terra 39. vicibus: ita Sol toto maris & terræ globo, centum & sexaginta sex vicibus sit maior? An non potius peculiaris erit Lunæ actio, quæ determinatis ipsius cum Sole configurationibus prodians, propria vi mare turbet? Picus, priori responsioni parum fidens, addit secundam in fine eiusdem capitis, cum inquit: *Quod si credamus adesse proprium Lunæ lumen, licet tenuissimum & obscurissimum, quia nostrum fugit obtutum, potest creâs retinere illam eff. cunctam.* Verum Picus dubitans hæc protulit, qui forte nec vera putauit. A seculo enim non est auditum, esse lumen, esse obscurissimum, & fugere obtutum nostrum. Quod si nostrum obtutum fugit, quis spiritus illi reuelauit lumen esse? naturaliter enim omnis nostra cognitio ortum habet a sensu, ex Arist. *2. phys.* & dimittere senium, & quærere rationem, est infirmitas

Solis & Luna magnitudo ratione terra.

mitas intellectus, auctore Aristot. 8. phys. 22. An non videretur ista lux, cum stellarum vltimæ differentiæ, ac magnitudinis lux, licet scintillans, à longissima vltra Lunam distantia, à nobis tamen videatur? Rursus nec erit vera Arist. definitio de lumine, 2. de anima, 69. esse actum diaphani, secundum quod est diaphanum. Ita dabitur lumen, quod colores non faciet actu visibiles: Dicit tamen Arist. lib. de sensu & sensibili, c. 7. lumen facere ipsum videre. Cæterum si proprium lumen Luna habet, cur Solis lumine destituta non lucet, omnium Planetarum ad nos vicinissima? cur proprium est adeo tenue, alienum adeo perspicax? ut plena alieno lumine fiat quasi alter Sol. Cur eadem densitate, ac leuigatione, qua Solis lumen & recipit, & demandat ad nos, adeo ut & calorem producat, proprium non potest sic demandare, si habet? ut si calorem non producat, saltem videatur eius lux. Præterea, ad quid natura molita est tot aspectus Lunæ varios, tot lucis incrementa & decrementa, tot cum Sole configurationes ad lumen fœnerandum, ac erogandum sublunaribus; si proprio lumine erat efficax ad eadem opera molienda? Cur sola Luna duplex lumen sortita est, cæteris stellis & Planetis vnicum habentibus? Ad extremum vehementiores actiones fierent à solo Lunæ lumine proprio, quam proprio, & eo, quod Sol illi tribuit: & ita a debiliore potentiores, à potentiori debiliores effectus fierent. In coniunctione enim proprio lumine solum vteretur, in plenilunio, tum suo, tum Solis. Vehementiores tamen & longiores multo fiunt marisurbationes in coniunctione, breuiore in plenilunio contingunt.

Lumen quid

Luna lumen

Luna aspectus varij.

Luna duplex lumen sortita.

Marisurbationes tempore coniunctionis vehementior & longior.

Conchyliæ fierent pleniora, & sicciora, Luna crescente & decresciente, sine instrumento per quod Luna illa tangeret, si non darentur influxus. CAP. XIII.

Conchyliæ, & quæ vocant Echinos, crescente Luna humidiora ac pleniora, decrescente sicciora esse compertum est: Sed id Luna non præstat suo lumine: lumen enim calefacit. Arist. 4. de partibus animal. cap. 5. Noctes, inquit, sub plenilunio sunt calidiores. Calor autem non humectat, sed exsiccatur, auctore Galeno 1. aph. com. 16. Responder

Noctes sub plenilunio calidiores.

Picus

Picus lib. 3. c. 6. *Esse illa animalia frigida, & sanguine carentia. Vnde Luna lumine &betiori inualefcit calor corū, & melius concoquit: ideo succulentiora, & habitiora funt. Et paulo post fubdit: Quo clariffime patet, non humefacere Lunam, quia frigida & humida fit, fed quia falubriter & viuificè calida, quando fub copia luminis eius illa funt humidiora corpora, robuftiora, nec aliter humidiora, quam & caloris, altricō & adinuuantis, & quod illi eſt proprium, euocantis humores ab intus ad extrema.* Verum nec Lunam eſſe frigidam, & humidam fateri debemus, etiam ſi producat humiditatē, vt nec Solem calidum, qui calorem producit: quando ex

*Corpora celeſtia exper-
tia qualita-
tum contra-
riarum.*

*Solis & lu-
na conueni-
entia.*

*Solis calore
non aque &
lunarobora-
tur calor cō-
chyliorum.*

Ariſt. 14. metaph. cœlum neque ex elementis, neque ex elementorum cōtrariis qualitatibus conſtitet. Cæterum ſi verum ſit, calorem Lunæ viuificum roborare calorem innatum conchyliorum, cur idem non præſtat efficacius Solis calor? cum dicat Picus, idem operari ſuapte natura ſidus utrūque, & quod Luna remiſſius, intenſius Sol. Quod confirmat Ariſt. 4. de gen. animal. c. 10. cum inquit: *Luna autem principium eſt propter Solis ſocietatem, receptumq; lucis. Eſt enim quaſi alter Sol minor. vbi Aueroes, Quando enim perſicitur, inquit, ſit quaſi alter Sol: & propterea habet in ſuis diſpoſitionibus magnam conuenientiam cum Sole in ſpeciebus generatorum.* Et dicit Gal. 3. de dieb. decret. c. 2. loquēs de Sole: *Sed ipſe velut Rex quiſpiam maximus eſt: Luna vero, & Hyparchus, (quaſi Subprincipē dicas) nō exiguus. Inter illum enim & nos media conſtituta, terreſtrem regionem merito gubernat.* Hęc Galeus. Quod ſi idem præſtat Solis calor, cur conchyliorum calorem innatum non roborat? & ſi roborat, cur perpetuo ſucculentiora, & habitiora non ſunt? Sed debiliori Lunæ lumine roborantur, Solis vero nequaquā. Rurſus ſi Solis calor, vt potentior fortè, rarefacit, & abſumit illorum calorem, Lunæ vero licet debilior, & proportionatus confirmat, cur æſtuo tempore, ſub ardentiffimis Solis caloribus, æque plena ſunt, creſcente Luna, vt vergēte Sole ad Capricornum? Cur ſi proportionatus roborat, maior non diſſoluit? & ſi diſſoluit, cur cōctiones debiliores non ſunt? Aliunde ergo, quam calore, Luna id præſtat. Præterea ſi Luna lumine & calore illa humeſcat, vel erit illud humidum ſubſtantiſicum, vel inutile excrementum. Si primum, ergo non euocabitur ab intus ad extrema, vt à ſolidis

solidis & continentibus, ad cauitates & contenta. Nutritio enim opposito modo fit ex conuersione humidi in aliam substantiam, quod perficit natura humidi iuxta positione, agglutinatione, & commutatione ad singulas partes viuentes, quarum est vera nutritio. Viuentes vero sunt, non contentæ, sed solidæ, ac continentis partes animalis. Si secundum excrementum est illud humidum; ergo inde non erit maior nutritio, cum excrementa coctionem, & commutationem in substantiam effugiant. Rursus, calor Lunæ dum reuocat humores ab intimis ad extrema; vel cum humore calorem innatum pariter euocat, vel humorem à calore seiungit & extrahit. Si primum; ergo calorem debilitat, non roborat. Galenus *libr. de causis morborum cap. 3.* dicit, extinguere calorem à maiore relaxante, vt candela accensa à Sole ardente: ideo æstate & autumno cibos difficillime ferimus, siquidem (vt inquit Galen. *2. collatio æstate & autumno*) is, cui eos coquendi ac conficiendi officium natura tribuit, (calor innatus scilicet,) exiguus est. *difficilior* Et *1. aphor. commen. 15.* At calor, inquit, circumfusus non modo superfluitates, sed omnino euacuat aequaliter materiam inutili, & ea etiam, qua in corpore secundum naturam continentur, & à dissoluens. Hæc Galenus. Si secundum; ergo putrefacit, & corrumpit: calor enim ambiens extraneus, humidum à calido separando, ac euocando, putrefacit, teste Aristot. *4. meteor.* & Galeno *11. methodi.* & quæ putrescunt, fiunt primum humida, mox sicca. Tandem, si actiones Lunæ paræ mutationis habent facultatem, in animalibus exanguibus, & pauci caloris, vti que ab internis ad extrema illorum calorem non euocabunt: & ita humiditatem à calore terminatam non extrahent. Quod si validæ sint actiones, ac non putrefacient, vna cum humido calorem extrahent; ergo non roborabunt calorem innatum, illum viuentes, sed debilitabunt rarefacientes, relaxantes, & disgregantes. Luna igitur alio medio, quam calore, conchyliarum humiditatis efficit pleniora.

*Fluxus & refluxus maris perpetuus & ordinatus
caussum perpetuam non habebit, si Luna præ-
ter lumen, & motum, influxus non
habet. CAP. XV.*

NEe in mari fluxus & refluxus fieret, lege reciprocationis perpetua, regulari, & ordinata, si Luna sua facultate, à lumine & latione diuersa, id perpetuo non efficeret. Picus lib. 3. c. 15. tres affert responsiones: Primam ex Adelādo: *Quod mare quare se vniue toti suo elemento, & fluit ad illud, sed à terra impeditum iterum refluit.* Quæ eualio recta non est. Si enim mare aliquod extra suum totum elementum sit, Mediterraneum illud esse videtur, in quo præter Adriaticum sinum in fretu Messanæ vrbis, ad Charybdim & Scillam admirabili fluxus & refluxus reciprocatione, perpetuum naturæ miraculū esse videtur. Sed hoc de Mediterraneo dici non potest: tunc enim extra suum locum perpetuo detineretur, ac violenter. Dicit autem Arist. 2. cæli. 26. *Quapropter, cum violenta sit, & præter naturam, non possibile est, sempiternam esse. Mundi autem ordo sempiternus est.* Rursus, tunc nec omnis terra erit locus naturalis aquæ: oppositum tamen innuit Arist. 2. meteor. cap. 2. & monstrat Auerroes in paraph. 2. cæli, summa 2. quasito 3. num. 31. *Quod si loca elementorum consideremus, pro vt virtute à cælis indita locata conseruant; ita concauum Lunæ locus est ignis, & concauum ignis est aëris; sic concaua aquæ superficies locus est terræ.* Ita Arist. 4. physico. 46. inquit: *Quocirca & in calo cuncta sunt: calum enim vniuersum forsitan est. Est autem locus non ipsum calum, sed calū aliquid, & istius videlicet finis quiescens; & quo mortale corpus tangit.* Quapropter & terram aqua; hac in aëre, &c. Manifestum igitur est, totum mare, tam Oceanum, quam Mediterraneum, terram continens, in suo loco esse. Præterea, tunc esset fortior fluxus maris in fine, quam in principio. Elementi enim pars, dum naturaliter mouetur ad suam integritatem, quo magis ad illam progreditur, eo mouetur intensior, atq; velocior. Oppositū tamen in fluxu contingit, qui in principio fortissimus, sensim decrescit, vt in fine motus sit debilissimus. Adhæc, neque refluxus fieri potest

*Fluxus &
refluxus ma-
ris in fretu
vrbis Messa-
na.*

*Elementorū
motus in fi-
ne velocior,
contra in a-
liis maris.*

potest à terra impediēte. Si enim mare sex horis fluere ad suum elementum, & impeditum à terra toridem refluere, utique refluxus non erit, sed vertigo. Vt enim docet Auerroes 7. *physicorum comment. 10.* ab impellente, & propellente fit vertigo: Quare quælibet vnda dum fluit, repercussa refluere. Ergo eodem momento fluxus & refluxus paniter committerentur. Ad extremum in ipso Oceano, *In Oceano quod extra elementum aquæ non est, fluxus, & refluxus a quoque fit quarum non fieret: fit tamen; quod Picus fatetur capite eodem, dum inquit: Fit etiam illic idem effectus, sed pelagi vastitas, licetorumq; submotio, speciem tollit accessus & recessus. xus.* Arist. idem fatetur, 2. *meteor. c. 1* cum inquit: Fluxus autem maris videtur secundum angustias, sicubi propter adiacentem terram in modicum ex magno coarctatur pelago, propterea quod libratur huc, & illuc saepe. Hoc autem in magna multitudine maris immanifestum est. Et paulo post: Omnia autem, præter hac maria, minus faciunt hoc euidenter. Hæc *Maris æstus Aristot. Addit Picus secundam responsionem cap. eodem cur nō aquæ in Oceano percipiatur, ut in reliquis.* Aristot. Addit Picus secundam responsionem cap. eodem cum inquit: Consistentur Astrologi, non euenire tales recessus in omnibus aquis, sed in his tantum, quorum terra profunda, dura, montibus crebris aspera, & inæqualis est: additque: In tali terra suscitantur vapores, & venti, unde in aqua fit ventus atque tumultus; præsertim, quod ex motu & impulsu isto, & vaporum admixtione calefcit. Quare locum quarit ampliorem, quo se diffundat. Accedit quasi tertia causa. subdit Picus, motus, reflexio ventorum & ellicantium, aqua summa: Et mox ait: Aqua necessario, cum eructant, abundant, tumescuntq; & tandem dicit; Rursus ubi vis illa, dissolutis vaporibus, conflagrescit, subsident. Hæc Picus. Quæ responsio veram causam non adducit. Primum, non refert Astrologos, qui dicant, in mari vasto non esse reciprocationes, cum Phauorius summus Astrologus dicat oppositum, (Pico etiam referente,) qui Oceanus, inquit, quasi Luna comes, cum ea senescit, adolescitque: quod & Ptolemæus confirmat. Quod etiam Pici confessione & Aristot. autoritate verum esse supra monstratum est. Ergo si in Oceano nec montibus asperis circumsepto, nec licetorum duritie, profunditate, & inæqualitate circumuallato, sed tota terræ magnitudine decuplo maiore, iidem maris fiunt æstus: ratio, quam affert à mō-

Montium angustia nō causa ref. xus maris.

*Num Vapo-
res à terra e-
leuati.*

tium angustijs, caussam maris refluxus non ostendit, sed tantum maiorem eius fluxus euidenciam monstrat. Neque vero, quod de Vaporibus à terra eleuatis commemorat, ré absoluit. Quamuis enim calore Solis vapores eleuentur à terra, illi tamen non sunt caussa maris æstus, fluentis atque reciprocantis, perpetua, ordinata, immutabilis. Sol enim æquè eleuat à terra vapores, dum mare fluit, atque dum refluit; neque sex horis vapores concitat, sex totidem à vaporum eleuatione se temperat: cum ratione siquidem, & electione ageret Sol. Rursus tunc essent maiores æstus maris, Sole ad nos accedente, inchoante vere, terra existente humidior post hyemem; quam æstate media, illa ab ardoribus magis exiccata. Sed utroque tempore sunt æquales, ut non nisi in Lunæ coniunctionibus & oppositionibus fiant vehementiores, singulis mensibus: minores dum dimidia appareat: imbecilles dum vtrinque gibba videtur. In coniunctione autem Luna omni lumine destituta est. Tadem

*Æstus ma-
ris quo tem-
pore & che-
mentiores.*

*Num Luna
suo lumine.*

si Luna id præstaret suo lumine, tunc dum aucta lumine, dum declinat ad Aquilonem à via Solis, dum in signis Aquilonaribus est posita, vberiores accessus aquarum fieret. Opposito vero modo se habent. Perpetuè siquidem sunt vniiformes, & in solis cõfigurationibus adaugentur: ut perpetuum experimentum, & expertorum testimonium mōstrat. Neque venti ad id conducunt, qui nec statuta periodo, neque perpetuo flant eodem cursu, nec sex horis ad vnum angulum, totidem ad oppositū spirant, vel quiescunt; nec semper à profundo maris ad summum insurgunt: imo sæpe aduersus maris fluxum impetuosè flantes, contrarij obuiant maris æstum. Dicit Arist. 2. meteor. summ. 2. c. 3. Sic autem ordinatis Ventis manifestum est, quod simul flare contrarios quidem nō est possibile. Ad extremū, non semel venti & maris fluxus è diametro pugnare sunt visi, ut sæpe summa admiratione sit obseruatum, inter admiranda naturæ opera, in vrbis Messanzæ fretu nauem secundis impulsam ventis, velisque vehementissime tumidis, à maris fluxu obuiuo, aduersum repelli ac retrocedere; ut maris impetus ventorum aduersam vim planè vincat. Idcirco Ptolomæus li.

Num Venti.

Historia.

2. magna compos. c. 12. in Lunam refert caussam fluxus atque refluxus perpetui. Quod post Homerum confirmat Plinius lib. 2. c. 99. Phauorinus referente Pico, Arthemedorus

*Luna æstus
maris caus-
sa.*

contra

contra Polybium, & tandem Picus met veritate compul-
sus idem affirmat, dum eodem c. vltimam adducit respon-
sionem, vbi sic inquit: *Nam sint à Luna, quod libenter &
facile, etiam ipsi credimus: & subdit: Nos si pertinet ad Lunā
talis effectus, ad eius id motum referamus, quæ ratio natura
consensu Oceani motus imitatur. Quare ascendit cum ascen-
dente, & descendit cum descendente.* Hæc Picus. Concedit
ergo id fieri à Luna ex professo, negat solum contra Bac-
conum, fieri per lumen. Ergo si monstrauerimus, neq; per
motum, manifestum erit, per abditas suas vires, quas vo-
cant influxus, Lunam id efficere: quod ita potest demon-
strari: Primum si motus Lunæ mare moueret, mare neces-
sario tangeret: ergo mare raperet circulariter in gyrum, vt
motu diurno sphaeræ Planetarum, elementum ignis, & pri-
ma aeris regio circulariter rapiuntur. Mare tamen nec cir-
culariter fluit, sed sex horis ab ortu Solis, totidem à meri-
die refluit: æquis horis ab occasu æstuat, totidem ad exor-
tum deferuet, vt Eratosthenes, Polybius, Plinius, & Strabo
testes sunt. Adde quod impossibile est, sphaerā ignis, & pri-
mam aeris regionem à cœli vertigine localiter moueri, &
mare eadem latione ferri naturaliter, media aeris regione
inter illas posita, nō mota. Moueretur enim eodem motu
vtrumque extremum, non motu medio, & sine medio na-
tura faceret saltum de extremo ad extremum: quæ impos-
sibilia sunt. Sed est dubium, inquit Picus ex Aboazar, quod
æstus maris non eueniat à Luna. Nam non sunt eadem o-
mnibus aquis initia fluxus & recessus, etiam in quib; nulla
est de finitore varietas: sed vbi in vno loco fluunt aquæ, in
alio videtur refluxuere. Verum hoc de facili tollitur. Si enim
dicat, diuerso tempore moueri aquas sub diuersis horizō-
tibus positas, id vltro concedimus: hoc tamen non tollit,
eandem Lunam omnium diuersorum fluxuum esse caus-
sam: mouet enim tunc aquas, cum supra eius loci finitorē
exoritur. Ita nec omnes stellæ omnibus terræ locis æquē
sunt orientes, vel occidentes; nec æquē orientales, & occi-
dentales. Nec luminarium eclipses æquales apparent, vel
æqualis sunt durationis, occidentem & orientem terræ pla-
gam colentibus. Dices ergo, dum Luna est in opposito no-
bis hemisphaerio, aquas nostri maris non mouebit. Moue-
bit inquam, sed nec pari temporis momento. Fluxus enim

*Luna nunc
motu suo ma-
re moueat.*

*Fluxus maris
vnde fiat.*

aquæ, quæ corpus est, non est alteratio, sed motus localis: vnde prius fit in parte mouenti viciniore, in remotiore posterius: quamuis ob fidei vim magnam, ac stellarum omnium maxime propinquam, breui temporis successione id contingat. Neque ex eo datur velocior motus, motu primi mobilis: eisdem enim sex horis, quibus mare fluit, & quartam sui elementi partem excurrit, Luna sui orbis quartam portionem peragrat, latione diurna; quod cæli spacium longè maius est maris fluentis magnitudine: cū cælum Lunæ toto maris elemento triplo sit maius, vt ex supputatis à Ptolomæo, Alfagrano, Eratosthene, Mactobio, Possidonio: & Plinio cognosci potest. Quod si dicat Aboazar, fluxuum diuersa principia euenire, aquis sub eodē finitore positis, est plane falsum. Nam vel nulla, vel omnino pauca satis est mora successionis motus aquarum ad inuicem, & hoc ob lictorum diuersos sinus, & varias angustias, aquarum motum impediētes. Obseruant enim nautæ, in vrbis Messanæ fretu eodem momento, quo Luna supra nostrum finitorem exoritur, aquas moueri, & singulis diebus à coniunctione ad diametrum singulis ferè horis, eorum æstus initium postponi, singulis horis à plenilunio, ad coniunctionem anticipare. Toridem enim Luna suum exortum à Sole postponit, & anticipat: quod confirmat Nicolaus Sagri libello suo & Strabo lib. 3. de situ orbis.

*Æstus maris
in fretu
vrbis Messanæ.*

*Agricola futuras anni vbertates, & caritates non
prædicerent, si stellarum non darentur in-
fluxus. C A P. XVI.*

*Ortus & occasus stella-
rum obser-
uatio.*

SI verū est, quod dicit Picus lib. 3. c. 19. agricolas & nautas ab aëre, nubibus, & ventis, & a causis proximis, non à stellis, prædicere sterilitatis & vbertatis, tempestatum & letenitatis, singulis annis differētias; cur dixit Virgilius, oportere agricolas obseruare ortus Arcturi, Pleiadum, & aliorum siderum occasus, ac sub eis vno, vel altero modo semē terræ cominittendum, & ex eis futuram vbertatem timendam vel sperandam? Primo Georgicorum sic inquit;

*At si non fuerit tellus fecunda; sub ipsum
Arcturum, tenui sat erit suspendere sulco.*

Et paulo post.

Præterea

*Præterea tam sunt Arcturi sidera nobis,
Hædorumq; dies seruandi, & lucidus anguis.*

Et mox:

*Ante tibi Æoa Atlantes abscondantur.
Cnossiaq; ardentis decedat stella corona.*

Et tandem:

*Multi ante occasum Maia capere, sed illos
Expectata seges Vanis elusit auenti.*

Et alibi, ut designarer pluuias, quas excitat stella Orionis exorients inquit:

Fluctu nimbosus Orion.

Quomodo erunt vera præfagia, quæ à vario Stellarum ortu & occasu narrat Columella *lib. 10. cap. 1. & 2.* Varro *lib. 2. cap. 32.* & seqq. Ætius *tetrab. 1. sermone 3. cap. 164.* Plinius *lib. 18. cap. 35.* Rursus, quomodo vera erit eiusdem obseruatio? qui *lib. eod. cap. 25.* inquit: *Miretur hoc, qui non meminerit, ipsa brumalis die pulegium exsiccatum in coronarijs florescere. Adeo nihil esse occultum natura voluit.* Quomodo vera erit futurarum tempestatum prædictio à Luna? quam refert Galenus ex Arato, *3. de diebus decretorijs c. 5.* Quomodo verè erunt prædictiones ex Luna, in varijs signis posita, circa morbos, & morborum euentus? quas refert author libri prognosticorum ex decubitus scientia, per Iacobum Mariscotum Florentinum in latinum conuersi. Quomodo erit vera obseruatio Constantini Cæsaris *lib. 1. sua Agricultura c. 8.* quod si oriatur canicula, existente Luna in signo Leonis, vel Geminorum, vel Capricorni, eo anno expectandâ fore copiam olei, vini, & frumenti: Omnium vero horum sterilitatem futuram, si in Cancro fuerit. Si vero in Libra, solius olei: solius frumenti, si in Aquario: si autem in Ariete, olei vbertatem, & tritici caritatem. Rursus *lib. eod. c. 12.* ex varia Iouis peragratione in signis Zodiaci, varias eius anni penurias, vel fertilitates imminere, obseruari fore, testatur. An ad vnum calorem referri hæc possint? cum Sol in Leone, Geminis, & Capricorno, nec eundem calorem, nec idem anni tempus afferat; qui in Leone propè æstiuum solstitium est; in Capricorno oppositum hyemale constituit. Eius vero triplicitatis non sunt Gemini & Capricornus, sed Aries, Leo, Sagittarius, ex Ptolomæo *lib. 1. de iudicio, c. 17.* An sunt negandæ obseruationes grauissimorum auctorum

Ortus canicula obseruatio.

in arte sua, etiam si pro nostra opinione stare non videantur? Certe potius est imitandus Aristoteles, qui in rebus ad Astrologiam spectantibus *lib. 12. metaphys.* Eudoxo & Callippo Astrologis se remittit; & in stellarum obseruatione, Chaldaeis, & Babylonis Astrologis. Inquit enim 2. *cali 60.* Similiter autem & de alijs dicunt astris, quae dudum ea obseruauerunt à plurimis annis Aegyptij & Babylonij, quibus multam fidem habemus, de vno quoque astrorum. Ad extremum & imitandus Galenus est, qui non modo sapientibus, sed nautis & agricolis, in artis eorum obseruatione, fidem praestat 3. *de diebus decretorijs c. 5.*

Nec reddi posset ratio vera, cur partus octauo mense lethales sint, si stellarum non darentur influxus. CAP. XVII.

*Partus Si-
talis qui,*

Aristoteles 7. *de hist. anim. c. 4.* dicit, partus octauo mensis esse lethales, septimi verò, & noni vitales. Quod antè ipsum protulit Hipp. *li. de octimestri partu*, & confirmat Alexander *lib. 2. prob. prob. 48.* Huius diuersitatis partus foelicis & infausti nulla esset causa, si stellae praeter lumen & motum abditas vires non haberent. Respondet Picus *lib. 3. c. 18.* quòd eo mense difficilis est veteri gestatio. Tunc enim grauius se habere praegnantēs, & in matrice, inquit, nescio quae pati graua & incommoda, & si pariant, duplici labore oppressas, & partus & aegritudinis, infirmissimas fieri: vnde necessario ipse quoque foetus imbecillior factus raro diu viuat. Verum Picus adducit causam fortè immediatā, cum de remota sit quaestio, quam propinqua non excludit, sed supponit. Nam si supponamus, eo mense agrotare foetum, vel praegnantem in matrice pati graua incommoda, debebat Picus rationem explicare, cur illa praegnanti octauo mense contingant, non septimo, neque nono: à quo ut ab efficiente incommodum vel aegritudo inducatur eo mense. Nā si probabit Astrologus, octauo mense praegnantibus incommoda à stellis prouenire, non tamen per lumen aut motum, influxus dari demonstrabit. Caterum ut rem à principio repetamus, incommodum vel aegritudo in illo mense causam habeat necesse est. Causa igitur erit vel interna vel externa: & si externa, vel priuata vel communis:

*Cur partus
octimestris
non vitalis,*

& si

& si communis, vel aër, vel cibus & potus, vel cælum. Intena esse non videtur. Non enim est verum, quod refert Hieronymus Mercur. *lib. 2. de morb. mul. c. 1.* dixisse Auicennam *Ratio Men- lib. 3. fen. 21. trac de abortu,* & Albertum Magnum *10. de ani- curialis. mal. trac. 2. cap. 5.* ult. octauo mense laborare factum in vtero. Nam septimo mense factus grandior & consummator, opus habet multo nutrimento, & multo aëre: quæ omnia cū sibi desint, quærit exitum, & incipit moueri. Et subdit: Si vero non exeat, ob labores quos sustinet, septimo mense, in octauo debilis est, languidus, & infirmus: Nō, inquam, verum videtur. Nam fœtus septimo mense, si sua maturitate est aptus vt exeat in lucem, à quo retinetur ne egredia- tur? cur illum laborantem, ac egredi quærentem, natura retinet? Si vero solum aëre, & alimento maiore indiget; cur natura de vtroque illi non fuit prouida? (quæ adeo est de generatione ac propagatione sollicita, & nō deficit in necessarijs, ex Hipp. & Gal. *5. in 6. epid. 2.*) vt fœtus non laboret, non ægrotet, non pereat. Præterea si maioris alimenti & aeris gratia, quærit exitum mense septimo, cur idem nō facit octauo, quando fœtus maior est, & alimento ac inspiratione maiore indiget? Quod si octauo mense mouetur, vt & septimo, cur nono multo magis non ægrotat ob præcedentes duorum mensium conatus atque labores? vel à quo habet, vt expleto octauo mense amplius non ægrotet, permanente adhuc eadem nutrimenti & aeris necessitate? & si ægrotat, cur nono mense partus vitalis est? Ad extremum, quacumq; ratione fœtus ægrotaret, vel vterus prægnantis grauius incommoda pateretur octauo mense; si ab interna causa laborarent, per se laborarent: quare & omnes tum prægnantes tum fœtus. Sed Ægyptiæ mulieres eo mense feliciter pariunt, & faciliè ferunt, ex Arist. *7. de hist. anim. c. 4.* Quod autem de intrinseca ratione alicui competit per se, & vniuersaliter illi conuenit, vt ab Arist. *1. post. monstra-* rum est. Neque est recipienda Vallesij responsio, qui *lib. 2. sont. med. c. 9.* (vltra rationem circuitus critici, quæ vera est) *si.* profert, fœtum septimo mense in vtero conuerti vt exeat, & ideo, si non egredia- tur, ægrotare per dies 40. Cur enim septimo mense conuertitur, qui nono naturaliter in lucem egredi debet? quando quintus quadragenarius dierum ad septimum mensē terminatur, septimus quadragenarius

*Ægyptiam
liercs octauo
mense pari-
unt feliciter.
Ratio Valle-
sij.*

*Fœtus in 40.
tero conuer-
sit.*

ad nonum: septimi vero index nō sit quintus, sed quartus. Rursus si conuersio illa naturalis est fœtui, cur inde ægrotat? cur per dies quadraginta? quo ægritudinis genere? Et si per tot dies ægrotat, cum mutationes fiāt in mensis septimi principio, nō medio, vel fine: (ad principium enim eius mensis quinque quadragenarij dierū à die conceptus terminantur, si vera sunt, quæ c. eod. 9. supputat Vall.) cur ergo totus septimus mensis non erit infœlix, pleraque pars mēsis oētaui non erit nascentibus salutaris? Interna igitur laboris causa non erit, oētauo mense, sed externa. Verū non priuata, cum sit communis affectus multarum regionum, & omni tēpore. Nec cibus, qui communiter vitiosus in tot regionibus esse nō potest. Nec aēr, cum nec eiusedē naturæ morbificæ, nec omni tempore esse possit, qui Græciā, Italiā, Germaniā ambit. Ergo vt à cœlo & stellis, quæ perpetuæ transmutationis sublunarium causa sunt, ac criticarum mutationum ad salutem & ad interitum, id producat, oportet. Eadem enim est partus ratio, vt & crisis in morbis, ex Hipp. lib. de sept. partu. Neque hoc imaginariū dici debet, vt putat Mercur. si imaginariū nō est, septem planetas, quadraginta oēto stellarum imagines, tot stellas innumerabiles in cœlo esse, nec plane otiosas. Hipp. lib. de oētimefiri partu ad Lunam refert rationem partus mensis septimi, oētaui, noni, & decimi, cum dicit: *Ex his igitur omnibus necessarium est, plerasq; mulieres circa plenilunium, & ultra in ventre concipere, & ducenti & oētuaginta dies, saepe vndecimum mensem apprehendere videantur, &c.* Aristot. 4. de gen. anim. c. 10. *Ratione autem optima, inquit, tempora omnium, & grauiditatum, & generationum, & vitarum dimensionem circuitibus sibi exposcunt recipere. Circuitum appello diem, noctem, mensem, annum, & tempora, quæ ijs describuntur, atq; etiam Luna traiectiones.* Et paulo post inquit: *Nam vt rerum minus principalium circuitus sequantur, magis principalium rerum circuitus ratio est. Vitam enim quandam & ortum, & interitum, & flatum esse fateor. Conuersionis vero eorum siderum alia fortasse principia sunt. Natura igitur ita sibi vult, & eorum numerus generationes & obitus numeret.* Ergo quod septimo & nono mense viuant, oētauo autem nati intereant in multis regionibus, in quibusdam vero non, cœlorum ac syderum conuersiones

*Diversitatis
partus caus-
sa secundum
autorem.*

siones atq; vires causam esse ex dictis est manifestum. Sed cœlum hæc non præstat lumine & motu in gyrum; cum motus hæc terrena non pertingat, sine contactu vero non afficiat. Lumen autem, si sit Solis, accedendo generat, recedendo corrumpit: non tamen septimo mense vitales facit, octauo nequaquam. Si vero sit Lunæ, omnib. mensibus æquali proportionem diffunditur atq; subtrahitur. Altior ergo est & abdita magis, tum Lunæ, tum Planetarum reliquorum facultas, qua partus varietates contingunt.

Crises morborum fore sine causa perpetua, ac certa, fistella præter lumen & motum vires abditas non haberent. CAP. XVIII.

AD extremum nulla esset causa, cur in morbis acutis *Dies criticus* septimus dies esset criticus, non sextus nec octauus: In lōgis septima, hebdomada, septimus mensis, vt & septimus annus. Dicit autem Hippocrates 3. aphorismo. 28. *Plurima autem passiones puerulis indicantur, nonnulla quidem in quadraginta diebus, nonnulla in septem mensibus, nonnulla vero in annis septem.* Cum enim statutz ac ordinatz *Crises morborum statuta & ordinata.* sint morborum crises, vt causam habeant statutam, & regularem oportet. Talis causa non sunt elementa in rerum naturalium ordine, quæ mutantur perpetuo. Erit ergo cœlum, cuius lationem dicit Arist. 8. physic. 47. esse causam omnium, quæ sunt in hoc mundo sublunari, quod confirmat 1. meteor. c. 2. & 4. de gener. anim. c. 10. Cum autem latio cœli primam aeris regionem non transcendat, vt alio penitiori medio hoc faciat cœlum, necesse est, Respondet Picus lib. 3. c. 16. *Sed ita natura dico cursu impleri plerumq; in rebus, non ob constellationes ad hac tempora comparentes, sed ob occultam proprietatem conditionemque rerum illarum, quibus ita plerumque usu venit.* Sed Picus, ne illud tribuat stellis, quod negat mordicus, fingit ea ignorare, quæ vir perspicax planè cognoscere potuisset. Non negamus. plures esse rerum differentias nobis ignotas, eorum quæ scimus maiorem partem, esse minimam illorum quæ ignoramus: se habere nostrum intellectum ad manifestissima naturæ, vt oculus nocturæ ad lumen Solis. Sed si hoc ita est, cur stellas eas vires habere negamus, quas si habeant, non cognoscimus.

gnoscamus? cur ut stellis vires derogemus, rerum esse dicimus occultas proprietates? Quod est nō philosophari, nō rerum causas inquirere, non ad quæstiones respondere, non docere: quod philosophis Scepticis congruere dicit Galenus 1. de simpli. med. facul. c. 1. Cæterum si in rebus hæc occultam proprietatem admittit, cur eandem cælo derogat Picus? cum cælum corpus sit nobilissimum, sublunariū omnium causa: cum quicquid potest virtus inferior, possit superior nobiliori modo: cum ut omnes numeri in unitate, omnes calores in luce; sic sublunarium omnium vires perfectiori, & eminentiori modo contineantur in cælo, auctore Pico lib. 3. cap. 4. Vnde Pythagoræi, qui septenario tribuunt arcanas naturæ vires, cælo illas maxime tribuunt. Alexander lib. 2. probl. problem. 48. Orbem, inquit, terrarum septem insignibus stellis regendum nouimus. Et mox inquit: Luna per septenarium suas accipit formas, menses septem constant diebus. Quod si rerum particularium solum corru-

Crisis morborum unde

Natura ut agat.

Crisis meliores quo tempore fiant.

ptibilem est hæc occulta proprietas, morborū crisis, cuius nam rei particularis & corruptibilis erit hæc occulta proprietas? naturæ nē, an morbi, an causæ? Sed nullius horum esse potest. Natura enim agit necessario, & sine cognitione, ex Arist. 9. metaph. & 2. de interpreta. Cur ergo septimo mouet, & non sexto? Si enim posito agente naturali, & nō impedito in passo, actio naturalis sit, cur humore morbifico concocto, natura insurgit feliciter die septima, infeliciter sexta, & octaua? Inquit enim Galenus 1. de diebus decretoriis, c. 2. Iudicia enim seu crises ipsæ omnibus diebus accidunt, sed neque pares numero, neque ex aequali fide. Et paulo post: In duodecimo enim, & decimo sexto, nullum unquam indicatum vidi. In septimo, ne de numero omnes adhuc possum. In sexto iudicantur, sed cum difficilibus symptomatibus, & periculo maximo: adhuc absque fide, imperfectè, obscure, sine notis, & ad mal. m. Ex 3. de diebus decretoriis c. 8. Etenim, inquit, in secundo die natura quodammodo valida adhuc est: Item in quarto adhuc valida magis, quam in sexto, sed nondū in certamen venire audet. Id tamen agenti sine cognitione non conuenit. Præterea si est naturæ occulta proprietas, ut per septimos progrediatur, cur in die vigesimo crises fiunt longe plures, & potentiores, quam in vigesimoprimo? ut docet Galenus 7. aphor. 38. Cur septem dies, qui hebdomadam

dam constituunt, integri non numerantur? Nec enim mensis, nec annus, integris diebus numerantur, ex Hippocrate 3. prognost. 4. lib. de iudicationibus post principium, & ex Galeno 3. de diebus decretoriis c. 9. Adhuc si natura per se ad crises insurgit, cur in continuis febribus per dies molitur crises, in intermittentibus vero per accessiones? Ut enim crises fiunt die septimo, sic & accessione 7. 14. 17. 20. 27. 34. & 40. Gal. 3. in primum Epidem. 17. inquit. Nam ut hac septenis circuitibus iudicatur, eadem ratione alia novenis circuitibus, alia undenis, atque ita deinceps, pro numero decretoriorum dierum. Sic 4. aphor. 36. Sudores, inquit, febricitanti boni, si inceperint die 3. & 5. & 7. & 9. 11. & 14. & 17. & 20. & 27. & 34. Hi enim indicant morbos. Qui vero non ita sunt, laborem significant, & morbi longitudinem, & recidivam. Sed cur in chronicis morbis mouetur natura diebus paribus, ut affirmat Galenus 3. de diebus decretoriis, c. 1. 8. & 9. Neque verò esse potest proprietas morbi, ut die septimo naturam stimulet. Semper enim morbus per se operationes lædit immediatè, 1. de morborum differentiis c. 2. (Quod enim alicui per se competit, & de omni, & semper.) Perpetuo igitur naturam stimulat. Sed si oportet naturam primo retinere, mox concoquere, tandem expellere; cur humores coctos feliciter die septimo expellit, octavo æquè coctos infelicitè, sexto æquè coctos infelicissimè? Galenus 3. crissum c. 10. inquit: Determinati siquidem sunt & ordinati natura motus, cum valida fuerit, & materia dominatur, & suis proprijs rationibus operatur. Rursus natura sæpe ab humore nō stimolata ad crissum insurgit. Confirmat idem Galenus cum subdit: Qua enim in tempore sunt opportuno, quod sane idem est, ac in statu & collisionsbus, etiam si nullum adsit irritamentum, in calidis ac magnis morbis videmus accidere. Rursus, si tunc fieret crissus, cum ab humoribus coctis excitaretur natura, ut contingit illam excitari ab humoribus in accessionum periodis, ordo dierum criticorum non esset certus, statutus, inuariabilis; nec maioris fidei esset dies septima, quam octava, nona, quam decima. Ut enim humores, pro eorum copia maiore, vel minore, quod natura in paroxysmis anticipet vel postponat, in causa sunt: ita & æquè cocti humores, æquè stimulant die septima, ut in minori quantitate die octava, Aequalis ergo fidei erit utriusque dici

*Crisis febriū
continuarū
& intermittē-
sentium.*

*Natura mo-
tus determi-
nati.*

*Paroxysmi
cur nō sem-
per eodem tē-
pore fiant.*

Morbi acuti diebus 14. terminantur. diei crisis; quod Galenus non cōcedit. Brater ea acuti morbi quatuordecim diebus terminantur, 2. *aphorism. 23.* qui magna ex parte fiunt ex humore bilioso, habente accessiones de tertio in tertium, 2. *de diff. febrium, c. 1. 1 aphorism. com. 12.* Ergo mouetur natura die quartodecimo potentissimè, quo die humor biliosus non facit accessionem: contra vero die 13. quo validum humor biliosus facit paroxysmum, debilissimè natura ad crisim insurgit, vt dicit Galenus 2. *de diebus decretoriis c. 8.* Præterea dies indicatorij impares, habent dies indicatorios pares: cōtra vero, dies critici pares, dies indices impares habent: & hoc totum fit in eodē morbi decursu, habētis accessiones diebus imparibus, vt docet

Dies iudicatorij & indicatorij.

Hippocrates 2. *aphor. 24.* cum dicit: *Septemorum quartus est index; alterius septimana octauum principium. Est autem, & undecimus cōtemplabilis, &c.* Quod in eo. com. & vbiq; obseruat Galenus. Pico autē in obseruationibus artis medicæ fidem Galeno præstandam esse plenissimè fatetur, cum dicit, *lib. eod. c. 16.* Sit igitur illi fides in medicina, quanta maxima esse potest. Ergo si nec a morbo, nec à morbi causâ prouenit ista proprietas, quam fatetur Pico, stimulas naturam certo die ad crises conficiendas, tum in morbis, tū in partu vtero gerentium, oportet causam esse aliquā perpetuam, regularem, quæ naturam exciter, vno tēpore feliciter, alio vero contra. Rectè ergo Galenus 3. *de diebus decretoriis, c. 6.* ad Lunę vires abditas causam refert dierū criticorum, sequens Ptolomęum & omnes Astrologos. Hoc multis rationibus confirmat Franciscus Vallesius, vir nostrorum temporum doctissimus, *lib. 10. contradict. medicin. c. 1.* Fuxius super *aphorism. 24. sect. 2.* Martinus Acachia Catalaunensis super 1. *librum Galeni ad Glauc. in fine;* Montanus in *exposi. 23. & 24. aphorism. sect. secunda,* & plerique medicorum celeberrimi. Imò Auerroes, influxuum oppugnatore veritate compulsus 3. *Colliget, cap. 9.* inquit: *Et quidam dicunt, quod inuentio crisim hoc ordine est Luna. Sed tu debes scire, quod est causa remota.* Ita Haly primo theisr tract.

Causa dierum criticorum

Mensis medicinalis Galeni.

9. *cap. 7.* & 3. *eiusdem tracta. 1. cap. 1.* Nec quia mensis ille medicinalis, quem ex cogitauit Galenus, à Pico non probetur, vt nec a Conciliatore *diff. 104.* nec à Manardo *epist. 5. libri 15.* ideo erit Galenus abiiciendus. Ipsum enim ruen- tur egregiè, & oppositas prædictorum rationes propul-
sant

fant atque dissoluunt, Matthæus Curtius super *aphorism.*
24. lib. 2. Oddus de Oddis in eiusdem loci expositione; &
 Christophorus Vega in *3. prognosticorum Hippocra. in prin-*
cipio. Quod si Galenus in illo mense veram causam non
 fuerit venatus, ut ipsemet innuit *lib. eod. cap. 9.* cum inquit:
Ac exactam quidem vel misturam, vel ablationem Deus tā-
tum novit: an idcirco cælos esse causam illorum erit ne-
 gandum? an quia modum, quo id præstent stellæ, ignore-
 mus, stellis vires quas habent abnegemus? De cælo enim
 longè plura sunt, quæ ignorant homines, quam quæ co-
 gnoscunt. Ideo Auerroes *1. 4. disput. de st. in sol. 3. dubij* inquit:
Sed concedendum est, secundum veritatem, quod humanus in-
tellectus valde deficit in ratione, vel causis naturalium rerū,
maximè in illis altioribus & sublimibus corporibus, quorum
nescimus quantitatem, & esse earum substantias: unum totali-
ter ignoramus. Hæc Auerroes.

*Cælinatura
 maiore ex
 parte inco-
 gnita.*

Pici Mirandula Rationes Diluuntur.

C A P. XIX.

Multas adducit rationes Picius suis duodecim libris
 adversus Astrologos, quarum plurimæ evertunt fu-
 tura diuinantes circa actus humanos: quas rationes effica-
 ces existimamus, & ultro admittimus. Alias affert, quibus
 Lunam dierum criticorū causam non esse contendit con-
 tra Galenum: quas quia clarissimi Medici dissoluunt, non
 est ut examinemus. Postremo enititur multis probare, stel-
 las præter lumen & motum nullas vires habere, quas di-
 cunt influentias. Quæ quoniam pugnat cum illis, quæ su-
 pra monstrauius, in præsentiarum expèdemus. Potiora,
 quæ adducit, argumenta hæc sunt. Primo, Cælum est caus-
 sa vniuersalis, quæ cum omnibus facit omnia. Sol enim &
 homo generant hominem: Sol & leo leonem. Sed causa
 vniuersalis effectus non distinguit. A proximis enim caus-
 sis omnis effectuum distinctio, & diuersitas provenit. Er-
 go nō habet peculiare influxus effectuum particularium
 productiuos. Secundo, arguit *lib. 3. cap. 5. sic.* Omnium stel-
 larum naturam sequitur lux: ergo omnes stellæ luce sua
 calorem producant. Ergo præter calorem nullas habent
 vires peculiare ac proprias: alioquin sequeretur, quod
 stellæ

*Rationes Pi-
 ci contra stel-
 larum influ-
 entias.*

2.

stellæ propria ratione, ac, vt ita dicam, specificam haberent naturam longè imperfectiorem, quam habent ratione generis: quod falsum est. Nam differentia, quæ diuidit genus, addunt generi perfectionem. Hoc est euident: nam actione communi calefacient: propria refrigerabunt. Calefactio autem est actio refrigeratione longè perfectior. Tertio, nihil alicui competit ratione propria, cuius contrarium eidem conueniat ratione sui generis: (secus idem haberet duas actiones contrarias per se, & secundum quod ipsum.) Sed stellæ ratione generica calefaciunt: ergo ratione specifica refrigerare nō possunt. Quarto, Aristoteles (vt omnes alios sileam, quos *libro 1.* recenset Picus,) maximus Naturæ indagator, nullibi de his influxibus fuit loquutus. Vbiq̃ue enim, libris de cœlo, de generatione, Meteororū, de partibus, & generatione animalium, vbi de cœli viribus agit, de lumine & motu solum verba facit; profecto nō tacuisset hos influxus, si veros philosophus iudicasset. Ad has Pici rationes egregiè respondet Franciscus Ferrariensis super Diuum Thomam 3. *contragentes c. 84.* Nos autem alias adducemus responsiones, quæ nobis magis arrident. Ad primum, cum dicit, cœlum esse causam vniuersalē, si putet vniuersale, quatenus omnes sublunaris mundi perfectiones claudit, admittimus: ergo effectus non distinguit: falsa est consequentia. Si putat vniuersale, quatenus concurrat ad omnium agentium naturalium operationes, concedimus: ergo ab eo non prouenit distinctio in effectibus, est verum in illis, quæ habent causam communem, & particularem, merito quorum commune dicitur, & indifferens. Sed in effectibus, non habentibus causas particulares, id verum non est. A cœlo enim immediatè determinata prouenit actio, in materia determinata. Calor enim cœli ex capite bouis putrefacto vespas generat immediatè, vt ex capite vaccæ putrescentis muscas, & ex qualibet putri materia sponte nascentium vnumquodque; nullo agente particulari ad illorum generationem immediatè concurrente, vt alibi monstratum à nobis est. Rursus hæc nihil ad rem nostram, qui putamus tempestates, serenitates, vulgares morbos, morborum crises vniuersales effectus esse, ac à cœlo, vt ab vniuersali causa, pendere per vniuersales influxus. Præterquam quod neque dicimus cœlum producere commu-

Solutio rationū Pici.

1.

Cœlum quomodo causa vniuersalis.

Caloris cœli effectus diuersi.

communes morbos, crises, vbertates, ac tempestates, sine concursu sublunarium agentium, & dispositione patientium: concurrunt enim ad hæc tum aer nos ambiens, tum natura, quæ nostrum corpus regit, tum alia causa, unde stellarum impressiones non semel impediuntur. Sic Hippocrates pestem venientem Athenas propulsauit, ut Galenus & Soranus affirmant; & non semel tum ægroti, tum Medici futuras crises morborum impediunt & euertunt. Tamen ex his non valet, cælum non habere influxus, quia communis sit causa. Ut enim per lumen communes effectus producit, sic per communes influxus communes ægrotudines, & communem annonæ caritatem, vel vbertatem: qui effectus, & communes sunt, & inter se diuersi, atque etiam contrarij. Hoc fatetur etiam Picus veritate coactus li. 3. c. 25. cum dicit: *Sederit quidem Iouis alia, quam Saturni proprietates*: licet statim hanc veritatem inueniat, cum subdit: *Sed quicquid potest Iupiter, potest Saturnus*: quod rectè dictum non est. Licet enim totum cælum possit eminenter, quicquid possunt omnia sublunaria naturaliter, non tamen quælibet cæli stella seorsim potest totum id omne, quod potest cælum vniuersum. Tunc enim ad quid totas stellas & Planetas multiplicasset Natura? Quomodo Saturnus, & Sol diuersas haberent, ut dicit, proprietates? si quicquid potest vnum sidus, potest & reliquum. Rursum, si diuersorum siderum facultates vires suas exerceant, (otiosa enim non sunt,) an producent omnia eosdem effectus, an diuersos? Si primum, non habebunt diuersas proprietates; Potentiæ enim distinguuntur per actus, & actus per obiecta. Si secundum, ergo à causa cõmuni proueniet diuersitas, & effectuum distinctio. Neque vero, quia cælum est corpus simplex, inde valet, quod quicquid potest vnũ cælum, vel vna stella, possint idem & omnes. Cur enim non omnes cæli eodem motu mouentur? cur motibus contrariis? cur non omnes stellæ sunt, ut est Sol? cur non omnes ut Luna, à Sole lucem recipiunt? & si recipiunt, cur non eclipsantur ut Luna, saltem Planetæ infra Solem excurrentes, recta inter illos & Solem posita? Est ergo cælum, ut quoddam magnum animal, ex diuersis orbibus, Planetis, stellis, motibus, virtutibus, & operibus constatum, ut docet Auerroes 2. cæli, com. 42. c. 71. c. 2. disputat. destructionem in so-

Stellarum impressiones à quibus impediuntur.

Cælum influxus habet, licet sit causa communis.

Stella non potest, quod cælum vniuersum.

Stellarum vires diuersæ.

Cælum est animal magnum.

2. *lutione 18.* Ad secundum respondeo, quod siue dicamus omnes stellas recipere lumen à Sole, vt dicit Plato *in Timæo*, Plinius *lib. 2. c. 6* & Ptolemæus *lib. 4. magna compos. c. 1.* siue omnes excepta Luna habere lucem ex seipsis, vt Auicennas, & Macrobius affirmant: Dico, quod lux non est stel-

*Lux non est
differentia
generica stel-
larum.*

lis differentia generica. Si enim talis esset, illis per se, & secundum quod ipsum conueniret: quare & omnibus: quod verum non esse Lunæ natura demonstrat. Ergo erit proprietas consequens stellas, sed non omnes, vt est proprietas hominis, esse animal gressibile: Et tunc non valebit Pici assumptum de differentia generica & specifica. Secundo etiam si gratis concederemus, lucere esse genericam differentiam stellarum, erit generis non vniuoci, sed ab vno, vel ad vnum: in quo genere (cum reducatur ad æquiuocum) nulla est differentia essentialis, ab omnibus speciebus realiter distincta. Rursus nec est verum: Omne per se lucidū, esse per se caloris productiuum. Lumē enim, lux, & radius per se calorem non produciunt, nisi radius reflexus, & multiplicatus: aliter omnes stellæ, omnes radij, omnia corpora, suapte natura luminosa, necessatio calefacerent: & ita geminæ, oculis Felis, oculi Leonis, quercus putrida, per se calefacerent. Sic media aëris regio, quæ diaphana est, & Solis radios recipit, calida esset. Ergo nec est necessario verum, quod infert Picius, stellas omnes, quia lucide sunt, calefacere. Rursus, etiam si calefacerent omnes stellæ, non omnes æque vt Sol, calorem producerent, sed quædam vel debilissimè, vt remotissimæ à terra, quarum calorem sensus noster non percipit: & tūc nec erit vera Pici illatio, stellarum propriam vim refrigerandi ignobiliorē esse communi actione calefaciendi. Est enim maioris actiuitatis summè refrigerare, quam debilissimè calefacere. Ad extremum nec est absurdum, aliquando in speciebus reperiri proprias differentias, differentia generis ignobiliores, vel æque ignobiles. Hinnibilitas enim sensibilitate est ignobilior. Cum autem dicimus, speciem addere generi perfectionem, non perfectionem formam necessario debemus intelligere, sed perfectionem, id est, actum *ἐντελέχεια*, quatenus addit formam, quæ genus contrahit, & speciem constituit. Non tamen est perpetuo necessarium, vt addat formam nobiliorem forma generis. Ad tertium, ex dictis patet,

3.

nce

nec omnes stellas, quæ lucent, calefacere; nec si calefaceret omnes, & quædam earum etiâ refrigerarent, valeret, simul esse cōtrarias operationes per se. In æternis enim proprietates, quæ producunt contrarios effectus, contrariæ inter se non sunt. Quare etiâ si Saturnus sua luce calefaceret, propria influentia refrigeraret, & ita produceret calorem & frigus, effectus inter se contrarios, in se ipso contrarias facultates non haberet. Vt nec species rerum contrariarū cōtrariæ sunt in anima, neq; Sol qui calefacit, calidus est. Et Pico etiâ authore, *lib. 3. contra Astrologos c. 4.* cœli calor continet potestate calorem, & frigus, & nec frigori, nec calori contrarius est. Ad quartum, Aristoteles de illis cœlorū abditis viribus, à motu & lumine distinctis, nō fuit loquutus: Eas enim sua methodo physica venati nō poterat, quæ à notioribus nobis ducit exordium, vt patet *1. physic. 2.* Id eo de solo lumine & motu, notiorib. nobis, fuit loquutus; influxus autem, licet non protulerit, non negauit, & illos introducētes nullibi reprobauit: quod fecisset, si falsos putasset, & cœlo non congruentes, qui in confutandis aliorū sententijs fuit tam accuratus. Imo influxus vel aliqua ratione insinuauit, *vt 4. de gen. animalium c. 10.* vel manifeste recepit in libris extra naturalem philosophiam, *vt 1. polit. c. 7.* & Astrologis Babylonicis, & Ægyptijs, illos introducētib. multam fidem præstandam allērit *2. celi 60.* Nec Aristot. de cœlo, & eius viribus omnia venari potuit; imo de æternis plurima ignorasse fatetur *1. de part. animal. cap. 5.* cum dicit: *Substantia, quæ natura constant, partim ingenerate, immortalē q̄, seculis omnibus sunt: partim ortus particeps, atque interitus intelliguntur. Sed partem illam æternam, & proinde nobilem, ac diuinam minus contemplari propterea possumus, quod admodum pauca illius nostro sensui patent, quorum beneficio, tum de ea ipsa parte diuina, tum de ijs, quæ nosse cupimus, facultas nobis cogitandi indagandique suppeditetur.* Et *2. celi 61.* inquit: *De his igitur querere quidem bene se habet, & ad eam, quæ ad plura se diffundit, intelligentiam, quamuis paruas habeamus causas, tantaque elongatione discemus ab ijs, quæ circa ipsa accidunt.* Hæc Aristoteles.

*Diluitur ratio Medici recentioris contra Astro-
logos. C A P. X X.*

Quidam ex nostris vir eruditus, ubi in hanc de stellarū influxibus disputationē incidit, hæc habet verba: *Penitus Astrologantium rationes euanescent: Quoniam aliā habere proprietatem in eorum substantiis, quā in his agūt inferioribus, benignitatem vel malignitatem: Et isti credunt influentem, præter lumen & motum, quā illis primo insunt, repugnat Aristotelis principiis. Essent enim astrā ipsa composita, & non simplicia corpora, cum proprietas indiuidualē arguat, ac diuersarum substantiarum mixtionem, pro ut lapidi sideri in attractione ferri, & carni sanguinis inest proprietas, ex Galeno 3. de simplicium med. facu. c. 24. Verum ad vnā veritatem rationem hanc expēdamus. Primum rationis huius Auctōr suis dictis influxus confirmat, quos intendit euertere. Postquam enim dixit, præter lumen & motum astris nullam inesse proprietatem, st̄ nūm subdit: *Vnde nec Luna motus quocunque modo humano corpori illatus, seu siderum in medicationibus est spectandus: quoniam cum sit ex alterationum genere, non potest nisi turbationem quandam primo in aëre, postmodum nostri corporis humoribus inferre.* Concedit ergo Lunam humores turbat. Sed non turbat lumine, nec motu suæ lationis in gyrum. Igitur ut proprietate, à lumine & motu diuersa, turbet necesse est. Euidens est ratio. Tempore enim coniunctionis maximè humores turbat, omni tamen lumine priuata est, ut 3. de diebus decret. c. 3. Galen Motus vero Lunæ circularis, ut & omnium cœlorum, infra supremam aëris regionem non se extendit; secus enim & media aëris regio frigidissima non esset, cum motus sit ignire ligna lapides, & ferrum, ex Aristot. 2. cœli. 42. Neque nubes in ea cogerentur, ut monstrat Arist. 1. meteor. sum. 1 c. 4. Rursus dicit, proprietatem arguere indiuidualem mixtionem ex diuersis substantijs. Sed fatetur lumen & motum esse stellarum proprietates, quæ illis primo insunt. Ergo vel stellæ non erunt simplicia corpora, quod falsum est: vel non erit vniuersaliter verum, proprietates arguere mixtionem ex diuersis substantijs. Nec est, quod fortè putet, proprietates, quæ manifestarum qualitatum non sunt, sed à forma specifica profluunt, quas totius sub-*

*Humorum
sempore con-
iunctionis
turbatio.*

*Proprietates
à tota sub-
stantia.*

tius substantiæ appellant, à mistione diuersarum substantiarum prodire. Primū enim ex his nō valeret illatio, quod omnium rerum proprietates mistionē substantiarum arguerent. Deinde neque est verū, specificas formarum proprietates & actiones à forma specifica, & vt dicunt, à tota substantia prodeuntes, necessario mistionem arguere diuersarum substantiarū. Lumen enim Solis à tota eius substantia prodit, Nam qualitatū manifestarum expers est Sol in sui natura. At vero maximè omnium stellarum calefacere, Solis esse proprietatem dicit Auerroes 2. *cali com.*

Proprium Solis.

42. Mistus tamen ex diuersis substantijs nō est Sol, nec Solis radius. Præterea anima rationalis propriam habet operationem, à corpore separatam, ex *Arist. 2. de gen. anim. c. 3.* immixta tamen est, vt patet 3. *de anima 4. 5. & 6.* & omnino à corpore separabilis ac immortalis, 2. *de anima 21.* Ad hæc cælum simplex est corpus, ex *Arist. 1. cali 8.* nullo modo ex diuersis substantijs commistum, ex principijs Arist. esset enim corruptibile. Nam secundum Peripateticos omne compositum est nouum, ex *Auer. 12. metaph. com. 39.*

43. *diff. de st. in sol. 19. dubij.* Est autem cælum nec graue, nec leue, inalterabile, inaugmentabile, ingenerabile, incorruptibile, sine contrario, ex *Arist. 1. cali 20. & seqq.* causa perpetuæ transmutationis sublunarium, ex *Arist. 8. phys. 47.* vt ibi explicat Auer. Hæ cæli sunt proprietates, cū illi soli, omni, & semper conueniant, nulli corpori, nec simpli ei, nec misto, præter cælum. Proprium autē quarto modo illud est, quod rei conuenit omni, soli, & semper, ex *Porphyr. c. de proprio, & Auer. in paraphrasi.* Accedit quod Lunæ est, terra inter eam & Solem posita, eclipsim pati, ex *Arist. 8. metaph. 12. & 13.* Solius Lunæ est hæc proprietas, nullius præter Lunam. Rursus, ignis simplex est corpus, ex *Arist. 1. cali 7.* At inter omnia, quæ generantur & intereunt, solius est ignis non putrescere, ex *Arist. 4. metcor. tex. 5.* vnus ignis est, in infinitum augeri, quouique fuerit combustibile, 2. *de anima 41.* Ab ignis specifica forma prodeūt hæ proprietates, illi soli & semper conueniunt, nulli præter illum. Falsum ergo est in doctrina Arist. proprietates arguere mistionem ex diuersis substantijs. Sed probat hoc in magnete & carne autoritate Gale. 3. *simp. c. 24.* Primum quod proponit repugnare doctrinæ Arist. probat per doctrinam Ga-

Cælum sine contrario.

Proprium Luna.

Ignis proprietas.

Proprietates nō arguunt mistionem ex diuersis substantijs.

*Galenus op-
pugnator A-
ristotelis.*

leni, quasi esset Galenus scētor Aristotelis, non potius il-
lus oppugnator acerrimus. Deindē nullibi Gal. dixit vn-
quam, magnetem idcirco trahere ferrum, & carnem san-
guinem, quia mista ex diuersis substantijs sint. Rursus nul-
libi dixit vnquam Gal. loquens vniuersaliter, proprietates
necessario in omni rerum ordine prodire à commistione
diuersarum substantiarum. Præterea Gal. 3. simp. c. 24. vt le-
git versio Theodoricus Gerardi, ab Augustino Gadaldino
emendata, nō dicit magnetem trahere ferrum, quia com-
mista ex diuersis substantijs, sed medicamenta trahere suc-
cos, quæ si quandoq; suo fine frustrentur, quædam extre-
mè lædere, quædam in nutrimentum mutari. Reddens au-
tem rationem huius diuersitatis, dicit, in medicamentis
intelligere oportet multas diuersi generis mistas esse sub-
stantias. Capite autem 25. versionis eiusdem, dicit quidem

*Cur magnes
ferrum, &
caro sangui-
nem attra-
hat.*

magnetem trahere ferrum, carnem sanguinem: non dicit
autem attrahere, quia cōmista sint ex diuersis substantijs,
sed quia similia & fortiora. Verba Galenī hæc sunt: *Ferrum
qua attrahunt, quodammodo esse efficaciora & valentioraque,
sicuti magnes lapis ferro: quippe qui ad ferri naturam acce-
dat, inque ferri metallis reperiatur, eique magnopere speciei
persimilis sit. Verum fortior est quodammodo, & attrahere sit*

*Attractio-
nes substan-
tia similitu-
dine sunt.*

*aptior, quam attrahi. Et paulo post: Sed quia attractiones
substantiarum fieri similitudine ostendimus. Et tandem: Et-
enim similitudinem in esse substantiis diximus, non identita-
tem: contrarium enim cernimus. Nam neque ferrum at-
trahit ferrum, neque caro carnem, sed lapis sideris ferrum,
caro sanguinem. Differunt enim, mea quidem sententia, i-
dem & simile. Locus autem, vbi Galen. dicit propieta-
tem prodire à mistione, est 4. simp. 15. ibi tamen de om-
nium rerum mortalium, & æteruarum proprietatibus
non loquitur, sed tantum earum, quæ ex elementis com-
mixtæ sunt. Dicit enim: Ex quatuor elementis, particula-
rim corporibus omnibus constare generationes, impares mistu-
ra, ac diuersa. Et mox subdit: Ex eiusmodi itaque imparitate
proprietates corporum particularium sunt perfecta: ex ele-
mentis quidem, plantarum: ex his autem, animalium, sicut
in libris de elementis demonstratum est. Ita Auerro. 5. colliget
c. 24. dicit, proprietatem esse operationem, quæ transit
ab vno ad aliud, propter proportionem mensurarum ele-*

men-

mentorū, quam habet vnum ens cum alio. Sed loquitur de proprietatibus medicinarum & ciborum. Ex his patet, arguere à mistotum proprietatibus ad proprietates rerum omnium, fallaciam esse a secundum quid ad simpliciter. Neque valet arguere à sublunariis ad æterna, quæ specie & genere differunt, ex *Arist. 10. metaphysic. c. 9.* Tandem cœlorum vires abditæ nobis sunt, cum paruas habeamus cassas, tantaque elongatione ab ijs distemus, vt *2. de dicta. calo, 61.* dixit Aristoteles.

DISPUTATIO VI.

An dentur morbi à tota substantia. Opinio Alexand. Massaria, & Marcelli.

CAP. XXI.

Marcellus libello suo de morbo pandemico fol. 20. inquit; *Tria tantum genera morborum nos docuit Galenus, & non hoc quartum, quod morbum forma, ac totius substantia, alijsque nominibus commentati sunt noui istius medicina scriptores: cum alios morbos, quam ex intemperie, mala compositione, & soluta vnitatem inuenire aut excogitare opus non sit.* Accepit Matcellus hanc sententiam à clarissimo viro Alexandro Massaria, qui libro de abusu Vesicantium folio 12. inquit: *Fernelius, & Argentarius, & alij nostrorum temporum nouatores, inter quos fortè Saxoniam quoque licet numerare, contendunt, ab ijs occultis causis morbos in nobis excitari, qui non manifestis qualitatibus, sed totius substantia dissidio vita nostra primordia demoluntur. Quare præter Galeni disciplinam, qui tria tantum morborum genera nos docet, nescio quas occultas qualitates commenti sunt, quas morbos forma, totius substantia, & alijs nominibus vocant.* Hæc Massaria: qui ad hoc probandum argumentum affert, quod putat Achillem, cum subdit: *Ac sanè si vnguam licuit, vel venenatam qualitatem, vel morbum occultum inducere, id maxime in rabie canina videtur licitum esse. Namque si canina consideretur causa, & modus, quo hic morbus originem habet, & progressionem facit, nec non symptomata, quæ tandem superueniunt, nemo est, qui non summa cum ra-*

*Massaria re
iicit morbos
à tota sub
stantia.*

*Ratio Mas
saria à rabie
canina.*

Rabies canina qualis morbus secundū Massariam.

Saxonia opinio.

tione debeat mirari, & stupefcere: cum Videamus medicam spumantem, cuiusmodi plagam: & si nullum proinus in loco affecto appareat notabile symptoma, tamen post duos, tres, quatuor & aliquando plures menses, & integrum annum, timorem aqua, delirium, rabiam & certissimum interitum afferre. Veruntamen si quæras, quis nam, aut qualis sit hic morbus, qui in rabie canina excitatur, tibi respondet Galenus, morbum non esse occultam qualitatum proprietatem, morbum totius substantia: sed intemperiem calidam, & siccam, qua in solidis animalis partibus inducitur. Secundo in primum proheticorum com. 17. tibi inquit, loquens de timore aqua: De quo medicis omnibus summa in solidis animalis partibus ficit: ac fieri videbatur, atque una ad una naturalis caliditas in igneam conuersa. Affectionem hanc caninum virus parit longo tempore, hoc est paulatim: atque ob id inmedicabilior existit, quod partium solidarum substantia in aliam transeat conditionem veluti in vitiliginibus. Tanti fuit hæc Massaria ratio apud Saxoniam, ut cum in sua prima editione de usu vesicantium, visus fuisset admittere non modo causas, & agentes à tota substantia, verum etiam & morbos: in secunda tamen sua de phænigmis editione, quam edidit ad Massariae librum, morbos à tota substantia omnino vituperet, ut planè à se ipso dissentire videatur. Et ne gratis virum præclarissimū notare auferim, verba eius libro primæ editionis fol. 7. hæc sunt: *Quibus sic declaratis, etiamsi iam luce clarius constare putem, non modo pestiferam febrem cum legitima peste in hoc communi cōuenire, quod scilicet ab occulta, & Venenata qualitate quadam proficiscatur, Verum etiam & hanc unam causam à ceteris omnibus febribus formali, & essentiali, ut dicunt, distinctione differre; Et paulo post: Itaque sola occulta & Venenata ipsa qualitas legitimam pestilentem constituit. Hanc ipsam à ceteris omnibus febribus, & morbis distinguit. Hæc ille. Quod autem rem constituit essentiali, atque formali differentia, & à reliquis essentialiter distinguit, eius est essentia, quod quid erat esse, & forma. Oppositum vero dicit in secunda editione lib. 2. c. 18. cum dicit: *Et idea Venenata qualitatem, non morbum, sed causam, & omnium morborum principium diffiniri, & nunc etiam diffinio; Et mox: Ego enim hos morbos, non minus quam Massaria ex toto reprobō. Et tandem: Ego itaque, quid in hac parte Massaria responde-**

re de-

re debeam ignoro, si enim me tanquam morbi à tota substantia assertorem accusat, iam dictum est, nullum me occultum, & à tota substantia constituere morbum, & ideo ab eo in hanc differentem non esse. Hæc Saxonia,

Opinionem euertit; & primo, caninam rabiem morbum à tota substantia constituere demonstrat. CAP. XXII.

Cæterum rectè dictum non puto, morbos à tota substantia non inueniri, à tribus illis generibus, à Galeno positis, diuersos. Primum id eodem Massaria argumento euidens est. Nam si quærat Massaria à Galeno, quem morbum constituat in homine caninum virus? profecto interpetiem calidam siccam nullibi de propria mente respondebit Galenus, ut putat. Nam *com. 17. secundi in 1. prophet.* nō dicit se hoc sentire, sed alios medicos ita putasse, è quorum numero fuit Pelops. Verba eius eo loco hæc sunt: *No-
ui sane & quendam, qui exacto anno cum incurrit affectum,
quem hydrophobiam, id est aqua timorem vocant, de quo Me-
dicis omnibus summa in solidis animalis partibus siccitas fe-
ri videbatur.* Hæc Galenus, Ex horum medicorum numero fuit Pelops, non fuit Galenus. Hoc patet ex verbis Galeni *lib. 11. simpli. cap. de cæcis fluuiialibus*, ubi dicit: *Cæterum Pelops Doctor meus, & ipse omnium eiusmodi causas reddere volens, non abs re inquit: Cancer, cum animal sit aquaticum, prodest à cane rapido morsus, quibus videlicet metus est, ne corripiantur affectu siccissimo, nempe rabie: quam ob rem sane etiam aquam metunt. Ac fluuiales, non marinos, conuenire cancos dictabat, scilicet quod animalia marina, ob admissionem salis natura siccissimi, haud aque exactam tuerentur eam: qua est aduersus rabiem, contrarietatem, Et non nullis interpositis verbis: Hæc igitur sane Pelops dicebat, proficiens ambitione quam magna, iactans omnium se talium nouisse causas. At ego nisi plane me scire quippiam persuasum habeam, aliis persuadere tento.* Ergo Pelopis fuit sententia, canem rabidum inducere affectum siccissimum, cancos fluuiales cōferre: nam animalia sunt aquatica; nec omnia, quæ degunt in aquis, idem efficere: similem enim canceris præparationem non admittunt. Galenum vero non puta-

Morbus à tota substantia repetiri probatur. Caninum virus quem morbum in homine constituat.

*Morbum à
rabie cani-
naquis sit, oc-
cultum esse
probatur ex
Galeno.*

*Cinis cæcro-
rum.*

*Cæci à sub-
stantia pro-
prietate pro-
sunt morsis à
canerabido.*

*Canina ra-
bies quibus
potissimum
curetur.*

re, siccissimum fore affectum, nec ob manifestam illam contrarietatem à canceris iuvari: sed occultum esse morbum, & a canceris occulta substantiæ proprietate curari pater. Subdit enim: *Itaque neque Pelopis rationem et Seram accepi, et qua crebras habeat contradictiones.* Rursus, si intemperiem siccam putat hunc morbum Galen. cur ut Pelops, non sic ipse contrariam aquatici animalis dispositionem, causam curationis admittit? cur non reprobat Aethrionem, qui hos caneros præparabat post ortum caniculæ? Cur cinerem cancerorum exsiccatorium dicit Galenus? & si exsiccatorius est, quomodo siccissimus erit morbus, quem curat: cum morbus in intemperie à simili non curetur? Cur tandem, inquit Galenus, caneros non alia ratione conferre, quam occulta proprietate? Eius verba hæc sunt in principio eiu'dem capituli: *At fluuium cancerorum cinis, quamquam similiter prædictis exsiccatorius est, substantia tamen proprietate mirabilis eius in iis, qui à rabiente cane sunt morsis, effectus.* Et paulo post: *Ceterum seorsum etiam librum conscribam aliquando, de iis, quæ proprietate substantia totius quid agant, è quorum numero sunt id genus omnia.* Et tandem: *Verum caneros opinor ex proprietate totius substantia prodesse.* Hæc Galenus. Ergo si canis rabidi affectus est intemperies calida sicca, cur rebus occulta substantiæ proprietate pugnantibus curatur? cur non frigidis humidis tantum? Adhæc curatio debetur causæ tantum, an magis ipsi morbo? & si morbo, dum curatur morbus contrarijs à tota substantia, an quia & ipse lædit operationes à tota substantia? & si sic, cur ergo non erit à tota sua substantia morbus? Rursus sit hic affectus caninus in sola intemperie calida sicca, an poterit curari frigidis humidis, an non? Si non: ergo non erit rectè dictum Hippocratis 2. aphorism. 22. *Quicumque morbi ex repletionem fiunt, curat euacuatio: & quicumque ex euacuatione, repletio, & aliorum contrarietas.* Si sic: ergo vni duo erunt contraria, utpote morbo calido sicco, frigida humida, & totius substantiæ proprietate occulta pugnantia. Præterea, remedia quæ in canina rabie curant, & præseruant causam, eadem curant affectum ab illa causa productum: ergo affectus est eiusdem naturæ cum causa. Antecedens est Galeni 2. aphorism. 22. cum dicit: *Nonnunquam præfer-*

praeservari dicentes, ne morbus, qui iam incipit generari, ad complementum perducatur. Nonnunquam vero curari, quæ admodum in iis, quos canis rabidus momorderit. Quæ enim i-
 psis adhibentur medicina, duplicem habent appellationem. Nam nonnunquam rabiei remedia dicuntur, ac si dispositio-
 nis, quæ rabiem fecerit, dicerentur. Nonnunquam vero non remedia presentis dispositionis appellantur, sed à rabie futura praeservantia. Hæc Galenus. Consequentia patet. Nam si eodem antidoto causa & morbus aufertur, eiusdem natura causam & morbum esse necesse est. Nam eadem corruptione, corrumpuntur quæ eadem generatione generantur, & eiusdem sunt naturæ, quæ eadem vni testio sunt æquæ contraria. Ad hæc, si morbus est in intemperie calida sicca, cur illo effecti, adeo vehementer aquam frigidam humidam expauescunt, ut non modo aquam, sed & aquæ nomen, sed & liquida omnia horreant adeo, ut mori potius eligant, quam illam degustare, vel ad eam deduci: Democritus apud Galenum 2. de antidotis cap. 15. Et aqua, inquit, & potius omnis inanem metum, & sicque adeo, & si aqua tantillum videat, & conuellatur ager & statim tremat. Eundem sectator Themisonis, se vidisse aliquos refert, canes rabido demorsos, qui etiam proprias lacrymas expauescerent. At si hic aquæ timor eius morbi calidi sicci est symptoma, cur & marasmus, qui summam siccitatem, & caliditatem in solidis partibus inducit, eundem aquæ timorẽ non infert? Quod si aquam expauescant, (nam corrupto mentis iudicio, quod eis prodesse possit, nõ intelligunt, ut dicit Galenus lib. de Theriac. ad Pisonem c. 16.) cur & marcor, qui & ipse est extinctio calidi innati præ siccitate, eadem nõ infert iudicii corruptionem? cur delirium & mania, quæ depravant & corrumpunt mētis iudicia, aquæ timorem non inducunt? Vel cur canina rabies timet aquam, non cibos? non conitrua? Et si iudicium habent læsum hoc morbo affecti, an habent memoriam integram, an non? Si sic; cur nomen aquæ formidant, qui ab aqua nunquam læsi fuere? Si non, quomodo aquæ recordantur? Præterea, cur mingunt urinam, in qua apparent ut vivæ canum imagines, ut testis est Alzaravius lib. sua practica, trac. 30. sec. 2. c. 3. Avicennas lib. 4. fen. 2. trac. 4. c. 7. ubi dicit: Et quandoque mingit rem, in qua apparent res carnosæ mirabiles, quasi sint

*A canerabi
do morfi a-
quam expa-
uescunt.*

sunt animalia, & quasi parui canes. Quod confirmat Rasis lib. 3. c. 495. Rursus, vel cum ista intemperie calida sicca, est complicatus alius affectus, vel nullus. Si sic; talis non erit in compositione, neque in solutione continui. Hi enim affectus non inducunt cogitationem corruptam, deliria, spasmos, sitim, singultum, luminis auersionem, gentis timere, semen inuoluntarie emittere, sudores frigidos, syn- copas, & alia quæ præter aquæ timorem inducit hic affe- ctus, vt ibidem dicit Auicennas. Si sola est intemperies, vel illa per se hæc symptomata non inducet, & ita erunt sym- ptomata sine morbo: vel omnis intemperies calida sicca eadem symptomata concitabit: quod experimento repu- gnat. Quod autem est per se tale, semper & omni tempore est tale. Rursus si esset in sola intemperie calida sicca, non esset affectus cōtagiosus. At homo rabido cane commor-

*Acanerabi-
do commor-
si, alios eodē
afficere pos-
sunt morbo.*

sus, alios mordere est paratus, & commorosos ducit conta- gione in eādē rabiem, Inquit enim Auicennas: *Quod si momorderis hominē apud commotionem vel furiam suam, ac- cedit illi homini illud, quod accidis ei.* & panni eius salua in- fecta in rabiem ducunt hominem illos ore lambentem, vt de puella Sartrice narrat Cœlius Aurelianus. Sed ab intē- perie calida sicca per se contagium non prouenit, vt mon-

*Sorbus ara-
bie canina
solutum, in
eandem re-
digis.*

strat Fracastorius lib. 1. de contagio c. 10. Præterea, cur homo à cane rabido commorusus, si sanus euaserit, vbi sub arbore sorbo dormierit, iterum in rabiem agitur? Hoc si inde sit, (nā, vt inquit Fracastorius lib. 2. de cont. c. 10. arbor illa me- lancholici temperamenti suis vaporibus iterū rabiem sus- citat:) cur arbor melancholicæ naturæ morbum generat calidum siccum, non frigidum siccum? cur nux, cupressus, auellana, pinus, & reliquæ eiusdem temperamenti arbores eandem rabiem non concitant? cur non redeunt in rabiē, si quatrana illis superueniat? An non potius occulta vis est in morbo? Ideo Auenzoar lib. 1. tract. 5. c. 15, ait: *Fieri nō pos- se, vt reddatur vera causa huius effectus.* Etenim multa alia habentur in hoc nostro orbe sublunari, quorum non est homi-

*Gentiana
curat rabiē
caninam.*

nis rationem veram reddere. Ad extremum cur hunc affe- ctū cutant res calidæ siccæ? vt Gentiana, ex Galeno 11. sim- plicium, & ex Dioscoride c. 37. lib. 6. Gentiana enim calida est in tertio, sicca in secundo, auctore Auicenna lib. 2. tract. 2. c. 281. Et, vt inquit Gal. 6. simp. *Huius herbar radix multum*

est effi-

est efficax, cum opus est extenuatione, purgatione, abstersione, obstructionis liberatione. Nec mirum, si hac possit, cum impense sit amara. Rursus cur est, quod canis rabidi morsum Medici curant theriaca? ut patet ex Andromacho referente Gal. li. de ther. ad Piso. c. 6. quæ admodum calida est, ex Gal. lib. cod. c. 17. Tandem cur Galenus 6. simplicium inquit? Nun- cupata est hac herba Alysson quod mirifice iuuat morsos à cane rabido. Sed & rabienti quoque data sola saepe in totum sanauit: atque hoc ex totius substantia similitudine efficit, dictumque prius est, saltem facultatem ex sola percipi experientia, & plane nulla consistere methodo. Quod confirmat Auicennas lib. 2. tract. 2. c. 26.

Theriaca.

Alysson.

Venena toto genere ladentia, morbos inducunt à tota substantia. CAP. XXIII.

IN doctrina Galeni dantur venena, ladentia corpus nostrum ab occulta totius substantiæ proprietate: ergo datur & morbi in totius substantiæ proprietate constituti. Antecedens est Gal. 5. simp. c. 19. ubi inquit: At sunt, quæ tota essentia nobis contraria sunt. Proinde si vel minimum eorû assumptum fuerit, omnino ladat necesse est. Idem dicit 6. in 6. epid. com. 5. 3. simp. c. 22. 5. simpl. c. 18. & 3. de temper. c. 4. Quod confirmat Auicenna exemplo napelli, hominis substantiâ corrumpentis ex eius forma specifica, lib. 1. fen. 2. doct. 2. c. 15. & Auerroes 5. colliget, c. 18. Consequentia est Galeni lib. 1. de semine c. 16. ubi inquit: Quæ ratione etiam minima particula humoris lethalius venenorum, quæ deleteria appellant, ubi in animalis corpus ingressa fuerit, totum id momento temporis immutat, sibi que simili affectione alterat. Ergo si alterâs à tota substantia, & sibi similem inducit affectum à tota substantia inducat necesse est. Præterea, venena toto genere deleteria, atque agentia à tota substantia, sic immutant corpus nostrum, ut corpus nostrum immutat cibos. Ita Gal. 3. de tempe. c. 2. ubi inquit: Quippe, vel cuiusmodi sunt assumpta, eiusmodi etiam permanentia vincunt mutantque corpus, ad eum modum, quo id cibos. Atque, hac prorsus tum venenosa, tum natura animalis corruptricia pharmaca sunt. Sed corpus immutat cibos, non modo in sui qualitatem, sed in veram suam substantiam, ut patet ex Gal. lib. 6. de decretis Hipp.

Venenorum lethalius venenorum, quæ deleteria appellant, ubi in animalis corpus ingressa fuerit, totum id momento temporis immutat, sibi que simili affectione alterat.

Hipp. & Plat. c. 8. Ergo, & venenum, dum corrumpit, & immutat corpus nostrum in sui substantiam, & naturam commutat. Sed talis commutatio est vere morbus. Ergo à tota substantia morbus erit. Minorem sic demonstro. Illa commutatio est præter naturam mutatio: Omnis enim mutatio, & motus distinguitur à termino, ut elicitur ex Arist.

*Venenum
quid.*

3. physicorum tex. 31. Sed est mutatio ad corruptionem, ad venenum, ad interitum: (Est enim venenum, ut inquit Cōciliator *diff. 178.* substantia humani corporis propriè corruptiua, & destructiua, & ut inquit Haly, humiditas aquosa, subtilis horribilis qualitatris, humanæ naturæ interceptiua.) Igitur est vere morbus in tota substantia. Omne enim quod est præter naturam, vel est morbus, vel causa, vel symptoma, ex *Gal. lib. 1. meth. cap. 9.* Sed non est causa

*Symptoma
t. 2. assumpti
Veneni.*

causa enim est venenum immutans, non corporis immutatio, quæ est effectus à veneno productus. Nec est symptoma; symptomata enim illius commutationis sunt dolor, ardor vehemens, aut sensus erosionis, aut stuporis percussio; punctura itē, tremor, singultus, contractio, eruptio bullarum, luor, tumor, coarctatio, quarundam partium putrefactio, vomitus foetidus & plenus, ex *Actio tetrab. 4. serm. 4. c. 47.* Ita & corpus liuens, aut nigricans, aut diffuēs, aut putredinem molestam olens, ut docet *Gal. lib. 6. de locis affectu c. 5.* Ergo illa affectio & immutatio nostri corporis, ad quæ

sequuntur ista horribilia symptomata, erit morbus. Cōfirmatur: nam est mutatio ad interitum: morbi vero, ut ad salutem, sic & ad interitum iudicantur, ex *Gal. 2. aph. 23.* & crises, siue ad bonum, siue ad malum, sunt morborum mutationes, ex *Galeno 3. crismus c. 1.* Ergo cum talis commutatio non sit ad qualitatem, sed ad substantiam veneni, toto genere corruptentis, in tota substantia sit mutatio & morbus necesse est. Rursus, si venena (quocunque modo illa aduersarentur naturæ hominis) solum inducerent morbos in intemperie qualitarum manifestarum, nō autem in tota substantia: tunc vel non erunt abdita substantiæ antipathia hominis naturam corruptentia, vel si erunt, nullo

*Medicamen-
ta quadam
non alterata
corpus affi-
ciunt.*

modo à Medicis, ut toto genere malefica, poterūt cognosci. Quod repugnat Galeno, qui *3. de temp. c. 4.* inquit: *Medicamenta ita sunt, & quæ nulla substantia sua mutata partem corpus affi-*

ciunt, cetera gra-

uia, & natura animalis corrumpentia, unde & totum eorum genus deleterium & pestilens dici reor. Evidens est ratio: cognoscuntur enim venenorum contrarietates, & actiones per mutationem, quam inferunt. Subdit enim Galen. ibidem: Porro indicabitur contrarietas ex ea, qua media intercedit, mutatione. Ergo si solam mutationem in manifestis qualitatibus inducunt, & in tota substantia mutationem non inducunt; erunt, vel cognoscentur homini contraria secundum manifestas qualitates, non ut toto genere deleteria. Sed hoc repugnat Galeno, qui e. eodem vbi de alteratione manifestarum qualitarum ignis & aquæ loquutus est, subdit: Nequaquam igitur sic indicanda deleteria sunt, immo totius natura sua contrarietate.

Præterea Aspides, Viperæ, & Scorpiones, dum hominem veneno offendunt, & enecant, vel morbum inducunt, vel non. Morbum non inducere dici non potest; induceret enim maleficium, quod non modo læderet hominis operationes immediatè, sed ipsum enecaret: quod tamen morbus non esset. Id enim repugnat principiis medicinæ. Si morbum inducunt, cerè in intemperie manifestarum qualitarum non inducunt.

Ergo ut à tota substantia lædentia, in tota substantia morbum producant necesse est. Primum venenosa animalia, quæ retulimus, si morbum in intemperie manifestarum qualitarum inferrent, calidum siccum, vel frigidum humidum inducerent. Nullum tamen horum efficiunt. Non calidum siccum; Inquit enim Gal. lib. quod animi mores. c. 3. demorfos ab Aspide illico exanimari, perindè, atque si cicutam biberint, utpote ipsius veneno refrigerante. Et

3. de locis affec. cap. 7. dicit: Quum nuper quidam ictus esset à Scorpione, Videor mihi videre, inquit, quod grandine percussus sim, eratque omnino frigidus, sudore frigido accedente.

Quod confirmat 4. method. cap. 3. Viperarum temperamentum frigidum esse vel illud monstrat, quod hyemis tempore sub saxis condantur, ex Aristot. 8. de hist. animal. cap. 15. At animalia frigida morbum calidissimum per se non possunt inducere, quando omne, quod per se fit, fiat à consimili in specie, non à contrario, à quo res non fit, sed destruitur. Non morbum frigidum humidum: tunc enim à paucis vulnere ab illis animalibus inflictò rã gravis symptomata, rã celeres, ac magnæ mutationes in toto corpore,

Deleteria totius natura contrarietate agunt.

Animalia venenosa morbum à tota substantia inducunt. Aspid.

Scorpio.

Vipera.

corpore, tam repentinæ mortes non euenirent: vt euenire dicit Gal. 3. de loc. aff. c. 7. cum dicit: *Quis enim crederet, vel à scorpionibus infixo aculeo, vel à phalangiorum paruorum ictibus totum corpus ingenti, & inusitata mutatione affici, nisi sæpè numero id accidere videret, præsertim minimam quandam substantiam feris in ipsum demittentibus.* Hæc enim omnia frigidis venenis repugnant, vt docet Gal. 3. simp. c. 22. Ita solanum manicum in pauca dosi inducit delirium, & in paulo maiori enecat, ex Gal. 8. simplicium. Morbum ergo frigidam non inducit. Tandem, curatio debetur morbo. Morbus vero, quem venena inducunt, non qualitatibus manifestis curatur, sed occulta substantiæ proprietate. Crocodili morsum crocodili pinguedo sanat: mus ataneus, & corpus viperæ suos mortus, ex Gal. lib. de Ther. ad Pifo. c. 16. primo de Antid. c. 1. Buffonis venenum curat lapis in eius capite genitus, ex Concil. Scorpio sanat plagâ, quam infern, ex Dios. lib. 6. c. 44. aspidis venenum frigidum curat acetû, ex Plin. lib. 23. c. 1. cristallus curat venenum arsenici, ex Mathiolo in Dios. lib. 6. com. 29.

Lues, quam dicunt gallicam, morbum à totâ substantia constituit. CAP. XXIII.

Lues Gallica in quo consistat, & eius symptomata.

LVes Gallica, quam Gal. non cognouit, morbus est, cû lædat immediatè operationes, & sauiissima inducat symptomata. Sed nō est in intemperie frigida humida positus; sic enim contagione nō inficeret, seminis profluvia, inguinû phlegmones, pustulas, vlcera, & alias affectiones, quæ lucci calidi, acris, & erodentis soboles sunt, non inferret. Nec est in intemperie calida sicca constitutus: tunc enim dolores diuturnos non induceret, (Dicebat enim Hipp. 1. in 6. epide. 8. In Cranone veteres dolores frigidi) nec tædemata, quæ a frigido succo fiunt, ex Galen. lib. de tum. præter naturam c. 9. nec atheromata, quæ à phlegmate producuntur, ex Auic. lib. 4. sen 3. trac. 2. c. 4. ne ligno Indico calido sicco curaretur. Hepatis autem intemperies calida, si (vt quidam dicunt) mutaretur ad frigidam, idem numero, vel specie morbus non esset, sed ex cōtrario in contrariû permutaretur affectus. Ergo non esset lues Gallica intemperies vel præcedēs calida, vel subsequēs frigida. Quod enim est per

est per se, est de omni, & secundum quod ipsum. Ita vel vlcera, vel dolores non erunt Gallici affectus: sequuntur enim symptomata morbum, vt vmbra corpus, cum esse corū ab illo pendeat. Erit ergo morbus à tota substantia, vt egregiè monstrat Fallopius lib. suo de morbo Gallico. Hieronymus Capiuaciū lib. 5 sua prac. med. sect. 2. c. 1. putat luem Gallicam non esse morbum, sed causam agentē à tota substantia, producentem morbos diuersos in intemperie, in compositione, in solutione continui, tot, quot sunt vlcera, gummata, dolores, & reliqua, quæ hoc morbo affecti patiuntur. Est enim inquit Hieronymus Montalius Siculus Platensis lib. suo de homine sano, lib. 2. c. 11. lues excrementum, toto genere præter naturā, genitum ab omni hominis substantia, tum continente, tum contenta, producens per contagiū sibi simile in substantia alterius corporis, secundū propriam formam humanæ naturæ contrariam: vt venenum, licet non ita perniciosum. Quod contagium est calidum, purridū, viscosum, immutās in sui naturā, quod in homine est, quod in eo producit omnes illos morbos & symptomata, pro maiori, vel minori antipathia, & aptitudine, ac dispositione hominis patientis. Sed cōvineuntur ex antedictis. Causæ enim à tota substantia sedentes, corpus nostrū sibi simili affectione alterant: ergo & à tota substantia morbū inducunt. Rursus lues Gallica est morbus cōtagio productus: ergo causæ produci adæquatus. Contagiū enim est corruptio, seu infectio cōsimilis in specie, ex vno corpore in aliud trāsiens, infectione in particulis clam facta. Sed illi omnes affectus (quos vocant morbos, scilicet vlcera, tumores, dolores, &c.) sunt inter se specie diuersi. Ergo vt in vna cōmuni affectione conueniant cōsimilis speciei eū causā, illos omnes affectus producente, necesse est; alioquin cōtagione non produceretur, nec à simili in specie. Sunt enim vlcera illa, & tumores, morbi specie inter se differētes: ergo erunt omnes symptomata vnius morbi, eiusdem speciei cum causā à tota substantia producente. Præterea homo habens cōtagium Gallicum, cum aliū hominem inficit, vel in eo producit morbum eiusdem naturæ cum ipsa causā inficiente per cōtagium, vel diuersæ. Si eiusdem; ergo producit morbū à tota substantia. Nam ex eorum sententia excrementum illud producens cōtagium

Lues Gallica morbus à tota substantia.

Lues Gallica quid.

Lues Gallica morbus cōtagiosus. Contagium quid.

*Lues Galli-
ca substan-
tiam homi-
nis primo
immutat.*

gium Gallicum, tota substantia, ac specifica forma homi-
ni est aduersarium. Si diuersæ naturæ; ergo contagio Gal-
lica morbum Gallicum non producit. Quæ enim sunt di-
uersæ inter se, eiusdem naturæ non sunt. Accedit quod
dum contagio Gallica à tota substantia hominem afficit,
neq; qualitates, neq; temperamentum, sed totam sub-
stantiam hominis primò & per se immutat. Ergo causa à
tota substantia morbum in tota substantia efficit. Ante-
cedens patet. Nam omnis actio & passio fit inter contra-
ria, quæ sub vno eodemq; genere comprehenduntur, ex
Aristot. 1. de gen. 50. & 51. Ergo causa agens secundum qua-
litates, corporis qualitates afficit: agens à tota substantia
corporis substantiam commutabit. Adhuc si gummata, vl-
cera, dolores, & alij effectus Gallici, præter in remperiem,
compositionem, & continui solutionem, non haberent a-
liquid cõmune abditum, quo formaliter, & peculiari an-
tipathia læderent operationes eius in quo sunt, non essent
diuersi generis ab vlcerebus, doloribus, & morbis aliis à lue
Gallica. Sunt tamen, vt patet ex modo læsionis, & progres-
sus eorum, ex vehementia ac difficultrate, ac curationis cõ-
tumacia, ex contagione, & tandem, quod remediis, quib.
dolores, & alia vlcera non Gallica curantur, hæc non ce-
dant. Ad extremum curatio principaliter indicatur à mor-
bo, ex *Gal. 12. meth. c. 1. 2. meth. c. 2. 4. eiusdem cap. 3.* Sed lues
Gallica curatur non calidis, vel frigidis, sed tota substantia
pugnãtib; vt ligno Indico, Salsapariila, radice Cinarum,
quæ inter se penes manifestas qualitates longe differunt.
Ergo à tota substantia est vnus morbus, à causa consimili
productus, (cuius illi omnes dolores, inflammationes, tu-
mores pro varia patientis corporis aptitudine, & morbi
diuturnitate producti, sunt casus, & symptomata,) vnicam
habens à tota substantia pugnantium remediorum con-
trarietatem. Inquit enim *Gal. 11. meth. ca. 2. Prima namque*

*Lues Galli-
ca quibus
curatur.*

*Curationis
indicatio
unde desu-
menda.*

*omnium curationis indicationum, qua ex ipso, qui curatur,
morbo accipitur, contrarietatem præscripsit. At quoniam
morborum plura sunt genera, cuique eorum
sua erit contrarietas.*

*Hieronymi Montalcirationes aduersus morbum in
tota substantia diluuntur.* C A P. XXV.

Hieronymus Montalcus *lib. 2. de homine sano cap. 11.* morbum in tota substantia oppugnat. Primum inquit, quod sanitas & morbus sunt accidentia. Nam manē tē partis materia ac forma propria substantiali, & proinde rei essentia inuiolata, eiusdem sanitas variē mutari, immo prorsus violari potest. II. Nam rei specifica forma indiuisibilis, alias cum sanitate minimē indiuidua, alias cum multiplici morbo in subiecta materia subsistit. III. Quoniam sanitas & morbus magis & minus suscipiunt, & sunt accidentia separabilia, nec contrariorum expertia. At hęc nullo pacto euenire possunt essentia rei: Materia enim & forma, cum sint substantia, nec intendi, nec remitti quæunt, nec contrarium habent, & citra subiecti corruptionē abesse non possunt. IV. Corruptela essentia rei morbus non est, cum per corruptionem & dissolutionem substantia cōposita annihilata sit, neq; amplius sanitatis vel morbi subiectum esse possit. V. Tandem, morbus est affectus præter naturam, qui primo & per se actiones lædit sensibiliter: constitui igitur debet, vbi operationes immediatē lædi possunt: læduntur autem, vbi secundum naturam sunt. Idem enim est sanitatis & morbi subiectum. Ex his arguit, operationum immediata & adæquata causa sunt, forma substantialis & facultas, quæ ab ea emanat, eiusque ratio est & conditio ad agendum, & organū, tū principale, tum adæquatum, quo ad agendum vtitur. Sed in forma & facultate læsio operationum esse non potest: ergo neq; morbus. Forma enim & facultas, quæ eius est proprietas, impassibilia, & immutabilia entia sunt, quæ non nisi per subitam mutationem momento euanescent. Solum igitur organum, & eius apparatus, & cōstitutio sanitatis & morbi subiectum erit. Cæterum hæ rationes dilui possunt, si dicamus, in homine duplicem esse cōpositionem, seu cōstitutionem, vnam substantialem, quæ ex materia & forma resultat; (substantia enim dicitur de materia, forma, & cōposito, ex *Arist. 2. anim. 2.*) alterā accidentālē; propriam tamen, quæ in recta partiū similariū reperie, organicarum cōpositione, & continui vnitatem consistit. Igitur vt homo sanus sit, vtramq; cōpositionem habeat secundū naturam

*Rationes
Montalcir
aduersus
morbum
tota subst.
tia.*

*I.
II.
III.*

IV.

*Duplex in
homine cō-
positio.*

oportet; vtraque enim ad operationes recte obeundas necessaria est: quoniā compositum substantiale actionum est efficiens per formam, ex *Arist. 1. de anima 64.* compositum verò accidentale operationum, quæ fiunt, organum est. Ergo in vtraq; compositione, si aliqua earum secundum naturam non se habeat, ita vt operationes immediatè offendat, morbus erit. Quare essentialis constitutio quoties immutatur, & à sua perfectione recedit, vt operationes, quarum secundum naturam est opifex, per se lædat, morbus in tota substantia est. Accidentalis compositio, si præter naturā constituatur, vt sensibilibus & immediatè operationes lædat, morbus erit ad morbos in intemperie, in compositione, in continui solutione communis. Gal. morbos substantiæ nouit quidem, vt c. 22. & 23. monstratum a nobis est; eos tamen exactè non explicauit, nec ad suam illam morborū diuisionem retulit, quā *lib. de diff. morbo. c. 2.* exposuit: ex eo tamen non fuit diminutus, vt iussit Alex. Massaria: quandoquidem solius accidentalis compositionis sanitatem & morbos edocuit, non substantialis. Accidentalis siquidem demonstrationem afferre potuit, ac methodo morbi: seruari, & curare; substantialis vero neq; demonstrationem, neque methodum habuit Gal. vt professus est 13. *meth. c. 6.* cum dixit: *Vbi autem ex animalis punctu morsu dè dolor incidit, duplex sedandi doloris ratio est, Vel virus ipsum vacuando, Vel, quod dolorem excitat, alterando.* Sanè & acies id eorum medicaminum ope, quæ vehementer attrahunt aliteres ijs, quæ sunt contraria, idq; vel qualitibus, vel tota substantia. Monstratum namq; est in libris de medicamentis, quedam esse totis substantiis inter se contraria: quadā solis qualitatis. Sed & illud indicatum aque est, quod eorum, quæ contraria qualitate sunt, methodus quæpiam sit: eorum, quæ tota substantia sunt aduersa, methodus non sit. Quod item hominis substantiam perfectè non cognouit Gale. vel ex eo patet, quod temperiem ex calido, frigido, humido sicco, ferè semper substantiā, & naturā hominis appellet, vt videre est 3. *de temp.*

*Morbi à tota substantia
Vnde & quo
modo fiant.*

*Galeno cogniti morbi
à tota substantia, &
cur de cunctis
hil tractarit*

Galeum na c. 4. 1. de v. sup. 6. 9. lib. quod animi vires. c. 3. 2. aphor. 3. 4. 3. c. turam ap- iusdem 2. & alibi sepe: cum tamen id verum esse non putamus. se ignora uerit, qui naturā formæ hominis, quæ anima est, se ignore professus rare professu. li. 5. in 6 epide. comm. 5. 2. de symp. caus. c. 5. lib. est. de nat. facul. subs. propè medium. 5. de simp. mend. fac. c. 9. 7. de

Ufu par. c. 8. & li. de form. factus c. 6. & 3. methodi 7. indiuiduā
 cuiusq; naturam ignotam esse faterur. Et tādē formam
 cuiusq; partis substantialem a tēperamento diuersam pro-
 nūciat, *1. de nat. facul. c. 6.* quam formā, vt proprio nomine
 carentem, pro partium corporis diuersitate ossificam, car-
 tilaginificam, neruificam, membranificam appellat, clari-
 tatis gratia his nominibus vti affirmans. His in hunc mo-
 dum explicatis ad 1. & 2. Montalti rationem dicimus, non
 esse verum, omnē sanitatem & morbum accidens esse, nisi
 secundæ constitutionis, non autem primæ, & essentialis.
 Nec verum est, mutari perpetuo sanitatē & morbum, for-
 mā & essentia immutata, indiuisibilique manente. Licet e-
 nim forma, quæ homini esse perfectum atque specificum
 tribuit, anima sit rationalis, quæ vt non esteducta de potē-
 tia materiæ, sic ingenerabilis est, incorruptilis, indiuisibi-
 lis, ac ad sanitatis, & morborum vices, neq; per se, neq; per
 accidens mutabilis: sunt tamen in homine multæ alię sub-
 stantiales formæ, *ex Arist. sententia 2. de gen. ani. c. 3. lib. de*
morte & Vita c. 1. ad animam rationalem subordinate, vt e-
 lementorum formæ, quæ refractæ, non corruptæ, in misto
 remanent, *ex Arist. 1. de gen. sex. 84.* & partium mistarū for-
 mæ particulares, ex elementorum mixture diuersa resul-
 tantes: quæ vt eductæ sunt de potentia materiæ per trinam
 dimensionem dispositæ, sic per accidens quantæ & diuisi-
 biles sunt, & per accidens patiūtur, *ex Auerroe 9. metaphys.*
comm. 2. Igitur compositum substantiale ex materia & for-
 ma materiali resultans, vt per se generabile & corruptibile
 est, quoties perfectē corrumpitur, interit: cum verō immu-
 tatur, ac a sua perfectione recedit, nondum tamē omnino
 corruptum est, si inde operationes lædi immediatē cōtin-
 gat, & morbum in tota substantia patitur, & ad morbi ac
 sanitatis vices permutatur. Ad 3. dicimus, nō recipere sub-
 stantiam magis & minus in eo, quod substat, ac per se & in
 esse specifico consistit subiectum accidentium, sed vt est rei
 essentia, perfectior est & imperfectior, ac magis & minus
 recipit. Sic primæ substantiæ sunt magis substantiæ, quam
 secundæ. Et quamuis formæ materiales non intenduntur,
 neque remittantur, vt qualitates per admisionē veri con-
 trarij, tamen dum trāsmutantur per successiuam graduū,
 vel perfectionis amissionem, & acquisitionem, per quandā

*Solutio ra-
 tionis Mon-
 talti.*

1. & 2.

*Anima ho-
 minis non e-
 ducta de po-
 tentia ma-
 teria.*

*In homine
 multiforma
 substantia-
 les.*

3.

Forma materiales ut intenduntur vel remittuntur. analogiam intenduntur, & remittuntur. Dicit enim Averroes loquens de perfectioribus formis materialibus *Phy. comm. 62. Apud generationem hominis, non cessant partes spermatis recedere, & partes fieri hominis, donec forma humana perficiatur.* Et hoc voluit Arist. *8. metaph. 10.* ut probat Scotus *8. metaph. 9. 3.* Ita nec est in substantia contrarietas, quæ subiectum in actu requirit: ea enim est qualita-

Formarum contrarietas.

tum. Est tamē illa contrarietas, quæ formarum est, se mutuo ab eodem subiecto in potentia expellentium: (Secus non esset in substantia transmutatio:) Secundum quam contrarietatem forma seminis, & hominis in eodem subiecto stare nō possunt, & generatio unius alterius est corruptio, & forma napelli formam humani temperamenti demolitur, & in vniuersum sunt admirabiles illæ forma-

Antipathia.

rum naturalium contrarietates, quas antipathias appellant. Tandem sanitas & morbus accidentalis constitutionis, citra subiecti corruptionem seorsim separari possunt, ut rectum vel obliquum à linea, par vel impar à numero; simul tamen citra subiecti corruptionem separari non possunt. In compositione veto substantiali possunt partes aliquæ defluere, & restitui: omnes tamen simul citra totius corruptionem non possunt: quod euidentis est exemplo nutritionis, quæ in viuente fit. Dum enim partes v. g. carnis defluunt, & affluunt, partes formæ materialis illam constituentis defluere, & affluere necesse est. Aliter formæ ductæ separabiles essent, se contraherent, & de parte in partem migrarent, quod verum non esse alibi fusius explicabitur. Ad 4. rationem, quam protulit & Rudius *lib. de feb. c. 1.* dicimus, corruptionem de mente Arist. non modo pro alteratione præuia acceptam tempore fieri, ut communiter Latini putant, sed quoque pro substantialis formæ mutatione, ut recte monet Simplicius *8. phys. 3. digress. contra Grammaticum.* Arist. enim cum ostendisset *7. phys. tex. 31. 32. & 33.* in latione, accretione, & alteratione velox, & tardum esse, *tex. 34.* declarat, in ortu & interitu esse velox & tardum, asseritque, ortum velocem esse, qui in minori tempore fit: tardum, qui in maiori. *& 4. physico. 129.* inquit: *Hic ita definitum perspicuum est, mutationem omnem esse in tempore, & omne quod mouetur, necessario in tempore moueri.* & iterum subdit, *Perspicuum, omnem mutationem,*

omnemque motum in tempore esse. Ergo quod corrumpitur, si viuens est, dum adhuc corruptum non est, & viuit, & ægrotat in tota substantia. Ad 5. si ibi est morbus, vbi læduntur immediate actiones; læduntur autem vbi fiunt: manifestum est, in compositione essentiali præcipuè fieri, & lædi posse; dum tale compositum per contrariam formam mutatur, vt à sua perfectione decidat, & operationes, quas naturaliter edebat, offendat. Materiales autem formas indiuisibiles esse, & momèto per corruptionem euanescere, verum nõ est; mutari enim necessario præcedit mutatum, esse, vt docet Arist. 6. *physic. tex. 55.* Quod alibi aduersus Archangelum Mercenarium à nobis monstratum est.

Forma materiales non sunt indiuisibiles.

DISPUTATIO VII.

An febris pestilens differat solum secundum maiorem putredinem à febribus putridis: An morbus sit à tota substantia. Opinio Alexandri Massaria & Marcelli.

CAP. XXVI.

Cum itaque ex ante dictis monstratum sit, cognouisse Galenum morbos à tota substantia, à cæteris morborum generibus distinctos; succedit nunc examinandum, an febris pestilens morbus sit à tota substantia: vt ex his fiat manifestum, quam vana sit Marcelli sententia, qui penes solam putredinem maiorem, vel minorem, febrem pestilentem à putridis differre putauit. Marcelli verba libro suo de morbo pandemico folio 18. hæc sunt: *Cum perspicuum atque satis manifestum sit, apud Galenum febres pestilentes, ac malignas, à cæteris putridis non aliter differre, quam maiori putredine. Quapropter si præcauendi, atque curandi rationes habere volumus, totum negotium non in antidotis, & tollendo veneno esse debet, sed siccatione, purgandis excrementis, tollendis obstructionibus, aliisque id genus præsidis consistere oportet.* Marcellus totum hoc accepit à Massaria, qui libro suo de abusu vesicantium folio 8. idem dicit ad verbum, & probat autoritate Galeni, qui 1. de diff. feb. cap. 4. 3. in primum Epidemiorum agrote nono, in Citrone, vbi de febre loquitur pestilenti, omnia refert ad vnâ putredinem

Marcelli & Massaria opinio de febre pestilenti.

*Saxonia ad-
uersatur
Massaria.*

dinem. Ego in Marcelli gratiam hanc sententiam confir-
mo ex Galeno, qui *1. in 6. epid. 29.* dicit, calorem febris pe-
stilentis ab alijs per putredinis excellentiam differre: Et *3.*
in 3. Epidemiorum 1. dicit, vtriusque tempestatis affectū esse
putredinem, obtinentem pro causa humiditatem citra
ventos. Aduersus Massarium inquit Saxonia *secunda edi-
tione de phan. lib. 2. c. 6.* non esse febres pestilētes putridas o-
mnes, quando sint quædam hecticæ, quædam ephemeræ
pestilentes, quæ sine putredine sunt. Sed pro Massaria re-
sponderi posset, Saxoniam aduersari tum sibi ipsi, tum Ga-
leno. Ipse enim *lib. eod. 2. c. 46.* contrarium manifestè affir-
mat, cum inquit: *Ego vero, in omni hectica pestilenti roridam
humiditatem putrescere quidem censeo, & hac ratione Gale-
num omnes pestiferas ex putredine oriūdas scripsisse arbitror.*
Rursus aduersatur & Gal. qui *3. de prasag. ex puls. c. 3.* loquens
de hectica pestilenti, inquit: *Vbi aer, quem spirando attra-
himus, infectus putredine sit, ac p. utredo corpus cordis attige-
rit.* Et mox subdit: *Quam enim excogites medicinam ad pu-
tredinem, qua in corde sit? Nam quibus calor hic putredinosus
ad humores, quos continent cordis sinus, magis deflexit, quam
ad corpus ipsum visceris, multi horum fuerunt superstites.* Nec
est quod dicat Sax. *lib. eo. 2. c. 8.* tunc hecticam, non magis
hecticam, quam putridam fore, cum Gal. hecticam ab e-
phemeris, & à putridis seiungat. Dici enim posset, differre
penes partem affectam. Nam vt per febres pestilentes hu-
mores putrescunt; ita per hecticam putrescit cordis sub-
stantia, veleius ros. Præterea si datur ephamera pestilens,
(Non desunt enim, qui illam non admittunt, vt Concilia-
tor *diff. 94.* Vallesius *lib. 5. contro. medic. c. 21.* Eustachius Ru-
dius *lib. de febribus c. 30.* & alij:) nihil prohibet, illam à spiri-
tuum putredine fieri. Omnia enim, vno igne excepto, pu-
trescunt, ex *Arist. 4. meteo. tex. 5.* Spiritus verò ex aere inspi-
rato, & humorum exhalatione constāt, ex *Gal. 7. de decre-
tis Hipp. & Plat. c. 3.* & *6. de usu part. c. 17.* eisdemq; vitales
spiritus maximè ex respiratione, sed tamen & ex sanguine
nutriri dicit Gal. *12. meth. c. 5.* (quamquam eorum non vera
nutritio sed regeneratio sit.) Et quamuis sint velocissimi
motus, nihil prohibet, quin cōtenti in sinu cordis, humo-
ribusque permisti (aëre putrido, illos pertingente, per in-
spirati onem introducto) vt ipsi quoq; putrescant. Mobili-
tas enim

*Ephamera
pestilens ab
aliquib. ne-
gatur.*

*Spiritus pu-
trescere pos-
sunt.*

tas enim difficultatem arguit ad putrescendum, non autē impossibilitatem; præsertim cum non vulgaris sit putredo, sed vehemens, ac summæ, & acutissimæ contagionis, quæ illos inficiendo putrefaciat, atque corrumpat. Neque ephemera illa Britanica Fracastorij videtur esse sine putredine, quæ sudore copioso terminatur. Ergo ad vnam putredinem omnes istæ febres referri videntur.

Impugnatio opinionis Massariae & Marcelli.

C A P. XXVII.

HANe Massariae sententiam Hercules Saxonia profuse oppupnat *lib. 2. de pha.* Ego quoque alijs rationibus veram non esse demonstrabo. Primum in febre pestilenti est venenum, quod non est in alijs putridis. Sed venenum differt ex natura rei ab omni putredine, etiā excellenti, & summa. Ergo differt febris pestilens à putridis, non modo per maiorem aut minorem putredinem, sed per venenum a putredine realiter diuersum. Maior est Galeni *lib. de the-riaca ad Pisonem c. 16.* vbi dicit: *Cum pestis ipsa, cū fera qua-* *Rationes cō-*
tra Marcellum & Mas-
fariam.
Pestis natu-
ra.
dam venenata, non paucos aliquot miserè perdat, verum to-
tas ciuitates depascatur. Immutat enim aerem malo quodam
modo, & homines interficiat, qui cum respirare non possint,
contagium miseri euadere nequeunt. Attrahunt enim in se i-
psos aerem illum infectum, tanquam presentancum aliquod
venenum. Et Massaria veritate coactus lib. de abusu vesic.
fol. 7. idem fatetur, cum inquit: Neque vero est, & Saxonia in
eo multum laboret, ac student probare ex deprauata & istius ra-
tione, ac vitiosis humoribus, in nostro corpore eosdem posse fieri
affectus qui a lethali veneni potione fieri solent: quandoqui-
dem in doctrina Galeni id tam manifestum, & certum est,
quam quod manifestissimum, & certissimum. Sed reliquæ fe-
bres putridæ nullo modo venenum continent. Si enim id
continerent lethales essent magna ex parte, ac perniciosæ.
Quare omnes essent pestilentes sine peste. Minor patet:
subdit enim Massaria ibidem fol. 8. Sed ego illud addo, huius-
modi venenum non aliunde in febribus pestilentibus, quam ex
summa, & insigni putredine originem habere. Quæ verba
Marcellus ita transcribit lib. suo fol. 18. Huiusmodi igitur ve-
nenum non aliunde in febribus pestilentibus provenisse cen-

*Venenum
differt à pu-
treddine.*

semus, quam ex summa & insigni putredine, &c. Tunc sic arguo: Venenum hoc per ipsos fit à summa & excellenti putredine: ergo differt ab illa, vt mutatum esse a mutari, vt genitum à corrupto. Sed hæc differunt ex natura rei, vt id quod est, ab eo quod desuit esse. Confirmatur: nam si venenum fieret ab excellenti putredine, & ab ea non differet secundum speciem & formam, idem fieret à seipso, & esset: antequam generaretur, quæ impossibilia sunt. Secundo sic: Febres pestilentes lædunt essentialiter & per se, modo læsionis toto genere diuerso, & penes vehementiam, & penes perniciem, ab eo, quo lædunt reliquæ febres putridæ: ergo pestilentes, & reliquæ putridæ ex natura rei, toto genere sunt diuersæ. Argumentum est euidens. Nam cum essentia morbi sit affectus præter naturam, immediate lædens operationes, ex *Galenolib. de diff. symp. cap. 1.* Quicunque morbi lædunt operationis modo læsionis toto genere diuerso à reliquis, vt toto genere ab eis distent, oportet. Nam & apud philosophos operationes essentialiter diuersæ, formas à quibus profluunt, essentialiter demonstrant. Antecedens patet: nam putredo per solas qualitates manifestas lædit, calore nimirum extraneo, dissolvente calidum innatum, separante humidum à sicco, & tandem mutante id, quod putrescit, in finum, & terram, ex *Arist. 4. mete.* Venenum vero non modo per manifestas qualitates, sed quia tota genere est deleterium, & inimicum, abdita sua antipathia calorem nostrum demolitur, ex *Gal. 3. de temp. cap. 4. 1. de sem. cap. 16. 6. in 6. Epid. com. 5. 5. simp. c. 15.* Ergo febres putridæ, & pestilentes, toto genere diuersas læsiones inducunt. Nam febres putridæ, & quia putridæ, & quia febres, mutant calorem innatum in igneum. Putredo enim mutatio est totius putrescentis corporis substantiæ ad corruptelam à calido externo, ex *Galen. 11. metho. cap. 8.* Febris vero est conuersio natiuæ caliditatis ad igneam, ex *Gal. 1. aph. com. 16.* Pestilentes vero præter hoc enecant vt venenum, ex *Gal. 3. in 3. Epi. 75.* cum dicit: *Itaq; & veneno epoto lethali quidam posttridie vel tertio die moriuntur, qualitate eius, non copia mortem afferente, & item hic quoque ager statim tertio die censendus est obiisse, à qualitate succorum & virulentorum, non à phrenitide peremptus. At phrenitis illum esse subsequuta, symptomati vice.* Quod & ratio mon-

2.
*Febres pesti-
lentes & pu-
tridæ non eo
dem modo
lædunt, &
ob id diuer-
sæ.*

*Morbis
quid.
putredo &
venenum vt
lædant.*

*Putredo
quid.
Febris quid.*

Putredo enim mutatio est totius putrescentis corporis substantiæ ad corruptelam à calido externo, ex *Galen. 11. metho. cap. 8.* Febris vero est conuersio natiuæ caliditatis ad igneam, ex *Gal. 1. aph. com. 16.* Pestilentes vero præter hoc enecant vt venenum, ex *Gal. 3. in 3. Epi. 75.* cum dicit: *Itaq; & veneno epoto lethali quidam posttridie vel tertio die moriuntur, qualitate eius, non copia mortem afferente, & item hic quoque ager statim tertio die censendus est obiisse, à qualitate succorum & virulentorum, non à phrenitide peremptus. At phrenitis illum esse subsequuta, symptomati vice.* Quod & ratio mon-

monstrat. Nam cum celerrimis illis, & sævis symptomatibus obiit, ut veneno epoto mori contingit, ex Gal. 6. de locis affect. c. 5. Dicit enim ibidem Gal. eisdem fieri affectus & à lethalis veneni portione, & à corruptione, quæ à corpore ortum habet. Quod confirmat 3. eiusdem c. 7. & 2. in primum prophet. com. 17. Quod si febres pestilentes enecarent sola qualitate calida sicca, innatum calorem vertentes in igneum, ut reliquæ putridæ: tunc ardentes pestilentib. essent magis perniciosæ: habent enim vrentem caliditatem, sitimque incompossibilem, ut ægros vrere videantur, auctore Hippocrate, & Galeno 4. aphor. 48. 4. acuto. 13. & 7. aphor. 68. Ardentes tamen pestilentes non sunt. Neq; vero calore vehementes sunt omnes febres pestilentes, ut docet Galenus 9. simpl. c. de terra Samia. Quod saltém de hecica dubium non est, de qua Galenus 3. de prasag. ex pul. c. 3. dicit: Si qui essent inter agrotos, qui se negarent febricitare, huius febris, occupato ipso cordis corpore, plane erat confirmata, & ut ita dicam, in habitu. quod confirmat Auicennas lib. 4. seu prima tract. 4. c. 2. cum dicit: Et quandoque est de his febribus pestilentialibus. in qua non percipit ager, nec tangens propinquus multitudinem calorem, & non alteratur pulsus, & aqua magna alteratione, & cum hoc ipsa est interficiens velociter, & hesitant Medici in esse eius. Tertio febres pestilentes curantur non modo contrariis qualitatibus, ut reliquæ putridæ, sed medicamentis à tota substantia pugnanti. Ergo quâ tum differt morbus à tota substantia à morbo in intemperie posito, tantum pestilentes à putridis differre necesse est. Consequentia est evidens: nam docet Gal. 11. meth. c. 2. unicuique morborum generi suam esse contrarietatem. Antecedens patet; pestis. n. curatur à Gal. theriaca. Inquit. n. lib. de the. ad Pis. c. 16. Deprehensa quæ est mihi vel sola in pestilenti constitutione languentibus posse succurrere, cum nulum aliud presidium tam magno malo tunc ita resistere valeat. Et paulo post: Ad istum modum arbitror & theriacam, tanquam ignis quidam purificans & ipsa esset, illos quidem, qui sani adhuc ipsam biberint, non permittere, ut pestilentia prorsus capiantur: illos autem qui iam agrotent, sanare posse, cum aeris inspirati malignitatem commutando, tum corporis temperaturam corrumpi non sinendo. Quod confirmat lib. de theriaca ad Pampilianum. Ita P. ulus lib. 2. capit. 36.

Ætius

Febres pestilentes non enecant sola caliditate.

Nec omnes aque calorem vehementes.

3. Febres pestilentes quibus potissimum curentur.

Theriaca cum antidoto curatur pestis.

*Theriaca ca-
lida sicca.*

Aëtius tetrabibl. 4. ferm. 1. c. 96. Auic. lib. 5. summa 1. trac. 1. q. da theriaca. Quod si febris pestilens offendit sola intemperie calida sicca; cur ergo theriaca calida sicca curatur? Rursus si theriaca aëris malignitate commutat, an frigida est aëris malignitas, an calida? an toto genere offendens? Si frigida, cur tam cito enecat? Si calida, cur antidoto calido non augetur? Si toto genere offendens, cur ergo morbum toto genere perniciosum non inducet? cum sibi simili alteratione corpus immutent, quæ toto genere offendunt, atque actio & passio inter ea sint, quæ in eodem genere sunt, ut supra abundè monstratum est. Rursus Gal. & venena & alexipharmaca à tota substantia esse dicit, quibus & theriacam adiungit 6. in 6. Epid. com. 5. & 1. de antidotis c. 1. ubi inquit: *Medicamenta, quæ non extrinsecus imposita, sed intus assumpta, malas corporis affectiones sanant, antidotos Medici vocant: quarum tres sunt omnes differentia. Nam aduersus exitiales potiones quadam faciunt: quadam adferas valent, quæ Venenum icu morsu &c relinquunt: quadam excitis mala vi-*

*Venena &
Alexipharmaca à tota
substantia
statuit Ga-
lenus.*

Et ratione morbus auxiliantur. Nonnulla vero tria hæc simul pollicentur, cuiusmodi est quam theriacam vocant. Sic bolorum Armenia pestis illa curata fuit, quam docet Gal. lib. 9. simp. c. de terra Samia. Contulit autem non quia exiccet, ut putant; tunc enim plurima maioris longè exiccationis, ut ossa sepiæ, conchæ buccinarum, pumices exusti, & huius generis alia, pestem efficacius curarent, quod falsum est. Sic quædam pestis sola hominis vrina curata fuit, ut 10. simp. c. de vrina humana, in peste Syria docet Gal. euenisse. Idè de scordio, de gentiana, ac de reliquis tum simplicibus, tum compositis alexipharmacis est euident, quæ suis manifestis qualitatibus pestilentem febrem augerent potius, illam tamen abdita totius substantiæ antipathia demoliantur.

Theriaca alexipharmaca.

Bolus Armenia in peste confert.

Vrina curata pestis.

Quarto, si febris pestilens ab aëre producta suam haberet essentiam in sola putredine, quantumuis summa, & excellenti, tunc animalia diuersarum specierum sub eodem aëre, putredine pestilenti coinquinato, de gētia, eadem peste corripenterentur. Oppositum tamen est obseruatum. Diuersæ enim pestes diuersas habuere analogias ad diuersas species animalium, ad diuersas ætates, ad particularia membra, ut vnâ animalium speciem sæpe affecerint, cæteris eundem aërem inspirantibus omnino illæsis. Id nullo modo referri potest

*4.
Pestis non habet essentiam in sola putredine.*

potest

potest ad solam putredinem: cum eadem animalia eundē aërem putridum inspirantia, licet magis & minus sint apta putrescere, apta tamen sunt putrescere omnia. Ergo ad abditam, & peculiarem vim, & antipathiam, ita vni animalium speciei contrariam, vt non reliquis (quod longē distat à putredine) referendum est. Confirmat hoc Hippo. lib. de flatibus per hæc verba: *Communis ergo febris propterea omnibus accidit, quod eundem spiritum omnes attrahunt, sitque & simili corpori similes spiritus similiter permixti, similes gignant febres. Sed est fortasse qui dicat; & quid ergo non omnibus animantibus; sed alicui eorum generi incidunt hi morbi? Cui ego sic responderim: Differt corpus à corpore, natura à natura, & nutrimentum à nutrimento. Non enim omni animantium generi eadem aut non conferunt, aut comoda sunt, sed sunt alia alijs magis conuenientia. Quando igitur aer eiusmodi inquinamenti plenus est, quibus humana natura offenditur, homines ærotant. Quando vero alteri cuiuspiam animantium generi aer inconueniens est; tunc morbus illud genus corripit. Nec est quod dicat Donatus Antonius Altimarus lib. suo de febre pestilenti c. 3. ideo aërem lædere vnā speciem animalis non reliquas: nam vni speciei fit cōtrarius, stare tamen hanc contrarietatem in solā putredine. Quandoquidem si sola putredo esset ratio huius contrarietatis, non esset contrarietas determinata ad vnā speciem, sed ad omnes diuersas species æquē communis. Cur enim si ratio illius contrarietatis stat in sola putredine, diuersa animalia æquē apta putrescere, & æquē inspirantia eundem aërem putridum, non æquē omnia eadem putredine corripiontur? cum agens naturale appropinquatum passo agat necessario, & non cum electione. Imo sæpe obseruatum est, species animalium magis aptas putrescere non offendi à coinquinato aëre, alias verò minus aptas putrescere, magis offendi. Non semel enim grassatæ sunt pestilentiæ, quæ pueros & iuuenes non lædebant, & solos senes afficiebant. Ita & pestes fuere, quæ sub Austrina constitutione nõ sunt grassatæ, sub Aquilonia vero totas vrbes adortæ sunt. Tandem putredo est cōmunis omni speciei animalium aptorum, ac paratorum, vt putrescant. Sed a causa communi non prouenit differentia neque distinctio in illis, quibus communis est. Quinto si essentia febris pestilentis stat in*

Animalia non æquē omnia læduntur ab aëre putrido, & cur.

sola putredine, tunc vel erit in putredine, vt putredo est, vel vt talis putredo. Sed neutro modo id esse potest. Non putredo; tunc enim in qualibet febre pestilenti longe magis putresceret sanguis, quam flaua bilis, & hæc magis, quam melancholia, & in vniuersum in qualibet peste magis putrescerent humores, quam solidæ partes. Magis enim pa-

*Calida hu-
mida putre-
dini aptiora.*

Galenus 8. metho. cap. 7. 1. de diff. feb. cap. 3. & 3. in 3. epid. com.

*Pestes quan-
do partes so-
lidas demo-
liuntur, non
humores.*

1. Quod confirmat Auicennas 1. sen. 4. tract. 1. ca 2, Humidiora enim siccioribus promptius putrescunt. Huius tamen oppositum docet experimentum. Fiunt enim quandoque febres pestilentes, quæ partes solidas demoliuntur, & non humores. Testis est Galenus 3. de prasag. expul. cap. 3. cum dicit: Si qui essent inter agrotos, qui se negarent febricitare, his febris occupato ipso cordis corpore, plane erat confirmata, & ita dicam, in habitu. Et mox, declarans aliam pestis analogiam, subdit: Nam quibus calor hic putredinosus ad humores, quos continent cordis sinus, magis deflexit, quam ad corpus ipsum & viscera, multi horum fuerunt superstites. Ita Galenus 3. de vsu partium cap. 5. refert quandam pestem ad summos pedes suam habuisse analogiam. Dionysius Alexandrinus lib. 4. & 9. Rom. antiquitatum, & Agathinus libro 5. historia quandam pestem referunt, in qua solæ feminæ, aliam in qua soli diuites corripiebantur. Guidus de Gauliaco pestem refert, in qua sanguine è naribus fluente moriebantur. Eusebius 9. de hist. Eccles. cap. 6. aliam refert, in qua cum anthrace in oculo, aliam in qua sternutando interibant. Quod confirmat Ioannes Siella in vita diui Gregorij Papæ, Paulus Diaconus libro 6. de gestis long. cap. 11. Historiarum fidem admittit Galenus lib. de subs. emp. cap. 9. & 12. Rectè igitur inquit Fracastorius lib. 2. de morb. contag. cap. 4. cum ait: Pestilentium febrium alia extrinsecus in nos veniunt, alia in nobis primo sunt: alia omnes

*Varia pestis
species.*

perdunt, alia maiorem partem, alia multos solū. Diuersa porro est earum analogia, & admiranda. Quadam ad sanguinem præcipue analoga sunt, quadam ad choleram, quadam & ad humores alios, alia promiscue ad omnes: & alia ad spiritus solos, aut ad ipsos maxime: & quadam citissime perant, & quadam ferius. Ergo putredo vt putredo harum diuersitatum ratio non est. Nec putredo vt talis id efficit. Si quæ n.

*Diuersa fe-
brium pesti-
lentium a-
nalogia.*

esse

esset putredo, quæ pestem constitueret, esset illa excellens, *Putredo, & causa pestis, qualis esse debeat.*
 quam dicit esse propriam pestilentis febris Galenus, *1. in 6. Epid. 29.* vel illa, quam dicit Fracastorius *2. lib. de morb. cõt. c. 3.* sordidam profundam, à qua & pestem, & seminaria contagionis, in lentore posita, & ad minima elaborata, prodire existimat. Sed quæcunque harum concedatur, ea perse constituit pestilentem morbum. Ergo cõstituet tam hominis, quam ferarum pestem, tam ad sanguinem, quam ad bilem. Quod enim est per se, est de omni, & secundum quod ipsum. Confirmatur; nam à genere, quod se habet communiter & indifferenter ad omnes suas species, nulla sumi potest differentia diuisua eiusdem generis, & constitutiua vnus specie, distincta ab aliis sub eodem genere. Non minus autem est pestis, quæ homines magna ex parte enecat, quam quæ boues, aut leones Inquit enim Arist. *8. de histor. animal. c. 19.* Morbus pestilens nullus incidere piscibus & in uersis videtur, qualis plerumq; hominibus, & quadrupedum equis, & bobus, & reliquis generis nonnullis accidit, tum feris, tum vrbaniis. Sexto, hæc putredo, quæ febres putridas pestilentes constituit, siue sordida sit & profunda, siue excellens, & summa, vel dicit quid specie diuersum ab omni putredine, vel quid contentum intra putredinis latitudinem. Si primum; ergo febris pestilens, quæ ex ea fit, erit specie diuersa à febribus ex putredine concitatis. Consequentia deducitur ex dictis Galeni *de differen. feb. c. 1. & c. 3.* huius libri monstratum est. Alioquin tertiana, quæ fit à flaua bile putrida, non esset specie diuersa à quartana, quæ à putri melancholia oritur. Sunt tamen febres specie differentes: nam ex humoribus specie diuersis procreantur. Si secundum, tunc ista putredo excellens & summa, vel erit talis extensiuæ, vel intensiuæ. Neutrum tamen esse potest. Non primum; tunc enim omnes febres synochæ essent pestilentes: in illis. n. vt inquit Gal. *9. meth. c. 3.* in omnib. vasis, ac potissimū maximis, æquabiliter succiputrescunt. Nō secundū; tunc. n. nunquā darentur febres à principio pestilentes. Si. n. vt sit pestilens morbus, requiritur summus gradus putredinis intensiuæ: (summus vero est cui non potest fieri additio, alioquin summus nō foret) talis in principio esse nō pōt in pncipiosis, in quib. vsq; ad statū semper morbi augetur: (Nā circa initia & fines, omnia imbecilliora: circa vigores

Febres specie diuersa

vigores verò fortiora, 2. apho. 30.) Tum quia putredine magis perseverante, magis ac magis crescit dominium qualitatum passivarum supra activas, & humidū effluit magis, & à calore minus terminatur. Sed dantur multæ febres à principio pestilentes, ut in verà peste fere semper contingit. Ideo dicebat Thucydides: *Dum alij alios curarent, contagium pecudum instar haurientes eademq; si morbi repleti moriebantur*, & hac quidem magna ex parte interfectionis causam fuit, &c. Ergo a putredine, quantumvis summa & excellenti, proprium characteris morbi febris pestilens non sortitur. Nec à putredine sordida profunda, ut infra aduersus Fracastorium profusè monstrabimus. Septimo, febris pestilens stat in hoc, quod sit morbus vulgaris multos inuadens, & plurimos occidens, ex Gal. 3. in 3. Epid. 20. cum dicit: *Neque enim certi est morbi nomen vulgare vel pestilens. Ceterum quicumque uno in loco multos simul inuaserit, vulgare hic vocatur: qui simul si hoc habeat, ut multos perimat, pestis sit.* Quod confirmat 1. 1. Epidem. in præm. & 1. acu. com. 9.

Putredo non est proprius characteris morbi febris pestilentis.

7.

Sed hic morbus pestilens aliquando fit sine febre. Ergo sine putredine, quantumvis excellenti, vel profunda erit pestis. Ergo essentia, & characteris morbi febris pestilentis stat in aliquo, quod ab omni putredine, etiam excellenti, vel sordida, & profunda, diuersum sit. Consequentia est evidens. Pestis enim esse nequit, nisi sit lethalis magna ex parte, ut ex Galeni dictis est manifestum. Lethalis autem esse non potest, nisi cor afficiat. Sint enim seminaria illa Fracastorii quantumvis acutissimæ contagionis, lethalia non erunt magna ex parte, nisi cor mediate, vel immediatè offendant. Monstrat hoc modus mortis, quam pestis affert, & abunde docet Gal. 5. de locis affectis c. 1. & 2. & lib. 2. acu. 47. 3. simp. c. 18. Impossibile vero est, esse putredinem excellentem, vel profundam, & sordidam, perniciosam in corde, & febrem non facere, ut constat ex dictis à Galeno 1. de diff. feb. c. 5. Fieri tamen pestes quandoque sine febre, abundè patet ex Hippocrate 3. in 3. Epid. 25. & 55. & ex Gal. in locis prædictis, & com. 59. eiusdem 3. & 9. simpl. c. de terra samia, quod nos infra vberius demonstrabimus. Ad extremum febris pestilens est contagiosa, ut docet Gal. 1. de diff. feb. c. 2. cum dicit: *Sicuti & quod pestilenti morbo laborantium conuersatio periculosa, ne inde contagium contrahatur, quemadmodum*

ex sca-

Pestis non est, nisi magna ex parte lethalis.

Pestis quandoque sine febre.

8.

Febris pestilens contagiosa.

ex scabie & lippitudine. Quod confirmat libro de ther. ad Pisonem c. 16. & testatur Thucydides. Sed contagionis ratio non stat in putredine: Multa enim sunt morborum genera contagiosa, quæ non sunt in putredine posita, ut infra monstrabimus, & multæ putridæ febres sunt, non tamen contagiosæ.

Contagionis ratio non consistit in putredine.

Fracastorij sententia, & eius eversio.

CAP. XXVIII.

Hieronymus Fracastorius lib. 2. de morb. cont. cap. 3. definiens febrem pestilentem, dicit esse febrem sordidæ & profundæ putrefactionis, includentem seminaria acutissimæ contagionis. Franciscus Valeriola in sua appendice ad loca communia, monstrat à putredine diuersam esse febri pestilentis naturam & contagium. Nam in pestilentibus sæpe videntur homines sani, citra putredinem, tepètem mori. At si contagio esset putrefactio, tam subito & in instanti non fieret. Deinde, quia sublata putredine sanaretur contagio; contra quàm fieri cernimus. Præterea vestes, quæ diu pestis seminaria retinent, & eorum contagione homines in pestem inducunt, & ipsæ putrescerent, quod non contingit. Ad extremum, auxiliis putredinem remouentibus curaretur pestis. His tamen non tollitur, sed alexipharmacis, tota substantia pugnantis. Quibus rationibus conati sunt facere satis Donatus Marcellus Mantuanus lib. de Variol. cap. 5 & Horatius Augenius 1. par. epist. med. lib. 4. epist. 1 dicentes, Fracast. per putredinem non putrefactionem simpliciter intelligere, sed putrefactionem transeuntem in alium, quæ corruptio substantiæ est. Recta tamen responsio non videtur. Ut enim in putredine transeunte, sic & in permanente corruptio est, si putredo perficiatur, ut euident est ex Gal. 2. aph. 17. lib. artis med. 89. & 11. meth. c. 8. Nec reddit rationem Augenius, cur putredo in alium transiens, corruptio sit; in eodem permanens, non sit. Nec ignorauit Fracast. corruptionem esse quid longe vniuersalius putrefactione, qui bene vidit Galeni verba 5. simp. c. 15. Dixit tamen 1. de cont. c. 9. Si igitur in omnem contagionem inductio fiat, omnes quidem in putrefactione quadam consistere videbuntur. Nec est verum, omnem contagij putrefactionem esse corruptionem. Lippitudo.

Fracastorij opinio.

F. Valeriola aduersus Fracast.

G enim

enim contagiosa est, ex Gal. 1. de diff. feb. c. 2. nullam tamen inducit substantiæ corruptionem, imo nec perpetuò putredinem: quandoque enim ex flatuosi spiritus affluxu fit, vt ex 13. meth. c. 6. ultimo, manifestum est. Nec tandem in corruptione stat verus febris pestilentis characterismus, vt inferius, cum aduersus Augenum agemus, erit manifestum. Ego igitur, præter Valeriolæ rationes, monstrabo ex concessis à Fracast. essentiam febris pestilentis, & eius characterisimum ab omni putredine esse diuersum. Primum, essentia febris pestilentis stat in seminariis contagij lethalis. Sed hæc seminaria diuersam omnino habent naturam ab omni putredine. Ab omni ergo putredine diuersa erit natura febris pestilentis. Maior est Fracast. qui lib. 2. de morb. cont. capit. 3. inquit: *Quod si pestilens aliqua febris primo in nobis fiat, nunquam tamen esse pestilentem dicimus, nisi tum, quum seminaria contagionis iam facta sunt.* Et in fine eiusdem capituli subdit: *Quod autem per se, est, & ut aiunt, formale, est esse febrem per se includentem seminaria contagionis lethalis: Propter quam causam, quæ è Venenis fiunt febres, lethales quidem sunt, sed non pestilentes, quoniam contagiosa non sunt: carent enim eo, quod formale est, & per se ratio pestilentia.* Minor patet ex multis. primum vel hæc seminaria sunt ipsamet putredo febris pestilentis, se ipsam effundens, vel eius vapores, vel quid ab utrisque diuersum. Non sunt vapores. Fracast. enim capite eodem loquens de seminariis inquit: *Quæ tametsi communi quodam principio cum Vaporibus & loci caliditate conueniunt in agendo, peculiarem tamen quandam sortita naturam sunt, &c.* Neque sunt ipsamet putredo seipsam effundens: Inquit enim Fracastorius capit. eodem. *Quoniam seminaria hinc inde dispersa sunt, & hæc alia ceu sobolem generant.* Tunc ergo putredo seminaria generans seipsam generaret, seipsam multiplicaret, atque diffunderet, Quare res esset, antequam fieret, quod principiis naturalis philosophiæ repugnat. At verò si dicat Fracast. fieri hanc seminarij pestilentis productionem, vt fieri putauit productionem specierum lib. de sympl. & ant. cap. 5. vbi dixit: *Recipiendum autem est, spirituales species eiusdem*

*Essentiam
febris & eius
characterisimum
a putredine diuersum
esse probatur.*

1.

dem rationis esse cum formis illis, quarum sunt species, nec differre ab eis nisi modo subsistendi. Eatenus enim materiales sunt, & dicuntur, quatenus crassa quaedam existentia in materia sunt. Ingenitum autem est formis omnibus, sese (quo magis possunt) propagare, quod quidem faciunt crassa illa forma, qua materia es vocantur. Verum propagare sese per eum modum, & existentiam, quae ipsa sunt, non utique possunt, sed tenuem, & superficialelem sui vel partem, vel gradum producant, &c. manifestum est, hoc parum commentum esse, ac naturalibus principiis aduersari. Tunc enim formae materiales separabiles essent à materia, de cuius potentia sunt eductae, cuius sunt actus, & subsistentiam haberet seorsim a composito materiali, ac tandem à crassiori illo composito ad vestes, ad aërem, ad auium hominem, quem iusciunt, transeunt, de subiecto in subiectum migrarent, si è crassiori eorum composito tenuem, vel superficialelem, sui gradum, vel partem producerent. Præterea, natura humoris, qui in febre pestilenti putrescit, est in dissolutione suae missionis; Natura seminarij lethalis seruat actu missionem suam fortem, elaboratam, in lentore constitutam, ad longum tempus incorruptam. Ergo putredo & seminaria ex rei natura diuerſa sunt. Euidens est arguementum: nam quæ putrescunt, primo fiunt humida, mox sicca, tandem terra & fimus, ex Aristotele 4. meteor. Naturam horum seminarij lethalium explicat Fracastorius 2. eodem 3. cum inquit: *In primis enim diximus, habere ea vim & actionem multam, tum & missionem in lentore constitutam.* Accidit, quod si seminaria essent eiuſdem naturæ cum putredine sordida & profunda febris pestilentis, summum fœtorem haberent: nullum tamen habent. Hoc longo experimento didicimus in peste Messanæ urbis. Sic enim ex sola graueolentia facillimum fuisset vestes seminariis infectas deprehendere: quandoquidem profunda ac sordida putredo cum fœtore est, ex Galeno 5. simpl. capitu. 15. 1. prognost. commen. & ultimo, & eiuſdem 22. confirmatur ex confessione Fracast. qui 1. de con. cap. 9.

Putrefactio
fit.

Seminaria
pestis fœto-
rem non ha-
bent.

inquit: *In quibus igitur simplex fit putrefactio, generatio autem nulla, & factor fit, & abominabilis sapor.* Nec est quod dicat Donatus Marcellus *lib. eodem*, non putrescere vestes: nam aptæ non sunt putredinem concipere, quia viuentes non sunt, nec natiuo calore præditæ. Si enim nihil putresceret, quod viuum non esset; sic & humores non putrescerent, qui viuentes non sunt. Et falso diceret Aristot. *4. meteor. tex. 5.* omnia, vno igne excepto, putrescere. Falso diceret Galen *11. method. c. 9* vestes aliudvè inanime corpus putrescere. Cæterum nec est verum, à putredine febris pestilentis sordida & profunda prodire seminaria pestis. Vel enim erit profunda ratione quantitatis, vel intensiōe æ gradu actionis. Sed neutro modo contingit. Nam si primum esset, tunc febres synochæ putridæ; si secundum, tunc ardentes, & furiosæ, seminaria pestis producerent: quod verum non est. Modus arguendi est ipsiusmet Fracastorij, qui *lib. 2. de morb. contra. c. 3.* arguens Montanum, inquit: *Opportebit præterea declarare, qualenam esset ea ingens putrefactio; num quantitate ingens, & mole, an gradu actionis. Nam si actione ingens, cur ardentissima causiones, & furcantes, non tamen pestilentes sunt? Quinimo nec illa, quæ ex æruginosa cholera fiunt. Si vero quantitate ingens est, &c.* At Gal. *11. meth. cap. 4.* in synochis putridis, vel æqualiter in omnibus vasis subsistere, vel in maximis, maximeque principalibus, putredinem affirmavit. Ad extremum si sola putredo sordida, & profunda, & seminaria contagionis lethalis febrem pestilentem constituunt, cur est quod febris pestilens Britannica, quæ vno die vel interficit, vel sudore finitur, illam solam regionem quandoque adoriatur, non alias? cum & in aliis consimilis aëris inclementia, eadem stellarum configuratio possit putredinem sordidam profundam, seminariarum lethaliarum productricem, procreare. Quod si id referat Fracastorius ad mineras gypsi, quib. Anglia abundat, cur aliæ regiones, in quibus gypsum copiose nascitur, talem luem nullo tempore sunt expertæ? Si dicat, esse vapores subtiles; habentes analogiam ad spiritus vitales: an reliquæ ephemeræ pestilentes in aliis regionib. à vaporibus, vel seminariis, ad spiritus analogiam habentibus, non procreantur? Tandem si petat quis à Fracastorio, quæ sit hæc analogia vaporum ad spiritus? Respondet

lib. 11.

Omnia præter ignem putrescunt.

4. Seminaria pestis inde.

Putredo in synochis putridis.

5. Febris Britannica natura.

lib. eodem 2. c. 5. Vniuersalis quidem caussa est analogia illius aëris, particularis vero, in quo ea consistat analogia, difficile certe est nosse. Et lib. de symp. & ans. cap. 11. inquit: Qua autem analogia particulatim ea sit, Deo & natura notum est. Ergo ex confessione Fracastorij non est putredo sordida & profunda, quæ peculiarem producit contagij pestilentis naturam, vires & impetus varios: ea enim omnibus esset æquè communis: sed quid ab illa diuersum, singulis seminariis peculiare, ac determinatum.

Eustachij Rudij opinio, & eius impugnatio.

C A P. XXIX.

Eustachius Rudius lib. suo de feb. c. 30. dicit, febris pestilentis essentiam esse putredinem rei venenatæ, cor insigniter lædentis. Oportet enim, inquit, & sit perniciose febris ex re venenata, qua suam putredinem tempore & ratione præcedat; Impossibile autem est, & venenato humore putrescente, putredo consequens non sit excellens, excessiua, summa, & venenata. Hac magnam actionem promit, ac cor ita laceffit, & pessima illa symptomata oriantur, & mors etiam subsequatur. Et hac est illa excellens putredo, penes quam dicit Gal. differre febrem hanc à reliquis: quam aliquando malam putredinem, aliquando corruptionem appellat. Hæc sententia mihi dubia est. Oportebit enim in febris pestilentis generatione, primum reperiri venenum in humano corpore, mox illud putrescere, & tandem communicata cordi putredine febrem pestilentem fieri. At tunc febris tertiana, vel ardens, vel synocha pestilens esse non poterit, cuius oppositum obseruauit Hipp. 3. in 3. epidem. à tex. 9. ad 64. Vt enim differt tertiana à quartana, (nam humor biliosus à melancholico diuersus est,) nec vna ad alteram referri potest: sic febris pestilens ab omni tertiana, vel synocha putrida diuersa erit, nec ad vllam earum referri poterit, cum venenum putrescens ab omni humore putrescente diuersum sit. Deinde nec videtur verum, venenum, siue in corpus immissum, siue in eo genitum, putrescere ita posse, vt febrem generet pestilentem. A quo enim, vt ab efficiente, in putredinem ducetur? Non quidem à se ipso: nihil enim se ipsum destruit. Non à celore innato: ab eo enim vinci non potest. Non ab extraneo ambientis: quo-

E. Rudij opinio.

Impugnatio hac opinio.

Venenam non putrescere possint.

niam vel erit venenum frigidum, vel calidum, vel toto genere deleterium. Si primum longo indiget tempore, vt putrefaciat, 3. *simpl. 22.* longiore vt putrescat. Si secundum, vel tertium, longissimo, & summa cum difficultate putrescent. Caliditas enim summa, quanto igni vicinior, tanto difficilius putrescit: summa siccitas difficillimè patitur dissolutionem. Toto genere lacerantia velocissimè sunt actionis, ac momento totum corpus immutant, ex *Galen. primo de semi. cap. 16.* Quæ velocissimi motus sunt, difficillimè putrescunt. At vero febris pestilens, & quæ ex aëre fit inspirato, repente prodit, & quæ ex succorum corruptione fit, vbi pars princeps affecta sit, repente confurgit. Adhæc aer pestilens inspiratus, delatus ad humores contentos in sinibus cordis, generat febrem putridam pestilentem, ex *Galen. 3. de prasag. ex pulsat. capit. 3.* Igitur oportebit primum mutari humores illos in venenum, & mox illud putrescere, vt febrem pestilentem efficiat. Non enim ait Rudius, fieri febrem hanc à veneno putrefaciente, sed putrescente. Fallum igitur erit, quod ibi dicit Galenus, plurimos eorum liberari, quibus ad humores, quos continent cordis sinus, putredo reflexit. Impossibile enim esset, humores contentos in ventriculis cordis, venenum fieri, & ægros magna ex parte euadere: quando venenum calorem innatum destruat, ex *Galen. 3. de tem. capit. 4.* & a calore innato vinci non possit, 3. *de natur. facultat. capitul. 7.* Ad extremum, tunc hæcticæ pestilentes, morbi pestilentes erunt, sed hæcticæ febres pestilentes non erunt, quod aduertatur Galeno, 3. *de prasag. ex pulsib. capitul. 3. §. 4.* Si enim vera esset Eustachij sententia, oporteret substantiam cordis solidam, vel saltem toridam eius humiditatem prius mutari in venenum, mox venenum illud putrescere, vt febris pestilens hæctica fieret. Explicans enim Galenus febris pestilentis hæcticæ naturam, solidarum partium cordis putredinem commemorat, *libr. eodcm capitul. 3.* cum inquit: *Quam excogites medicinam ad putredinem, qua in corde sit.* Morietur igitur homo, priusquam febris hæctica pestilens producat. Non fit enim febris hæctica pestilens, nisi ros vel solidum cordis corpus putrescat. Sed si non putresceret, nisi prius venenum fieret. vt vult Rudius, manifestum est, quod statim ac corpus cordis venenum fit, animal

3.
Febris putrida pestilentis generatio.

4.

Febris pestilentis hæcticæ natura in quo.

moritur. Ergo morietur animal antè ex veneno, quam hæctica pestilens constitutur.

Horatij Augenij sententia, & aduersus illam dubitationes. C A P. XXX.

HOratius Augenius *parte prima epistolarum medicinalium lib. 4. episto. 1* dicit, pestilentes febres omnes continere putredinem. In hoc tamen differre à putridis reliquis, quòd illæ præter vnā putredinem nihil habeāt, pestilentes vero contineant quid maius putredine, nempe corruptionem substantiæ: quam alij excellentem quandam putredinis conditionem, & gradum vocant, nos vero (inquit) nomine magis proprio vocamus corruptionem: sicut enim eam vocat Galenus. Continet ergo febris pestilens putredinem simul, & corruptionem, ad quam peruenit corpus præcedente putredine, vt dispositione. Corruptio ergo substantiarum pestilentiam vere facit, eius essentiam & characterismum constituit. Quamobrem subdit, Omnes febres, in quibus eiusmodi apparet subitanea, violentaque corruptio, pestilentes vocamus: cum sint acutæ, communes multis, actu aut potestate contagiosæ, dissoluto misto à calore septicco, & vnoquoque mitionis principio redeunte ad propriam naturam, cum seminariis rei putridæ, vim habentibus generandi tale, quale ipsum erat. Sed nonnulla sunt, quæ præsentem sententiam clariorem desiderāt. Primum corruptio, quæ sequitur ad putredinē, tanquam ad dispositionem, non est propria febris pestilentis: reperitur enim communis omni putredini in facto esse, quæ sequitur putredinem in fieri, vt propriam dispositionem. Inquit enim Galenus *11. methodi cap. 8. Qua nam igitur est putredinis natura? Nempe mutatio totius putrescentis corporis substantia ad corruptelam. Et 2. aph. comm. 17. Hoc quidem, inquit, in sanguine euenit: nam & ipse, & ibi magna in eo fit facta corruptio, non redit amplius ad habitum naturalem. Si vero pauca contigerit, ibi id, quod est superfluum, fuerit euacuatum, quod residuum existit, ad suam naturam restituitur. Et paulo post: Illa, & dixi, sola vocata corruptione, qua tam effatu dignam habet eam, qua ad id, quod præter naturam est, euerisionem, & non possit iterum ex natura coctione ad primam humoris r. d. re bonitatem. Et libr. ar. medicin. capitul. 89. Eslo enim, inquit, si ita*

*Sententia
Augenij ex-
aminatur.*

1.

*Putredinis
natura.*

contigerit ex humoribus putrescentibus accendi febrem, indicatio in huiusmodi est euacuatio, atque alteratio. Hæc quidem, quæ putredinem finiat, manente adhuc causa: euacuatio vero, quæ totam ex corpore substantiam educat. Et 11. met. cap. 8. ita inquit: Putredinem, quæ in viuis est orta, sanabimus, id scilicet, quod iam corruptum est, omnia ratione euacuantes: Quod confirmat cap. 10. & 13. Cum ergo in omnibus ferè febribus putridis, præsertim in quibus putredo in omnibus vasis subsistit æqualiter, vel in maximis, maximèque principalibus, sit putredo in facto esse, omnes, & putredinem, & corruptionem habentes, febres erunt pestilentes. Quod rectè dictum non est. Secundo ista corruptio, vel erit venenum, vel eius humoris, qui putruit, sola corruptio, absque eo quod inde venenum generetur. Si primum, tunc essentia febris pestilentis non erit in corruptione posita, sed in veneno. Si secundum, quod putrescit in humoribus facientibus febrem, sit cinis, ex Gal. 3. de prasag. ex pul. c. 7. Cinis vero humorum in febribus neque venenum est, neque pestilentem febrem constituit: alioquin atra bilis, quæ sit ex adustione flauæ venenûm foret, & febrem quam constituit, pestilentem cõstitueret, quod non est; vt patet 3. progn. 27. & 28. & 3. de locis affectis cap 7. Nec erit verum, humorem corruptum ob putredinem habere vim septicam, & misti dissolutionem: tunc enim id omni cineri, cuius vis humoris qui putruit, in quavis febre conueniret. Quod si Augenius intelligat corruptionem, non humorum, sed substantiæ viuientis, eiusque in sua principia dissolutionem; tunc non erit verum, omnẽ febrem pestilentem continere putredinem, tãquam dispositionem ad hanc corruptionem, vt ipse dicit: quod repugnat Galeno 1. de diff. feb. c. 5. Consequentia patet: nã multa venena epota, & quæ ictu, & morsu funduntur ab animalib, maleficis, viuientis substantiam destruunt sine putredine, vt quæ erodendo enecant, & quæ toto genere deleteria momento corpus immutant, primo de semine cap 16. Nec omnẽ quod corrumpitur necessario putrescit, vt mōstrat Gal. 5. sim. c. 15. Præterquã quod, si in corruptione substantiæ viuientis staret characterismus febris pestilentis, tunc omnes febres pestilentes essent hecticæ, quod repugnat Gal 3. de prasag. ex pul. c. 3. & 4. At in hoc differunt hecticæ

Cinis humorum nec venenum est, nec pestil. febrem constituit.

Humor corruptus non habet vim septicam.

Venena sine putredine laetentia.

Aërica pestilētes à putridis, quod in illis defluit putredo ad *Hælica po-*
 humores, quos continent cordis sinus, non ad ipsum cor. *silentes & t*
 pus visceris: in his autem solidæ partes corrumpuntur, ut *differant à*
 ibidem dicit Galen. Substantiæ autem quæ verè viuunt in *putriam.*
 corpore nostro, partes solidæ sunt, non autem humores.
 Præterea si dissolvitur mistum à calore septicco, ita vnum-
 quodq; mistionis principium redeat ad suam naturā pro-
 priam, tunc tale mistum reducetur ad elementa: mox ta-
 lis dissolutio non fiet à calore septicco: (à veneno enim ve-
 nenenum fit: Immutat. n. venenum corpus nostrum alte-
 ratione sibi simili, *ex Gal. 1 de sem. cap. 16.*) Vel ergo vnum
 quodq; mistionis principium non reducetur ad propriam
 naturam; vel illius misti principia venenum erunt, quod
 falsum est. Rursus essentiam febris pestilentis constituit *Essentiam*
 venenum, ut causa coniuncta, & mutatio venenata, & à *febris pesti-*
 tota substantia, ut *supr. c. 9. monstratū est.* Sed multæ sunt *lentis, Gene-*
 corruptiones, quæ veneni non sunt, nec ad venenū. Ergo *num consti-*
 absolutè corruptio substantiarum characterisum febris *tuit.*
 pestilentis non constituit. Ad extremum, seminaria pesti-
 lentia, quæ vim habent putrefaciendi, ac generandi,
 pestilentem affectum, à quo. producantur? Ab hu-
 more inquiet, faciente febrem pestilentem: sed tunc an ab
 eo dum putrescit? an dum corrūpitur? an ab aliquo, quod
 fortè ex eius corruptione generatur? ut v. g. putrescat flu-
 ua bilis excellenti putredine, corrumpatur, producat fe-
 brem pestilentem contagiosam; tunc ista seminaria con-
 tagionis, quando fient? an dum putrescit? an dum corrū-
 pitur? an postquam desinente bile aliud generatur? Si pri-
 mum, ergo non inducent in aliud corruptionē, sed putre-
 dinem solam: contagionis. n. seminaria inducūt qualita-
 tem similem eius, à quo fiunt, non eius, quod adhuc non
 erat, dum fierēt. Adde quod si dum putrescit bilis, semina-
 ria producit, dum est in fieri, & adhuc excellentem illum
 gradum corruptionis non acquisivit, cur omnis flava bi-
 lis, dum putrescit, non est contagiosa? cur tandem chara-
 cterisinus febris pestilentis non erit in putredine, ut dicit
 esse in corruptione (Si secūdum, ac adhuc retinet formam
 bilis, dum corrumpitur? an desit esse bilis? Si retinet, ergo
 operabitur calore, & siccitate, quæ bilis sunt propriæ qua-
 litates, eius formam necessario consequentes. Agent ergo

feminaria illa caloris & siccitatis excessu, ergo nō toto genere, & abdita vi deleteria. Nihil. n. agit vltra suā speciem, quod tamē experimento repugnat. Quod si bilis propriā naturam non retinet, à noua forma genita post bilis corruptionem, seminaria producentur: ab eo enim quod non est, nihil producitur, sed ab eo quod est in actu. Ergo seminarij pestilentis productio nō proueniet à bile, quæ desijt esse; nec à corruptione eius. Ergo febris pestilentis characterissimus in corruptione non consistit, sed in alia natura abdita, ac malefica, quæ post humoris summā corruptionem immediatè generatur.

Opinio propria, & solutio rationum oppositarum.

C A P. XXXI.

*Differentia
multarum febrium
putridarum
& pestilentium.*

Dicimus igitur, febrium putridarum, & pestilentium multas esse differentias. Quantum vero spectat ad præsens institutum, putridæ nihil habent præter putredinem; pestilentes, & putredinem, & venenum. Vnde, vt reliquæ febres putridæ morbi sunt in intemperie; ita pestilentes sunt & in intemperie, & à tota substantia. Inde est, quod non quantitate, sed toto genere laedant. Et pro huius veneni varia antipathia, varias sortitæ sint febres pestilentes analogias, nunc ad solidas cordis partes, modo ad spiritus, aliquando ad humores: & horum nunc ad vnum, modo ad omnes. Igitur, vt humores, qui putrescunt in febribus cæteris, terminantur in cinerem, ex Galen. 3. de praesag. ex pul. c. 7. & 11. meth. c. 9. sic in febre pestilenti dum putrescunt, corrumpuntur, & ad venenum terminantur. Proprium vero est hoc pestilentiū febrium ob duas rationes: Fiunt enim duobus modis, vel aëre inspirato, pestilentibus seminarijs infecto: vel ex interna humorum pernicio. Primo modo caussa huius veneni est externum venenosum efficiens, quod vbi corpus ingressum est, vel per asperam, vel per alias arterias, & ad cor deductum, spiritus, humores, vel solidas eius partes, pro sua analogia sibi simili alteratione putrefacit, corrumpit, ac in sui naturam commutat, & febrem concitat venenosam. Ideo Galenus aëre pestilentem inspiratum, indifferenter modo venenum, modo putridum, ac putrefacientem appellat. Venenum appellat

*Febrium pestilentium analogia ex
veneni antipathia.*

*Febres pestilentes duobus
modis fiunt.*

1.

*Aëre venenoso inspira-
to.*

*Aër Galeno,
venenū, putridus, putrefaciens di-
citur.*

lib. de

lib. de theriaca ad Pisonem l. 16. cum dicit: Qui cum respirare non possint, contagium miseri euadere nequeunt: attrahunt enim in se ipsos aerem illum infectum tanquam praesentaneum quoddam venenum Appellat & putridum, & putrefaciens, 3. de prasag. expul. c. 3. cum inquit: Vbi aer, quem inspirando attrahimus infectus putredine sit, ac putredo corpus cordis attingit. Et paulo post: Quam enim excogites medicinam ad putredinem, quae in corde sit. Nam quibus calor hic putredinosus ad humores, quos continent cordis sinus, magis deflexerit, &c. Hæc Gal. Secundo modo prouenit, quando humores ex interna putredine, & corrumpuntur, & in venenū commutantur, qui si venenum cordi cōmunicent febrē concitant pestilentē. Cōtingit autem hoc, non cuiusq; rei putrescenti, sed peculiari humori, ex praua perniciosorū ciborum natura progenito. Ideo dicebat Gal. lib. de cibis bonis, & mali, succi cap. 8. Inter fructus censentur cucumeres quoq; & pepones, & melopepones, quorum nulli succus bonus inest, eo quod nisi alius statim subeant, corrumpantur ibi, humoresq; ex corruptela hac faciant, qui non longe a mortiferis venenis absint. Et 2. de alimentorū fac. c. 11. loques de sycaminis, inquit: Quod si sumpta post alios cibos fuerint, aut etiam prauum succum in ventriculo offenderint, celestimē vna cum aliis cibis corrumpuntur, nouo quodam corruptionis genere, & quod verbis explicari nequeat. Hæc Galenus. Quæ si ita sunt, quale venenum putandum est, fuisse genitum ex medullis ossium mortuorum, quas comedentes, derepente morrui sunt omnes: Mirum ergo nō est, rem perniciosam, dum putrescit, corrumpi, & in veneni naturā mutari. Ideo dicebat Auicēnas lib. 4. fen 3. trac. 1. c. 17. De omni apostemate pernicioso propter conuersionem materiei eius ad substantiam venenosam, quod corrumpit membrum, &c. Ideo propter esum ciborum insolentium morbi pestilentes cōtingunt, vt narrat Galenus, lib. de cibis bonis, & mali succi cap. 1. In corpore enim viuente ex humorum corruptione venenum generatur, vt infra mōstrabimus. Quod si ad partem principem, nempe cor, deferatur, momento totum corpus immutat, ac morbum in intēperie, & in tota substantia inducit, qui febris est pestilens. Neque enim febris pestilens esset morbus magna ex parte lethalis, si venenū non cōtineret: nec esset cōtagionis adeo vehementis; nec tam fixa sympto-

2.
Interna hu-
morum pu-
treasne.

Esu ciborum
insolentium
pestes cotin-
gunt.

sympto-

Febris pestilens Galeno pemphigodes dicitur.

Tò Senior Hippocrati.

Morbida excretio Crim-petus morborum apud Hipp. Putredo febr. pestil. cur Galeno dicitur excellentis & summa.

Venenum characteris-mus febris pestilentis. Dubitationes dua.

1.

2.

Solutio.

symptomata afferret; nec tam derepente interficeret, vt à Galeno *1. in 6. Epide. 29.* pemphigodes, id est, aspectu horribilis vocaretur, nisi id, ex quo fit, innatum calorem nostrum demoliretur, atque destrueret sua contraria antipathia: neque id efficeret, ni veneni naturam subiret. Quod vt à calore innato nostro non vincitur, ex Galeno *2. de natu. facul. c. 7.* ita caloris est toto genere deleterium. Huius generis est illud diuinum, & admirabile, quod Hippocrates voluit esse obseruandum in morbis, *1. prog. 4.* quod in aëre, non in qualitatibus manifestis modo, sed multo magis abdita, ac deleteria pernicię coinquinato, & à tota sua substantia lædente, vt in causa efficiente, reperitur. Hęc est illa morbida excretio, qua dicit aërem esse conspersum *2. de natura humana. 4.* Huc referri etiam potest ille morborum impetus, de quo Hippocrates *3. progno. 38.* De hoc loquitur Galenus *2. de natura humana, comm. 4.* cum inquit: *Rectè igitur, cum halitus sola potius substantia proprietate, quàm simplici aliqua qualitate corporibus noxi sunt.* Hinc est quod Galenus vocat pestilentium febrium putredinem excellentem, & summam, non quod sit putredo in summo extrinsecus, vel intensius, sed quia sit putredo rei perniciosæ, vel à causa putrefaciente perniciosa, quæ veneni naturam inducat. Ita vocat hanc putredinem corruptionem, non quod omnis putrefactio ad corruptelam mutatio nõ sit; sed quia innatum calorem nostrum corrumpit sua peculiari antipathia, vt facit venenum epotum, ex Galeno *3. de temp. c. 4. 5. simp. c. 19. & sequentibus.* Quare licet putredo sit vt dispositio, venenum tamen est characteris-mus febris pestilentis. Sed hinc duæ dubitationes solutionem quærunt: Prima, tunc febris pestilens ad nullum genus putridarum poterit reduci, si humor, qui illam facit, mutatur in venenum, & ipsa à veneno constituitur. Oportet enim corrumpi prius humorem, vt ex illo generetur venenum, quod autem corruptum non est, vt venenum genitum, specie diuersum est ab humore corrupto. Neq; venenum de nouo genitum iterum putrescit, nec si putresceret rediret ad naturam humoris: esset enim regressus à priuatione ad habitum. Febris ergo pestilens ad humoralem referri non poterit. Secunda tunc à veneno epoto, saltem à septico, pestilens febris fieret: illud enim putrefacere humores, docet Galenus *3. simp. 22.* Sed i.

¶

stæ dubitationes non multo negotio diluuntur. Ad primâ dico, febrem pestilētem reperiri posse in omni genere putridæ. Nam 3. in 3. Epidem. 20. *Neque enim certi est morbi nomen vulgare, vel pestilens. Caterū quicumque vno in loco multos inuasērit, vulgaris hic vocatur: qui si hoc habeat, ut multos perimat, pestus fit.* Ideo 3. eodem in illa pestilenti constitutione enumerat ignes sacros, febres ardentes, ora aphthis vitriata, pudenda tuberculis, &c. in quibus omnibus licet humores diuersi, diuersimodè, ac diuersis locis putrescerent, omnes tamen cōmuni constitutione excellenter putrescentes, in communis veneni naturam abierunt. Fit igitur ista humoris ad venenum mutatio successiuè, & in tempore; nam mutari necessario præcedit mutatum esse. Ideo humor, v.g. sanguis, dum excellenter putrescit, & ad venenum commutatur, partē habet in mutari, & partem in mutato esse, (vt & omnia quæ putrescunt, 11. meth. c. 10.) Pars in mutari est sanguis, pars in mutato esse, venenum. Cum ergo vtriusque partis vapores, à foco febris eleuari cor afficiant, febrem vtriusque naturæ constituunt, & ita febris ab humore, puta à sanguine, synocha; à veneno, perniciofa, & constituitur synocha pestilēs. Ita facit & aliorum humorum vnusquisque, si quando excellenter putrescens ad venenum commutetur, & febrem constituat. Denominatio vero fit ab humore, qui putrescit tam in fieri, quam in facto esse. Ad secundam, venena epota enecant, sed febrem pestilentem non faciunt, si non putrescant, & humores nō mutant ad venenum per putredinem. Septica id faciunt, & febrem pestilentem constituunt, vbi ad cor eorum putrefactio peruenerit. Concitant autem febrem pestilentē sine peste, si ex priuato veneno septico febris fiat: pestem veram constituent, si idem venenum ab eodem populo communiter assumptum, eundem communi febre afficiat, & c. 2. monstratum est. Ad extremum dubitat Eustachius, si venenum hoc fieret à putredine excellenti, pestis nunquā esset sine febre. Respondeo, sine febre esse quandoque, si focus eius non sit in corde, vel ad cor putredinis vapores non perueniant, nisi solius veneni: vt contingit quādoq; à bubone putrido, nō peruenire ad cor putridos vapores, & solum ephemeram fieri, 4. apho. 5. Ad rationes Massariæ in principio adductas respondeo. Ad primam, omnes febres pestilētes.

*Humorū ad
venenū mu-
tatio fit suc-
cessiuè.*

Obiectio.

*Solutio ra-
tionū Mas-
sariæ.*

1.

pestilentes herere putredinem tanquam dispositionē, non terminari tamen ad solam putredinē, sed ad venenum. Galenum vero per excellentē putredinē, & summā corruptionem, quas ubiq; tribuit feбри pestilenti, d. co non intelligere illius febris charactēris, sed rem, quā, dū putrescit, in venenum mutatur. Ad aliam dico, quod curantur pestilentes febres non omnino vt reliquæ putridæ: nam curantur & bezoardicis, quibus reliquæ putridæ non egent. Galenus autem *1. de differen februm*, non curat, sed præseruat à peste, nec præstat ratione causæ faciētis illam, sed passi, & ideo exsiccat, euacuat, deobstruit, vt in reliquis putridis. Pro curatione vero, & præseruatione quoq; exhibet bezoardica, quæ tota substantia pignant cum peste, vt *libro de theriaca ad Pisonem c. 16. & de theria ad Pamphili- num*, theriacam comineodat, & bolum armenam *9. simpl.*

Theriaca & Bolus Armena commendantur in peste.

3. Hæctica & ephamera pestilentes a veneno fiunt.

ubi inquit: *Porro in magna hac peste, cuius eadem facies fuit, atq; eius qua Thucydides memoria grassabatur, quotquot hoc medicamen bibere, celeriter curati sunt. At quibus non profuit, omnes interiire, scilicet cum nec alio quouis inuarentur.* Ad extremum hæctica & ephamera pestilentes à veneno fiunt, immediatē cordis substantiam, vel spiritus ludentes; quod vel à putredine excellenti in corpore genita, vt aëre malo modo putrescente, ac inspirato producit: quod venenum si sua peculiari analogia cordis substantiam ad venenum commutat, hæcticam producit; si vero spiritus, ephemeram concitat pestilentem,

DISPVATIO VIII.

An possit esse vera pestis sine febre. Opinio Antonij Porti Firmani, & eius impugnatio.

C A P. XXXII.

PRO maiori dictorum explicatione, duo succedunt examinanda: Primum, an dari possit vera pestis sine febre. Secundum, an in viuente corpore verum venenum possit generari. De priorē consentientes Medici non sunt. Antonius Firmianus vir apprē mē eruditus *libro suo de peste cap. 3. alit. r.* pestem non solum absque febre dari, sed ipsam seorsim speciem esse, a nimia, & excellentiori putredine

Rationes eorum, qui Pestem non dant sine febre affirmant.

dine factam. Probat hoc ex Hippocrate libro de flatibus, ubi inquit: *Primum autem à communissimo morbo febrili exordium sumam, & qui omnium morborum comes est: Et paulo post: Sunt autem febrium genera duo, & hoc quoque nunc attingam, quorum alterum, commune omnibus, pestis appellatur: alterum propter malam diatam priuatim his contingit, quæ ea & tunc.* Hæc Hippocrates. Ergo si daretur pestis sine febre, falso Hippocrates communem febrem pestem vocaret. Secundo nec videtur rationi consonum, morbum, qui interimere ut plurimum potest, cor ipsum, vel contenta in eo, in putredinem redigere, & valde acutum esse; febrem autem non concitare. Tertio Paulus lib. 4. cap. 22. loquens de bubone sic inquit: *Febribus autem superuenientes, qui plurima parte ex pestilentiali lue solent incidere, teterrimi sunt, siue femora siue alas, aut cervicem invaserint.* Vbi Paulus dicit, bubones febribus superuenire, & sermonem coarctans, in quibus febribus, si superueniant, teterrimi sunt, inquit, *in pestilenti.* Supponit ergo pestilentem febris speciem esse. Tandem Galen. 1. in 6. de morbis vulg. comme. 29. monstrat, pestem cum febre omnino esse, ut toto illo commento videri potest. Quod si quis dicat, Hippocratem, & Galenum 3. in 3. Epid. enarrantes pestilentem illam constitutionem, dicere multos fuisse morbos cum febre, multos sine. Respondet Firmanus, multos morbos etiam non pestilentes ibi Hippocratem numerare: Ideo tex. 64. inquit: *Multa præterea febrium alia genera vulgabantur, tertianarum, quartanarum, nocturnarum, continuarum, longarum, & agarum, fastidiosarum, inconstantium.* Quare ut non omnes morbi eius tempestatis erant pestilentes, ita nec illi, qui sine febre fuerunt. Cæterum hæc sententia recta non videtur. Primum omnes morbi, quos recēset in illa constitutione, ut febres tertianæ, & quartanæ, & nocturnæ, & longæ, & ad unum omnes, verè fuerunt pestilentes: ergo, & qui fuerunt sine febre, pestilentes quoque fuerunt. Antecedens patet: nam Hippocrates, 3. lib. à tex. 9. ad 19. describit varios morbos, qui euenerunt in ea constitutione, & primum enumerat ignes sacros, febres ardentes, phrenitides, aphthas, tubercula, carbunculos: & tex. 18. inquit, aquæ intercutem, & tex. 19. tabidi multi: Tunc sic tabidi, & hydropes longius distat à morbo pestilenti, quàm febres tertianæ,

Refutatio
corum, qui
pestem sine
febrem dant
affirmant.
1. Ratio.

tianæ, & quam putredines, ex quibus caput totum glabrescebat, ac mentum ossaque denudabantur decidebantq; , quibus adiuncta aliquando, aliquando non, erat febris, vt *ibidem* inquit Hippocrates. Sed tabes, & hydrops pestis fuit: ergo inulto magis & putredo, quæ sine febre mentum ossaque denudabat, & abscindebat. Minor parer ex Hippocrate, qui postquam recensuit tabidos, & hydropicos, *tex. 21.* dixit: *Ex qualibet morborum, quos recensuimus, specie complures agrotabant & moriebantur:* vbi Gal. *Cum dicit, & complures moriebantur, pestilentes fuisse morbos, qui vulgarentur, demonstrat.* Secundo morbos, quos recensuit Hippocrates illo 3. *Epid. à tex. 9. ad 19.* qui vulgabantur ea pestilenti cōstitutione, deinceps sigillatim declarat, *à. rex. 22. ad 65.* Subdit enim *com. 21.* Gal. qui *quantiō diuersi fuerint, de singulis separatim infra acturum promittit.* Sed inter hos morbos enumerantur tam longi, quam celeres, tam sine febre, quam cum febre; & omnes dicit esse pestilentes. *Tex. enim 57.* dicit Hippocrates: *Vnoque verbo, qui longis morbis, & clacutis tenebantur, ventris vitio omnes precipue mortui sunt: cunctos, namque venter sustulit.* vbi Galenus in *commen.* *Et pestis quoque illa longissima, qua nostra atate vulgata est, ex illa, qua per alium & vacuantur, omnes prope eremit.* Ergo tam longi, quam acuti morbi omnes, ea tempestate enarrati, fuere pestilentes, quando vulgares fuerint, & maiori ex parte necantes; quod proprium est pestis 3. *in 3. Epidem. 20.* Sed dubitabis: Non videtur febres intermittentes esse posse pestilentes, cum ex Hippocrate 4. *ap. hori. 43.* quocunque modo intermittant, periculum abesse significatur. Respondeo, intermittentes febres de sui natura nec esse pestilentes, neque cum periculo, dum sporadicę sunt. Si tamē cōtingat, quod ex privato humorum vitio genita, in communis aeris perniciosum coinquinamentum incidant, accepta venenosa lue extrinsecus, pestilentes euadunt. Et quę ob propriam naturam salubres, & sine periculo fuissent, ob communem perniciem in pestilentes commutantur. Ideo dicebat Tucydides quod *si qui morbis aliis antea laborabant, hi omnes in hunc pestilentia morbum vertebantur.* Tercio Galenus totam illam tempestatem, in qua enumerat morbos cum febre, & sine, vocat pestilentem, *primo 1. Epidem. in proamio*, vbi dicit:

Atque

Febres intermittentes
num possint
esse pestilentes.

3.

Atque etiam pestilentes nonnullas tempestates descripsit, & eas de quibus in tertio lib. tractatur: Et lib. 3. in 3. Epidem. 71. continuaturus enarrationem sedecim agrorum, qui fuere post illam tempestatem, inquit: *A pestilente tempestate sedecim narrat agros, ad finem & sique libri.* Ergo totam illam constitutionem pestilentem putavit. Quarto si qui morbi erant in illa constitutione pestilentes, tales erant sine cōtrouersia erysipelata illa, de quibus dixit *tex. 9. Sacri ignes, qui maligni cum essent, multos interemerunt: & tamen loquens de eisdem tex. 25. inquit: Quorum caput horum quid tentaret his caput totum glabrescebat, & mentum ossaque denudabantur, decidebantque; multaque extiterunt fluxiones. His adiuncta aliquando, aliquando non, erat febris.* Ergo verè pestilentes affectus sine febre quandoque fuerunt. Quinto Hippocrates 3. eodem 55. ait, *Biliosa, pinguis, tenuis, aquosa:* atque ipse morbus multis eo decubuit citra febrem, & in febre. Vbi Gal. in comm. Porro multos dicit hoc morbo laborasse, hoc est, deiecisse talia: etenim etiam citra febres hoc dicit quibusdam accidisse. Respondet Firmanus, nunquam illas sine febre fuisse, sed dicit aliquando cum febribus ortas esse, interdum febres successisse, cum prius apparuissent, quam febris inuaderet. Sed recta responsio non videtur. Licet enim erysipelata quæ euenerunt, sine externa occasione, ita se habuerint ad febrem: de quibus *tex. 28. dixit: Multos autem una cum febribus, & ante febrem, atque à febre arripuerunt:* hoc tamen non fuit dictum, neque verum de erysipelatibus, quæ ex occasione inciderunt, de quibus inquit *tex. 25. Multaque extiterunt fluxiones: his adiuncta aliquando erat febris, aliquando non.* Nam antequam *tex. 28.* dicat, multos vnà cum febre, & à febre arripuerunt, *text. 27.* finiens superiorem partem dixit. *Atque vlcera, & eorum, qua occasionem habuerunt, hac fuit conditio:* Vbi Galenus: *Hactenus verba de sacro igne fecit, qui ex vlcere aliamuè ita parua ob causam externam confisit.* Post hac de ijs, qua sine tali causâ inciderunt tractabit. Igitur de posterioribus subdit, quod vel ante febrem vel post habuerunt, de prioribus tamen absolute profert *ijs aliquando erat adiuncta febris, aliquando non.* Sexto, si febris accessisset fluxionibus, de quibus loquitur *tex. 25.* falso diceret Galenus, fuisse illas magis for-

H midabi-

midabiles, quam peiores. Inquit enim Galenus: *Peiora enim erant, in quibus in profundum secessit humor, ignem sacrum efficiens, cum in viscera se & in principes partes conferens, præter alia symptomata febres etiam acutas generabat. Quibusdam tamen, quibus in superficie erat eiusmodi putredo, partes etiam citra febres marcescebant: quorum quidam hac de re incolumes præcipuè euaserunt, vitiosis humoribus simul cum ipsis partibus, quas ÷ putrefecerant, emissis.* Hæc inquam Galeni verba falsa essent, si etiam ijs, quibus ad extremas partes corruptio decubuit, febris etiam superuenisset. Implicat etiam, omnem extra corpus putredinem, cum membris ab ea corruptis, fuisse excretam, ægrotante incolumi reddito, & febrem superuenisse, quæ non nisi humoribus retentis, & corde ab eis affecto fieri poterat.

7. Septimo, perperam loqueretur Galenus, eodem 3. tex. 55. de his qui citra febrem afficiebatur, (*si eis febris superuenisset.*)

8. Non enim citra febrem affici dici possunt illi, quibus febris imminet ac superueniat. Octauo Galenus 9. *simpli- cium cap de terra samia* inquit: *Caterum bibitur ex vino albo, consistentia tenui, modicè diluto, si aut planè febre careat, aut leuiter ea teneatur: sin grauius febrat, admodum aqueo.* Hæc Galenus. Nec est vera Firmani expositio, quod illi, quibus dabatur cum vino, erant sine peste, accipiebant tamen non curationis, sed præseruationis gratia. Contradicit enim Galeno, qui inquit: *Porro in magna hac peste, cuius eadem facies fuit, atque eius qua Thucydidis memoria grassabatur, quotquot hoc medicamen bibere, celeriter curati sunt. At quibus non profuit, omnes interiere, scilicet, cum nec alio quouis iuuarentur.* Vnde colligitur quod ÷s duntaxat non fuerit auxilio, qui planè erant incurabiles. Caterum bibitur ex vino albo consistentia tenui, modicè diluto, si planè febre careat, &c. Ergo omnia, quæ hic tractat, ad vnicam refert curationem. Adde quod quando de curatione, & præseruatione simul loquitur Gal. vtriusque distinctè meminit, non solius curationis, & fecit lib. de ther. ad Pamphilianum, cum dixit: *Tunc itaque ex ÷s qui ægrotabant, quàm plures assumpta theriaca conualuisse: paucos in quibus vis morbi nimium inualuerat, occidisse: reliquos omnes, quos nondum pestis occupauerat, non modo & riculum euasisse, sed ne in morbum quidem incidisse.* Eodem modo

modo loquendi vsus est Galenus lib. de theriaca ad Pisonem cap. 16.

Horatij Augenijs responsiones, qua impugnantur.

C A P. XXXIII.

Respondet ad loca Galeni, & Hippocratis alio modo Horatius Augenius parte 2. *suarum epistolarum epist. 24 lib. 4.* Inquit autem, quod cum proposuimus Hippocratis 3. Epidem. 25. fuerit agere de erysipelate pestilenti; illius occasione egit quoque de alijs fluxionibus, qua fuere sine febre. Id eo dicit, multaque exstiterunt fluxiones, ijs adiuncta aliquando, aliquando non erat febris. Sed tales non fuere pestilentes: nam subdit, (erant autem hac formidabiliora, quam deteriora.) Sed cur inquit Augenius, non erant mala, si erant pestifera? si affectus pestilens omnis perniciosus est? si maiori ex parte occidunt? Rursus subdit, quibus enim ad supurationem horum maturatio peruenit, plurimi horum seruabantur. Sed pestis magna ex parte lethalis est: Ergo ille affectus sine febre, pestilens non erat. Cæterum hæc responsio mihi dubia est. Primum enim non videtur, Hippocratem per illas fluxiones, diuersas intellexisse ab ijs, quæ erysipelata pestilentia produxere. Nam cur dicit multas fluxiones? dixisset potius alias fluxiones, si diuersas ab eis significare voluisset. Mox tum ibi, tum in omni illa enarratione Hippocrates nomine fluxionis perpetuo intelligit flauam bilem, putridam, malignam, facientem erysipelata, corruptentem membra, vagantem per diuersas corporis partes, quæ dum vergebat ad interiora, febrem producebat; dum ad exteriora, membra sine febre amputabat. Ergo tam quæ sine febre, quam quæ cum febre erat fluxio, eiusdem maligni humoris soboles erat. Hoc patet ex Galeno, qui tertio eodem com. 9. inquit: Sacrum ignem didicisti à biliosa fluxione oriri: & ostendens omnes illius constitutionis fluxiones fuisse perniciosas, subdit; At non erat nunc talis, qui sacrum ignem excitauit, humor, sed malignus, qui eroderet putresceretque. Et tex. 22. Multis sacer ignis cum occasione ex quibuslibet admodum paruis vlnusculis vndique depascebatur. Et tex. 23. Plerisque itaque horum in suppurationes abscessus contigerunt, atque carnis multum & ossium neruorumque decidit. Vbi Gal. malignitas, inquit, abundantis humoris

ex magnitudine constitit putredinis. Et tex. 24. *Erat autem illa fluxio, qua collecta erat, non assimilis puri, Verum alia quapiam putredo, ipsaque fluxio multa & varia.* Et text. 25. *At vero quos inflammatio reliquit & sacer ignis, nec talem abscessum effecit vllum, hi frequentes perierunt.* Ergo idem humor erat, qui ad varias corporis partes fluebat: quæ fluxio diuersas partes, quas petebat, corrumpibat: eadem tamen erat maligni humoris putrefacientis, pro variorum locorum diuersitate diuersos effectus producentis. Totum hoc confirmat Gal. *comm. 24.* vbi inquit: *At Variam esse fluxionem propter putrescentium diuersitatem, ratio erat. Nam à communi putredinis causa, singula putrescentia peculiarem obtinent corruptionis speciem.* Et rursus, *com. 25.* *Oberrabat enim inquit, & ipse vocauit, fluxio, per totum corpus, hoc est, temere nulloq; ordine & casu vagabatur, & præsagire Medicus arte, quo esset decubitura, non valeret.* Ergo non erant fluxiones diuersorum humorum, sed eiudem, ad loca tamen diuersa, maligni ac pestilentis. Præterea, etiam si gravis cōcedamus Augenio, diuersorum humorum diuersas fluxiones illas fuisse, omnes tamen pestilentes fuere. Nullam enim earum dicit Hippocrates, non esse malam, ut credidit. Si quæ enim fluxio mala non fuisset, ea cerrè foret, quæ existit sine febre: perniciofa tamen hæc fuit. Quomodo enim non fuit perniciofa fluxio, si per eam, ut ibi dicit Hippocrates, multis brachium, vel totus cubitus decidit? si quibusdam hæc anteriora lateris afficiebant, vel posteriora? nonnullis totum femur, vel tibie denudabantur, pesque totus? Sed erant, inquit, formidabiliora quam deteriora, quia licet mala, & perniciofa fuissent, non tamē enecabant. Dicit ergo, non erant pestilentia, quia non enecabant. Falsa est consequentia. Primum: nam ægrorum, quibus hæc euenire, non euasere plurimi, sed aliqui. Dicit enim Gal. *comm. 25.* *Quorum quidam hæc de re præcipuè incolumes euaserunt:* quidam vero maior pars non sunt. Secundo, pestis est communis morbus multos inuadens, & occidens nō omnes, sed maiorem partem, 3.3. *Epid. 20.* Valeret nē ergo dicere, minorem partem, quæ nō occubuit, peste non fuisse correptam? Certè tunc non plerique, sed omnes ad vnum deberent mori, ut pestis fieret. An ideo pernicioso morbo correpti, pernicioso morbo nō laborarūt, quia

Pestis communis morbus.

quia mortui nō sunt? Galenus tamē vult lethales esse mor- *Lethales*
 bos, non modo qui omnes omnino enecāt, sed qui magna *morbi nō qui*
 ex parte, vt *6. aphor. comm. 18. de Smyrna Ioniz* in cerebro *omnes, sed*
 vulnerato refert, quod confirmat *1. de v. sup. par. c. 10.* Ita nec *qui magna*
 fuisset febris pestilens illa, de qua Galenus *3. de prasag. ex*
pul. c. 3. inquit: *Nam quibus calor hic putredinosus ad humo-*
res, quos continent cordis sinus, magis deflexit, multi horum
fuerunt superstites: Et tamen illa fuit pestis, vt ibidem Gale-
 nus explicat, cum dicit: *Qui sanē affectus vel optimos medi-*
eos fallunt: quod nunc quoque in maxima pestilentia accidit.
 Adde quod in constitutione tertij Epidemiorum, si o-
 mnes simul conferantur, & qui cum febre, & qui sine ery-
 sipelata passi sunt, licet multi euaserint, quibus ad extrema
 corporis humor defluxit sine febre, plurimi tamen in vni-
 uersum obiere: Demonstrat hoc Hippocrates *3. eodem, 9.*
 proponens istam constitutionem, cum dicit; *Ante ver vna*
cum frigoribus consecutus, sacri ignes multi hos cum occasione
affecerunt, illos non; qui maligni cum essent, multos intereme-
runt. Rursus dicit Augēnius: *Quis imaginabitur erysipelata*
sine febre esse? Et si cum erysipelate gignitur inflammatio,
 quomodo erit sine febre? Et tandem si sit abscessus & gangra-
 na, absurdum est imaginari, fieri sine febre. Ad hoc respon-
 deo, Galeni verba auferre imaginationem Augēnio, quæ
 hæc sunt: *Piora erant, in quibus in profundum secessit hu-*
mor ignem sacrum efficiens, cum in viscera se & in principes
partes conferens, præter alia symptomata febres etiam acu-
tas generabat. Quibusdam tamen quibus in superficie erat
 eiusmodi putredo, partes etiam citra febres marcescebant:
 quorum quidam hac de re præcipuē incolumes euaserunt,
 vitiosis humoribus simul cum ipsis partibus, quas ij putre-
 fecerant, emissis. Hæc Galenus. Possunt ergo cum gangræ-
 na, tum abscessus, & inflammationes etiam sine febre fie-
 ri in extremis corporis partibus, à corde remotissimis,
 præsertim si & membra, & humores simul computres-
 cant, & decidant. Præterea nec rectè videtur dicere, cum
 subdit Augēnius explicans *sex. 55.* Hippocratis: citra fe-
 brem morbos decubuisse, non quod febrem non habue-
 rint, sed quod cessasset febris, diarrhæa illa superuenien-
 te Tunc enim falso diceret Hippocrates, atque ipse mor-
 bus multis eo decubuit citra febrem. Non enim est citra

Gangrana
 Et inflama-
 tiones etiam
 sine febre fie-
 ri possunt.

*Morbui ci-
tra febrem
qui dicēdus.*

febrem morbus, qui illam in vigore habuerit, si in declinatione non habeat. Sed citra febrem est, qui nullo tempore sui progressus illā sit expertus. Alioquin sequeretur, quod omnis febris, quę terminatur ad salutem, dici posset morbus sine febre: definit enim prius febris, quā æger sanus dicatur. Adhæc pus fieri diceretur sine febre, quoniam cessat febris pure confecto, 2. apho. 47. Ad extremum licet in illa constitutione varia fluxionum morborum, & symptomatum genera referantur, omnia tamen propter communem causam aëris pestilentis, fuere pestilentia: omnia enim fuere lethalia, maiori ex parte. Monstrat hoc Gale. com. 56. cum inquit: *Nam nihil cōtulisse ita affectis remedia, etiam si ille nihil dixisset, in aperto est: Si quidem cum multi morerentur, nullius erant & suis omnibus illis auxilia.* Et Hippocrates tex. 57. *Unoque verbo, inquit, qui longis morbis, vel acutis tenebantur, omnes Ventris vitio præcipue mortui sunt: cunctos namque Venter subtulit.* Et text. 58. *Omnesque, inquit, in quos equidem tunc incidi, cibum, quocunque detinebantur prædictorum morborum, fastidiebāt: multi autem maxime ij, & qui ex his erant, & qui ex aliis perniciosè se habebant: vbi Galenus, Etenim inquit, hoc symptoma omnes caput, qui in peste diuturna, qua modo viguit, laborabant.* Adhæc in sauis pestilentijs plurimi derepente moriuntur sine febre. Plutarchus in vita Romuli inquit: *Ex hoc pestis inuasit Urbem, qua hominibus absque ulla agrotatione subitas mortes inferret* Dionysius Halicarnassensis lib. 2. Zonaras 2. annalium idem confirmant, & Agathinus lib. 5. de bello Gothorum ante medium, pestem narrat, quæ sine febre eum apoplexia infra diem quartum enecabat. Horatius Angenius inquit; *Qui tempore pestis ambulantes, ac solita vita munia obeuntes derepente moriuntur, ephemera pestilenti sublatis sunt, analogiam habente ad spiritus aëris & veneno.* Cæterum licet detur ephemera pestilens, contingit tamen sine omni febre quandoque mori homines derepente, veneno aëris inspirati, innati caloris spiritus, & substantiā demoliente peculiari antipathia, toto genere, non manifesta qualitate contratio. Hoc obseruauit Iacobus de Partibus Medicus, qui super 1. sem. 4. Auice c. de febre pestilenti, refert, in peste sui tēporis interdum ægros ad ipsum cum vrinis accessisse, quos tangebāt, & inueniebat sine febre, sine

*Ephemera
pestilens nū
datur.*

*Pestes sine
febre obser-
uata.*

bre, sine vilo graui symptomate: qui tamen aut statim moriebantur, antequam discederent ab ipso, aut paulo post. Ita obseruauit Alexander de Benedictis, libro suo de peste c. 2. qui dicit; *Sine febre inter domesticas vel forenses actiones, aut publica negotia decem horarum spatio, sine vrina pulsusque certo signo, in templis, in via ex insperato moriebantur.* Ita Mercurialis vir nostrorum temporum celeberrimus, in suis lectionibus de peste cap. 18. Hoc, inquit, dico ut plurimum contingere; quia etiam interdum a veneno prius ingulantur homines; quam tempus, & locus concedatur putrefactioni, & accensioni: atque tunc mortes contingunt subitanea sine vilo signo, sine vilo symptomate, quemadmodum aliqua conspecta sunt in hac constitutione. Si obseruationes clarissimorum virorum, ut par est, non denegentur, certè mortui sunt sine febre ephamera. Primum in ephamera pestilenti non est pulsus bonus, & vrina bona, nec pulsus sano similis: id enim hecticæ pestilentis est, ut notat Galen. 3. de prasag. ex pul. cap. 3. & 4. Secundo ephamera pestilens fit spiritibus vitalibus à calore febrili incensis, & à qualitate venefica dissipatis: ergo saltem erit cum syncope. Inquit enim Galenus 12. meth. cap. 5. *Alteratio vero in spiritu, tum ex vitiosis provenit succis, tum ex ambientis aeris malitia, qui alias alia de causa in hoc est mutatus.* Præterea venenatis facultatibus, aut animalium, qua virtus eiectant, venenis Et paulo post; In omnibus, inquit, eiusmodi casibus manifestè videntur agrotantes, tum animo linqui, tum viribus resolui: nonnulli vero, ut dictum est, etiam mori. Hæc Galenus: & Fernelius 2. de abditis rerum causis cap. 12. de ephamera eadem inquit, *Ea nec ardore mordax, nec siti vehemens, qua nec laborantes se febrire credunt: non vrinis, sed vel animi defectione, vel syncope, vel pulsu paruo & presso, vel assidua vomitione, vel vigilis, in quiete, & inactione corporis, viriumque prostratione conspicua.* Hæc ille. Cæterum sine syncope moriebantur, si clarissimis Medicis, Iacobo de Partibus, Alexandro Benedicto, Hieronymo Mercuriali, fides est habenda: Ergo ephamera mortui non sunt. Nec hecticæ pestilens esse potuit: illà enim cognouissent, ut illam cognouit Galenus, qui 3. de prasag. ex pul. c. 3. inquit: *Animadvertimusque eos primis statim diebus & pestilentia laborare, &*

*Putredine
rum homi-
nes interire
possint, etiā
sine febre.*

*pestimè affectos esse ex acredine caloris, atque ipsa caloris spe-
cie, denique quod pulsus parum præter naturam immutati
ijs in eo statu perpetuo maneant: nam in specie præcipuè hec-
ticarum, quas vocant, febrium incidunt huiusmodi pulsus.*
Ergo prorsus sine omni febre, morbo tamen pestilenti ve-
nenoso, mortui illi sunt. Nec est quod dicant Massaria, &
Angelutius, fieri quandoque putredines adeo vehemētes,
ut eius vaporibus eleuatis ad cor, prius homines intereāt,
quam febris accendatur. Nam vel illa vehemens putredo
extinguet calorem innatum corporis sua vi totius substā-
tiæ deleteria, ac septica, vel sua manifesta qualitatē putre-
dinosa. Si primum dicant; ergo non ut putredo, sed ut ve-
nenum, ab excellenti putredine genitum, ad spiritus ana-
logiam habente, sua peculiari antipathia interficiet, sine
febre, prout venenis cōtingit. Si secundum affirmēt, qui
venenum præter putredinem non admittunt, tunc neces-
sario febris fiet, antequā homo moriatur. Euidēs est ratio:
nā si qualitate manifesta putredinosa mors inducitur, o-
portebit calorem cordis innatum mutari prius in igneum,
quam ut nimio incendio intereat: mutari enim necessario
præcedit mutatū esse. Ergo in illo mutari febris concitabi-
tur. Gal. enim 1. in 6. Epid. com 29. inquit: *Febrium vero essen-
tia est, non secundum Hippocratem modo atque præclarissimos
Medicos, sed etiam secundum communē omnium hominū no-
tionem, præter naturam caliditas, maximè quidem in totū a-
nimal effusa: sin minus ac omnino, vel in plurimis partibus,
vel in nobilissimis accensa.* Igitur esset febris ante mortē il-
lorum necessario: cuius oppositum experimentum, & cla-
rissimorum medicorum obseruatio demonstrauit.

Hieronymi Mercurialis responsio, qua euertitur.

C A P. XXXIII.

*H*ieronymus Mercurialis in suis lectionibus de peste
cap. 27. alio modo respondet ad auctoritatem Hip-
pocratis 3. in 3. Epi. & Galeni ibidem, & ubique videtur af-
firmare pestē sine febre. Inquit enim, duplicem esse febrē,
vel exiguam, vel insignem. Exiguam vero quandoque ad-
eo esse, ut vix illa appareat. Potest igitur, inquit, esse pestis
sine febre, insigni quidem, at omnino sine omni febre non
potest, in quē sensum, subdit esse intelligendū Hippocra-
tem, &

*Pestis quo-
modo sine fe-
bre dicitur,
secundum
Mercuriale.*

tem, & Galenum, vbi dixerint illi, pestem sine febre fuisse, purā sine febre insigni, ac vehementi, non tamen omnino sine omni. Verum salua tanti viri autoritate, Galenus aperte distinguit febrem, tam grauem, quam leuem; ab iis, qui omnino sine febre in illa pestilentia laborarunt, lib. 9. *simpl. c. de terra samia*, vbi inquit: *Caterum bibitur ex vino albo, cōsistentia tenui, modice diluto, si aut planē febre careat, aut leuiter ea teneatur. Sin grauius febriat, admodū aqueo.* Ergo quando dicit, cum febre, & sine, non intelligit cum graui, & leui. Ad hæc Galenus per febrem leuem in peste non intelligit leuem, quo ad essentiā, aut magnitudinem, aut modum, aut morem: repugnat enim esse leuem quo ad hæc, vel horum quodvis, & esse pestilentem: pestilens enim est pernicioſa lethalis, & contagioſa: Sed leuem intelligit, vel quia ob validas vires, & leuem humorū apparatus, paucam impressionem in aliquo indiuiduo cauſſa pestilens effecerit, & leuem febrem in eo inuexerit, ob quod nec omnes peste correpti intereunt: & his Gale. bolum armenam dabat cum vino: Vel leuē quo ad calorem externum. Ideo subdit: *Non enim calore vehementes sunt febres pestilenciales.* Ideo 3. de prasag. expulſ. c. 3. inquit: *Qui sanē affectus, vel optimos medicos fallunt, quod nunc quoque in maxima pestilentia accidit.* Et paulo post: *Si qui essent inter agrotos, qui se negarent febricitare, his febris, occupato ipso cordis corpore, plene erat confirmata, & in habitu.* Caterum irrationabile est, velle Hippocratem, & Galenum has febres mites exterius, & vix apparentes, dicere febres nō esse, & eis correptos vocare sine febre, cum de his dicat Galenus ibidem: *Quidam inde ab initio ad finem & ſque, aliq̃ per totum morbum, probum pulsum habebant, qui quidem præter ceteros perierunt.* de quibus primo in 6. Epidemio, 29. inquit. *Atque iccirco neque calidi, & perurentes, qui peste laborabant, tangentibus videbantur, quamuis interius magno flarent incendio: quemadmodum & Thucydides aiebat: & exterius quidem tangenti corpus neque valde calidum erat.* & paulo post: *Interiora autem ita crebantur, & neque valde subtilium vestimentorum, neque linteolorum velamentis, neque aliud quicquam præter nuditatem ferre possent.* Et Auicennas prima scē. 4. c. 2. *Hac febris est quæta exterius, conturbans interius, secundum plurimum perdens.* Igitur

*Reprobatur
reſponſio
Mercurialis.*

*Galenus
quid per fe-
brem leuem
intelligat.*

quocunque horum modorum leuiter & exigue ita febricitare aliqui videantur in peste, vt vix eorum febris exterius appareat, tales sine febre esse, nulla ratione potuit dicere, nec omnino dixit vnquā Hippocrates aut Galenus.

Opinio propria, & oppositarum difficultatum expl. catio. CAP XXXV.

*Febris ad
pestis essen-
tiam non
simpliciter
necessaria.*

Dicimus ergo, febrem ad veræ pestis essentiam simpliciter necessariam non esse, sed omnem morbum epidemicum, lethalem nempe, qui multos inuadat, & plurimos occidat, pestem fore. Quando igitur Hippocrates lib. de flatibus, diuidit omnes febres in communes & priuatas; & communes dicit esse pestem, vltro cōcedimus: febris enim in vera peste quæcunque sunt, communes sunt: hoc tamen conuertibile non est. Vt enim non potest esse febris verè pestilens, cum peste, quin sit communis: sic non oportet omnem communem morbum pestilentē febrem esse. Sed Augenius insurgit: In omni diuisione, inquit, tria requiruntur: Primum, quod natura rei diuisa insit in omnibus membris diuidentibus: Secundum, vt membra diuidentia simul sumpta, adæquent naturam generis; Tertium, quod nullum ex membris diuidentibus excedat rem diuisam. Sed Hippocrates diuidit febrem in communem, & priuatam, & communem dicit esse pestem: Ergo non datur pestis, quæ febris communis non sit. Caterum si cōcedamus Augenio, suas istas cōditiones competere omni essentiali diuisioni, profiteamur hanc diuisionem Hippocratis in libro de flatibus neque veram diuisionem esse, per differentias essentielles, & specierum constitutiuas; sed famosam quandam enumerationem, cui diuisionis cōditiones non competunt. Quod vel hoc argumento conuincitur: Species enim constitutæ per differentias essentialiter genus diuidentes, non permurantur ad inuicem, vt vna in alterius naturam transeat: rationale enim nunquam permutari potest in irrationale, & è conuerso. Sed febris priuata aliquando euadit communis, vt si contagione propagetur ab vno ad multos: febris enim pestilens sine peste sporadica, si contagione populum apprehēdat, epidemica fit. Diuisio ergo febris in communem & priuatam, essentialis non est. Rursus essentialis febris diuisio sumitur

*Diuisionis
requisita.*

*Febrim di-
uisio Hippo-
cratis qua-
lis.*

*Essentialis
febris diuisio
unde summa-
tur.*

mitur per differētiās à natura caloris desumptas, vt accepit Hippocrates 1. in 6. Epid. 29. vbi de communi & priuata non meminit. Diuiditur non minus penes subiectum. cui inest; & in hunc modum diuidit febrem Gal. 1. de diff. feb. in hecticam, humoralē, & ephemeram, penes & partes corporis, continentes, contentas, & impetum facientes. Sed concedamus Augenio gratis, Hippocratis diuisionē in lib. de flatib. esse essentialē, & cōpetere illi conditiones quas assignat, vt omnis febris, vel cōmunis sit, vel priuata, & ab iis nullam inueniri: certe dum subdit Hippocrates pro febris cōmunis explicatione pestem, dicimus illud esse exemplum non vnius speciei cōuertibilis, sed indefinitæ ad intelligentiam nostram, quod exemplū regulis illis nō subiicitur: alioquin falsum omnino proferret Hippocrates, Non enim est conuertibiliter verum, omnem febrē communem esse pestem, dantur enim communes febres, quæ perniciosæ non sunt. Ergo nec è conuerso verum erit, omnem pestem esse febrem communem: & ita datur communes morbi pestilentes sine febre. Obseruauit autē Hippocrates multas febres cōmunes non pestilentes 2. in 1. E. Multas febres pid. 15. 16. 17. & 18. retulit & vulgares febres etiā malignas communes 1. in 1. Epid. 24. quæ tamen pestilentes non fuere. Subdit. n. non pestilentes. 1. cod. 37. Inter omnes, quorum fecimus mentionem in hac tētes. pestate, solis tabidus lethalis acciderūt: febricitantib. alia febre nequaquam. Et 2. in primum Epid. 43. de febre illa vulgari loquens, inquit: Atque hi superstites omnes fuerunt, nec vllum horum perisse cognoui. Ideo Galenus 1. acut. com. 9. dicit, non omnes communes morbos esse pestem, sed cōmunes perniciosos; quod confirmat 3. in 3. Epid. 20. Nec febris est de essentia pestis: ideo Galenus & Hippocrates, nullibi in explicanda pestis natura meminerunt febris; sed morbi communis magna ex parte occidentis. Neq; alicuius morbi peculiaris, propriū nomen est pestis, sed cuiuscunque si hoc habeat, vt multos inuadat, & plurimos occidat, vt ibidem subdit Galenus. His addi potest, Hippocratem libro de flatibus, Galenum primo in sextum Epidemiorum 29. & Paulum libro 4. capite 22. loquutos fuisse vt medicos, qui proferunt vniuersaliter id, quod contingit magna ex parte: quam regulam. esse Hippocratis, refert Galenus 6 aphorism. commen. 58

cum

Febris non
est de essen-
tia pestis.
Pestis nomē
non est pro-
prium ali-
cuius morbi
peculiaris.

cum dicit: *Commune siquidem est huic aphorismo, cum aliis ab Hippocrate dictis, ut perpetuum quiddam ex figura dictio- nis ostendatur: quamuis res ipsa non semper eodem modo eue- niant, sed licet raro, interdum etiam aliter accidant.* In cen- dem sensum Hippocrates in eodem lib. de flatibus, subdit, febrem omnium morborum esse comitem: quod si secus acciperetur, falsum omnino esset. Multi siquidem morbi sunt, qui febrem non modo non habent comitem, sed illa superueniente soluuntur, ut docet Hippocrates 6. in 6. *Epi- dem.* 7. & 5. *aph.* 5. Ad rationem Firmani, quæ erat, possi- bile non videri, morbum esse valdè acutum lethalem, & cor putrefacere excellenti putredine, pestem esse, & esse si- ne febre; Respondeo, necessarium non esse, ut peccatis fiat, cor perpetuo affici putredine, sed veneno; siue in corde e- ius focus, siue alibi positus ad cor venenosos vapores de- mandet: & hoc vel actu venenum cor afficit, si debet ani- mal enecare: vel aptum est sua venenosa antipathia cor afficere, ni ad extima propellatur, ut patet de illis, quos re- fert Hippocrates 3. in 3. *Epidem.* Nec est necesse, omnem vehementem cordis affectum etiam necantem cum febre esse: sic enim & in omni syncope esset febris, & omne ve- nenum deleteriũ, cum febre necessario interficeret: quod non est verum. Nec est necessarium, omne venenum, quod ad cor suos vapores mandat, omnino enecare. Quid e- nim si in pauca sit quantitate? quid si in virtute propellẽ- te valida? quid demum si in corpore ad recipiendum non disposito? certe non interficiet, ut patet ex Galeno 3. *simp.* 23. & 1. *de diff. feb.* 4. Nec omnes vapores eleuatos à putre- dine alicuius partis (etiam si ad cor perueniant, & calo- rem in illo febrilem incendunt,) putredinosos deferri ne- cesse est, ut patet ex Galeno 1. *de diff. feb.* 5. Ad Pauli autho- ritatem dico, quod licet responsio ex dictis sit manifesta, tamen si intimius aduertant illorum sententiam, ea plane euertit. Inquit enim: *Febris autem superuenientes, qui plurima parte ex pestilentiali lue solent incidere.* Ergo febres ex lue pestilentiali plurima ex parte contingunt, non omni- no: neque vero tubercula omnia solis contingunt pesti- lentib. febribus, sed sæpe etiã sine febre. Hippocrates 1. *ins.* *Epid.* 10. dicebat: *Tubercula vero multis secundũ alterutram autẽ, plurimis secundum utramque extiterũ febre carebãt.*

DISPV.

*Obiectio Fir-
mani.*

*Non omnis
affectus cor-
dis vehemens
cum febre.
Non omne
venenum e-
necat, &
cur.*

DISPUTATIO IX.

An omnis morbus acutus necessario sit cum febre.

Opinio Horatii Augenij. CAP XXXVI.

Verum rursus insurgit Augenius lib. 4. epist. parte 2. epist. 24. & inquit, non dari pestem sine febre. Cum enim sit pestis velocissimi motus, ac valdè magnus affectus, erit necessario morbus acutus: cum hæc acutum morbum constituent, ex Archigene referente Galeno 2. de diebus decretoriis cap. Cæterum omnes acuti morbi cum febre sunt, ex Galeno 3. de diff. resp. cap. 9. ubi inquit: Verum ipsi propositum est, in pramotionibus, de his qui propriè acuti nominantur, facere sermonem: sunt autè tales qui omnino cum febribus continui sunt, vel, ut ipse in libro de victu acutorum ostendit, sic scribens: Sunt itaque hi acuti, quales veteres nominaverunt, pleuritis, & peripneumoniam, & phrenitism, & causeron siue febrem asnuantem, & alij quicumque his consimiles, quorum febres omnino sunt continuæ. Hæc Galenus. Subdit Augenius: Postea vero Galenus, ut ostendat, acutos morbos, qui febre continuam non habent, propriè acutos non esse, sic inquit: Nequaquam igitur convulsiones humani morborum generis sunt, unde neque propriam ipsorum respirationis difficultatem simul cum his recensuit, quemadmodum neque de urinis, aut egestionibus, aut aliis omnibus, quæ in aphorismis scripsit, propterea quod acutorum morborum propria non erant. Ex his ergo Galeni verbis manifestum videtur, convulsiones, & alios morbos sine febre propriè acutos non esse. Præcrea 1. aph. com. 7. inquit: Nunc id tantum dixisse sat erit, quod si quis propter inflammationes vel febres (quæ a morbis acutis sunt inseparabiles) quispiam veretur essatu dignum asserere alimentum. Nec est, inquit Augenius, quod dicant, voluisse Gal. quod si morbis acutis febris accidat, illa sit inseparabilis, id est continuæ, non autem quod sine febre esse non possint. Intermittentes. n. febres acutis morbis non possunt cōtingere; nam inquit: Morbi quidam sunt propriè acuti, & tales habent febre continuam necessario: Quidam sunt impropriè acuti, & ratione partium acuti dicuntur, qui nullam febre habent, ut apoplexia, convulsio, epilepsia, cholera. Ad extre-

Morbum acutum quæ constituent.

mm,

num, inquit, necesse verum, morbos acutos improprie coniungi non posse cum febre intermittente. Obseruaui etenim, inquit, quater in principio accessionis tertianæ exquisitæ cardialgiam, & epilepsiam. Et aphorismus 26. 2. particular, qui de febre & conuulsione loquitur, non minus continuam intelligit, quam intermittentem.

Opinionis Augenij confutatio, & propria confirmatio. C A P. XXXVII.

Verum hæc sententia viri doctissimi recta non videtur. Primum autem quoniam locum Galeni 3. de diff. resp. c. 9. putat Achilem suæ sententiæ, illū examinemus. Igitur Gale. e o loco de morbis acutis non affirmat absolute vt ipse sentit, sed secundum modum loquendi Hipp. Dicit. n. velut ipse de victu acutorum ostendit sic scribens, & refert verba Hipp. quæ retulit 1. acut. octauo. Ergo in eum sensum profert, acutorum morborum febrem esse continuam, & conuulsionem eius generis morbum non esse, quo sensu loquutus est Hipp. loco allegato. Sed ibi Hippo. hæc profert non de sui sententia, sed ad mentem antiquorum: inquit enim: *Sunt autem acuti morbi, quos præsci nominatim perstrinxerunt, pleuritis, peripneumonia, phrenitis, lethargus, causus, & quicunq; alij hos consequuntur morbi, quorum febres prorsus continuæ interficiunt.* Hæc Hippoc. Quam sententiam Hippocratis propriam non esse monstrare facile est. Primo Hippoc. 5. aphor. 6. inquit: *Quicunq; à dissentione corripuntur, in quatuor diebus pereunt.* vbi Galen. in comm. inquit: *Dissensio Græcè τὸ λυγρόν, morbus per acutus est.* Ergo conuulsio non est morbus acutus improprie. Sed hæc conuulsio non modo sine febre fit, sed febre superueniente soluitur: vt docet Galen. 6. in 6. Epid. 8. cum dicit: *Quænamadmodum quartana comitalem facit, & febris quæq; conuulsionem.* Ergo rectè dictum non est, conuulsionem improprie acutum morbum esse. Non minus & peracutum morbum sine febre dari est manifestum. Rursus Gal. 5. aphor. 30. inquit: *Si enim sit febrilis morbus, necesse est ipsum febres habere continuas: talis enim est morbus acutus.* Et paulo post: *Sic & si absq; febre aliquis alius morbus acutus fiat, veluti morbus comitalis, morbus attonitus, quem Græci δῶρα πλῆξις vocant, conuulsio, dissensio: propter magnitudinem morbi, & acutiem, impossibile est laborantem euadere.* Hæc Galenus

In quo

*Conuulsio
morbis acuti
tus.*

*Dantur
morbi acuti
etiam sine
febre.*

In quo aphorismo inquit Hippocrates: *Mulierē &tero gerentem capi vbi aliquo acuto morbo lethale est.* Ergo si acuti sine febre improprie acuti sunt, perperam de istis Galenus esset aphorismum interpretatus. Falso non minus diceret, vtero gerentem impossibile esse euadere, laborantē apoplexia, cōuulsione, & distensione, propter magnitudinem, & acuticiem morbi. Rursus 1 progn. 25. cum dicit Hippocrates: *spirationis autem facilitatē existimari oportet, per quam magnam vim habere ad salutem, in morbis omnibus acutis, qui cum febre sunt, & in quadraginta dieb. iudicantur.* Gale. in comm. inquit: *At vero cum duplex genus horū habeatur: siquidem nonnulli simpliciter, ac primis vocantur acuti, quidam ex conuersione: de & trisq. indicauit, dicens: Qui cū febre sunt, & in quadraginta dieb. iudicantur. Adiecit .n. qui cum febre sunt, & eos a conuulsione, & tetano, idest distensione nervorum, & cholera distingeret, & quicunq. alij morbi sine febre acuti sunt.* Hæc Galenus. Adhæc, cum dicit Hippocrates 2 aphor. 42. *apoplexiā forte soluere est impossibile, debile vero non facile,* inquit Galen. in com. *In apoplexiis totū corpus repente sensu priuatur, ac motu, solum restat anhelitus: qui si & ipse prohibeatur, maxima est, & acutissima hæc apoplexia.* Hæc Galenus. Apoplexiam veto soluit febris: de ea enim inquit Hippocr. 6. aph. 51. *In septē dieb. pereunt, nisi febris apprehenderit.* Ad hæc Galen. 2. aph. 19. *Acuti morbi,* inquit, *præter id, quod celeriter iudicantur, statim etiam magnitudinem habent.* Et mox: *Duplex autem est acutorū morborum natura: Velenim ab humorib. calidis solis, qui nullum obsedere locum, sed æqualiter in omnibus animalis partibus sunt: Vel loco aliquo patiente fiunt, & morbo laterali, pulmonis inflammatione, angina: febresq. & plurimum in acutis morbis sunt continua.* Rari enim sunt ex ipsis, quibus febres non adsint, & attonitus morbus, quem Græci apoplexiam vocant. Hæc Galenus. Auctor introductorij capituli. 13. inquit: *Acuti quidem hi: phrenitis, febris ardens, angina, pleuritis, peripneumonia, cardiacus affectus, regius morbus, cholera, coliculus, colicus dolor, apoplexia, tetanus, opisthoronius, emprosthoronius.* Auctor definitionum medicinalium inquit: *morborum alij acuti sunt, alij peracuti, alij diuturni. Acuti sunt: pleuritis, lethargus, phrenitis, Peracuti: Gynanche,*

Duo genera acutorum morborum.

Acutorum morborum natura.

Morbi acuti qui.

apo-

Non omnes morbi acuti cum febre. *apoplexia, cholera, etanus, & his similes.* Manifestum igitur est, ex iis non solum illos esse acutos, quos veteres nominatim perstrinxere, quibus febres sunt inseparabiles, & continuæ: sed alios sine febre, quos & valdè acutos esse voluerunt Hippocrates & Galenus. Secunda responsio dari potest ad locum Galeni 3. de diff. respirationum, & aphorif. 7. quam affert Cardanus, & est ferè communis, loqui nēpe Galenum more medico. Consuevere namque Medici,

*Conclusio-
nem quomo-
do morbum
acutum non
esse dicat
Galenus.*

quicquid magna ex parte contingit, absolute, & vniuersaliter pronunciare, vt ex Gal. 6. aphor. com. 58. supra monstrauimus. Adhæc quando Galenus 3. eodem affirmat, conuulsionem nequaquam esse de genere morborum acutorum, non de eius insultu, & accessione intellexit, quæ vt tetani, sic & apoplexiæ, & epilepsiæ acutissimus est affectus, sed ad eius dispositionem, & causam respexit. Fit enim a crassis, leuitis, ac frigidis humoribus, qui difficilem habent resolutionem; opus enim est & temporis diuturnitate, permutatione locorum, & ætatis, vt de epilepsia dixit Hippocrates 2. aphorif. 45. & 5. aphorif. 7. In quem sensum Galenus 6. aphorif. 47 dicit: Eodem modo & sanguinis spuitionem, morbum comitalem, apoplexiam, melancholiam, & alias huiusmodi diuturnas passiones. Hinc Galenus dixit, conuulsionem non esse eius generis morborum, cuius dixit esse peripneumoniam, pleuritidem, phrenitidem, & febrem ardentem. Nam vt ipse explicat 1. crifim. c. 4. Febris ardens, & morbus lateralis, & inflammatio pulmonis, brevis temporis habent principium: morbus autem comitialis, & articularis, & coxendicum, & renum passiones, longi temporis. Non tamen ex hoc negauit vnquam, morbum comitalem, & conuulsiones non habere insultus acutos, & maximè periculosos. Postrema assignari potest responsio, quæ est Rorarij, & ferè communis, quod morbi acuti, quicunque sibi febrem adiungunt, illam necessario adiungunt inseparabilem, non tamen omnes morbi acuti febrem sibi adiungunt necessario. Quando ergo dicit Galenus, febres ab acutis morbis esse inseparabiles, intellexit febres acutis morbis contingentes esse continuas. Seipsum declarauit Galenus 2. aphorif. 19. dicens: *Febres, & prius. num in acutis morbis sunt continuæ. Rari enim sunt ex ipsis, quibus febres non adf. nt, & morbus attonitus, quem*

Graci

Graci apoplexiam vocant. Nec est, quod dicat Augenius, quosdam esse acutos propriè & exactè, quibus perpetuò est febris; quosdam impropiè, qui ratione partium acuti dicuntur, quibus nulla est febris continua, licet intermit- tens esse possit. Recta siquidem responsio nō videtur. Pri- mùm, Galenus nullibi diuisit morbos acutos in propriè a- cutos, & in acutos impropiè. Ideo li. 3. de diff. respirationis, cum dicit, propriè acutos esse, de quibus in prænotionib. tractauit, sine dubio ibi de acutis egit, non quatenus ab a- cutis impropiè differunt, sed propriè acutos tractauit, vt à diuturnis distinguantur, vt patet 3. progn. comm. §. ultimo. Rursus semper diuisit Galenus acutos in acutos simplici- ter, & ex conuersione, vt patet 1. prognost. com. 25. Præterea acutorum simpliciter, alios dixit esse acutos, alios peracu- tos: & horum alios exactè tales, qui quarto die finiuntur, vel paulo ulterius, vt patet 1. aphor. comm. 7. alios non ex- actè tales, quos significauit Hipp. septem diebus terminari 1. acut. 44. Adhæc acutorum alios dixit simpliciter acutos, quos dixit terminari quatuordecim diebus 2. aph. com. 23. alios ex decidentia acutos, qui quadragesimo die finiun- tur, vt patet 2. de diebus dec. cap. 12. Nullibi ergo Gal. diuisit morbos acutos, in acutos propriè, & impropiè: nec acu- tos ex conuersione seu decidentia vocauit vnquam acutos impropiè: nec vllibi dixit, impropiè acutos fore, qui se- quuntur partem aliquam affectam determinatam. Rursus dantur acuti morbi ex decidentia, qui non modo ad qua- dragesimum, sed ad sexagesimum, septuagesimum, octo- gesimum, & centesimum diem vsque protracti sunt, nec a- liquam partem affectam sunt insequuti, sed ex succis pu- trescentibus in venis sunt producti, vt patet in vxore Epi- cratis 3. in Epid. 22. & 3. in 1. eodem 23. in Cleonactide 3. in 3. Epid. 72. & 73 & 80. vbi inquit: Centesimo est absolute iudi- catum, Febris ardens, Hos acutos impropiè nunquam vo- cauit Galenus. Ad hæc, si impropiè acuti dicerentur, qui partis affectæ ratione fierent: tunc pleuritis, peripneumo- nia, & phrenitis, morbi impropiè acuti essent, quod con- tradicit Galeno 3. de diff. resp. cap. 9. & Hippocrati 1. acut. 8. Accedit, quod morbus acutus est celeris iudicij, & magnus affectus, ex Galeno 2. aphorismo. 19. & 23. Sit igitur morbus ratione partis principis affectæ, magnus: tunc vel erit ce-

*Diuisio acuto-
rum Mor-
borum Ga-
leni.*

*Morbi acuti
ex deciden-
tia.*

leris motus, vel lenti, & longi. Si primum, ergo erit vere, & propriè acutus. Si secundum, nullo modo erit acutus: alioquin diuturnæ capitis affectiones, & iecinoris lōgi morbi erunt acuti. Quod si sola magnitudo sine motus celeritate cōstituit morbum impropriè acutum; a pari sola motus celeritas sine magnitudine constituet morbum acutum impropriè. Dicit enim Galenus 1. in 6. *Epidem. comm.*

Acuti morbi qui.

29. *Acutos morbos dicimus, quicumque propria tempora & sine finem velociter pertranscunt. Quod confirmat 2. de diebus criticis cap. 12. & 3. eodem cap. ultimo. At tunc febris ephemera erit impropriè morbus acutus: quod falsum est, & contra Galenum 2. aphorismo 19. Ergo vna tantū conditio nullo modo acutum constituit, nec propriè nec impropriè, vtraq; verò propriè, & verè acutū determinat.*

Vna conditio morbum acutum non constituit.

Manifestum igitur est, ratione affectæ partis solum, non esse morbum acutū, nec propriè nec impropriè. Adde: nā apoplexia est omnino sine febre, & est morbus acutus propriè. Galenus 2. aph. com. 42. inquit: *Omnes apoplexiae sunt*

Apoplexia ut fiat.

Si animali non potente defluere ad partes infra caput existentes, aut propter aliquam dispositionem inflammatoriam, qua in ipso cerebro sit constituta, aut ventriculis ipsis oppletis humore pituitoso. Verum causa magnitudinem, etiam passionis magnitudo consequitur. Acutus ergo propriè morbus est apoplexia ob affectum cerebrum, & sine febre Rursus 5 aph.

Apoplexia morbus acutus.

30. inquit: *Sic & si absque febre aliquis alius morbus acutus fiat, sicut morbus comitialis, morbus attonitus, quem Graeci apoplexiam vocant, conuulsio, distētio: propter magnitudinem morbi & acutiem impossibile est laborantem evadere. Dantur ergo propriè acuti morbi, & sine febre partem affectā insequētes. Manifestum ergo ex his est, propriè dari morbos acutos, qui prorsus sunt sine febre.*

DISPVATIO X.

An ab excellenti putredine, & insigni humorum corruptione, in viuento animali generari possit verum venenum. Opinio Hieronymi Mercurialis, & eius impugnatio.

CAP. XXXVIII.

AD eorum, quæ hætenus dicta sunt, confirmationem deter-

determinare oportet, An in viuientis animalis corpore ex insigni humorum corruptione verum venenum possit generari. In hoc enim clarissimi medicorum consentientes non sunt: Hieronymus Mercurialis *lib. suo 1. de Venenis ca. 14.* dicit, verum venenum ex humoribus fieri nō posse, tamen quid veneno simile fieri: quod probat sic: Auctor omnium, quæ in viuente fiunt, est calor; qui in viuente corpore, vel naturalis est, vel præter naturā. Sed à neutro fieri potest. Non à naturali: ille enim est perpetuū vitæ auctor, & salutis: Ergo non veneni. Nihil enim seipsum destruit. Nec à calore præter naturam; nam venenū longe potentius est calore præter naturam. At nihil agit vltra suam speciem. Præterea, si quod est, quod videatur venenū facere, hoc esset semen retētum vitiatum, atq; corruptum. Sed ex eo verum venenum non fit: nam animal interiret, veri veneni symptomata apparerent, & tandem à calore naturali vinci non posset. At multæ virgines, multi viri, & scæminæ, retento semine sanæ degunt: & si quādo morbos parit semen retentum, palpitationes, epilepsias, & in vniuersum hystericas producit passionēs; quæ venenum non sunt. Sed hæc opinio videtur aduersari Galeno, & rationi. Primo Galenus ex humorum corruptione verum absolute venenum fieri affirmat, *6. de locis affectis capit. 5.* cum dicit: Reliquum est, & inuestigamus, an in animantibus corruptio aliqua nasci possit, adeo vehemens, ut veneni tum qualitatem, tum vires aquet: an id iam medicis enodatum discussumq; esse videatur, qui hanc solent proponere questionem, utrum propria sint nota veneni, nec ne. Nam, qui maxime videntur super hac ambiguitate disputasse, ij eosdem fieri affectus concedunt & à lethali veneni porione, & à corruptione, quæ à corpore ortum habet. Nec est, quod respondeat Mercurialis, Gal. dicere, qualitatem veneno similem in corporibus generari. Non enim veneno, sed veneno epoto similem dicit. Subdit enim: Igitur, si eiusmodi affectibus nos infestari fateamur, qui ex nobismet ipsis accepto sua originis impetu similes sint ijs, qui pernicioso epoto veneno eueniunt. At verò venenum absolute acceptum se habet ad epotum, ut genus ad speciem subalternam. Sit igitur, quod ex humorum corruptione fit, simile veneno epoto, ergo erit simile omni veneno: fallacia est. Ita simia homini

Mercurialis negat ex humoribus venenum fieri posse.
1. Ratio à calore.

2. Ratio à semine retento vitiato.

Mercurialis opinio impugnatur.
Galenus ex humorum corruptione venenum fieri affirmat.

similis est, & consequenter ab homine diuersa: non tamen ex eo valet, simile illam esse omni animali, & ab omni diuersam: sic enim & à se ipsa diuersa esset. Rursus si in hoc eontex. veneno vniuersaliter accepto similem qualitatem Gal. putasset, sententiam illorum qui dixere, (*Eosdem fieri affectus, & à lethali veneni potione, & à corruptione, qua à corpore ortum habet:*) vel non referre, vel vt fallam confutare debuisset: cum simile idem non sit, sed diuersum, vt ipse protulit 3. simp. c. 25. Præterea, quamquam humorum, qui corrumpuntur, in corpore ampla sit latitudo, nec omne, quod corrumpitur, fiat necessario venenum, sed quandoque veneno simile, vt docuit Gal. lib. de alimento Hippoc. & lib. de cibis bon. & mal. suc. c. 8. falsum tamē est, perpetuū simile, nunquam verum venenum ex illorum corruptione generari. Ita 2. in 6. epi. 38. *Non simpliciter, inquit, tenuem & aquum sanguinem ab ipso ichoroides vocari suspicandum est, sed eum, qui venenosa aliqua, & maligna facultate præditus sit.* Et lib. de const. artis c. 19. dicit: *Quando enim vel copia humorum, vel grauitas, vel obstructio, vel corrumpens virus corpori innascitur: vt melius vertit Franciscus Valeriola, quam Victor Trincauellius, qui legit (si vis aliqua corrumpens in corpore suboritur.)* Explicans enim Gal. eod. c. modum curationis eorum, quæ dixit, subdit: *Obstructiones præterea aperiantur, qua toto sui genere sunt præter naturam, qualia venena virusq; animalium: tum alterentur, tum euacuentur.* Præterea 6. in 6. epid. com. 5. *Exoriuntur, inquit, dolores quidam maligni à maleficis seu medicamentis, qua deleteria id est, mortifera vocant, seu feris venenum icu fundētibus, siue succis aliquibus ex improbo dictu aut pestilēti cælo in corpore genitis.* Adhuc lib. de cibis boni & mali succi c. 1. inquit: *Quum nullus ad tantum & inquam dementia veniat, vt ignoret, quātum insit in eo mali, si contenti in corpore humores in medicamentosas qualitates degenerent.* Per medicamentosas venenosas intelligit, vt patet 3. de temperamentis c. 4. cum dicit: *Medicamenta itidō sunt, & qua nulla substantia sua mutat a parte, sed tota seruata integra, corpus ipsum afficiunt: ceterū grauis & naturam animalis corrumpentia: Unde & totū eorum genus deleterium & pestilens dici reor.* Quod cōfirmat Gal. 2. in 1. proret. 17. & 3. in 3. epid. 75. Hanc Galeni sententiam sequutus est Auic. lib. 3. fen. 1. tract. 2. c. 6. cum inquit: *Et for-*
taffe in

tasse in aliquibus membris est humor venenosus mala substantia, cuius qualitas adueniet. Et paulo post subdit: Et fortasse erit impediens materia extranea generata in quibusdam membris, generatione extranea corrupta venenosa. Verum consulamus rei naturam. Humores in corpore viuente ad eam corruptionem quandoque deueniunt, vt producant easdē operationes, eundem operationis modum, & vehementiā, & eandem inferant mortem, & mortis celeritatē, & in caduere eadem prorsus signa, quæ inducunt lethalia venena epota: Ergo in corpore non modo similia, sed vera venena producuntur ad humorum corruptione. Euidens est argumentum: nam operationes essentielles formas essentielles arguunt, & quod est per se tale, est de omni, & secundum quod ipsum. Antecedens est clarum: inquit enim Gal. 6. de loc. aff. c. 5. Nam qui maximè videntur super hac ambiguitate disputasse, ij eosdem fieri affectus cōcedunt, & à lethali veneni potione, & à corruptione qua à corpore ortum habet. Et 5. eiusdem c. 7. inquit: Quia vero Medici inuestigare solēt, an assumpti veneni propria extent signa, eo quod saepe numero videant, citra lethali veneni potione humores similiter, & epoto veneno, corrumpi. Sed consulamus ipsum Mercuriale, quæ sit hæc similitudo humorum ad verum venenum? Si miles, inquit, sunt veneno in tribus. Primo in celeritate mortis: Quandoquidem tum venena epota, tum humores in corpore veneno similes celerrime enecant. Secūdo aquè afferunt similia symptomata, animi deliquia, deliria, extremarū partium refrigerationes, sudores diaphoreticos, & huius generis reliqua. Tercio, nam aquè corrumpunt humores in corpore animalis. Sed si hæc ita sunt, vt concedit, sic arguo: Propria veneni operatio est demoliri calorem innatum nostrum, vt colligitur ex Galeno 3. de temper. c. 4. 2. de ratione victus, com. 12. 6. in 6. Epid. com. 5. 1. de semine c. 16. At humores corrupti in corpore, quos dicit veneno similes, innatum calorem nostrum demoliuntur, scruissima, & omnino eadem adducūt symptomata, syncopes, sudores diaphoreticos, extremarū partium refrigerationes, & celerrimè enecant; Ergo non similem, sed eandem prorsus habent cum veneno operationem, & naturam. Præterea eadem omnino, & viuenti, & mortuo signa apparent, tam veneno lethali epoto, quàm ex interna humorum corruptione veneni epoti vires æquantur; Ergo

Humores corrupti quādoque eadē qua venena efficiunt.

Humores corrupti & venena in quibus cōueniunt.

Veneni operatio est, demoliri calorem innatū.

Eadem veneni epoti & corruptionis humorū interna signa.

te: Ergo vtrumq; idem venenū est in genere Gal. *6. de locis aff. capit. 5.* inquit: *Cum enim homo suapte natura probis humoribus abundans, ac sanorum more educatus, de repente moritur, ut lethali assumpto veneno fieri solet: deinde corpus aut liuens, aut nigricans, aut varium est, aut diffuens, aut putredinem molestem olet, hunc venenum sumpsisse aiunt.* Sic & in febre pestilenti ex interna corruptione humorum, & fœuissima symptomata, & repentinę mortes nō semel sunt obseruata, & corpus cadaueris liuidum, nigricans, diffuens, & male olens, vt docent omnes, qui scribunt de peste, & nouissime Philippus Ingrassias *libro primo de pestilente contagio, c. 13. & 17.* & nos copiosè obseruauimus in fœuissima pestilentia, quę Messianam urbem quinque annorum spacio pessime affecit. Imo eo sunt veneno deteriora cadauera peste mortuorū, quod veneno epoto extincta cōtagiosa non sunt, vt peste mortua. Ideo Thucydides in sua illa peste dicebat: *Quod alites atq; quadrupedes ea, qua carnibus humanis haud quaquam abstinēt, quamuis hominū conferta cadauera iacerent insepulta, ad ea tamen tum temporis vel non accedebant, vel certè degustatis nō interibant.*

Opinio propria, & solutio rationum Mercurialis.

C A P. XXXIX.

*Venenum
quod dicatur.*

VEnenum itaque id omne dicimus esse, quod tota sua substantia maleficum caloris nostri destructiuum, malo quodam modo, siue per os assumptum, siue aere inspiratum, siue cuti, morsu, saliuā, aculeo, vel cōtagione affricatum, momento temporis vniuersum corpus immutat, corrumpit, liuidum, nigricans reddit, citissimè interficit. Venenum & non minus est, quod lente in corpore progreditur, donec partem principem tractu temporis pertingat, qua obfessa totum repente corpus afficiat, & fœua symptomata inducat. Quod si contingat in corpore corrumpi adeo humores, vt vel primo, vel secundo modo, eadē efficiant tum symptomata, tum mortem, tum mortis modū, vt & verum venenum illi euadant necesse est. Nec omnia, quę præter naturam fiunt in corpore viuente, fieri illa oportet à calore, quando multa ab agente à tota substantia fiant, peculiari antipathia, & abdita, vt sibi simili qualitate corpus

corpus immutante, vt à maleficis seu medicamentis, quæ deleteria vocantur, seu feris venenum ictu fundentibus, ita & succis aliquibus ex improbo victu, aut pestilenti cœlo in corpore genitis, affectus fieri malignos docuit Galenus. Nec inconuenit, calorem præter naturam corrumpentem generare venenum, & agere vltra suâ speciem, ob duas rationes: Primo, si sit instrumentum agentis maioris virtutis, ita calor naturalis; vt instrumentum formæ substantialis formam, quæ substantia est, producit: sic calor præter naturam seminarijs contagiosis pestilentibus, & venenosis immixtus, venenum producit. Secundo ob maximam aptitudinem, & ob summam patientis dispositionem. Ita dicit Auerroes 2. meteor. ca. 2. agens debile ob maiorem dispositionem patientis operari sæpe effectus validiores, quam agens validum in materia non ita disposita. Contingit igitur in corpore viuente humores reperiri, adeo prauè dispositos aptosq; tã malo modo putrescere, vt statim ac breuem aliquam occasionem ad putrescendum suscepierint, (vt 1. de diff. feb. 4. dicebat Galenus) à quouis calore putredinoso, non modo putrescant, vt reliqua putrescibilia, sed ita prauè ac pessimè, vt eorum putredo fiat indicibilis, & excellens adeo, quod in venenum commutetur. In quem modum dicebat Galenus de cucumere, & melopepone, lib. de cibis bonis & malis succi c. 8. quod eorū putredo sit veneno similis: id vero non à calore faciente putredinē, sed à propria illorum natura putrescibili cōtingit. Sic fieri potest, vt res quæ sua natura vehementius, & perniciosius sit apta putrescere, si à quouis calore extraneo putredinis occasionem suscipiat, in verè deleterium venenum commutetur. Ideo idē calor ex putredine capitis bouis generat vermes, & ex putredine capitis equi vespas producit. Et ex his patet solutio ad primam rationem Mercurialis. Ad secundam dicimus, multas feminas & viros non ægrotare retento semine: non enim omne semen retentum necessario putrescit, quia non semel natura prouida illud inuoluntariè excernit; nec statim ac putrescit, venenum fit, nisi indicibili, & excellēti putredine putrescat, adeo vt prauè corrūpatur. Nec id contingit omni semini, cuiuscunq; indiuidui, vel tēperamēti, sed corporis pleni prauis succis, prauèq; dispositis. Ideo nō dicit Gal. si putrescat, sed si cor-

Calor an & quando venenum generare possit.

Humorum putredo excellēs facile fieri potest. & cur.

Cucumeris & Melopeponis putredo veneno similis.

Semen retentum non necessario putrescit.

rumpatur: nec quacunq; corruptione, sed vehementi. Vnde dicebat Galenus *6. de locis affectu c. 5. An in animantibus corruptio aliqua nasci possit adeo vehemens, ut veneni tū qualitates, tum vires aquet.* Quando igitur summè, & excellenter non putrescit semen, morbos benè producit, nō venenosos, tamen nec exitiales. Quod si summè, & vehemèter, ac prauè corruptatur, exitiales parit affectus, & (quicquid dicat Auerroes) venenatos: quoniam vapores, quos tūc ad cor demittit, illico substantiam cordis offendunt. Pulsus enim aut magna ex parte languescunt, aut euanescent, statim totum corpus refrigeratur, & velut attonitū corruiat: quæ tam breuī tempore efficere non valet, quod venenum nō est. Nec omne venenum, quod de sui natura lethale est, necessario enecat. Nō semel enim ob virium robur, ob venarum angustias, ob veneni exiguitatem, ob proprietatem indiuiduæ naturæ, vel assuetudinem, ob alexipharmacorū opportunum vsum, expellitur, vel exstinguitur, vt 3. simp. c. 18. & 23. docuit Gal.

Venenū lethale cur nō semper enecat.

DISPVATIO XI.

An in corpore animalis, absque insigni humorum putredine, possit verum venenum generari, & augeri. Opinio Hercules Saxonie.

CAP. XL.

Hercules Saxonie li. suo secundo de phanigmis affirmat, in corpore animalis verum venenum humorum interno vitio fieri posse, quod quamuis ab excellenti illorum putredine fieri sæpe contingat, non esse tamen perpetuo summam illam, & insignem putredinem necessariam ad veneni generationem; *Potest enim inquit, in humano corpore verum venenum absque insigni humorum putredine generari, & augeri.* Probat hanc sententiam lib. 2. de phan. c. 8. prima sic: Omnes febres pestilentes venenum includunt: sed omnes in excellenti humorum putredine non consistunt: nam hectica pestilens verè pestilēs est. Sed est distincta a putridis. Ergo sine eccellente illa putredine consistit in hectica pestilente venenum. Quod si quis dicat, hecticā esse ob putredinem substantiæ cordis: instat sic Saxonie: Si in he-

Venenum absq; insigni humorum putredine generari posse statuit Saxonie. 1. Ratio.

in hectica pestilente substantia cordis corrumpitur, tunc
 petit, quænam ergo erit origo, & essentia huius causæ cor-
 rumpentis substantiam cordis? Vel dicent, inquit, esse ex-
 cellentē putredinem, vel veneficam qualitatem, nō copia
 sed genere cortumpentem, quæ habet originē non ab ex-
 cellenti putredine, sed à leuissimo principio. Nō primum:
 tunc. n. hectica essent eadem cum putridis. Ergo dabitur
 venenum exortū non ab insigni putredine, sed à leui prin-
 cipio. Secundo sic arguit, *eodem cap.* Venenum, quod lædit
 non quantitate, sed toto genere, paulatim in corpore ge-
 neratur, & successiue, ac sensim in solidas partes propaga-
 tur. Tale igitur ab excellenti putredine non fit. Tertio sic
 arguit *capite decimo eiusdem libri*: Non est diuersa genera-
 tio veneni in humano corpore, ab eo quod produciunt vi-
 rus ferarū, & medicamēta malefica? Venenū. n. non est tā-
 tum morbi vnus, vel causæ nomen, sed illud omne, quod
 malo quodā modo momento tēporis corpus vniuersum
 immutat, corrumpit, liuidū, nigricans, varium & diffuens
 reddit, & celerrimē interficit. Id à quacunq; fiat causā, ve-
 nenū est. Sed certissimū est, venena animalium, & medica-
 mentorū, & ea quoq;, quæ in aëre disseminantur, plerūq;
 sine valida putredine excitari, & fortē quandoque sine o-
 mni putredine. Cur ergo in humano corpore hæc ipsa ve-
 nenata qualitas, absq; tam valida putredine generari non
 poterit? Quarto, si solum excellentē putredinem venenum
 sequeretur, tunc in solis corporib. calidis & humidis fie-
 ret, cum, authore Galeno, omnis putredo in calido & hu-
 mido sit posita. Sed hoc est falsum: cū non raro, & calida
 sicca, & frigida sicca, & frigida humida in venenū incur-
 rant. Quinto sequeretur, quod venena non à tota substā-
 tia, sed magis per manifestas qualitates, insignem nempe
 caliditatem & humiditatem, humana corpora interime-
 rent: cum tamen Galenus deleteria venena, quæ sunt cali-
 da & sicca, non qualitate, sed genere nos interficere dicat:
 cū sola frigida tantū quātitate interimant, vt docet 3. *sim.*
1. 18. & sequentib. Sexto Galenus *lib. de locis affectis c. 5.* vt o-
 stendat, non requiri perpetuo insignem putredinem ad
 venenū generandum, declarat, ab exiguo initio magnam
 veneni vim excitari, & progressu temporis manifestari, &
 inquit: *Vt igitur ab exiguo initio, spūti videlicet qualitate,*

*Venenum
quodnam
dicatur.*

*Putredo in
quibus com-
sistat.*

*Venenum
quandoque
ab exiguo ini-
tio genera-
tur.*

aucta quadā in corpore dispositio, quando ad magnitudinem notatu dignam peruenit, discerni potest, idq; post sex menses, cum nonnunquam ante id tempus nulla nota deprehendatur: sic eodem modo vitioso humore in animalis corpore genito, paulatim tractu temporis principalū partium aliqua consentit, à quā deinde vniuersum corpus celeriter alteratur. His verbis si Galenus per humorem vitiosum intelligit excellentem illam putredinem; comparatio, quam facit ad venenū canis rabidi, nulla erit. Vt enim virus rabidi canis nō copia, sed genere nocuū est, nec in summa putredine consistit, sed in minima & occulta: sic & initium veneni in corpore geniti paruum est, & dum in parte minus principe cōtineretur, nullum omnino notabilem producit affectum.

*Virus canis
rabidi non
copia sed ge-
nere noxiū.*

7.
*Putredo in-
signis latere
diu nequit.*

8.

9.

10.

*Venenum
canis à siccitate
fit.
Vt propaga-
tur virus
canis in mō.*

Ergo non semper à summa & excellenti putredine venenum in corpore fit. Septimo, excellens & insignis putredo non potest diu latere in nostro corpore, quin morbu non concitet. Sed humor exiguus, qualis est, qui facit hysteri- cam passionem, vel aura leuis, quæ fecit ep lepsiā, ex Gal. 3 de locis affec. c. 7. & 6. eiusdem c. 5. diu latuerunt in corpore; nullam passionem producentes. Ergo aliquando exiguus humor sine excellenti putredine mutatur in venenū. Octauo idem probat ex verbis Galen. 2. in primum proet. com. 17. dum dicit *Nam causa aliqua eorum, qua in corpore procreantur, potentia virtuteq; tum virus rabidorum canū, tum lethalia ea medicamenta representant, qua etsi in affecto loco nullum protinus, quod notabile sit, pariant symptoma, post quatuor tamen vel sex menses, vel longinquiorē temporis & suram hominem perimunt.* Nono, quidam in peste subito pereunt; ergo non ex magna humorum putredine, sed ex veneno à causa occulta, & humili loco pro- genito, vt 3. in 3. de morbis vulg. com. 75. non humorum copia, sed veneni qualitate, dicit egrum illum fuisse peremptum. Decimo, generatur venenum quandoq; in corpore ex humoribus, vt à rabido cane, & medicamentis septicis, ex Galeno 2. in 1. prorhet. 17. Sed venenū canis non fit à putredine, sed à summa siccitate, vt patet ex Alexandro prima parte prob. prob. 76. & Cælio Aurelio 103. ac. c. 5. Ita vene- na seprica calidissima sunt ex Gal. 3. simp Propagatur hoc canis venenum non putrefaciendo humores, sed calefaciendo & exsiccano partes solidas, vt dicit Gal. eodē com.

17. 2. pro-

17. 1. *prorheticorum*: Ergo eadem ratione venenū internum sine summa putredine ex humoribus fieri poterit. Vltimo Galenus *codem 2 in 1. prorhet. com. 17.* narrat historiam illius ægroti, qui leuissime febricitabat, die quarta visus est sine febre, die verò septima tabidus obiit. In quo ægroto nulla fuit excellens, & insignis putredo: fuisse .n. febris vehemens & continua cum sæuissimis symptomatibus: fuit tamen parua febris, quæ intermisit, & nulla symptomata habuit, & tamen septimo die, inquit Galenus, tabefactus obiit. Ergo propter venenum exiccans, & illum in tabem commutans, interiit. Quod venenum sine insigni putredine fuisse productum, est manifestum.

II.

Saxonia opinio euertitur, & propria comprobatur.

CAP XLI.

VT venenum in corpore fiat ex humorum corruptione, nullo modo leuem, vel paucam, sed summam illam esse, & vehementem, & insignem & excellentem, & penè indicibilem necesse est: alioquin à corruptione humorum in corpore, (quæcunque illa fuerit,) nullo modo & nunquam cinis, sed omnino & semper venenum produceretur: quod falsum est. Hæc autem excellens corruptio non attenditur penes solam quantitatem humoris, qui corrumpitur: sic enim in sola synocha putrida omnium maxime venenum ex corruptione fieret, quod verum non est: sed penes modum, quo illa fit. Vnde etiam pauca humoris quantitas, si praeue, excellenter, & summe corrumpatur, in venenū cōverti potest. Vt .n. actu venenum etiam minima quātitate acceptū, sæua symptomata, & summas, & vehemētes inducit mutationes, vt inquit Gal. *primo de sem. c. 16. & 3. de locis affectis c. 7.* quoniā nō quantitate, sed genere perniciosum est: sic & minima quantitas humoris, si indicibili, & summa corruptione mutetur, venenum fit. Secus aut nullo modo fieri potest. Hoc sic demōstro: Primum, vt vtamur argumento Saxoniae, ita generatur quādoque venenū in corpore, vt in cane rabido, quod concedit ipse, & affirmat clare Gal. *6. de locis affe. c. 5. & 2. in primum prorhet. com. 17.* Sed in cane rabido venenū nunquā fit, nisi post summā humorū eius corruptionē. Ita Gale *6. de locis affe. c. 5.* cū inquit: Quippe facile intelligitur à canibus, quan-

Venenum ex humorū corruptione insigni tantum fit.

Excellentis putredo quo respectu intelligatur.

r. Venenum quando in corpore generetur.

Virus caninum ex summa humorum corruptione generatur.

tam

tam habeat vim afficienda rei aptitudo. Quum enim reliqua-
rum animalium nullum rabie capiatur, solus canis eo affectu
corripitur: atque tanta fit in ipso humorum corruptio, & solus
eius sputum, si humanum corpus contigerit, rabiem excitare
possit. Ergo canis sputum omnino nūquam erit venenum,
nisi post summam humorum corruptionem in cane virus
fuerit generatum. Alexander Aphrodiseus, qui caninam
rabiem refert ad caliditatem, & siccitatem, non quācun-
que, neque leuem, sed summam, & insignem adducit *pri-
ma parte prob. prob. 76.* vbi inquit: *Humor enim contentus in
eis, totusq; habitus concalsactus, resiccatusque, supra modum
intenditur.* Accidit, quod neque venenum in corpore hu-
mano, à canis salua venenosa productum, (licet longo
tempore disponantur humores ad eius generationem,) ac-
tu venenum sit generanti consimile, nisi post summā hu-
morum corruptionem: subdit enim Galenus ibidem: *Vt i-
gitur ab exiguo initio sputi, videlicet qualitate, aucta quadā
in corpore dispositio, quando ad magnitudinē notatu dignam
peruenierit, discerni potest, &c.* Ergo humor à canis veneno
sensim disponitur, & nunquam veri veneni formam susci-
pit, nisi postquā ad magnitudinem notatu dignam perue-
nit. Medicus. n. qui est artifex sensatus, nūquam venenum
esse actu in corpore ex humorib. genitum poterit affirma-
re, nisi postquam eius symptomata discernet; nec discer-
net, nisi postquam ad magnitudinem notatu dignam il-
lud peruenierit, vt inquit Galenus. Ergo vt in cane rabido;
ita & in homine, venenum non nisi à veneno, vel à summa
humorum corruptione produci poterit. Secundo, Galen.
docet modum, quo humores tractu temporis in viuentē
in venenum commutantur, qui licet sensim disponantur,
vt venenum fiant, nunquam tamen dicit esse vere vene-
num, nisi postquam summam, & malignissimam mutatio-
nem sint consecuti. Lib. enim 3, in 3. *Epid. com. 75.* habet hæc
verba: *Sed pedetentim in corpore caussa, qua sunt excitandis
huiusmodi malis crescunt: quod morsus & siccus venit à rabido
canibus.* Et paulo post: *Longo enim tempore caussa, qua ra-
biam efficit, augetur: qua vbi eò tandem peruenierit, mortē af-
fert repetitam.* Item in hac phrenitide visio sua in corpore hu-
mor coacervatus fuit, & veneno lethali assimilis, in corporib. vi-
cini aliquid paulatim agens: qua quando visio iā aliquo pa-

Ro 17

Venenum à
salua canis
& fiat in
corpore hu-
mano.

2.
Modus quo
humores in
venenum
commutan-
tur.

Non opportuna erant, humorq; ipse euaserat malignissimus, le-
 thale repente apparuit symptoma. Ergo non statim ac hu-
 mor cæpit commutari, fuit vere venenum; sed veneno si-
 milis. At vbi tractu temporis increuit corruptio, euasitq;
 humor malignissimus, fuit verè venenum. Monstrat hoc
 Galenus: dicit enim: *Lethale repente apparuit symptoma.* &
 qui prius vocauerat hunc humorem veneno assimilem,
 nunc postquam malignissimū factum esse dicit, subdit: *Itaq;
 Et Veneno epoto lethali, quidā postridie vel tercio die mo-
 riuntur, qualitate eius, non copia, mortem asserente, Et item
 hic quoq; ager statim tertio die censendus est obiisse, à quali-
 tate succorum virulentorū, non à phrenitide percipitur.* Ergo
 tunc vocauit verè venenū, cum humor malignissimus fuit
 effectus: dum fieret aut, nō venenum, sed veneno similem.
 Res. n. dum fit, non est, & simile non est idē, vt docet Gal.
 3. sim. 25. Tertio, modum conuersionis humorum in vene-
 num clarius explicat Galen. com. 3. in lib. Hippoc. de alimen-
 to. folio 10, vbi inquit: *At siquid præternaturam corporib. ac-
 cidat, primum humorē propter humiditatem corrumpit, tem-
 poris vero progressu id pinguedinem, Et carnē attingit. Quā-
 obrem videmus sæpe numero sanguinem biliosum redditum,
 corruptela quadam assidua, vsq; adeo Et totius corporis color
 porri colorem imitetur, quod etiam sine mortiferis medicamē-
 tis cernitur, corpus ad humorū corruptelā peruenire, quā simi-
 lis est ei, quā Venena asserunt.* Ergo vt humores perueniant
 ad corruptelam, similē corruptelæ, quam asserunt venena,
 oportet vt cōmutentur corruptela assidua, adeo vt color
 totius corporis immutetur. Ergo vt non ad simile, sed ad
 verum venenum deducantur, longè maiori, & magis assi-
 dua corruptione mutentur oportet. Quarto, humor, qui
 ex corruptione fit venenū, siuè multæ sit, siue paucæ quā-
 titatis, vel indiget excellenti putredine, & summa corru-
 ptione, vt id fiat, vel mediocri, vel tandem omnino leui. Si
 primū, recta non erit opinio Saxonix. Si secundum, ergo
 febres putridæ magna ex parte erunt pestilentes. Conle-
 quentia est euident. In plurib. n. est putredo in facto esse,
 in qua humor est omnino corruptus, ad benignum nō re-
 ducibilis, ex Galeno 11. metho. c. 9. Et 2. aphor. com. 17. & ita
 omnis cinis humoris in febrib. quā dicit fieri Gal. 3. de pra-
 sap. ex pul. c. 7. omnis gangræna, omnis cancer, omnis pu-
 tredo

3.
 Modus cor-
 ruptionis
 humorum.

Corruptio
 assidua re-
 quiritur, Et
 Venenum
 fiat ex hu-
 moribus.

4.

*Leuissima
putredo non
sufficit ad
venenum.*

*Humor & venenum
fiat, quomodo
mutari de-
beat.*

*Non omnis
humor cor-
ruptus vene-
num est.*

*6.
Venenum à
summa tan-
tum fit pu-
tre dine.*

Sycamina.

putredo corrodens & amputans partē, omnē deniq; quod in corpore ex putredine corruptū est, venenū erit. Consequentia patet: nā quod est per se, est de omni & secundum quod ipsum. Tandē si leuissima putredo sufficiat ad venenū, tunc omnis putredo, quæ alteratione finitur manente substantia, venenū produceret; quod omnino verum non est. Quinto, ad hoc, vt humor naturalis fiat venenū, debet m arari ab amico ad inimicū à nutrimento aliti, à quasi nutrimento, ad deleterium & corruptiuū, & ab eo quod potest à natura concoqui & euinci, ad id quod nullo modo à calore vinci possit: tale. n. est venenū; ex Gal. 3. de natura li. facul. c. 7. Sed hæc mutatio fieri non potest, nisi per summā, & valde intensam corruptionē, & transmutationem. Nam humor in corpore prius est secundū naturā: eadem. n. est materia generationis & nutritionis: mox putrescit, & dum est putredo in fieri, retinet ad hunc propriam substantiā, ex Galeno lib. artis medi. 89. Deinde vbi corruptus est, fit putredo in facto esse, & ita est cinis, 3. de praf. ex pul. c. 7. & ita adhuc nō est venenum. Sic. n. omnis humor corruptus 2. aph. 17. ad benignum nō reducibilis venenum esset, q̃ falsum est. Sic atra bilis ex fluxu adustione progenita venenum foret, quod non est. Ergo requiritur vltior & longe maior corruptio, vel diuersius corruptionis modus, quem indicibilē vocat Galenus, vt ab vno extremo, à familiari scilicet, ad illud. nēpē deleterium, permutetur. Et hæc est illa excellens putredo, quam requirit Galen. in febre pestilenti, & vehemēs corruptio, quam in corpore dicit equare vires & naturam veneni, cuius modum generationis supra c. 31. explicauimus. Sexto, Galenus nullibi dixit, vnquam in corpore humano à putredine vel leui, vel non excellenti, vel non insigni venenum fieri: sed quando hoc protulit, dixit à summa & ingenti corruptione illud produci. Verba ipsius 6. de locis affec. c. 5. hæc sunt: *Reliquū est, vt inuestigemus, an in animantib. corruptio aliqua nasci possit adeo vehemēs, vt veneni tū qualitatem, tū vires aquet.* Lib. de theriaca ad Pison. c. 16. vbi dixit: *Cum pestis ipsa cētū fera quadā venenata, non paucos aliquot misere perdat, Seru tot. is ciuitates depascatur. Immutat. n. aërem malo quadam modo, vt homines interficiat & 2. de alim facul. c. 11. Sycamina igitur, inquit, celerrime pertranscūt, cibisq; aliis præcū,* *fin*

si in Ventericulum purum inciderint, & sumpta primis epulis fuerint. Quod si sumpta post alios cibos fuerint, aut et primum succum in Ventericulo offenderit, celerrimè una cum aliis cibis corrumpuntur nouo quodam corruptionis genere, & quod verbis explicari nequeat Ergo non qualibet putrefactio, sed indicibilis & summa potest humores in venenum transmutare, quæ modo excellēti communes putredines, & corruptiones adeo superet, ut verbis explicari non possit. Neque rationes Saxonie conuincunt. Ad primam: Omnes febres pestilentes, siue humorales sint, siue heclicæ, ab excellēti putredine proueniunt: ergo hectica pestilens erit putrida: non valet. Licet. n. utraq; fiat à putredine, ut 3. de praef. ex pul. c. 3. docet Galenus, differunt. Nam in hectica putredo occupat corpus cordis, in putrida putredo defluit ad humores, quos continent cordis sinus, magis quàm ad corpus visceris, ut ibidem explicat Galenus. Quod confirmari potest ex cōcessis à Saxonie sic: Tam hectica quàm putrida per ipsum fit à veneno: ergo utraq; à pari erit eadē. Sed non valet ratio: nam differunt penes partes, quas venenū afficit. Instat Saxonie: In hectica pestilenti cordis substantia corrumpitur, tunc quæ erit origo, & essentia causæ corruptentis? non excellens putredo: esset. n. hectica putris: ergo venenū non copia sed genere corruptens. Ergo sine excellenti putredine à veneno hectica pestilens constituitur. Respondeo, causam esse venenū, factum vel ab alio veneno, ut quod contagio producitur, vel à putredine humorū non qualibet, sed excellenti, quæ venenū constituit, à quo immediate febris illa producitur. Sed dicit, Est à veneno genere ludente, non copia: ergo à paucō veneno. Esto; ergo venenum fit à paucā putredine, vel à putredine non insigni. Falsa est cōsequētia. Aliud. n. est, paucū venenū deleteriū ledere, aliud est paucā corruptionem sufficere ad veneni generationē. Primū. n. admitti potest: secundū est impossibile, ut supra monstratū est. Ad secundū, cū dicit, venenū, quod lædit toto genere, paulatim generatur in corpore: ergo sine summa putredine: Respondeo; Primū non esse verū, omne venenū deleteriū toto genere sensim generari vel afficere. Oppositū. n. monstrat Gal. 1. de sem. c. 16. Mox vero, alius est modus, quo generetur ex humorib. in corpore: alius est modus, quo ut venenū offendit & morbum producit. Dicebat. n. Gal. 3. in 3. Epid. cō. 75. Est eorū morborū

Solutio rationum Saxonie.

1.

Hectica & putrida febres differant.

admi.

admiranda generatio, quo nam pacto in commodè Valentes subito inuadat. Neq; enim sicuti ipsorum generatio subita est, ita & generationis causa. Ergo licet ex succis pauiatim collectis, & sensim putrescentib. causa generationis veneni disponatur, venenum tamen non est productum ex eis, nisi postquam corruptio ipsorum ita increuerit, vt vehemens, & summa fiat; tunc. n. & venenū est, & morbū producit. Tandem, etiam si gratis concedamus, venenum illud, quod ex humoribus fit, sensim, & multo tempore in corpore augeri, esseque actu venenum, etiam in pauca humoris quantitate; non valet ex eo, non fieri ab excellenti putredine, & summa, & insigni. Summa. n. & excellens non est intelligenda summa extensiuè: sic. n. omnes febres synochæ pestilentes essent: nec summa intensiuè, cui nō possit fieri additio: sic. n. omnis terra, finis & cinis, ad quæ omnia putredo terminatur, venenum essent: Sed excellentem ac summam intelligimus, indicibilem prauitatem, & modum corruptionis perniciosam, siue ex actione agentis veneficij, immutantis humores alteratione sibi consimili, siue ex perniciosa natura eius, quod putrescit, cōtingat: Quæ excellens putredo etiam in pauca humoris quantitate stare potest; vt & in pauca quantitate humoris deleterij stant ingens, & summa vis corrumpendi, & momento totum corpus immutandi, vt 3. de locis affectus, l. 7. docet Gal. Ad tertium, cum dicit: Non est diuersa generatio veneni in corpore animalis, ex humorum corruptione, à generatione veneni, quod animalia, & medicamenta efficiunt. Sed hæc cū leui putredine, vel omnino sine putredine valida, fortè et absq; putredine generantur: Ergo nulla est ratio, cur in humanis etiam corporibus, hæc ipsa venenata qualitas absq; tam valida putredine generari non possit? Respondeo: Primum, assumit falsum, & non probat, cum dicit, non esse diuersam generationem veneni in animalibus, & in corpore humano. Quamuis. n. venenum sit omnine, quod est deleterium, siue illud animalia, siue medicamenta, siue humores producant; diuersa tamen species est in omnibus, tum veneni natura, tum modus, quo in singulis generatur. Aconito. n. & aspidi naturale illud est, qd in hominē immissum, homini est venenum. Secus. n. si illis venenū esset, non viuerent. Humores aut in homine sunt

secun-

Summa & excellens putredo sit intelligenda.

Venenū ex humoribus generatio differt ab ea quæ fit ab animalibus & medicamentis.

Secundum naturam. Vt autem eidem homini venenum fiant, (quæ mutatio est de extremo ad extremum,) summa requiritur transmutatio, & excellens corruptio. Alioquin aspides, & phalangij, & canis rabidi, & aconiti, & opij eadem esset tum natura, tum modus generationis, tum omnia ad se inuicem venena essent, vt homini, quod falsum est. Licet enim illa omnia venena hominem enecent, non tamen valet; ergo omnia hæc venena sine putredine generantur. Et quàmuis in animalibus valeret & plantis; non tamen valet in veneno, quod generatur ex humoribus in homine. Ratio est: nam etiamsi omnia venena conueniant in genere, differunt tamen inter se, & natura particulari, & modo generationis, & læsionis, & forma specifice. Sic n. valeret dicere; mus generatur ex putri materia, & est animal; Homo est animal; Ergo homo ex putri materia generatur: hæc vero fallacia est. Ad quartū, cū dicit; Sequeretur venenum solū generari in calidis humidis, si ab excellenti putredine fieret; Respondeo, per excellentem putredinē, summam extensiuē, vel intensiuē nō intelligi, sed malam putredinē, & corruptionē modo indicibili factam quæ nō iis, quæ facilius, sed quæ perniciosus sunt apta putrescere, contingit. Ideo bilis Zanaria, licet non ita prompte putrescat vt sanguis, tamen ob eius prauā naturā vehementius putrescit. Quapropter Galen. dicebat *2. in 6. epid. 38. Ichor vero sanguinis quidem seruū, mitis: nigra vero bilis, sed acida, seruus*. Ad quintū, cū inquit; Sequeretur, quod venena magis offenderent per qualitates manifestas, quā à tota substantia: Respondeo, putredinē ex qua fit venenum in corpore, non esse excellentem extensiuē, sed ob apritudinē, vt perniciosè putrescat, & corrūpatur; siue id sua natura, siue agentis malefici actione sortita sit. Præterea nec fit venenū in putredine, vt per qualitates manifestas offendat magis; sed à putredine & corruptione excellenti generatur venenum; quod vbi genitum est, tota substantia offendit. Ad sextū, cū dicit ex Gal. *6. de locis affectis*, Quod quemadmodū à paucō sputo canis rabidi, fit notabile venenū in homine: sic & à paucō humore vitioso in corpore genito: Concedimus: Ergo venenū à paucā fit putredinet non valet argumentum. Paucus enim humor, vel talis est ratione quantitatis, vel ratione corruptionis. Primo mo-

Venena inter se differunt.

do potest esse paucus, & venenum: secundo modo est impossibile. At Gal. non infert, ex paucio succo pauca, & leui putredine mutato, venenū fieri, cum nec canis rabidi pauca spuma esse possit venenosa, nisi post summā corruptionem humorū in corpore canis effecta sit. Nec medicamentā septica, licet in pauca quantitate offendant, & corrumpant, vt tandē interficiāt, illud vnquā efficerent, nisi prius actu venena essent; vt aconitum, auripigmentum, sandaraca, chrysocola, piryocampe, vt dicit Gal. 5. *simp. c. 15.* Ad septimum, cum dicit: *Excellens & insignis putredo non potest diu latere in corpore nostro: Respondeo*, id esse verum, si sit excellens putredo, vel in multa humoris quantitate, vel in parte princeps: si vero sit in pauca copia, & in parte ignobili, latere posse: vel si sit talis naturæ, qualem venena septica, & virus à cane rabido genitum in corpore repræsentant, *ex Galeno secundo in primum prorhet. 17.* Ad octauum, Galenus loco prorheticorum prædicto sic est intelligendus, vt supra locus Galeni 6. *de locis affectis, capit. quinto*, explicatus à nobis est. Ad nonum, cum dicit: Aliqui in peste subito pereunt: ergo non ex magna humorum putredine, sed ex occulta causa, nempe veneno in humili loco progenito: Respondeo, interire illos ex veneno vel inspirato, spiritus subito dissolvente; vel progenito in corpore, quod licet sit ab excellenti humorum corruptione productum, ad cor tamen peruenit vapor venenosus non putris, vnde etiam sine febre quandoque enecat, vt supra monstrauius. Ergo fuit genitum in humili loco, & sine magna putredine; nego argumentum. Vbicunque enim genitum fuerit, sine insigni & summa corruptione generari non potuit, & nec interficere potuit, nisi tandem ad cor fuerit delatū. Nec est necesse, vt statim ac summa putredo in aliqua remota corporis parte sit, & in venenum mutetur. illa simul ad cor vapores putres demandet cum veneno; quando venenum sit vehementioris actiuitatis, quam putredo; & obseruata sint putredines mēbra corrumpentes, quarum vapores putres ad cor non peruenerunt, & febrem non concitarunt, vt *tertio in tertium epide. 25.* docuit Hippocrates, & Galenus. Ad decimum, cum dicit: Ita generari potest in corpore humano venenum, vt in cane rabiente, ex Gal. 3. *in 3. ejusd. 75.* Sed venenū rabidi canis

7.
*Excellens
putredo an
& quando
diu latere
possit.*

8.

9.

*Cur quidā
subito peste
pereant.*

*Non omnis
putredo va-
pores putres
ad cor de-
mandat.*

10.

his non stat, nec fit à putredine, nec putrefacit: nam non nocet humoribus, sed solidis partibus, *ex Gal. 2. in 1. pro-phet. 17.* Respondeo, sic generari in corpore humano venenum, ut a cane rabido, si de modo generationis intelligat, quod longo tempore fiat utrumq; ut *3. in 3. epid. 75.* explicauit Gal. concedo. In reliquis autem non valet similitudo. Aliter æque formidarent aquas, veneno affecti ab interna humorum corruptione producto, ut à veneno canis: quod falsum est. Et ita etiam si in cane venenum absq; putredine fieret, & in homine sine putredine suū venenum inferret; non tamen ex eo valeret similitudo, quod in homine, ex humorū corruptione interna, cū leui corruptione seu putredine venenum fieret. Nam etiam si admittam, venenum à veneno cōsimili per contagium etiam sine putredine gigni posse: ab interna tamen humorum corruptione spontè progenitum venenū, sine vehementi, & insigni corruptione nō fit. Rursus nec verū est, canis venenum sine corruptione summa generari, ut supra ex Gal. *6. de locis affec. 5.* monstratū est. Nec septica venena sine summa putredine interficerent, ut *3. sim. c. 22.* docet Gal. Et quāuis venenū canis rabidi nō sit in putredine, vel corruptione, vel intemperie, sed in abdita totius substantiæ proprietate, non inde valet, quod à summa corruptione non producat. Natura enim rei genitiæ non stat in natura illius, quod ad eius generationem corrumpitur. Nec est verum, non habere canem rabidum putredinem, quia nullam habet humiditatem: Sic. n. neq; viueret; Ita nec omnia vno igne excepto putrescerent, *ex Arist. 4. meteor.* Ita flaua bilis calida sicca febres putridas non cōcitaret. Neq; verum est, venenū canis in corpore humano putredinē humorū nō inducere. Dicit. n. Alzaraius & Auicēnas, hoc veneno tētatos nigrā mingere vrinā, & addit Auicēnas, spem esse curationis, si ab vlcere, q̄ morsus canis effecerit, pus copiosum egrediatur. Nec est verū, inducere solū calidā siccā intemperie: illud. n. dixit Gal. *2. in primū prohet. 17.* de mēte Pelopis. Essē. n. venenū à tota substantia deleteriū, docuit *11. sim. c. de canceris fluuiialib.* ut supra à nobis mōstratū est. Ad vltimū, ad historiā q̄ narrat Gal. *2. in 1. pro. 17.* Respondeo, in illo agroto fuisse febrē cū summa putredine Id docēt vrinē, q̄ die quarto apparuerūt. Nec est, q̄ dicat Saxonia, fuisse

Hydrophobia ex morsu canis rabidi

Canis rabidi Venenum in quo consistat.

A cane rabido demorsu nigram mīnunt vrinā.

fuisse illas ob innati caloris extinctionem: non enim fuisset sine febre, adeo vt quarta die ita bene se haberet, vt et lauaret, si eius innatus calor erat extinctus: nec vixisset de inde triduo cū innati caloris extinctione: Ergo ab intēso calore nigræ fuerunt vrinæ, vt fieri illas dicit Gal. 1. de crisi- bus c. 12. At intensus calor febrilis intensam arguit putredinem à qua excitatur. Ergo erat febris quæta exterius, conturbans interius, vt vult Auicenna 1. fen. 4. esse putridas pestilentes; de quib. dicit Gal. 3. crismus c. 4. quod à principio mites, quæ postmodum valdè malignæ fiunt. Tandem dicamus cū Saxonia, in hac febre venenū necasse ægrum: illi gratis concedamus, excellentis putredinis signa nulla apparuisse: ergo illud venenū ab excellenti putredine non fuit genitū: non valet cōsequētia. Potuit. n. ab indicibilis putredinis modo sensim humor corrūpi, qui vbi venenum fuit, febrem cōcitauit & interfecit, cōmutata excellenti putredine in venenum. Nō. n. est eadem ratio generationis causæ & morbi, vt supra ex Galen. mōstratū est

*Non eadem
ratio gene-
rationis cau-
ssa & morbi.*

DISPVATIO XII.

An in febre vulgari, quæ perniciose Siciliam inuasit anno 1592. quam pandemicam pestilentem vocat Marcellus, agrotis mitti debuit sanguis copiose. Marcelli opinio. CAP. XLII.

HActenus pro dignoscenda pestis, ac pestilentis febris natura, illa disputauimus, quæ à Marcello libro suo de morbo pandemico minus rectè in doctrina Galeni explicanda esse iudicauimus: cuius occasione, & multa cū clarissimis nostra tēpestate Medicis disseruimus. Deinceps in quibus pro illarum curatione cum illo non conuenimus, amicè, & ingenuè pro ægrotorum vtilitate disseremus. Quæ licet plurima sint, duo tamen, quæ summi momenti sunt, expendemus: Alterum de sanguinis missione in illa febre molienda, quod in calce præsentis libri disputabimus: Alterum de abusu vesicantium, quod toto secundo libro cōplectemur. Igitur, vt primum agrediamur, Marcellus libro suo de morbo pandemico, à folio 38. ad 51. longa verborum serie

Marcelli opinio de co-

serie

serie statuit, in vulgari illa maligna febre, quæ Siciliam fe-
re totam pessime confecit, ægrois vbi vires permetterēt,
sanguinem fuisse mittendum copiose. Confirmat suā sen-
tentiam his rationibus: Primo, venæ sectio adimit pleni-
tudinem: ergo corpus aliqua ratione exiccat, & consequē-
ter prohibet, ne illa mala qualitas, in tota humoralī ma-
ssa diffusa, ulterius vires suas exerceat. Secūdo, medicus de-
bet imitari naturam rectē operantem. At in febribus pe-
stilentibus ex humorum copia summaq; putredine, natu-
ra sæpe per sanguinis euacuationem ægros iuuat, vt diuer-
sis exemplis docet Hippocrates, præsertim 3. in tertium E-
pidem. 77. in Pericle, & textu 78. in virgine, quæ habitabat
in vestibulo templi, & tex 62. in muliere morosa, & in alia
virgine ægotante tex. 83. quibus omnib. solutus fuit mor-
bus, sanguinem copiose natura excernente. Tertio, Gale-
nus primo epidem. sec. 3. commen. 26. in Critone dicit, Hippo-
crat. illi venam non secasse, quia opportunē non fuit ad æ-
grum vocatus. Ergo laudat in humorum copia, & mali-
gnitate, sanguinis missionem. Quarto, pestilentes nō dif-
ferunt à putridis febribus, nisi secundum magis & minus;
quod speciem non variat, secundum philosophos. Erit er-
go in vtrisque eadem methodus curationis. Sed in putri-
dis Galenus laudat sanguinis missionē 11. method. 15. cum
inquit: *Saluberrimum est in omnibus febribus sanguinem
mittere. &c.* Quinto, in quolibet morbo magno, siue pro-
pter affectus magnitudinem, siue partis præstantiam, siue
malignitatem, viribus & ætate consentientibus, venā per-
petuo secandam scimus. Sed hæc febris maligna est, & in
limine pestilentis constituta; consequenter & morbus ma-
gnus & ex humorum putredine: viribus ergo constantib.
copiose & audacter est mittendus. Hæ sunt rationes, quas
longioribus verbis Marcellus explicat.

Opinionis eversio. C A P. XLIII.

PRIMUM in re tanti momenti satis obscure, & indistin-
ctè, Marcellus loqui videtur: mox vero nec omnino
rationi consona affirmat. Indistinctè quidem loquitur: nō
enim explicat, an in hæctica pestilenti sanguis mitti debeat.
(Dantur autem pestilentes hæcticæ non vulgares modo,
sed & priuæ, vt illa fuit quam refert Galenus 2. in primum

Rationes
Marcelli.

1.

2.

3.

4.

5.

prorhet com. 17. De hac autem febre inquit, 3. de prasag. ex pul. cap. 3. Quam medicinam excogites ad putredinem qua in corde sit? In nostra autem illa vulgari peste plures fuerunt, qui cum leuissimè febricitare viderètur; 7. vel 9. die quasi tabefacti derepente vitam cum morte commutarunt. Obseruari non minus fuerunt, & qui cum humorum turgentia pessimè laborarunt. An in iis sanguinem copiosè misisset Marcellus? An vel omnino non mittendum iudicasset? an purgasset potius? iuxta Hipp. & Galeni præceptum 1. aphorismorum 24. & 4. aphor. 10. Præterea quid si fuisset summa cacochymia, sine vlla plenitudinis nota? Quid si summa humorum corruptio? Galenus enim 9. methodi c. 4. etiam in synocha, antequam corrumpatur sanguis secat venam. Quid in quibus morbus non ad sanguinem, sed ad humores separatos à natura, sanguinis habuisset analogiam? Ad hæc neq; explicat, an quib. oportebat mitti sanguis, solum in morbi principio, an quouis tempore fieri debuisset? Præterea an postquam maculæ apparuissent, vt in illa cōstitutione vulgares fuere: quæ criticæ fuissent, nullo erat artis præsidio mouendæ, ex præcepto Hippo. 1. aphorism. 20. At vero si criticè, & imperfectè, vel omnino symptomaticè, natura violèter concitata, ad expellendum apparuissent, an secta vena, & copiosè? cucurbitulis a profundo trahentibus? ex Galeno 13. meth. cap. 19. an secta vena? vt Simoni fecit Hippocrates 2. in 6. Epidem. 30. an scarificatis suris? vt fecit Apollonius, referente Orisbasio lib. 7. cap. 29. Hæc & huius generis reliqua, ad ægrorum salutē conducentia, erant explicanda, cum omnia suos habeant Auctores & rationes ad partes: & inter clarissimos medicorū de singulis ferè sub iudice lis sit. Verum illud vnum examinemus quod proponit Marcellus: An copiosè sanguis mitti debuit in illa cōstitutione, ab illius morbi naturā indicatione desumpta? Copiosè mittendum asseruit: quod rationi consonum non videtur. Potius, n. puto, vel omnino nō mittendū fuisse, vel saltē parcè, & quidem copiosè nullo modo. Quod sic demōstro. Primo vulgaris illa febris à praua ciborū insolentiū corruptione producta fuit, auctore èt Marcello, qui causam principalē protulit cibos prauos, ac insolentes, ob præcedentis durissimæ famis necessitatem; quæ (exceptis paucis nobilibus, quibus

Copiosè sanguinem non fuisse mittendum probatur contra Marcellum.

conta-

contagione accessit morbus) vulgaribus, ac plebi caussa fuit principalis & immediata ægrotandi. Cõsimilem constitutionem post famẽ narrat Gale. *lib. de cibis boni & mali succi c. 1* sed in illa laudat medicos, qui se temperarunt à sectionẽ venæ. Ergo & in hac constitutione nostra, velominino non fuit mittendus vel saltem non copiose. Verba Galeni hæc sunt: *Quumq; medici nonnulli paucis omnino quibusdã sanguinem mittere auderent morbi initio, (si quidem non iniuria remediũ huiusce & sum reformitabant, ob & viriũ iam tum antea imbecillitatẽ, &c.* Nec valet quod dicat Marcellus, in illa febre sanguinẽ nõ debuisse mitti, non q; à morbo nõ indicaretur, sed quia vires erāt languidæ. Nã morb. quoq; phlebothomiã per se cõtra indicabat; quod sic demonstro. Morbus de sui natura vires dissoluebat, ac deiiciebat; ergo morbus suapte natura venæ sectionem contra indicebat. Antecedens patet. Cur enim 'n illa constitutione vires erant languidæ? cur omnibus languidæ? Dicit equidem ob prauam humorum corruptionem factam omnibus communiter à prauis cibis, vnde natura non habebat copiam laudabilis sanguinis ad spiritus vitales regenerandos. Igitur caussa coniuncta, quæ morbum cõstituerat, summa erat illa corruptio. Ergo morbus suapte natura vires dissoluebat. Hippocr. *secundum aphor. 36.* inquit: *Qui salubritatem corporis habent, cum per medicamentã purgentur, cito exsoluuntur: & qui prauo & iuntur cibo.* Inquit Galenus in *commen.* *Qui vero & iusto & iuntur alimento, ob malorum humorum superabundantiam facile exsoluuntur in purgationibus* Ergo multo magis copiosa sanguinis missione. Galen. enim, vbi ob vires imbecilles sectionẽ venæ timet, deiectoria medicamenta concedit vt *4. de sanit. tuenda c. 4.* vbi inquit: *His enim si vires non dissuadeant, duorũ alterum, aut sanguis mittendus est, aut purgatio exhibenda. Sed discernentibus nobis, & trũ magis expediat, & mox dicetur. Si vires imbecilliores dehortantur, sanguis mittendus baud quaquã est, sed deiectio mediocris adhibenda.* Rursus, vt cumq; id sit, in acutis morbis sanguis mittendus est, si virtus sit valida, ex Hippocrate. *4. acuto. 19.* Sed in nostra constitutione omnib. ferẽ virtus vitalis à principio imbecillis erat. Id non potest negare Marcellus, cuius verba *fol. 26.* hæc sunt; *Erant tanta putredine detenti, in qua spiritus omnes*

Viribus imbecillis sanguis non mittendus.

31

diffoluebantur. Et mox: Pulsus erant parui & rari. Accidit quod erat summa corruptio, & tota humorum massa putrefacta. Marcellus fol. 22. inquit: Quare febrem hanc, nunquam Sicilia visam, formali distinctione a putridis aliis, nisi vna insigni putredine substantiaque corruptione seiungi non debere teneo. & folio 25. Quia, inquit, tota massa humoralis videbatur corrupta. & folio 26. Profunda admodum fuerat putrefactio. & mox: Quia, cum magna fuisset in Venis putredo & abominabilis & folio 29. Graue olentes erant Urina ob summam humorum putredinem. & folio 30. Quod fetida & cum Vermium multitudine egerbant, larga humorum copia

In putredine putrefactorum in causa erat. Ergo in tanta putredine vel summa nūc ompino nullus, vel omnino paucus fuit sanguis mittendus. Consequētia est Galeni, qui primū aph. com. 17. inquit: Si enim vires laborantis debiles fuerint, & ea, quae in corpore est dispositio, sit ex corruptione humorum, vel defectu: parum alimenti sapius talibus afferemus. Parum quidem, quia virium imbecillitas non potest totam simul alimenti multitudinem sustinere. Sapius autem, quoniam multis indiget dispositio. Defectus siquidem exigit adiectionem, corruptio vera contemperamentum. An igitur, quibus ob summam corruptionem, & virium defectum bandus est cibus parum, & laepe, copiosam sanguinis missionem faceret Medicus, si vellet agrum non interire. Clarius Galenus 4 de sanitate

Galenī sententia.

tutenda c. 4. loquens de sanguinis missione in summa humorū corruptione, inquit: Nam quoniam alij prius, quam ad exactum sanguinem nutrimentum peruenit, veluti semicotti sunt, alij prorsus incocti crudiq̃, alij paulo absunt a sanguinis forma, rursus alij sanguinis faciendi, siue (ut ita dicam) sanguificationis veluti vltima pars, qui vtrique excessu caloris proueniunt, (quorum alij paululum, alij plus, alij plurimum a sanguine recesserunt,) vbi paululum vel citra sanguinem restitum, vel vltra processum est, audacter mittendus sanguis est: vbi plus, consideratius agendum. vbi plurimum, in his nullus omnino mittendus est. Inspicere vero & quantitatem conueniet, ut, verbi gratia, si bonus sanguis exiguus sit, reliquus vero succus plurimus: vtiq̃, in his abstinendum a detractioe sanguinis est. Hæc Galenus: & 9. methodi c. 4. in ipsa synocha, quæ a sanguinis plenitudine fit, adueniente putredine venâ non secât. Inquit. n. Quoniâ autē nec in hoc

nec in

nec in lotio, nec in ipsa caloris qualitate, indicium aliquod humorum putrescentium apparuit, optimū factū visum est, & nā invidere, ante quam putredo inciperet. Et 11. methodi c. 14. reddit rationem, cum dicit: *Quoniam nec obstructio, nec putredo curari per sanguinis missionem potest, & quia alia remedia (cum prius monstratum est) desiderant, reponi sanguinis aliquid, ad curationis spacium debet: Tanto minus, quando sanguis in virulentum est ex corruptione mutatus. Ideo libro aduersus Iulianum c. 7. ubi in sanguinis plenitudine secūda venam morbos curare dicit, sanguine in virulentam quandam naturam mutato, id inquit nequaquam effici posse, cum sanguis ille, qui corruptus in corpore relinquitur, ex tali euacuatione ad benignum non reducat: imo potius alimentum assumptum, etiam probum, corrumpit. Nam, inquit, & ex cibarijs recte in corpore confectis bonus generatur sanguis, sic periculum est, ne, dum idonea concedimus alimenta, cum prauo, qui prius inerat, bonus & nā corrumpatur. Ad extremum si percunctemur Galenum, cur libro de cibis boni & mali succi sanguinis missionem non laudat? Respondet, quia ægrorum vires erant imbecilles. Quod si rursus instemus, & cur imbecilles erant? sic respondet: Nulli eorum animaduerti sanguinem profuixisse probum, qualem videmus de sanorum corporibus profuere; sed aut plus iusto rufum, aut nigriorem, aut serosum nimis, aut acrem, & venam dissectam ipsam inter fluendum vellicantem mordicam, sic & agere inde ad cicatricem ducifolui possent. Massa igitur humorum in illis erat corrupta. At in nostra illa epidemia, inquit Marcellus folio 25. tota massa humoralis videbatur esse corrupta: Ergo & in nostra epidemia, cum summa corruptione humorum languidæ erant vires. Vnde & quia morbus non indicaret, & quia vires nullo pacto sustinerent, copiosè sanguis mittendus non fuit. Præterea inquit Hippocrates 3. prognosticorum 38. *Inspecere oportet morborum vagantium impetum, nec te latere temporis constitutionem*, quod confirmat Auenzoar libro 3. tractatu 3. cap. 1. Sed in illa Epidemia nostra, morbi impetus non erat ad sanguinem, sed potius ad bilem, & pirituitam: erant omnes ferè duæ tertianæ continuæ, cum comate & delirio, nulla, vel rara synocha vitæ est: accessiones, licet aliquibus essent diebus paribus,*

Ratio Galeni, cur in putredine sanguis non mittendus.

Quid si virulentus sanguis.

Galenus cur in humorum corruptione reprobet sanguinis missionem.

non sanguinis periodum docebant, sed malum, ac malignum morbi morem, cū sanguis sine accessionum periodis febrem faciat 9. *methodi c. 4* & Hippocrates 3. in 3. *Epidemiorum* 36. dicit: *Accessiones pleriq; diebus paribus habebant*: vbi Galenus in *comm.* Et hoc quoque, ait, inter rara est. Nam febres ardentes solent, adeoque omnes, ita ut ille morbi multum acuti, accedere diebus in paribus. Morbus igitur de sui natura copiosam phlebotomiam non indicabat. Rursus dicamus cum Marcello *fol. 25.* analogiam habuisse ad omnes humores, & magis ad sanguinem: Certè, quibus ad alios humores vergebat impetus, non erat, quod copiosè sanguinem mitteret: neque vero, quibus ad sanguinem (ut hoc illi gratis condonamus) habuisset morbus analogiam, Nam de his fatetur Marcellus, quod tota massa humoralis videbatur esse corrupta. At sanguis, dum corruptus est, naturā suam mutauit, ex *Gal. 2. aph. 17.* Talis nullo modo mittendus est venę sectione. Hip. 3. in 6. *epid. 43.* inquit: *Nōnunquam aliquibus sanguinem detrahi conuenit opportunè in talibus, in aliis vero ut in talibus, non conuenit.* Gal. in cō. dicit: *Expedi*, inquit, *horū aliquibus sanguinem detrahi, quibus scilicet is copiosus est, & nondum insigniter ad alterum humorem conuersus. Non detrahendus est autem, in quibus iam mutatus est.* Ideo 4. de *tuenda Valere. 3.* dicebat: *Quod igitur omnino alienum est, nulla fieri ratione potest, ut id natura sua gratiam recipiat, sed educere id quamprimum est tentandum, a quē certè, ut, qua in vētre corrupta prorsus sunt, ea vel Vomitione, vel deiectione expelli profectō est optimum.* Sed dicere quis fortè posset pro Marcello: Secari potuisse venam, & mitti sanguinem copiosè, dum vires non erant adeo languidæ, nec tantus recessus sanguinis à sua natura, nec tanta corruptio in tota massa humorum. Verum neque hoc facere rationabile fuit. Licet enim in principio morbus videretur mitior, & vires non ita languidæ, præterquam quod rarius accidit, ut protinus in primo secundoque die vires imbecilles cernantur, ut 10. *meth. c. 2.* dicit Galenus: sumpta tamen indicatione ab eodem morbi vagantis impetu, quem Medicum inspicere oportebat, sanguis erat, vel nullo modo, vel nō copiosè euacuandus. Nā ex eodem morbi vagantis impetu omnes in augmento, & statu vires languidas habebant, pulsus paruos,) ob sanguinem à

Sanguis corruptus non mittendus.

Num. Viribus nondum imbecillis sanguis copiosè mittendus in illa peste.

nem à sua natura summè mutatum) subiugales vrinas, vermes, profundam putredinem, vt supra Marcello confitente monſtrauimus. Ergo virtus nō erat in principio copioſa ſanguinis miſſione demolienda, vt ſtarum vſque non ſufficeret. Si enim authore Hippocrate in victus ratione inſtituenda 1. aphoriſ. 9. coniectari oportet, an æger cum victu ſufficiat perdurare, ad morbi vigorem: & nunquid prius ille deficiat, nec poſſit cum victu perdurare: multo cautius id erit animaduertendum in ſanguinis euacuatione, de qua loquens Auicennas monet, tanquam naturæ theſaurum eſſe à Medico ſanguinem conſeruandum. Præterea, eo ipſo tempore principij, quo nec morbus videbatur magnus, nec virtus debilis, erat maſſa humorum corrupta ex prauorum ciborum ingeſtione præcedenti, qui in humores peſſimi nutrimenti mutabantur, antequam actu homo ægrotaret. Non enim eadem eſt ratio generationis morbi, & cauſæ. Inquit enim Galenus 3. in 3. epidem. 75. Neque enim ſicuti ipſorum generatio ſubita eſt: (de morbis loquens) Ita & generationis cauſa: Vt ſi medicamentum homo lethale ſumpſiſſet, Vel beſtia cum virulentiffima momordiſſet: Sed pedentetim in corpore cauſa qua ſunt excitandi huiusmodi malis, creſcunt: quod morſus & ſu & venit à rabidis canibus. Et paulo poſt: Longo enim tempore cauſa, qua rabiem effecit, augetur: qua & bi eo tandem peruenerit, mortem aſſert repentinam. Item in hac phrenitide vitioſus in corpore humor coaceruatus fuit, & veneno lethali aſſimilis, in corporibus vicinis aliquid paulatim agens, qua vitio iam aliquo pacto opportuna erant, humorque ipſe euaserat maligniſſimus, lethale repente apparuit ſymptoma, Et 2. de anim. facult. cap. 6. inquit: Ob eam igitur cauſam omnibus prauis ſucci edulij cenſeo abſtinendum, etiam ſi ea quibusdam concoctu ſint facilia. Nobis enim non aduertentibus prauus ſuccus ex ipſis poſt longū tempus in Venis colligitur, qui poſtea exigua ad putrendum occaſionem nactus, febres malignas accendit. Ergo etiam antequam actu ægrotarent, qui prauis cibis ægrotarunt, ſanguinis maſſam habebant prauis ſuccis infectam: & vbi actu febricitare cœperunt, malo modo corruptis. Ergo etiam ſi in ſtatu morbi ob intensiorem putredinem hæc omnia, vt grauiora, ſic euidentiora fierent; in principio tamen, morbo iā producto, & maſſa hu-

Sanguis theſaurum naturæ.

Generatio non eadem morbi & cauſæ.

morum

morum putris erat, & virtus (natura carente copia laudabilis sanguinis pro nouorum spirituum regeneratione) valida satis esse non poterat. Ad extremum, verisimile etiam est in epidemia, quam narrat Galenus *libro de cibis bonis & malis succi*, vites in principio morbi non fuisse adeo debiles, vt in statu; cum circa initium & finem omnia sint leuiora, *secundo aphorismorum 30.* & tamen Galenus laudat ibi Medicos, qui venæ sectionis vsum formidarunt, etiam in morbi principio. Ergo nec inchoante morbo fuit in nostra illa Epidemia, ex eisdem causis, & eadem ratione producta, sanguis copiosè mittendus. Tandem in febribus verè pestilentibus vires statim à principio sunt debiles, vt habemus ex Galeno *3. de prasag. ex pul. cap. 3. in fine.* Deijciuntur enim à principio, tum quia humores ob magnam corruptelam inepti sunt ad nutritionem: tum maximè, quia in hac febre præcipuè afficitur cor, & sic spiritus vitales, quorum est officina, dissoluuntur, & à putridis ac malignis vaporibus infecti, ad omnes tum animales, tum naturales actiones redduntur infirmiores. Ergo cum nostra illa vulgaris febris, vt fatetur Marcellus *lib. suo de morbo pandemico fol. 44.* maligna, & in limine veræ pestis posita sit, rationi consonum erat, vt vitium imbecillitatem, tum præsentem, tum multo magis imminuentem reformidaret, & nullo eius morbi tempore sanguinem copiosè detraheret.

Opinio propria, & oppositarum rationum solutio.

CAP. XLIII.

*Sententia
Austori.*

DIcimus itaque, in febre verè pestilenti, vt indistinctè sanguinem copiosè euacuare, est valde perniciosum; sic & omnino à sanguine temperare, non est expediens. Cum distinctione igitur procedendum est. Cum enim varijs temporibus, quæ grassatæ sunt pestes, varios, & peculiare impetus sortitæ sint: ita curationes varias indicant. Quæ enim ad sanguinem analogiam habuerunt, (vt illa quam refert Oribasius ex Apollonio) sanguinis missione curatæ sunt. Quæ vero ad alios humores, à natura sanguinis separatos, vel summam corruptionem citra plenitudinem habuerunt, venæ sectionem omnino aduersam expertæ

*Curatio non
eadem feb-
rium pesti-
lentium.*

experta sunt, contra vero purgationem potius salutarem. Nec defuerunt, quæ neutra prædictarum euacuationum iuuarentur, præcipuè hæctica pestilentes. Ita & grassatae sunt aliæ, quæ solis antidotis tota substantia pugnantibus curabantur, & harum omnes non eisdem: cum quædam sola terra Armena, aliæ sola vrina humana remedium inuenissent, vt 9. *et 11. simp.* docet Galenus. Quarum omnium tum mores, tum curationes referre, præsentis consilij non est: cum ab historiarum, & medicinæ scriptoribus vberissime proferantur. In nostra igitur epidemia, vt quibusdam sanguinem mittere, non tamen copiosè, fuit vtile; sic pluribus venam secare fuit valdè perniciosum. Quicumque enim in illa constitutione ægrotarant, duorum generum fuere: Alij ex insolentium ciborum ob durissimam famem, prauis edulijs in perniciosam illam febrem inciderunt, vt plebs vniuersa, & pauperes ferè omnes: Alij vero, vt nobiliores, ac diuites, qui ciborum insolentium prauitate non ægrotarant, contagione in idem genus morbi perniciosi inciderunt. Prioribus sanguis nullo modo mitti debuit, sumpta à morbi natura indicatione; posterioribus mittendus quidem fuit, sed non omnibus, neque copiosè: Horum enim hæctica pestilente correpus, vel putrida, habente analogiam ad alios humores, vel quibus sanguis summa corruptione fuit infectus, & ad venenosam qualitatem prauè mutatus, à sanguinis euacuatione putauimus temperandum. Quibus autem vires valerent, & plethoræ signa apparerent, vel febris synocha concitaretur, sanguinem inchoante morbo euacuauimus, antequam altè putresceret, ex Galeni consilio 9. *meth. cap. 4.* Plerisque ante morbi congressum plenitudinem auferre, corpus omni ingenio exsiccare, & deobstruere conati sumus, ex Galeni instituto 1. *de diff. febrium cap. 4.* quod opportunè misso sanguine fecimus. Quibus suppressa menstrua, vel hæmorrhoides, apparatus contragioni recipiendæ fecere plenior, sanguinem pro virium tenore detraximus. Quibus natura ad cutim excernere humorem ex prædom. sanguinis tentasset, si vel ægrè, vel imperfectè id molita esset, eius motum iuimus, vel cucurbitulis scarificatis, quæ ex alto trahunt, ex Galeno 13. *meth. cap. 19.* si plenum corpus non fuisset: Si vero adesset plenitudo, suris scarificatis, iuxta

*Duo genera
ægrotorum
in peste Sicilia Anno
1522.*

præce-

præceptum non modo Apollonij, & Oribasij, sed Galeni, 2. aphorismorum 17. § 4. de tuenda valet. cap 4. Sic & fluentibus humoribus febrem facientibus, ad partem principem, & in ea dispositionem inflammationis, vel veram inflammationem concitantibus, (vt sæpe ad cerebrum tum coma, tum delirium, tum lethargum, tum phrenitidem inducere,) pro virium tenore adfluentium diuersionem, & firmatorum deriuationem, sanguinem misimus. Quod non modo inchoante morbo, sed vigente, quando oportuit, sumus executi; vt quoque in summo morbi vigore fecit Galenus 1. acu. 33. Omnibus tamen ijs, & horum similibus, minus copiosè, quam à morbi magnitudine indicaretur, euacuauimus; & multo potius vices phlebothomiæ multiplicauimus, quam quantitatem, ex Auicennæ instituto, timentes imminentem virium lapsum: quæ licet debiles non essent à prauorum ciborum corruptione, quos non comederant: contagione tamen, ab illis indita, qui prauotum ciborum esu ægrotarunt, si non omnino in eandem, in consimilem tamen humorum corruptionem, & qualitatem, morbo saltem crescente, incurrebant. Prioribus autem, qui ex prauis cibus vulgari illi febre effecti sunt; quibus summa humorum corruptio, profunda atque perniciosa in venis aderat, nec copiosè, nec parcè quidem sanguinem detraximus; iuxta Galeni verba lib. 1. de cibis boni & mali succi c. 1. & eiusdem præcepta, quæ ex 4. de sanitate tuenda c. 4. § 11. meth. c. 14. § lib. aduersus Iulianum c. 7. supra retulimus. Nec Marcellirationes oppositum monstrant. Ad primam, quod venæ sectio tollat plenitudinem, concedo, & quibus illa aderat admissi, licet pro virium timore parcius, & multiplicatis potius vicibus, quam quantitate, ex Auicennæ præcepto. Exsiccare illam corpus non nego copiosam, sed ita in nostris ægris fuisse moliendam nō puto; tum quia pariter vires deicisset; tum quia, si ita arguat Marcellus: Corpus indiget exsiccatione: ergo indicat venæ sectionem: est fallacia à genere ad speciē: quando & purgatio non minus corpus exliccet. Dicit enim Auic. lib. 4. sen. 1. tracta. 4. cap. 4. Summa curationis earum est exsiccatio, & illud cum phlebotomia, & solutione ventris: & oportet, vt incipiatur in ea ad euacuandum. Si autem materia vincens fuerit sanguinea,

fiat

Marcellirationes refutantur.

1.

fiat phlebotomia: & si fuerint humores alij, euacuētur. Quod protulit Galenus lib. de sangu. miss. c. 8. & primo aphorismorum comm. 23. Infert tandem Marcellus, prohibere phlebotomiam, ne mala qualitas in tota massa diffusa ulterius vires suas exerceat. Id gratis dicit, nec probè dictum videtur. Si enim venenosa illa qualitas pauca sit, & nondum in totam humorum massam diffusa, agitatis sanguinis missione humoribus, toti commiscetur: vt ex paucis aloes in fundo vasis aqua pleni docet Fracastorius; quæ si agitetur, aloes amaritudine vehemētius inficitur. Si vero tota massa sit iam venenosa qualitate affecta, nec venæ sectio conuenit. Vires enim summo veneno debiles, reddit imbecilliores: spiritus aliquos bonos vna cum sanguine educit, atque dissoluit: nec totum venenum, quantumvis copiosa fiat sanguinis missio, euacuat. Nunquam enim phlebotomia tantam haurit sanguinis copiam, quin maiorem non relinquat: quæ cum ad benignū sua venefica qualitate nō reducatur, vires omnino dissoluit, & naturam, quod malignum reliquum est, prosternit. Ideo Galenus 11. meth. c. 14. dixit, putredinem sanguinis missione non curari; & in synocha sanguinem mittere, antequam sanguis putrescat, festinauit, 9. method. cap. 4. Quod neque contulisset, si synocha pestilens futura esset, cum totum venenum illa euacuare minimè potuisset. Ad secundam dico, debere nos imitari naturam, rectè tamen operantem, ita vt completerè perficientem simus, & nullo modo nouemus, irriteremus, vel moueamus, iuxta præceptum Hippocratis 1. aphorismorum 20. Imperfectè vero, rectè tamen agētem adiuuamus, & subministremus: contrariè autem & noxiè operantem prohibeamus, transferamus, & diuertamus, vt 1. aphorismorum comm. 21. monet Galenus. In constitutione, quam narrat Hippocrates 3. Epidemiorum, contulit effluxio sanguinis copiosa: licet nec id in ea fuit vniuersaliter verum, vt patet 3. in tertium epidemiorum 35. & 42. Ergo in omni constitutione, quæcunque illa fuerit, cuiusvis temporis vel analogiæ, sanguinem copiosè mittendum esse affirmare, fallacia est à secundum quid ad simpliciter: cum ipse Galenus in omnibus cōstitutionib. sanguinis missionem non laudet: neque nostra constitutio, à prauis cibis exorta, similis fuit illi, quā narrauit Hippocrates 3. Epidemiorum.

2.

Naturam
quando imi-
tari vel non
debeamus.

miotum

31

miorem, à praua aëris mutatione producta. Ad tertium, de exemplo Critonis, ex dictis patet responsio. Nam præterquam quod erat febris illa sporadica, & natura tentauit venenum deponere à parte principè ad crus; quod cum omniæ superfluitatem capere non valuisset, residuum recurrens ad caput ascendit: quod, quia erat malignitate, furiosum delirium excitauit: quo casu erat in principio natura à plenitudine secta vena exoneranda, tum eius motus adiuuandus, quo vergebat noxios humores deponere: Dicit quod in nostra constitutio-
 ne erant in cute exanthemata. Respondeo, quod, qui-
 bus erant cum plenitudine, & praua qualitate, & vires non contra indicasset, naturam exonerauimus, & venæ sectione, & purgatione, iuxta præceptum Galeni *secun-
 do in 6. epidemiorum 30.* in Simone latas pustulas ha-
 bente: non tamen sanguinem copiosè euacuauimus, tum ob causam ante dictam, tum nè humores ad cutim e-
 missi, vasorum inanitione regrederentur ad partes prin-
 cipes, vt docet Galenus 3. *de naturalibus facultat. cap. 13. & commen. 68. secundi prognosticorum, & secundo in 1. Epidemiorum commen. 38.* quod aliàs à nobis fusè mon-
 stratum est. In quibus igitur erant symptomaticè excre-
 tiones ad cutim, vel omnino morbum non indicantes, (criticè enim per has excretionem nulli contigit morbi solutio:) naturæ depositionem iduimus. In humori-
 bus separatis à natura sanguinis, vt erant exanthemata nigra, luida, violacea, fomentis, frictionibus, & huius generis reliquis extrahentibus ad cutim citra noxam: in humoribus vero sanguineis, vt erant rubra, ventosis, vel furis scarificatis. Ad quartum, cum dicit, non dis-
 ferre pestilentes à putridis, nisi secundum magis & mi-
 nus, assumptum esse falsum supra *cap. decimo* copiosè monstratum arbitror. Ad quintum; In omni morbo magno secandam venam, dicit Hippocràtes *quarto ac-
 cutorum 19.* Magnus morbus fuit nostra febris maligna, & in limine pestilentis constituta: Respondeo primum, propositionem Auctoris *libri 4. acutorum, text. 19.* in-
 definitè prolatam esse, non vniuersaliter. Quid enim, si hectica sit, vel ephamera pestilens? quid si materia tur-
 gens? Magni quidem sunt affectus, in his tamen venæ
 sectio-

sectionem Galenus non consulit. Tympaniam, & ascitem nemo per sanguinis missionem curare est ausus, inquit Galenus, *quarto acutorum, commentar. III.* Rursus in febre à summa corruptela humorum sanguinis euacuationem non laudat Galenus. Nono enim methodi capite decimo, inquit: Porro in ijs continentibus febribus, qua ex stipitatione meatuum accenduntur, quoniam valida plerumque virtus est, citra periculum euacuatio adhibetur: in alijs vero morbis maximè est periculosa, & veluti si fortè incidit in corruptela humorum. Magnus ergo morbus magnum remedium per se indicat, & paruum paruum, vt extremis extrema conuenire dicit Hippocrates primo aphorismo 6. Sunt ergo magna remedia duo, sectio venæ, & purgans medicamentum, ex Galeno 2. aphorismorum 29. quinto method. cap. decimoquinto. Ergo si morbus magnus erit à plenitudine, vel vitio sanguinis, sectionem venæ requirit: Si vero à vitio aliorum humorum, non venæ sectionem, sed purgationem. Hoc totum declarauit Galenus quarto method. cap. sexto cum dicit: Nunc illud docere volo, tum ipsam morbi, siue vim, siue magnitudinem appellare velis, pro indicatrice quadam sanguinis detrahendi; vel purgationis adhibenda statuendam esse: tum vero Hippocratem hanc omnium, quos nouimus, primum indicationem adinuenisse. Ex libro de curandi ratione per sanguinis missionem, capite septimo inquit; Sed illud prius videndum, quid sit quod in illis acruetur: si quidem nonnullis amara bilis succus plus ceteris colligitur: quibusdam bilis atra aut pituita: alijs ex æquo omnes, in quibus sanguis abundare dicitur. Hos ergo omnes vacuabis, sicuti etiam podagricos, & arthriticos, verò principio, exhibito videlicet aut medicamento purgante, aut sanguinis diminutione. Et sexto aphorismorum 47. vbi dicit Hippocrates: Quibuscunque Venæ sectio; vel purgatio cum medicamento conuenit, hos verè purgare, vel Venam incidere oportet. Galenus in commentariis inquit: Hos enim oportet vt anticipemus euacuare, & re adueniente, vel per Venæ sectionem, si plenitudinis passionibus subiiciuntur: vel per purgationem, si ijs, quæ ex corruptione proueniunt. Ergo non cuilibet morbo ma-

Sanguinis
missionem
reprobat Ga-
lenus in hu-
morum cor-
ruptione.

Purgatio &
Vena sectio
duo magna
remedia.

gno, sed solum plenitudine, vel vitio sanguinis, magnus, sanguis est euacuandus : cuiusmodi noster morbus non fuit. Ad extremum non modo magnus morbus requiritur, sed virtus valida, *ex eodem & acutor. Nam, inquit textus, in acutis morbis sanguinem detrahes, si atas florida, virtus valida, & morbus magnus.* In nostra vero epidemia vel non erat valida virtus, vel ex eodem morbi impetu in vigore de facili corruebat, ob summam humorum corruptionem à prauis cibis.

Finis primi libri.



GERARDI
COLVMBÆ DO-
CTORIS MEDICI, ET
PHILOSOPHI MESSA-
NENSIS DISPUTATIO-
num Medicarum

De Febris pestilentis cognitione, & curatione,

LIBER SECVNDVS.

DISPUTATIO VNICA.

*An in febre pestilenti Illustris Domini Vincen-
tij Rao medicamenta vesicantia recte
fuerint instituta?*



Tempus est vt examinemus, an medicamē- *Summa &*
ta vesicantia ex cantharidibus parata, ra- *capitulum huius*
tionali methodo fuerint apposita Illustri *libri.*

D. Vincētio Rao, febre pestilēte & comate
laboranti. Huius enim disputationis caus-
sa, omnis hæc controuersia fuit suscepta.

Hanc disputationem diuidemus in quatuor partes: In pri-
ma referemus Marcelli Capræ rationes, quibus vesican-
tium vsum confirmat, & illas examinabimus. In secunda
rationes proferemus, quæ illa explodenda fore conuin-
cunt. In tertia, an Illust. D. ægroto contulerint, an obfue-
rint potius, demonstrabimus. In quarta demum parte re-
feremus rationes Herculis Saxonæ, quibus vniuersaliter
in omni febre pestilenti phænigmata conuenire, v-
traque sua disputatione contendit, & il-
las explicabimus.

L .

PRI.

164 G. COLRMBÆ DISPVT. MEDIC.
PRIMA PARS DISPVT.
TATIONIS.

Marcelli Capra pro vesicatorijs ratio prima.

C A P. I.

Longa verborum serie contendit Marcellus libro suo de morbo pandemico à folio 71. ad 92. medicamentà vesicantià in ègritudine Illust. Do. Vincentij Rao appositè fuisse instituta. Rationes & auctoritates, quas profert, ad duo capita referri possunt. Primam circumscribit Marcellus folio 77. his verbis: *In hoc Illust. agrote duo reperiebantur præter naturam affectus, qui nos medicos in curando tenebāt sollicitos: Vnus nempe, febris illa vulgaris, & perniciofa: alter vero coma erat. Qui affectus cum cōplicati essent, cōplicatam debebant habere curadi rationem. Quare ad quod magis vrgebat, altero non neglecto attendere oportuit.* Hoc supposito, explicat affectum, qui magis vrgebat, & subdit: *Nam tunc maximè vrget affectus, vbi ipse magnus fuerit, vel ex eius propria essentia, & magnitudine, vel quia cacothesis, & propter affecta partis præstantiam.* Mox & aliud supponit sic: *Et quando isti cōplicati affectus ita se habent, vt vnus sanari nequeat, nisi prius alter curetur, illi est prospiciendum, quo non curato, reliquus affectus curari non valet: & sic si vnus affectus causa rationem obtineat, alter vero effectus; inspicere oportet, num affectus tanta sit malignitatis, vt statim necesse inferre possit: & ita huic primo occurrere oportet, deinde ad causam redire.* His ita suppositis enchymematice arguit sic: *In hoc Illust. agrote affectus magnus erat præter naturam coma, seu cataphora, qua necem promittebāt; causa vero erat febris maligna, cū ex hac causa originem duxisset coma, & ita materiallem causam, qua est cōcursus vaporum ab infernis partibus ad cerebrum.* Hoc assumpto, sic infert: *Vera igitur curandi ratio erat, quòd cū præcessissent tot notabiles euacuationes, & per vena sectionē, & per purgationem, materiā malignam derelictam, ad remotissimas partes reuellere, & maxime ad cutim.* His verbis videtur Marcellus primam rationem finire. Nam sequentibus verbis ab hac diuersam aggreditur, vt referemus.

Eucisio

Euerſio Prima Rationis Marcelli.

CAP. II.

HÆc ſi aliqua ratio eſt, (diu enim dubitauĩ an eſſet) Primo aſſumit falſum: Secundo inferit ex non aſſumptis: Tertio ſua conſuſione deſtruit quod probare intendit: & Quarto nihil proſuſ pro veſicatorijs concludit. De primo, magnum affectum vocat coma, dicitque necem promittere, Quod rectè dictum non eſt. Contra ſiquidem febrem affectum omninò magnum, & mortem minantem dicere potius debebat. Hoc ita demonſtro. Maior affectus eſt phrenitis, quam coma. Sed in phrenitide, & febre, ſuccus febrem conſtituens necem aſſert, non phrenitis. Ergo in comate & febre complicatis, humor producens febrem, necem aſſert, non coma. Maior eſt euĩdens: nam ab humore pituitoſo, cerebrum refrigerante & humectante fit coma, ex Galen. 2. in 1. prorhet. 29. & 4. de praſag. expul. cap. 8. à ſua uero bile phrenitis, ex Gal. 3. de locis affect. cap. 5. & primo in 1. prorhet. commen. 1. Sed ſua uis bilis longè uehementioris eſt actiuitatis, quam pituita. Ea enim, ut reliqui ſucci elementis cæteris, igni proportionẽ reſpondet, 8. de decretis Hippocra. & Plat. cap. 4. Rurſus ut coma ex cerebri frigida intemperie fit, 2. in 1. prorhet. commen. 29. ſic phrenitis, præter calidam intemperiem in cerebro, & euĩs inuolueris phlegmonem excitat, 2. de cauſis ſymp. ca. 7. Minor eſt Gal. 3. in 3. Epidem. commen. 75. ubi dicit: Namque ſic phreniticus miſſo ſtatim ſomnis ſirulẽta: quod febribus adurentibus ferè eſt conſequens. Itaq; ſi ueneno epoto lethali quidam poſtridie ſel tertio die moriuntur, qualitate euĩs, non copia mortem aſſerente; & item hic quoque ager ſtatim tertio die cenſendus eſt obuiſſe, à qualitate ſuccorum ſirulentorum, non à phrenitide, peremptus: At phrenitis illum eſſe ſubſecuta, ſymptomatiſ vice. Igitur in ægrototo noſtro, patiente coma, & febrem, quam malignam & pernicioſam eſſe fatetur Marcellus libro ſuo folia 77. & 79. & alibi ſape, manifeſtum eſt, porius febrem quàm coma magnum morbum, necem inferre magis potentẽ dicere Marcellum debuiſſe. Præterea, ſi quaeramus ab eo, cur necem ægrototo noſtro coma promittebat? Reſponderet, quia cerebrum membrum princeps, & ad uitam apprimè neceſſarium offen-

*Phrenitis
maior affe-
ctus comate.*

debat. Sed febris, & quia febris, & quia pestilens, cor & innatum vitæ calorem demoliebat: Ergo febris comate maior affectus, & mortem inferre potentior fuit. Febris enim, quia febris est, plus cætoris sollicitos nos tenet, *ex Galen. 8. meth. c. 9.* Cor enim necessario offendit, ut idem dicit *1. de diff. feb. cap. 4.* Pestilens autem pemphigodes terribilis dicitur *primo in 6. Epidem. comm. 29.* magnaue ex parte lethalis: quoniam peculiari suæ veneficæ qualitatis antipathia à rota substantia cor offendit. Siue enim externa contagione per aerem inspiratum pestilens coinquinamentum ad cor perueniat, ut venenum enecat, *ex Gal. lib. de ther. ad Pis. c. 16.* siue internorum humorum corruptione venefica producat, ubique locum in corpore habeat, ut pestilens sit, cor necessario offendit. Neque enim Fracastorij illa seminaria pestilètia esse possunt, quamquā acutissimæ, & vehementissimæ sint contagionis, ut *lib. 1. insinuaui*mus, nisi morbum inducant magna ex parte lethalem. At vero lethalem magna ex parte morbum inferre apta non erunt, nisi suapte natura apta sint cor demoliri. Inquit enim Galenus *5. de locis affect. c. 1. Quum itaque tres sint principes partes, quibus gubernatur animal, semper mors ad immodicam sequitur cordis intemperantiam: simul enim cum ipso omnes vitiantur partes.* Ita *2. acut. 47. Vt* velocissima igitur, inquit, sunt corde patiente mortes: deinde affecto cerebro: *tardissima* ab hepate prodeunt. Quod confirmat *7. meth. cap. Ultimo & 6. aphor. comm. 18.* Igitur quanto prestantius est cor, quam cerebrum, ad vitam animalis, quantoque cordis affectus, cerebri affectibus (data essentia paritate) sunt grauiores: tanto febrem illam perniciosam in nostro ægroto comate maiorem, ac magis lethalem affectū fuisse, Marcellus fateri debuisset. Præterea in nostro ægroto coma erat symptoma, febris erat morbus, ut fateretur esse perpetuo Galenus, ubique coma & febris complicantur, *fit 1. in 3. Epid. 7. loquens de Hermocrate 2. in 3. Epid. 8 3. in 3. Epidemio. 34. lib. de comate 1. primi proet. 1. & 4. libi sape.* Quod in nostro ægroto negare non potest Marcellus, qui libro suo *salvo 70.* dixit: *Nono die eius agri tudinis adueniente symptomate quodam pessimo, somnifero comate.* Tunc sic arguo: A symptomate nulla sumitur indicatio curatiua per se, nisi ex accidenti, quando subierit naturam causam,

Partes principes qua.

*A sympto-
mate nulla
sumitur cu-
rationis in-
dicatio.*

causam

causſæ. Sed in noſtro ægrotō coma erat ſymptoma, & nullo modo ſubibat rationem, cauſſæ. Ergo nulla à comate ſumi debebat indicatio curatiua. Maior eſt Gale. 12. meth. cap. 1. vbi inquit: *Vt enim in ſumma dicam, nullum ſymptoma, qua ſymptoma eſt, nec curationis rationem indicat, nec primum immutat.* Monſtratum enim eſt ex morbis ipſis curationis indicationem præſtari, ſeluti ex cauſſis ipſis prouidentia. Et mox ſubdit: *Ex accidenti tamen ſymptomata quoque curandi rationem aliquando mutant, cauſſa ſcilicet locum eo tempore habentia.* Minor patet ex Galen. eodem cap. cum ſubdit: *Eorum omnium, cum ſeluti cauſſa: curationem immutant, vnum caput eſt: dico id vnum læſionem, ſiue ea ipſius virtutis ſit, ſiue affectionis.* Sed in noſtro ægrotō coma neutrum infererat. Vires enim febris diſſoluebat, non coma. Habebat æger languidas vires, inquit Marcellus lib. ſuo folio 71. Declarauit autem folio 5. quales erant pulſus, virium languorem denotantes in illa conſtitutione, cum dixit: *Pulſus rari, & parui fiebant.* Tales autem ex vehementia febris peſtilentis fiunt, authore Gal. 3. de præſag. ex pul. cap. 3. non à comate, vt patet ex Gale. lib. de pul. ad tyrones, & Paulo lib. 3. cap. 9. Neque vero coma febrem, illam peſtilentem adaugere poterat, aded vt rationem cauſſæ ſubiret. Nam ſi ſpectemus comatis intemperiem, ea quidem frigida eſt; ſi verò febrem obſeruemus, quam coma ſuapte natura poſſet inferre, vel omninò nullam inueniemus, cum coma inflammatio nō ſit, vt eſt lethargus; vel ſi aliquam afferret, lentam eam eſſe necesse eſt; quando lethargus comate affectus grauior, in eodem frigida intēperiei ordine, febrem lentam, & nō vehementē inducat; vt docet Paulus li. 3. c. eod. cum dicit: *Lethargicos comitatur febris lenta, non impenſe acris, erodensque, cum alio ſopore, qua cataphora Græcis dicitur. Pulſus huius magni, rarique ſunt, & vndofi.* De ſecūdo & tertio, quæ propoſuimus; Dicimus, quod etiā ſi quæ aſſumit Marcellus, vera eſſent, in ſuo argumento concludit ex non præmiſſis, & ſua conſiſtione deſtruit, quod probare intēdit. Vtrumque ſic demōſtro: Inquit: *In comate, & febre complicatis, coma erat affectus magnus, qui necem promittebat.* Ex hoc debebat inferre. Ergo à curatione comatis erat inchoandum. Sed infert: *Ergo vera curandi ratio erat, materiam malignam dereli-*

*Lethargus
grauior af-
fectus coma-
te.*

Etiam, ad remotissimas partes reuellere, & maximè ad cutim.
 At hoc non est eurare coma, sed febrem. Ergo concludit,
 quod in præmissis non acceperit, & contra quàm intendit
 demonstrat: si quidem humor malignus, quem reuellendū
 esse concludit, coma nō constituebat, sed febrem. Quam-
 quam enim pituita quoq; putresceret in nostro ægroto;
 succus tamen, qui excellenter putrescebat, & febrem illam
 perniciosam cōstituebat, erat flaua bilis, adustione in atrā
 versa. Hoc patet ex confessione Marelli, qui *fol. 73. & 74.*
 ægrū dicit fuisse habitus melancholici, & *fol. 71.* exanthe-
 mata illius subnigra. Cæterum etiam si idem succus mali-
 gnus febrem, & coma cōcitasset: manifestum est, quod fe-
 brem, vt morbum; coma vero vt morbi symptoma consti-
 tuisset. Quod negare nequit Marellus, qui febrem mor-
 bum, & coma morbi symptoma statuit in nostro ægroto
lib. suo fol. 70. Ergo dum humorem malignum cōcludit ef-
 se reuellendū, febrem potius curat, quam coma; cuius op-
 positum facere intendebat. Argumentum est Gale. qui *12.*
metbo. c. 1. inquit: *Quod si vno remedio tum symptoma leniti-*
tum morbus curari queat, id vtiq; non fuerit symptoma respo-
ndere, aut symptomatica causa remedia sumere: sed omni eius-
modi auxiliorum species planè morbi curatio est. Rursus hæc
 materia maligna, quā reuellere ad remotissimas partes in-
 tendit, vel erat firmata in cerebro, vel ad illud confluēbat.
 Quocunq; modo affirmer, vesicatoria excludit. Nā si fir-
 mata sit, reuulsionem non indicat, sed deriuationē, ex Gal.
2. ad Glau. cap. 2. Vesicantia verò euti apposita, præsertim
 brachij, spatulis, & ribijs, vt fuit in ægroto nostro, nullo
 modo deriuant à cerebro. Inquit enim Gal. *5. meth. c. 3.* *De-*
riuatō ad vicina loca fit, cum id, quod per palatum vacuatur,
per naves deriuatur. Et paulo post: *Tum per vicina deriu-*
bis: vtiq; quæ per aluum fluunt, ea vel per vrinæ, vel vterum
transmutens: quæ vero per vrinæ, ea vel per vterum, vel per
sedem transferens: pari modo, quæ per vterum erumpunt, vel
per vrinæ, vel per aluum. Quæ vero in oculis, aure, vel pala-
to fluxiones accidunt, eorum ad vicina deriuatio per naves
est. Quod confirmat *4. aphor. comm. 2.* & Hipp. *6. aphorismo*
10. inquit: *Caput dolenti, & circumdolenti, pus, vel aqua,*
vel sanguis effluens per naves, aut os, aut aures, morbum soluit.
 Idem confirmat *lib. de indic. prope finem.* Si verò fluētes hu-
 mores

*Vesicantia
 euti apposita
 non deriuat
 à cerebro.*

humores ad caput reuellere intendit: hæc reuulsio vesicantibus ad cutem positis exequi non debet, sed purgatione per aluum. Quod probare tum ratione, tum auctoritate facile est. Primum inquit Galen. 5. meth. cap. 3. *Reuulsio in iis, qua supra sunt, omnibus deorsum semper agitur: sursum, in iis, qua sunt infra. Præterea à dextris ad sinistra, sicut ab his rursus ad illa: similiter ex iis, qua intus habentur, ad ea, qua foris sunt: contraq; ab his ad illa.* Sed in nostro ægrototo humor, qui concitabat comam, fluebat sursum à foco febris ad cerebrum: ergo seruata oppositionis restitutine, deorsum erat diuertendus. Galen. 4. meth. cap. 6. inquit: *Quare nunc quoque, si etiamnum fluxio valenter irruat, reuellere ad contraria studebimus, utique si in superioribus vlcus consistat, per inferna purgantes.* Et 13. meth. c. 11. eadem ratione, inquit, *in omnibus, qua circa caput accidunt, medicamentum, quod aluum deicit, ad contrarium auertit.* Hipp. 2. in 6. Epid. 9. *Si sursum vergant elata, per inferiora soluere.* Et libro de humoribus 1. tex. 13. inquit: *Derivatio in caput, in obliqua, qua maxime repit: Aut reuulsio in supernis deorsum, in infernis sursum.* Ita Galen. lib. 2. de frac. com. 27. Ita 2. in 6. Epid. m. 14. & lib. Oribasii de cucurbitulis deri. & reuul. ex Galen cap. 19. In summa, dicit, *reuulsio facienda est: deorsum quidem, ubi succi ad superiora: sursum, ubi ad inferiora vergunt, &c.* Ita humorem turgentem, prius quam membrum aliquod princeps occupet, reuellit quidem Hippocrates nō ad cutem, neque vesicatoriis, sed eadem die purganti medicamento, per inferiora illum euacuat, 4. aphor. 10. Adde his, quod humor ille malignus in nostro ægrototo morbi erat causa. Igitur quemadmodum vt fluens ad partem principem indicabat sui reuulsionem, ita vt morbi causa sui abscissionem. Galenus 10. meth. cap. 1. inquit: *Ita fit vt tres primi scopi sint, qui in propositis iam ob putredinem febribus, agendorum indicationem nobis præbeat, vna febris ipsa: altera effectrix eius causa: tertia vbi ipsa naturalis.* Caterum priores duo scopi submouendi sunt: tertius est tuendus. Et 4. meth. s. 4. *Præcipitur enim, inquit, ab omnibus ferè antiquis medicis, quicunque ratione quadam, ac methodo de vlcium curatione scripserūt, causas, qua illa creant, abscindendas esse, aquè profecto, vt cæterorum omnium morborum. Non enim arbitror, in vlcibus manente adhuc causa, qua ea excitauit, hanc*

*Humorem
turgentem
per inferiora
purgat Hip-
pocrates.*

*Scopi cum
dorum
se-*

A causa efficiente inchoanda curatio.

prius tolli expetit, in aliis morbis non expedit, sed omnino in omnibus, in quibus effectrix causa adhuc manet, ab hac inchoanda curatio est. Abscinditur autem causa, cum purgante medicamento noxius humor totus extra corpus excernitur, logè facilius, vberius, & commodius, quam si ad cutem vesicantibus transferatur: vt infra monstrabimus. Nec est, quod dicat Marcellus *fol. 79.* præcessisse in nostro ægroto notabiles euacuationes, & per venæ sectionem, & per purgationem. Nam post illam euacuationem factam purgante medicamento, nulla noua indicatio insurgebat in nostro ægroto, sed eadem omnino remanebat, quæ purgationem à principio indicauit. Non erat ergo medicis temerè transeundum ad nouam auxilij materiam instituendam. Hoc sic patet: Vel enim à principio morbi purgauerunt Medici noxios humores, vt minorem iam factam materiam facilius concoquere natura potuisset: quod in illis morbis fit, in quibus speramus ægrum conualliturum, *ex Gal. 2. aphor. com. 29.* Vel vt humorem malignum, vt dicunt, eradicarent, priusquam membrum aliquod princeps obsideret, vel vires deiceret, vt fit in turgente materia, *ex 4. aphor. 10.* Quodcunque affirmet, vesicantia prorsus excludit. Nam si primum dicat Marcellus; tunc minorata morbi causa in principio, in morbi vigore erat à vesicatoriis temperandum, ne naturam diuerteret à coctione humorum. Quæ enim concoquenda sunt, quiete opus habet, *4. acuto. 44.* Nec est verum, Hippoc. quietis nomine solum à purganti medicamento vacationem significare, vt explicat Saxonia *lib. 3. de phanigmo. capitul. 9.* Contradicit enim Galen. qui *comm. 44.* referens causam, cur medicamenta coctionem perturbant, inquit: *Præterquam quod neque valenter calfaciat, neque refrigeret, sed leniat: quibus maximè indigent, qui coquantur maturanturque. Quod si hac coctioni humorum conferant, purgationes contraria existunt: nempe corpus vehementer moventes frangunt.* Sed vesicatoria corpus vehementissimè cum movent, tum calfaciunt: Ergo vehementer, & frangunt, & coctionem impediunt. Hoc negare non potest Saxonia, qui *lib. 3. de phanig. cap. 14.* inquit: *Vesicatorij autem hoc ipso tempore excitata facultas, est vehementissima attractio calore, dolore, euacuatione, & substantia similitudine. Quam*

facul-

Vesicatoria maturam à coctione humorum diuertunt.

Concoquenda opus habent quiete.

Vesicatoriorum vires.

facultatem si habent in principio morbi apposta, cum de
sui natura habeant, omni morbi tempore habebunt. Non
minus calida sunt in quarto ordine. Ergo coctionem non
iuuabunt, quam moderatè calida iuuare dixit Galen. *loco
allegato, & 11. meth. cap. 9. & 14. simp. loquens de croco.* Ergo
per caloris excessum offendent, distrahent, atque turba-
bunt humoris coctionem. Si secundum dicat, putgauisse
nempe medicos, vt maleficam morbi causam penitus ab-
scinderent: tunc vel illa purgatione hoc indicatum absol-
uerunt, vel remansit adhuc tantus succus malignus, quā-
tus ad febrem perniciosam continendam sufficeret. Si pri-
mum; ergo nullum remanebat indicatum reuulsionis, ab-
lato iam indicante. Abscissa .n. causa febris, quod est reli-
quum, moderatis motibus, & refrigerante perspiratu, ad
exactam symmetriam reducendum est, *ex Gal. 11. meth. c. 8.
& lib. artis med. c. 89.* Si secundum; ergo eodem indicante
adhuc persistente, eadem remanebat indicatio, idem au-
xilium, seu eadem materia indicationem absolvere apta
requirèbatur. Argumētum est Hipp. 2. aph. 52. cum inquit:
*Omnia secundum rationem facienti, si non succedat secundum
rationem, non est transeundū ad aliud, stante eo, quod à prin-
cipio visum est.* Erat igitur locus epicrasis, vt refert Gale. 9.
meth. c. 10. non autem ab euacuatione per aluum, ad vesi-
cantia medicamenta temerè transeundum. De quarto, et-
iam si Marcello omnia, quę voluntariè assumit, gratis cō-
donaremus, nihil omnino per vesicatoriis cōcludit. Nam
etiāsi nullo modo per aluum excerni, sed omnino ad cu-
tem deferri debuisset malignus humor; si inde inferat, er-
go vesicantia erant cuti apponenda, fallaciam clare com-
mittit à simpliciter ad secundum quid. Plures .n. sunt au-
xiliorum materiae, quib. reuelleret ad cutim, atq; à profun-
do ad extimam corporis superficiem, noxios humores tra-
here Medicus potest: frictiones, inunctiones, fomenta ca-
lida, cucurbitulae, surarum sacificationes, animalia eui-
scerata, balnea, & reliqua, de quibus infra secundum Ga-
lenum copiose loquemur. Vesicantia verò, vt nec horum
omnium maximè trahunt; ita horum omnium maximè no-
cere potius, quam conferre sunt apta, vt inferius ostende-
mus. Igitur vt ab indicatione ad indicatū sit necessaria il-
latio; sic ab indicato ad vnā speciem auxilij illatio necessaria

*Reuellendū
modi plures.*

*Vesicantia
potius noce-
re quam cō-
ferre sunt a-*

non est. Idem enim non sunt indicatum, & indicati materia, ex Galen. 2. meth. cap. 14. & 14. eiusdem. cap. 1.

Marcelli Capra pro vesicatoris ratio secunda.

C A P. III.

SECUNDAM rationem adducit fol. 79. his verbis: Materiam malignam derelictam ad remotissimas partes reuellere conducebat, & maximè ad cutim, per quam natura tentauerat hanc materiam deponere, vt exanthemata indicabant: eo enim ducere medicum oportet, quò maximè natura vergit. Si natura igitur tentauit à parte principe deponere ad aliam minus principem, & à nobili ad ignobilem, talem naturæ motum Medicum iuuare oportet, præsertim quia ab interioribus ad exteriora verti bonum dicebat Hippo. ex aphor. 25. de erysipelate loquens, & Galen. in com. ait: Non solum erysipelata, sed aliud quodcunque, quod ex profundis, & aliis principalioribus partibus transfertur, bonum esse signum, & causam debemus existimare. Contra vero si ad interiora vertatur, malum. Id idem dixit Hipp. 6. apo. 37. vbi dicit: Ab angina habito, si tumor fiat in collo, bonum. Et Galen. in com. ait: Sermo verus est in promptu, si quidam ex intimioribus & principalioribus partibus, passionem confert ad cutim transferre. Quod etiam docuit 3. apho. com. 20. & 4. de morb. acut. 30. Et hoc erat, quod dicebat Gale. 2. de vsu partium cap. 5. dum ait: Inter nostri corporis partes cutem a natura ad suscipienda corporis excrementa aptissimam omnium, tanquam imbeciliores fuisse constitutam. Et in 3. de temp. cap. 3. ait: Per cutem magna ex parte excrementa purgari, qua in habitu corporis colliguntur. Hæc Marcellus. Quæ omnia ad verbum transcribit ab Hercule Saxonia lib. de vsu vesic. fol. 15.

Non recte sentire Alexandrum Massariam, & Antoninum Aluarez Hispanum, qui nullam excretionem a Natura factam, humoris crudi, nisi turgentis, putant utilem.

C A P. IV.

*Sententia
Massaria.*

HANC rationem Saxoniz non recipit Alexander Massaria, qui libello suo de abusu vesic. contendit, nullam

lam excretionem humoris ante coctionem esse, vel vilem, vel imitandam. Verbis autem Hippocratis & Galeni, à Saxonia adductis, respondet: Excretiones ab intro ad extra bonas esse, si humorum coctorum sint: secus verò omnino fore perniciosas. Quam sententiam longa serie verborum Galeni libello eodem monstrare nititur. Ergo verò (licet Massaria pro mea sententia stare videtur) vni veritati magis addictus omnino veram eius sententiam non puto. Quamquam enim, dum natura operatur regulatè, ordinatè, & non coactè, in crisi perfecta, nunquam excernat noxium succum, nisi primum illum concoquat, mox separet, vt tandem euictum, & separatam euacuet: contingit tamen aliquando, naturam causæ morbificæ prauitate, vel multitudine stimulatam, ordinem suum immutare, & non expectata concoquentis facultatis operatione, expultricem irritatam insurgere, succumq; stimulantem euacuare. Quæ excretio, quamquam crudi humoris sit, quandoque cum ægri vilitate contingit. Ita crisis, quæ fit per sanguinis fluorem è naribus, à natura regulariter progrediente, post coctionem fit. Non enim est verum, vt putat Massar. in sanguine à natura euacuando criticè, coctionem non fore necessariam. Galenus enim in libro de aliment. Hippocras. comment. 3. folio 14. litera G. inquit: De sanguine autem nemo dubitat, quin interdum stiliter, interdum secus, effluat, aut etiam excernatur. Etenim si ratione iudicationis, morbo concocto, & critico die fiat sanguinis profusio, si morbum per sanguinem iudicari opus erat, omnino agrotum seruabit: Sin contra, aut mortem, aut maxime certè periculum afferet. Et 1. cris. cap. 8. loquens de morbi principio vniuersali, quod cruditatis nota circumscribitur, inquit: Neque igitur sudores, & vomitus, & alui excrementa, neque tumores post aures, neque profluvia sanguinis, si hoc tempore appareant, & quam per crisis agitudines finierunt. Natura tamen aliquando stimolata sanguinis fluore, ante coctionem, ægri tudinem cum vilitate iudicauit. Itaq; in 1. Epid. 24. in Metone inquit Hippoc. Detractiones, & erant die tercio. Urina subnigra, in qua subnigra pendebat dispersa, non residebant: die quinto è dextra nare affatim profluxit merus, sudauit, iudicatus est. Ante coctionem igitur excretio vtilis fuit & salutaris. Nec est audiendus Antonius

Natura quando & actio in crisi perfecta.

Natura quandoque crudum humorem excernit, & cur.

Num & stilis excretio illa. In sanguine critico euacuando coctio requiritur.

Finis sanguinis ante coctionem.

nins Aluarez Medicus Hispanus, qui *lib. 1. suarum epist. de puls. 12.* dicit, habuisse Metonem aliqua ex parte signa coctionis antè iudicationem: quia Galenus inquit: *Etenim à solo sanguinis profluvio & indicatum, & servatum fuit: quamvis non omnino tuta signa haberet.* Habuit igitur, si non omnino, aliqua ex parte. Et Hippocr. *in tex. Pendebant,* inquit, *subnigra dispersa in subnigra urina.* Erat ergo natura aliqualem coctionem aggressa. Non est, inquam, audiendus. Galenus enim dicit fuisse indicatum, quamvis omnino non tuta signa habuisset, ut innueret, cum perniciosus, ac ferè exitiabilibus signis servatum fuisse. Nam non omnino tuta, & omnino non tuta sensum non variant: verba siquidem transposita non mutant sensum. Hoc autem Galenum intellexisse, monstrare facile est. Statim enim subdit, reddens rationem, cur signa habuerit omnino non tuta: *Nam quarto die dicit habuisse eum urinam subnigrā, cui annectit, in qua subnigra pendebant dispersa, non residebant. Atque die quinto, tametsi sanguinem erupisse dicat de naribus, & sudasse, & ab his indicatum, tamen postea, urina, inquit, tenues, subnigra.* Ecce igitur, quod toto iudicationis decursu, & post iudicium crudi erant humores, & nullo modo à natura concocti, quod ostendebant urinae tenues & nigrae, post sanguinis eruptionem & sudorem persenerantes. Ceterum urinae tenues subnigrae cum subnigris contentis, non modo non sunt signa alicuius coctionis imperfectae, sed cruditatem atque perniciem significant. Dicebat. n. Gal. *1. de cris. c. 12.* loquens de urinis: *Reliqua vero omnes partim cruditatem, partim perniciem portendunt. Nam quae alba est, & quae tenuis, & quae turbulenta, cruditatem: At quae farina hordei crassiori, aut squammis, aut surfuribus similis est, quae nigra, aut viridis, aut livida est, aut oleaginea, aut fetida, perniciem significat.* & eodem capit. subdit: *De hisce igitur omnib. admirabilis Hippocrates primus omnium, quos scimus, optime docuit: & quod in viris quidem, & mulieribus nigra urina pessima sunt.* Rursus Hippocrat. *2. prog. 32.* Exitiosiores vero, inquit, *urina sunt, si aquosa, fetida, nigra, crassaque sunt.* Exitiosa verò signa indicant mortem, inquit Galen. *2. eodem 34.* Ita Hippocrat. *eodem 2. 33.* dicit: *Sunt autem in viris quidem & mulieribus urina nigra, in pueris vero aquosa, deterrima.* Præterea quæ pendebant in

urinis

Urinarum
indicia.

Urina nigra
pessima.

vrinis cum pravis coloribus, coctionem imperfectam non denotabant; mala siquidem esse, & damnanda proferit Hippocrat. 2. prognost. 36. per illa verba: *Considerare de-
rò oportet in vrinis, in quibus nubecula sunt, &trum sursum* *Nubecula*
fuerint, an deorsum: & idem colores, quos obtinent. Qua enim *vrinarum*
deorsum feruntur cum coloribus, qui dicti sunt, bona com- *quid signifi-*
mendandaque sunt. Qua sursum cum coloribus, qui dicti *cent.*
sunt, mala damnandaque sunt. Nigrum verò colorem exitiosum, & deterrimum supra declaravit. Et Galen. 3. in 1. epidem. 20. de Herophonte dixit: *Hic prater expecta-*
tionem superstes fuit, quem scilicet primis diebus merito mo-
riturum suspicatus esses. Etenim nigra minxit. Et 2. prognost. 29. cum dixit Hippocrat. nubeculam nigram in vrinis vitiosam, subdit: *Equib. Si nigras merito criminetur, per-*
spicuum est: si quidem nigredo aut ob vehementem accidit *Vrinarum*
frigiditatem (quæ ratione sanguis quoque nigrescit congestus *nigredo em-*
in globos, & quicquid extinguitur, in plenum frigescent,) aut *de.*
propter exuperantem calorem. Etenim sanguis rursus trahit
nigrorem, si crematur, quemadmodum alia omnia corpora.
In Metone igitur vrinæ subnigræ, quæ ad omnimodam nigredinem propè accedebant, vel caloris incendium denotabant, quod ad exustionem properaret: vel refrigerationem, quæ tenderet ad caloris extinctionem. Sed à neutro horum utilis aliqua coctio fieri poterat: quando, quo coquuntur maturanturque, nequè valenter calfacientibus, neque refrigerantibus, sed moderato calore indigeant, vt 4. acutor. 44. docet Galen. Accidit, quod Gale. in comm. Metonem cum humorum cruditate iudicatum clarè fatetur, cum inquit: *Quod vero in exitu totius narra-*
tionis scripsit: in hoc non erat recidiva, sed crebrò sanguis et-
iam post iudicium erupit, eò est dictum, quod absque vrin-
narum concoctione esset iudicatus. Et tandem concludit *At qui cruda adhuc erant, & inconcocta.* Et libro eodem 30. in fine comm. inquit: *Siquidem alium nuper agrum sangui-*
nis eruptione indicabat: & mulierem, de qua nunc verba
fecit, sudore: quamvis morbus vtriusque inconcoctus esset
ipso ille die. Rursus redeuntes ad institutam disputationem, dicimus, quòd mulierem hanc, de qua nuper Galen. loquutus est, trimestri fœtu gravidâ, periculosa febre correptâ, natura stimulata, cū omnimoda humorū cruditate
per

per sudorem liberauit. Crudos fuisse succos monstrant vrinæ, quas Hipp. 3. in 1. epid. 30. toto morbi decursu refert fuisse tenues, & non boni coloris. Nec est quod dicat Aluatare, in hac muliere humorem fuisse turgentem. Si enim hoc verum esset, manifestè errasset Hipp. qui in materia turgente naturæ iudicium expectasset ad diem vsq; quintum, cum humorum cruditate. Debuisset enim purgare primo die, iuxta suum præceptum 4. aph. 10. vel non ultra secundum, vt 1. aph. com. 24. dixit Gal. Quod autem non fecerit, ex eo patet. Abscissione siquidem causæ morbus vel omnino celsasset, vel saltem mitior fuisset effectus. At à tertio ad quintum vsque perpetuò vehementior fuit. Verba Hippo. id clarè monstrant, quæ hæc sunt: *Die tertio dolor colli, & capitis secundum clauiculam, & manum dexteram, statim lingua obmutuit. Dextera manus cum conuulsione elanguit, & paraplecticis solet: prorsus delirabat: nocte cum molestia non dormiuit: aluus turbata est biliosis, meris, paucis. Quarto linguam & vox defecit: eadem conuellebatur: dolores omnino perdurarunt: hypochondrium cum dolore est conuulsum: somnum non capit: prorsus delira erat: aluus turbata: urina tenues, non boni coloris. Quinto acuta febris, hypochondrii dolor, planè delirauit: excrementa alicui biliosa nocte sudauit: febre liberata est.* Rursus neque Gal. casum huius mulieris annotasset, quòd crudo morbo fuerit iudicata, si turgentem putasset. Turgentem enim si natura humorem crudum depulisset, mirum esse non debebat, nec memoria tenendum. Ad hæc neque casum Metonis, & hunc simul, vt memoria dignos, annotasset, vtpotè citra coctionem pariter iudicatos. Ergo si prior turgens non fuit, neque posterior. Adde his, quod casus Critonis magis fuit vehemens, quàm huius mulieris. Perit enim postridie, quàm ægrotare cœperat cum sauiissimis symptomatis, humore a pede ad cerebrum recurrente: turgens tamen non fuit. Non enim fuisset miratus Galenus, cur initio morbi venam non secuerit Hippocrates, si quidem mirari potius debuisset, cur turgentem humorem à principio non purgauerit, cum præceptum eius sit, medicari in valdè acutis, si materia turget, eadem die: tardare enim in talibus malum est. Ad extremum humor turgens crudus est, vt ex 1. aphor. 24. clarè colligitur, & à facultate membrorum expulsi-

pultrice propellitur. Est enim de loco ad locum mobilis, nō quod ipse seipsum moueat: animal enim foret, nō succus: sed quia membrorum facultatem irritat, quæ irritata nullam coctionem intendit, sed expellit. Igitur cruditas per se non impedit, quin vtiliter expelli possit. Quod si id euenit, (nam quamquam humor sit crudus, tamen est tenuis, & æ modum facilis, vt inquit Aluarez,) manifestum est, omnem humorem tenuem, (vt est præcipuè biliosus,) non modo qualitate, sed quantitate infestantem, excerni à natura stimulata antè coctionem vtiliter posse. Verū etiam & crassus humor, dum partem stimulat cum vitæ periculo, antè coctionem à natura propulsatur, & euacuatur vtiliter. Id manifestum est in epilepsia, & apoplexia, de quibus Galen. 2. de sympt. caus. cap. ultimo, inquit: Sicut apoplexia & epilepsia ex pituitosi succi multitudine, in ipsius cerebri Ventriculus collecta, gigni videntur, eoque fit, vt subitanea sit earum tam generatio, quam discussio. discutit ergo natura crudum humorem vtiliter. Nec est quod dicat Aluarez, pituitam illam facientem epilepticam conuulsionem, naturam commutare in statum, & per vias insensibiles expellere. Nam sic concedit, quod negare intendebat: quia siue per aluum, siue per sudorem, siue per insensibilem euacuationem fiat humoriseductio, crudi euacuatio est, nullo modo cocti, & vtihs quidem; quæ vel omnem morbum, vel saltē morbi insultum propulsat. In apoplexia vero genita à pituita cruda, de qua inquit Gal. frigidum ac crassum, aut omnino viscidum humorem esse causam, 4. de locis affect. c. 2. euidentem est, creberrime naturam succum crudum à cerebro ad neruos vtiliter transmittere. Inquit enim Gal. ibidem: At qui soluta apoplexia creberrimè succedere solet vocatur paraplegia. Et Auic. lib. 3. fen. 1. tract. 5. ca. 8. Apoplexia, inquit, quandoque conuertitur in paralyin. Imo ars in apoplexiæ insultu crudum succum purgare omni ingenio contendit, in quem vsuni laudat Auicenas. libr. 3. fen. 2. c. 14. pillulas de euphorbio. Igitur ad ægri salutem irritata natura consutum ordinem inuertit, & crudum succum stimulantem vtiliter expellit. Sic licet ad fœtus emissionem eius maturitatem, atque statum parienti tempus, natura regulariter expectet: si tamen illo corrupto grauentur, coacta ante maturitatē excernit, vt 2. de caus. symptom.

Humoris ante coctionem excretio vtiliter à natura fieri potest.

Humoris crudi in apoplexia transmissio.

Natura quandoque ordinem inuariat, & cur.

M docet

docet Galen. Sic ventriculus, mordente acrimonia succorum irritatus, ante legitimum tempus cibū abiicit, & multitudine grauatus, vel multitudine & acrimonia malè affectus diarrhæis infestatur, vt 2. de natu. fac. docet Galen. Sic lippientem alui profluuio corripī, bonum dicit Hipp. 6. aphor. 17. vbi Galen. *Non est signum, hoc lippientibus bonum ab eo dictum est, sed est causa, quia humorum abundantia simul euacuatur, atque ad inferiora retrahitur. Est autem & hoc apud ipsum exemplum & num corum, quæ sponte, & vtiliter euacuatur, quod medicum imitari oportet, & proculdubio sic etiam omnes faciunt, in lippitudinibus aluum & clysteribus, & purgationibus, subducentes.* Ideo Gal. acres humores fluentes ad oculos, pro ophthalmia concitanda, purganti medicamento reuellit, & euacuat 13. meth. c. 8. ultimo. Quod si dicat Aluarez, pro reuulsione Hipp. concedere, in morborum principiis medicamentis esse expurgandum crassum humorem, & crudum: manifestum est ipsum fateri, cruditatem vtilem euacuationē in humore, etiam non turgente, non impedire. Medici enim intentio rei naturam non mutat. Siuē enim vt reuellat, siue vt euacuet, vel tandem ad deriuationē crudum succum è corpore purganti medicamento euacuet; manifestum est, crudum, & non turgentem, vtiliter euacuati ante coctionem. Quod si crudos humores fluentes, (iis enim debetur reuulsio) natura non retinet: id ideo contingit. Nam vel trahuntur, vel expelluntur, quicunq; fluunt, ex Gal. 2. de diff. feb. c. 8. ultimo. Sed cur à natura membri expellentur, si crudi? Certè quia stimulat. Natura enim sine cognitione operatur, & quod eam stimulat, propulsat. Igitur succi naturam stimulant vtiliter expelluntur et ante coctionem. Sic humorem crudum extremè citra coctionem glutinosum expurgat Hipp. 1. acuto. 33. Ita nigro veratro, vel peplo purgat, vbi eas, quæ sub septo transuerso sunt, partes dolor infestat, 2. acuto. 11. quos crudos esse manifestum est. Sic albam pituitam, quæ leucoplegmaticam constituit, fortis alui fluxus euacuat, & morbum soluit. 7. aphor. 29. quam putare concoqui non posse ea actione, quæ humorem educendum euincit, à ratione est alienū. Cruda igitur pituita euacuata, morbum soluit. Tandem, ars humores non turgentes sæpe vtiliter purgat citra coctionē, vt omninò putres. 4. de san. tuen. c. 3. tenues,

Obiectio.

Reuulsio debetur humori fluenti.

Ars quando que humores crudos vtiliter purgat.

3. tenues, lib. quos & quando purgare oportet, perniciosos, r. de diff feb. cap. 4. 5. method. cap. 12. acres, vt in alopecia, r. de comp. med. secundum locos, cap. 2. in fluxione positos, antequam firmentur, & acut. 76. Verum hæc vberius explicabuntur, quando de exhibitione purgantis medicamenti, in febre pestilenti, disputationem explicabimus.

Naturam quandoque excernere humores non malignos ante coctionem, & utiliter: Nec omnem humoris maligni excretionem, vel depositionem ad partes ignobiles, ante coctionem esse perpetuo utilem, vel imitandum. Aduersus Herculem Saxoniam.

CAP. V.

Hercules Saxonia lib. de vsu vesic. fol. 13. inquit; Humorum, qui continentur in corpore, triplicem esse excretionem, seu transmissionem: vnã omnino criticã, quæ sit natura omnino vincente. Aliam omnino symptomaticam, quæ sit natura omnino succumbente: tertiã vero inter hæc mediam, in qua duo genera humorum excernuntur, scilicet turgentium, & venenosorum, quos natura deponit, & excernit, quamuis ante coctionem, vtiliter. Hanc sententiã introduxit Victor Trincauellius: vera ramen omnino non est. Primo, quia natura sæpè excreuit humores neque venenatos, vel malignos, neque turgent, ante coctionem, & vtiliter. Secundo, quia non semel humores etiam venenatos natura deposuit à nobilibus ad ignobiles partes, non tamen vtiliter: quã transmissionem ars nõ debuit imitari, sed emendare. Vnde non semel dantur excretionem noxijs humoris, etiam vtilis, quæ à mendico non sunt per eandẽ viã iuuandæ, sed corrigendæ. Hæc facili negotio demonstrantur. Galenus & in 6. epid. & ultimo inquit: *Quin etiam atram bilem hamorrhoidis plerumq; incipientẽ prohibuisse, & tam effectam remouisse, nec non & duratũ lenẽ sanauisse, conspecta est. At Varices quoq; hos ipsos morbos, podagras præterea, & articulares dolores discutit.*

Triplicis humorum excretio secundum Saxoniam.

Refutatio opinionis Saxonie.

M a Sed

Sed atra bilis incipiens crudus humor est, vt quicunq; humor morbi principium constituens, *ex Gal. 1. aph. 12. & 1. cris. c. 8.* Ita 4. aph. 25. Sanguis, inquit, quidem supra, qualiscunq; fuerit, malum: infra autem nigra deiecta, bonū est. Vbi Galen. in com. Infra vero per hamorrhoidas bonum, quando nigra euacuantur. Ad hæc 6. aph. 11. inquit Hippo. Melancholicis, & renum vitio laborantibus hamorrhoides superuenientes, bonum. Accedit quod si mariscis laborantes neque morbo laterali, neque pulmonario, neque phagedæna, neque furunculis, neque terminthis, fortasse verò neque Lepris, fortasse nequē aliis capiuntur, vt 3. in 6. epidem. com. 37. subdit Gal. manifestum est, quod si his morbis incipientibus mariscæ superueniant, illos vel omnino soluant, vel iuuant: quandoquidem inquit Galen. 3. in 6. epide. com. 40. Omnia, quæ post aliqua orta liberant, eadē, si anteuertant, fieri prohibere Rursus si auctore Saxonia lib. 3. de phan. c. 23. utilis est sanguis ex vtero, vel hæmorrhoidibus erumpēs, inchoante febre pestilenti, si ex eorum suppressione illa contingat: Ergo & in magnis atque benignis affectibus inchoantibus ab eorum suppressione productis, si profluāt, utiles erunt: quoniam quicquid potest in maius, potest multo facilius & in minus. Non minus poterit natura deponere vtiliter crudos humores in fluxione positos, licet non malignos, sed sola quātitate grauantes. Neque enim necessarium est, in fluxione positos malignos esse: secus. n. omnes passionēs articæ, omnis morbus a fluxione constitutus foret malignus. Huc referri possunt omnes fluxiones ophthalmiam soluentes, & reliquæ alias passionēs iuuant, in quibus humores crudos, & non malignos natura vtiliter excernit, quas retulimus capite superiori aduersus Alex. Mass. Secundo nec est vniuersaliter verum, vt putat Saxonia, omnem excretionem, vel depositionem maligni humoris ad loca ignobiliota, vel etiam omnino extra corpus, esse perpetuò vtilem vel iuuandam. Nam 4. aphor. 22. inquit Hipp. morbis quibuslibet incipientibus, si atra bilis vel supra infra exierit, lethale. Quod confirmat in coacis prænot. Et Gal. 3. de difficul. resp. & 1. cris. cap. 6. Nec valet responsio Saxonix, qui lib. 3. de phan. cap. 49. dicit, Hippoc. hoc loco & alibi perpetuo damnare excretiones circa initia in morbis magnis & benignis: tales enim de-

Non omnis
humoris ma-
ligni excre-
tio, vel ad
partes igno-
biles deposi-
tio vtilis.

bent

bent coctionē expectare, vt recte excernantur. Non valet, inquam. Nam præterquam quod in magnis, & benignis aliquādo vtilis fuisse excretiones in principio morborum monstratum est; Hipp. 4. aph. 22. de malignis excretionib. loquitur, quas dicit morbo incipiente lethales. Malignas eas esse ex eo patet, quia lethales morbos denunciant. Accedit, quod in pestilenti constitutione, quam malignam esse nemo ambigit, excretiones in principio sæpe perniciosas atq; lethales retulit. Hipp. vt 4. aph. 21. vbi inquit: *Deiectiones nigra, qualis est sanguis niger, sponte venientes, sine cū febre, sine sine febre, pessima.* vbi Gal. in com. *Plurimas nigra pessima.* Verò huiusmodi deiectiones in pestilenti hoc morbo lōgo conspeximus, qua non magis in illis, qui exitio proximi erant. Et mox: *Quare ab initio quidam nunquā ad bonum fiunt huiusmodi deiectiones, magnam visceris lationem ostendentes.* Et lib. de atra bile cap. 4. vbi dixit: *Simile quoque illi effecit longa hac prolixiore astate pestilentia orta.* Subdit: *At, qui puram exactamque atram bilem deiecerunt, omnes periere.* Rursus, contingunt in febribus pestilentibus fluxus colli- *Fluxus colli-* quatiui, vt docet Galen. 3. in 3. epidem. comm. 57. In quibus *quatiui in* præter carnem liquatam, & pinguedinem, humores quo- *febribus pe-* que excellenter putridi febrem constituentes defluunt, ex *stilentibus.* Galeno 8. de comp. medic. per loca, cap. 6. & 3. acut. comm. 12. hanc tamen maligni humoris excretionem nemo vtilem putat, nec ipse Saxonia, vt fatetur lib. 3. de phan. cap. 20. Præterea Galen. lib. de cibis bonis & malis succi capitul. 1. inquit: *Aliis vero quibusdam carbunculi & phagedæna specie quum apparuissent, cum febre, plurimos interfecere.* Hæc autem excretio venenosi humoris ad cutim fuit. Rursus 4. aph. 47. Galen. inquit: *Mala vocationes sunt prauarum signa dispositionum, prodeuntque sæpius eodem modo, quo in vlcerebus putridis, a quibus ichores, hoc est liquores saniosi defluunt, nihil dispositioni conferentes.* Ad extremum, morbi, quos refert Hippocrat. in epidem. maligni sunt, in quibus multas enarrat excretiones prauorum humorum, tum ad loca ignobilia per abscessus, tum extra corpus per eorum affluxus: omnes tamen inutiles, atque perniciosas. Tertiō in 3. epidem. 61. dicit Hippocrat. *Mulsumque etiam visiosa erant urina reddita. Neque enim inerat crassitudo, vel concoctio, vel purgatio, vel purgatio proba.* Et mox: *Plurimis vero*

colligationem, turbationem dolores, diuturnitates, & nulla iudicia. Et 2. in 1. epid. 35. Cum autem, inquit, diu hac durent, multique essent dolores & mala colligatio, his succedebant abscessus, aut maiores, quam ut ferri possent, aut minores, quam ut prodesse quicquam. Abscessus vero a natura omnino victa & succubente nō fuit. Ad hęc tex. 36. inquit: *Qua hōs infestabant, hac erant: dysenteria, tenesmi, lienteria, & fluxiones alui.* Et subdit tex. 37. *Qua autem ex his violenta erant, statim opprimebant, & vel rursus nihil proderant.* Et tex. 38. *Papula parua, qua non essent excernendis morbis, statimque euanescebant: aut secundum aures tumores nigricantes, qui nihil denunciarent.* Et 2. in 1. epid. 26. & 27. *Sudores multi. Has tantum aberrat ut recrearent, & etiam contrā laderent.* Et 3. in 3. epid. 57. inquit Gal. *Et pestis quoque illa longissima, qua nostra aetate vulgata est, ex iis qua per clium euacuantur, omnes propē peremit.* Rursus neq; verū est, quod omnes excretiones ad externas partes etiam viles, sint ab arte iuuandę per eandem viam; sed saepe sunt corrigendę, ac ad cōmodiorem transferendā. 2. in 6. epid. 30. in Simone laras pustulas habente, natura repurgauit altiores fedes corporis, ad cutim noxios humores demādans, & quidem vtiliter. Inquit tamen Gal. in com. *Nam in libris de arte curandi, in quibus corporibus per multa humorum copia est, in viles esse purgationes didicisti. Priusquam. n. ita redundantem materiam, aut vena scissione, aut purgatione quis eduxerit, si fouens, hoc est calidus vtens, ipsam discutere conetur, plus attrahet, quam per cutem euacuabit.* Aetius tetrabib. 2. sermone 1. c. 129. ex Herodoto, pustulas seu vibices in cute apparentes, in febre maligna in principio curat, non trahēs ad cutim, ad quam natura deponebat excretionem illam malignam, sed vena secta sanguinem euacuans. Galen. in Critone 3. in 1. egid. com. 26. non miratur, quid causę fuerit, cur Hipp. medicamentis ab alio trahentibus, cruri appositis, naturam a principibus partibus ad crus deponere molientem noxios humores non iuuerit per eadem viam, qua vergebat: sed inquit: *Vnde mireris, quid causę fuerit, quo minus huic initio morbi secuerit Venam.* Et Auicennas lib. 4. sen. 1. tract. 4. c. 10. loquens de variolis in cute apparētibus, inquit, *Sed quando egrediuntur Variola, non oportet tunc, & administretur phlebotomia, nisi inueniatur vchementia*

Abscessus a natura violenta non fuit.

Non omnes excretiones ad partes externas arte iuuanda per eandem viam.

Pustularū in febre maligna curatio secundum Aetium.

mentia

mentia repletionis, & dominium materiei: tunc enim phlebotometur quantitate, qua alleviatur seu minores, & conuenientius quidem, quod in hac administratur agitudine, est phlebotomia. Igitur non est perpetuo verum, debere Medicum imitari naturam, eiusque motum iuuare, quamquam ad ignobiles partes demandantem noxios humores; sed sæpe expedit per viam magis idoneam eius excretionem transferre, & illam corrigere, ac emendare. Dicebat Galen. 1. aphorism. com. 20. Oportet itaque Medicum naturam inclinationem animaduertere: & si quidem idonea fuerit, subministrare, & adiuuare: sin autem contrariè simul ac noxiè fiat, prohibere, transferre, atque diuertere oportet.

*Medicus nō
semper imi-
tari debet
naturam.*

Enumeratio secundæ rationis Marcelli

C A P. VI.

HIS in hunc modum explicatis contruit Marcelli ratio; Apparet enim non esse verum vniuersaliter, ut assumit, Medicum eò ducere debere, quò natura vergit. Apparet non minus, nec debere ipsum omnem naturæ motum imitari, quamquam expellentis noxios humores. vtiliter & ad curiam. Rursus neque verum est, absolute esse bonum, & ægro conferre, si natura erysipelata, ad humores omnes noxios ab internis ad exteriora demandet. Hoc enim cum distinctione est intelligendum: quandoquidem si illa naturæ excretio fiat coctis humoribus, bona erit & vt signū, & vt causa, in quem sensum loquutus est Hipp. & Galen. 6. aph. 25. & 37. & aliis locis à Marcello adductis. Si vero ante coctionem illa fiat, mala erit, vt signum: (in quem sensum loquutus est Hippocrat. 4. aphorismor. 22.) bona vero esse poterit vt causa, si fiat tamen cum tolerantia & conferentia, & ad loca ignobilia, non quæcunque, sed conuenientia, tum membro principi læso exonerando, tum humori lædenti recipiendo. Non enim quodlibet membrum licet externum, & ignobile, cui libet humori recipiendo, & expurgando, vel cuius membro principi exonerando, congruit, sed determinatum determinato, vt docet Galen. 7. method. capitū. Ultimo, & 4. aphorismor. comm. 2. Igitur etiam si fiat excretio ab intro ad extra, & à parte principi ad ignobilem; fiat tamen sine conferentia,

*Natura da-
tus vel mo-
tus non sem-
per Medico
sequendus.
Excretio
natura ab
internis ad
exteriora
quando pro-
fit vel non.*

*Excretio ma-
la & inuti-
lis.*

& sine tollerantia, & ad partem non conuenientem membro affecto, vel humori noxio; erit depositio nec bona, nec utilis, neque ut signum, neque ut causa: sed actio naturæ mala, & quandoq; etiam excretio lethalis: quam Medicus non debet imitari, sed corrigere. Hoc licet ex antè dictis facile constare possit, euident quoque est, Nam 4. aph. 23. Hipp. inquit: *Quibuscunque ex morbis acutis, aut diuturnis, vel ex vulneribus, siue quouis alio modo extenuatis, nigra bilis, siue uti sanguis niger desuper exierit, postridie moriuntur.* Gal. in com. lubdit: *Propter morbi igitur magnitudinem cum contineri nequeant, effunduntur, & idcirco sunt difficilia.* Mortem autem non in posterum afferunt, ut in aliis contingit morbis, propter virium imbecilitatem. Et 4. aphorif. 47. cum inquit Hippocrat. *Si rigor incidat, febre non deficiente, agro iam debili, lethale est.* Galen. in com. dicit: *Sapius vero fieri rigorem febre non deficiente, & alioqui, bonum non est.* In virium autem factus imbecillitate, perniciosus. Nam si qua euacuatio rigorem subsequatur, qua nullam facit intermissionem, propter utrumque hominem dissolui verisimile est, & quia vis imbecillus ferre non potest rigoris agitationem, & quia ab euacuatione dissoluitur. Si vero solus accidat rigor, nulla euacuatione subsequente, utroque modo casus caret bonitate. Nam, & ut mala causa, vim corporis tanget, & malum signum erit: Quod confirmat Galen. 4. aphorifm. commen. 2. 1. eiusdem commen. 2. & 23. 2. in primum prophet. commen. 58. lib. aduersus Iulianum capitul. 1. & lib. de opt. sec. capit. 28. In nostro agrote exanthemata in cute ostendebant, inquit Marcellus, naturam demandare noxios succos à partibus internis ad externas. Sed non erat depositio utilis, nec quam Medicus sequeretur, sed per eandem viam iuuanda, sed omnino corrigenda: Erat. n. excretio humoris crudi, sine tollerantia, sine conferentia, ad partem non conuenientem, tum ratione partis principis affectæ, quæ debebat exonerari: tum ratione causæ morbum procreantis, quæ debebat abscindi. Hæc omnia sigillatim ostendo. Primū, humores crudi erant: Dum. n. dicit Marcellus lib. suo folio 85. In nostro agrote natura per cutim, & partes externas tentauit transmutare malignam materiam, & bene: quoniam crassius in morbi vigore, & humores non crudi & indomiti erant: contradicic

Rigor in febre, quando utilis vel nō.

sibi ipsi, & rationi. Ipse enim fol. 71. *sui lib.* inquit, in illo ægroto exanthemata apparuisse, cum virium langore, & vrinis subiugalibus. Vrinæ subiugales humorum cruditate ostendunt. Ita Gal. 1. *crisium* c. 12. loquens de vrinis, inquit:

Nam, qua alba est, & qua tenuis, & qua turbulenta, cruditatem significat. Ita 5. in 6. *epid.* 15. *Vrina*, ait, iumentorum lotio similes eliquationem non indicant, & Sabinus censebat. Nam in aphorismorum explanationibus id genus vrinæ eorum esse explicauimus, in quibus humor, qui crudus vocatur, plurimus abundat. Quod confirmat in Hermocrate, 1. in 3. *epid.* 5. ubi dicit: *At enim cum crassas etiam fuisse indicet, nec subsedisse vrinæ, planè sunt illa ex conturbatis & turbidis, & solet hic appellare, qua semper turbationem crudam annunciant.* Idè docet 2. *prog.* com 30. & 3. in 1. *epid.* com. 21. *ægrot.* 4. ubi sic asserit: *Rigor, acuta febris, sitis, biliosus affluxus, delirium, & vigilie, biliosi sunt humoris indicia abundantia. At vero cōsul- siones, & palpitaciones, & similis vrina iumentorum, crudi ca sunt, & crassi species.* Adde quod si in ægroto nostro humores crudi non fuissent, Marcellus non timuisset eius mortem. Dixit tamen fol. 71. *Signis omnibus perpensis, necem potius quàm salutem promittentibus.* Concoctiones enim arguunt celeritatem iudicij, securitatemque salubrem, ut cruda & incocta difficultatem, acrisias, dolores, reciduiam, & mortem, ex Hipp. 2. in 1. *epid.* 45. & 46. Rursus erant, inquit Marcellus, in nostro ægroto vires languidæ, & vrinæ subiugales; ergo crudi erant humores morbum facientes. Si enim languidæ vires morbi causam concoquerent, à minori inæqualitate proueniret actio cum victoria. Præterea si illa excretio utilis fuisset, conferentiam, & tollerantiam indicasset, iuxta dogma Hipp. & Gal. 1. *aph.* 2. & 4. *eiusdem* 2. At in nostro ægroto post exanthematum excretionem, & vires perseverarunt languidæ, & morbus effectus fuit inclementior: fateretur hoc Marcellus, qui lib. eodem fol. 70. & 71. inquit: *Nona die eius agritudinis aduentante pessimo symptomate quodam somnifero, coma à medicina scriptoribus nuncupatum, & litra & exanthemata subnigra lenticularumq; formam gerentia, cum virium languore.* Et mox concludit: *Quare signis omnibus perpensis, mortem potius quàm salutem promittentibus collegium medicorum factum fuit.* &c. Ergo ex eius confessione post excretionem exanthe-

Vrina alba, tenuis, turbida, cruditatis indicia

Biliosi humoris indicia.

Concoctio signum crisis lons.

marum per cutē mortis apparuerunt inditia potius, quā saluris. Excretio igitur illa sine conferentia fuit. Ergo propter morbi magnitudinem succi illi maligni, cum contineri non possent, effundebantur ob virium imbecillitatē, quo casu mortem prædicebant Hipp. & Gal. 4. aph. 23. vt supra retulimus. Ita & Philisco accidit in sudoris excretionē, ex qua Gal. 3. die mortem imminere ex artis præceptis significauit, 3. in 1. epidem. 18. Præterea corrui Marcelli ratio. Nam cutis, quamquam pars extrema, & ignobilis, non erat locus conueniens in ægtoto nostro, nec ad cerebrum exonerandum, nec ad crassum humorem recipiendum & expurgandum. Quorum vtrumq; fieri oportebat, si vt Marcellus decreuit, a comate, vt maiori affectu, cerebrum obsidente, ac necem promittente fuisset auspicanda curatio. Dixit enim lib. suo fol. 79. *In hoc igitur Illust. agrote affectus magnus erat coma, seu cataphora, qua necem promittebat. Et rursus fol. 91. Dicimus quod affectus in capite iam erat pro maiori parte per essentiam factus, & ideo vehementioribus etiam à propinquiori parte egebamus reuulsionibus, seu vt rectius dicam, deriuatione, si non ab euacuatione. Hoc autem per deficiantia quilibet sana mentis fieri debere putabit, &c.* Cæteram, vt illi indulgeam, quod reuulsionem cum deriuatione confundit: quod à propinquis reuellere, & à remotis partibus deriuare capitis affectum intendit: Certè cutis cerebro exonerando, deriuando, & ac euacuando, per essentiam affecto, idoneus locus non est: cum hæc per nares, aures, & os, & reliqua loca illi proxima fiant, non per cutem spatularum, & tibiarum. Hippo 6. aphor. 10. inquit: *Caput dolenti, & circumdolenti, pum, vel aqua, vel sanguis effluens per nares, aut os, aut aures, morbum soluit.* Et Galen. 4. aphorismor. commen. 2. inquit: *Aliquando medicina partis alicuius est euacuatina, & veluti quacunque per palatum, & nares à capite abducunt superfluitates.* Et 7. method. cap. 6. limo. Cerebrum vero, inquit, per palatum, & nares, & aures, &c. Neque valet responsio Saxoniz lib. 3. de phæn. cap. 29. quod etsi ad deriuationem hæc membra peculiaria sint constituta, vtile tamen est in febribus à cute euacuare, cum febris totius corporis sit morbus. Nam hæc responsio, præterquam quod Marcellum non tuerur; qui cerebrum indè euacuare intendit; recta

Cerebri euacuasio per qua loca fiat

dit, recta quoque non est. In febre enim euacuamus non morbum, (morbus siquidem contrariæ qualitatis indicat contemperamentum,) sed causam. At causa, si per cutem excerni à quouis membro principe affecto commodè posset, frustra singulis singula membra natura constitueret pro eorum exoneratione. Ea vero in superfluis non abundat. Mox nec in qualibet febre totius corporis habitus est repletus humore extraneo, qui sui educationem indicet: adeo ut omnis illius, causa continens, & antecedens, per cutem perpetuò commodè educi possit. Rursus Gal. 11. meth. c. 8. docet, febrem indicare non euacuationem, sed refrigerantia. Neque omnis humor faciens febrem, etiam si totum habitum corporis occuparet, posset per cutem excerni, nisi solum tenuis, ut ichor, & flaua bilis: neque is omni febris tempore. Verba Gal. lib. de const. art. c. 19. hæc sunt: *Sed qua totum corporis habitum occupauerint, quum tenuia fuerint, aut sudore, aut medicamentis, qua cuti applicata vim exsiccandi habent. Quum vero biliosa, primum quidem purgatione egent, mox & euacuatione per cutem.* Humores verò crassi coma producentes (quales erant, qui ut dicit Marcellus fol. 85. ad cerebrum raptum habebant, in nostro ægroto) etiam si in toto corporis habitu continerentur, per cutem educi conuenienter non possent. Gal. 3.

acuto. 62. inquit: *Verum, si ardens febris ob falsam pituitam putrescentem oriatur, aduersissimum illis esse balneum scire oportet. Neque enim pituitosus humor, & biliosus, per cutem euacuatur, propterea quod tum crassus, tum glutinosus sit.* Ita in lib. Hipp. de alim. commen. 3. fol. 13. lit. H. inquit: *Etenim natura semper dat operam, ut sanguinem expurget, quodque vitiosum est, ab eo secernat, & à partibus principibus modo in ventrem & intestina, modo in extimam superficiem detrudat. Sed ex iis quacunque tenuioris substantia sunt, ea cutem egrediuntur, partim per eam perspirationem, qua sensum effugit: partim & sensu percipiuntur, ut sudores, qua vero crassiora sunt, ea pertransire cutis densitatem non possunt: sed aut medicamentis, aut purgationibus, aut clysteribus, aut vomitibus euacuantur, &c.* Ita lib. de atra bile capite quarto. dicit: *Sed qua eius generis tenuioris substantia sunt, ea partim per distillationem, qua sensum refugit: partim sensibiliter, & per sudores,*

Balneum in febre ardente ex falsa pituita maxime.

*sudores, cutem perrumpunt. Quæ autem sua crassitudine per cutis densitatem traduci non possunt, sed intus coarcentur detinenturque, &c. Quod confirmat 3. de causis symp. c. 2. 4. 4. c. 30. 8. meth. c. 4. & Auicennas lib. 4. fen. 2. trac. 1. c. 68. Humores igitur in nostro egroto cataphoram constituentes, quia crassi, frigidi, ac lentissimi, ex Paulo lib. 3. c. 6. neque à cerebro deriuari, neque euacuari per cutem à natura, vel ab arte potuissent. Neque verum est, quod subdit Marcellus, affirmare Galenum lib. 2. de vsu part. c. 5. cutem inter corporis nostri partes à Natura ad suscipienda corporis excrementa, aptissimam omnium, tanquam imbecilliorē fuisse constitutam. Non enim est omnium maximè imbecilla, nec omnium corporis excrementorum susceptiua: nec Galenus 2. de vsu partium c. 5. id affirmavit. Decepit autem Marcellum Saxonia, qui lib. suo de vsu & fsc. fol. 11. hunc Galeni locum adducit, à quo Marcellus, ut pleraque alia, trāscripsit. Est benè locus Galeni li. de morborum causis c. 6. 7. bi loquens de cute, inquit: *Ac præterea cum omnium aliarum partium extrema sit collocata, non absque ratione totius corporis excipit excrementa.* Sed hoc loco, per totius corporis excrementa, non omnium corporis viscerum, nec omnis concoctionis, nec omnium morborum, quacunque corporis affecta parte consistent, intelligit excrementa; sed tertiæ concoctionis, & morbosas excretiones in habitu corporis existentes: secus ventriculi excrementa per cutem deducerentur, quæ per intestina expelluntur: thoracis, & pulmonis, quæ per asperam arteriam, & tussim demandantur: sic & iccinoris, quæ per urinam, nō per cutem excernuntur, ut 7. meth. c. 6. ultimo docet Gal. Vocat autem excrementa totius corporis, non quia ab omnibus corporis partibus demandentur, sed quia tertiæ concoctionis sint. Ea enim ideo totius corporis vocat, quia in habitu totius corporis continentur. Totum hoc expressit Gal. li. artis medicinalis c. 22. Promptius enim, inquit, euacuantur per ventrem quidem, quacumq; in primis venis continentur superfluitates: quæ autem in his, quæ in hepate sunt, per urinam meatu: at quæ in toto corpore, per sudorem: sicuti, quæ in capite, vel per palatum, vel per nares, vel per utrumque. Quæ vero sunt in spaciis thoracis laxioribus, per guttur simul cum tussi: quæ in renibus sunt, vel vesica per urinam. Quod confirmat 2. ad Glanc.*

Cutis non est omnium maxime imbecilla, nec omnium excrementorum susceptiua.

Euacuatio excrementorum per quæ loca fiat.

Euacuatio excrementorum per quæ loca fiat.

Glauc. c. de causis inflam. 4. aphor. com. 2. 7. meth. c. 5. ultimo 9. de usu part. c. 1. & 3. de alim. fol. 13. lit. F. & G. Neque verum est, de mente Galeni cutem esse omnium nostri corporis partium maximè imbecillem, ut protulit Marcellus. Gal. enim *lib. de curandis rat. per sang. miss. c. 8.* adenis id omnium maximè tribuit, cum inquit: *Quapropter partes infirmiores omnium prima excrementitii morbis corripuntur.* Et mox *Adena o-* subdit: *Potissimumq; ad adenas excipiendis recrementis ido-* minium cor-
neas, sum ob substantia laxitatem, tum quia omnium partiū poris partiū
minimè robustas habeant naturales virtutes. Et *13. meth. c. 5.* maximè im-
inquit: *Nam tibi arbitror non excidit, & potè sape à nobis mō-* becilles.
stratum, supernacanea, qua à Valentioribus partibus ob re-
dundantiam, vel qualitatem expelluntur, ea in imbecilliores
procumbere, atque hinc accideri, & glandula, quas adenas vo-
cant, facile fluxiones recipiant, & maximè qua rariore na-
tura sunt: quippè Valentius est arteriarum, & Venarum, &
neruorum, & musculorum robur: imbecillius autem, ac fortè
prorsus nullum, corporum, qua glandularum sunt natura.
Adde, quod nec excrementa totius corporis per solam cu-
tem repurgantur. Gal. *1. aph. com. 21.* inquit: *Sunt autem e-*
vacuationibus conferentia loca, intestina, Venter, Vesica, Ste-
rus, cutis vniuersa. Et *lib. de prasag. ad Post. c. 3.* dicit: *At quo-*
niam multa sunt via, quas natura expellendis excrementis a-
peruit: Nam & vomitu reiecta, & Ventris profluvium, & U-
rina multitudo, & sudor plurimus, & sanguis erumpens, &
in multis cōsuetudine Venarum ani apertio, subito sape corpus ina-
niunt, &c. Quod confirmat, *1. de tuenda Valer. c. 12.* Nec est
quod Marcellus *fol. 89. sui lib.* adducat meam apologiam
pro D. Byssio, in qua dixi, malignas illas excretiones ad cu-
tim deinandatas, fuisse omni ingenio extrahendas, nullo
modo diuertendas, vel reperiendas. Primum enim; cu-
iuscunque constitutionis sint excretiones ad cutem, mali-
gnæ reperiendæ nullo modo sunt: verum si ad cutim
deferantur, quæ illis recipiendis, & excernendis apta non
sit, sunt ad membrum æquè vel magis ignobile transfe-
rendæ vel diuertendæ. Erant in illa constitutione excre-
tiones biliosæ, sacros ignes perniciosos constituentes, tota
substantia maleficæ, quas natura commode per cutim ex-
cernebat, cum ægrorum conferentia, & tollerantia. Cutis
autem biliosis humoribus, atque tenuibus, post vniuersa-
lera

Cutis bilio-
sis & scnu-
bua humori-
bua excernē-
dis aptissima

lem purgationem in habitu corporis residentibus, excernendis aptissima est. In hac vero constitutione crassiores etant humores, vt pituita somnos profundiores constituens, & flaua bilis per adustionem inmodicam in atram conuersa, quibus excernendis cutis erat ineptissima: vnde

Cutis expur-
ganda cere-
bro inepta.

Humores no-
xij quibus
auxilijs fo-
ras educa-
ntur.

Scarificatio
malleolorū
utilis.

per alui excretionem presentis constitutionis morbi soluti sunt. Non valet ergo ex vna constitutione ad aliam arguere, sed oportet medicum morborum populariter grassantium impetum considerare, ac temporis conditionem dignoscere, vt 3. prog. 38. monent Hippo. & Gal. Redeuntes igitur ad institutum, concludimus, cutim non esse omnium corporis nostri partium maximè imbecillam, nec ad omnia viscera exoneranda, vel ad omnes humores expurgandos idoneam: ad cerebri vero deriuationem, & crassi humoris educationem omnino ineptam. Ad extremum, etiam si Marcello gratis concedamus, in nostro ægroto ad vnam cutem debuisse tum naturam, tum artem noxios omnes humores demandare: non valet tamen Marcelli ratio, quod id exsequi debuisset, vt inquit, cutim vrendo, vlceraendo, calefaciendo suis vesicatorijs. Fallacia siquidem est à simpliciter ad secundum quid, siue à genere ad speciem. Etant enim plurima auxilia, quibus id exsequi commodissimè poterat, præter vesicantia. Inquit Gal 4. de san. tuenda cap. 6. Summa vero eorum, quorum occasione foras feruntur, hæ sunt: exercitatio, & frictio, & balneum, & fomenta calida, & vinctio calfaciens, &c. Quam vinctiorem calfacientem parat egregie Aëtius ex Herodoto tetrab. 2. ser. 1. cap. 129. Rursus Gale. 13. meth. cap. 19. inquit: Hac ratione & cucurbitula (strenuum planè auxilium) est inuenta, tum vt foras euocentur, quæ sunt in alto, &c. Et lib. de cucur. cap. 3. dicit, Cucurbitulam exhaurire materiam, dolores soluere, phlegmonem minuere, inflationes discutere, appetentiam cibi excitare, imbecillo ventriculo vires restituere, animi deliquia leuare, si quæ profundas partes fluxiones infestent, eas transferre & siccare, &c. Quod confirmat Oribasius lib. de cucur. cap. 17. & Cornelius Celsus libr. 2. cap. 11. Ad hæc malleolorum scarificatio tum à profundis partibus reuellit, tum & totum corpus euacuat, magnum profecto auxiliunt, & venæ sectioni proximum, vt refert Gal. 2. aphor. 17. 4. de tuenda Gal. cap. 4. 13. method.

cap. 5.

cap. 5. cuius auxilij probatissimum experimentum reliquerunt Apollonius & Antillus, præstantes Medici, vt refert Oribasius, qui lib. 7. cap. 20. testatur, huius scarificationis ope se tum multos, tum seipsum ab immani pesteliberasse, quæ totam Asiam inuasit. Sūt & animalia euiscerata, quorum ope Medici venenum à profundo ad cutim extrahūt. Sum inquit Gal. 13. meth. c. 6. *Est canna cornua quadam, quibus nonnulli cucurbitularum vice utuntur. Sunt autem & qui, ore suo virus extrahunt, agra particula admoti, ipsamq; labiis complexi. Huc sanè pertinet & cantherium, & medicamenta, quæ cantheriis similiter escharam efficiunt.* Quæ acria quidem sunt, non tamen venenosa, vt est euphorbium & cātharis, sed alexipharmaca, vt calamintha, ex Gal. 7. simp. c. 1. vt sunt & omnia medicamenta, inter naturam nostram & venenum media: de quibus abundè loquutus est Gal. 5. simp. cap. 18. Quæ omnia trahunt ab alto ad cutim venenum citra omnem noxam. Ergo nō valet Marcelli illatio: Extrahendus est succus noxius à principalibus partibus, quo Natura vergit: ergo vesicantibus. Tanto magis quod vesicantia, quæ parauit ex venenis, non extrahunt venenū ad cutim, & quam maximum inducunt ægroto nocumentum citra vllam vtilitatem, vt sequenti parte præsentis dispersionationis erit manifestum.

SECUNDA PARS DISPVTATIONIS.

Vesicantium nocumenta proponuntur.

CAP. VII.

Vesicantia medicamenta, quæ ex cantharidibus parauit Marcellus, venenum non extrahunt; & quamquam extraherent, longe maius ægro inferunt nocumentum. At inquit Hipp. 2. in 1. epidem. 50. *Exerceto circa morbos duo, & pro sis, aut nequid noceas.* Offendunt autem. Nam primo dolore vires debilitant. Secundo calore eorum *Nocumenta ex usu Vesicantium.* in quarto ordine febrem augent. Tertio eorum veneno venenum internum, pestilentē febrem constituens, nō extinguunt modo, vel extrahūt, sed intendunt, ac gemināt. Quarto, dū crassiores humores à venis magnis, inter alas, & in-

& inguina positis, ad cutim extrahunt, per venarum capitularium angustias deducunt, vias obstruunt, & putredinem, prohibita transpiratione, vehementiorem efficiunt. Hinc factum est, quod nullus clarissimorum Medicorum, neque Gal. neque Paulus, aut Aëtius, aut Celsus, aut Oribasius, quibus perspectissima fuit vesicantium facultas multis in morbis, nunquam in febre pestilenti pro diuersione succorum fluentium ad cerebrum, vel pro deriuatione ab illo, cāthartides, vel euphorbium apponere ausi sunt. In nostro demum ægroto (præter cōmunia hæc incommoda, quæ vesicantia ista inducunt) contra indicabat omnem diuersionem, vel deriuationem ad cutim, alui fluor, quī utilis erat, quiq; tandem morbum iudicauit, vt omnibus in illa constitutione fere euenit. Non erat igitur natura vesicantibus in cute positis perturbanda. Marcellus hanc postremam rationem consulto dissimulat, & responsiones aliarum rationum, quas in collegio non attulit, vbi à Saxonia scriptas reperit, tanquam ab eo in consultatione adductas literarum monumentis cōsignauit. Saxonia vero præter has responsiones, quas lib. de vīu vesic. protulit, in editione sua 2. de phœn. (vt vir est multæ eruditionis) alias exco-gitauit & adduxit. Igitur ad vnam veritatem nostras rationes sigillatim reformemus, & oppositas responsiones examinabimus.

Vesicantia damnantur, quia vires agri summe debilitant. CAP. VIII.

*Vires in gra-
ui febre cō-
seruanda.*

Primum, vt in omni febre vis naturalis tueri debet, ex precepto Galen 10. meth. c. 1. & 11. eiusdem. n. c. 3. sic omnium maxime in pestilenti. Dicebat enim Aëtius tetrab. 2. serm. 1. c. 129. *Fames peiorem materiam facit, & Vir. in his conscin- dit, quas integras seruare volumus in omnibus febribus, maxime pestilentibus.* Vulgaris febris, quæ si ciliam confecit (qua noster ægrotus laborauit, vt fatetur Marcellus lib. suo fol. 70.) maligna fuit, & in limine pestilentis constituta, perniciosa, vt fatetur lib. eod. fol. 24. & 44. cuius febris impetu vires de facili dissoluebantur. Inquit enim Marcellus fol. 26. illam referens: *Pulsus erant parui & rari.* Igitur in ægroto nostro vires languidæ erant, tum ob prædictæ febris vulgaris impetum, tum ob propriam humorum corrup-
tionem

ruptionem non vulgarem, vt eius febris praua symptoma-
 ta demonstrabant. Inquit enim Marcellus fol. 70. *Nona*
die eius agritudinis symptomate quodam pessimo somnifero,
coma à medicina scriptoribus nuncupatum superuenit, & lra
& exanthemata subnigra, lenticularumque formam geren-
tia, cum viriū languore, & sublingalibus urinis. Esto quod bis
fuerit purgatus, &c. Erant ergo ægroti vires languidæ.
 Tandem & eius ætas facilem virium exsolutionem insi-
 nuabat. Annum enim, vt inquit Marcellus fol. 73. agebat
 17. eratque habitus melancholici, Sed inquit Gal. 3. aphor.
 27. *Incipiunt quidem pueri pubescere post annum 14. Et sub-*
dit: Neque enim est vnus omnium certissimus terminus pu-
bertatis, propter caliditatem & frigiditatem temperatūra: ca-
lidi enim citius, frigidi vero tardius pubescunt. Et Celsus lib.
 2. cap. 10. inquit: *Dum præcipuè in hoc ars sit, quæ non annos*
numeret, neque conceptionem solam videat, sed vires asti-
met. Ob ætatem igitur suam noster æger vires habebat,
 quæ exsolui facile poterant, vt colligitur ex Hipp. & Gal.
 1. aphor. 14. Quanti vero sit facienda indicatio, quæ ab æ-
 tate desumitur, docet Gal. 9. meth. 17. His ita suppositis, sic
 arguo: Vesicantia ex cantharidibus vires dissoluunt: per-
 niciosus igitur est eorum vsus in febre pestilenti. Antece-
 dens est clarum. Inducunt summos dolores: dolor autem
 vires dissoluit, ex Galeno 12. meth. c. 1. 3. de comp. pharmā se-
 cundum locos, cap. 2. & 3. acut. 33. Imo si grauior perseveret,
 interficit, ex Auicenna lib. 1. fen. 4. cap. 30. Sed Marcellus
 negat, vesicantibus suis dolorem fuisse illatum, lib. suo fol.
 76. Verum ex suis & Galeni dictis facile conuincitur. Nam
 lib. eod. fol. 82. & 83. inquit: *Tanto magis, quia emplastrum ex*
cantharidibus, fermento, & aceto confectum, quando oppor-
tunè erat adhibitum: quia cum statim eschara inducebatur,
&c. Tunc sic arguo. Vesicantia statim ac applicabantur,
 escharam inducebant: ergo statim comburebant pattem:
 ergo summos dolores inferebant. Consequentia est Ga-
 len. 5. simp. cap. 15. vbi dicit: *Siquidem alterationes quæ subita*
confertæ sunt, mutationes maximè sensibiles sunt. Rur-
 sus inquit Gal. 5. method. c. 3. *Escharam inducunt tum ignis*
ipse, tum quadam medicamina, quibus ignea vis inest. Ignem
 igitur vim habentia haud dissimiles dolores inducunt ac
 ignis. Præterea dicere, partes viuas, ac sentientes, dum v-

*Vesicantia
 ex canthari-
 dibus vires
 dissoluunt.*

*Escharam,
 qua indu-
 cant.*

runtur, summè non dolere, est negare manifesta ad sensum. Inquit autem Gal. 6. in 6. epid. com. 5. loquens de vitione, quod ea adbibetur, nonnunquam palam candentibus ferramentis, nonnunquam vitoriis medicaminibus ea nobis vrentibus At vstoria medicamenta sunt, quæ escharam faciunt: alia vero, inquit Gal. 5. sympl. c. 15. & vehementia sunt, & caustica, hoc est vrentia, & ignis instar corpus colliquant. Accedit quod Hipp. 7. apho. 13. inquit: *Ab astibus fortibus conuulsio, aut distentio, malum.* vbi Gal. in com. *Quidam igitur, inquit, pro astibus febres intellexerunt: nonnulli vero aeris ambientis feruorem: alij pro cauterijs, & escharis: & omnes verum dicunt.* Sed sine ratione timeret ab eschara conuulsione, si summam intemperie illa non induceret. Quæ igitur escharam cõfertim inducunt, vt intemperie subito inferant necesse est. Hanc vero dolorem inferre summum oportet, si vera sunt, quæ dixit Gal. lib. de inaequali intemp. c. 8. præsertim si in cute fiat, quæ corpus est neruosum, ex Gal. 16. de vsu par. c. 2. 1. de temp. c. 9. & 3. de loc. aff. c. 7. Præterea cantharides sunt calidæ in 4. ordine, corrosiuæ, exulcerantes, venenosæ, ex Matth. in Dios. lib. 6. c. 1. Igneas vocat Gal. 4. sympl. c. 19. & 3. sympl. c. 23. erodentes, exulcerantes, lethales Velicaria ergo ex eis parata, quæ statim ac apposita sunt, excoriât, exulcerât, velicant, adurunt, non modo vehementem intemperie inducunt, ad quâ sequitur dolor, ex Gal. 13. meth. c. 6. sed cõbustione partis naturâ immutât, ex qua fit dolor vehemētissimus, vt docet Gal. lib. de inaequali intemp. c. 8. 1. de cau. sympl. c. 6. & lib. de const. 1. c. 8. Tâto magis velicatoria Marcelli, quæ præter cantharides receperunt euphorbium, vt in libris Pharmacopole, fide digni, qui illa sedulo parauit, videri potest: Licet hoc taceat Marcellus. Euphorbium vero ex Mesue li. sympl. c. 20. est calidum siccum in 4. calidius, & subtilius omni eo, quod calefacit ex gummiis, & est in eo virtus adustione faciens, & rubificans, & penetratiuum est, & abstersiuum, & excoriatiuum, & est de facientibus operationem suam cū labore & angustia vehementi, reducente ad syncopē, & sudores frigidos. Quod cõfirmat Gal. 6. sympl. c. de euph. Ad extremum, cantharides & euphorbiū sunt vehementioris actiuitatis nitro, & sinapi, vt patet ex Dio. lib. 6. c. 1. referente cantharidū vim, & ex verbis Mes. supra adductis de euphorbio, & ex his, quæ dixit de nitro & sinapi Dios.

*Cantharidū
vires.*

*Euphorbiū
vires.*

*Cantharides
& Euphor-
bium vehe-
mentius a-
gunt nitro &
sinapi.*

Diosc. lib. 5. c. 89. & li. 2. c. 139. Gal. tamen de sinapi, & nitro 3. de loc. aff. c. 4. inquit: Quo medicamine nullum in arte medica violentius inuenies. de his loquens, quæ in usu erant: si quidem dolorem veluti cauterium excitat, sed diutius durat eius operatio. Dolores igitur summos Marcelli vesicantia inducere omni ratione debebāt Sed inquit Marcellus, æger dolorem vel leuem, vel omnino nullum à vesicantibus percepit. Ego vero statui Marcellum ex suis met dictis conuincere. Debebat non ignorare eruditissimus Medicus, quod si dolorem æger non percepit, doloris tamen damnum ac virium debilitatem perpessus est, & nullam reuulsionis utilitatem fuit consequutus. Primum sic demonstrō: In ægroto nostro aderat coma: ergo mens ægrotabat. Quicumque enim dolentes aliqua parte corporis omnino dolorem non sentiunt, ijs mens ægrotat, ex Hipp. 2. aph. 6. Hoc tamen non tollit, quin doloris damnum æger non sustineat: secus phlegmones, erysipelata, vulnera, rupturæ, conuulsiones, collisiones, si fierent, dum mens ægrotat, corporis continuitatem non soluerent, & intemperiem non inferrent: cuius oppositum, monstrat Galenus, dum in cō. illius aph. inquit: Et hoc in loco igitur eodem modo dolores ipsas dispositiones nominauit, quacumq; cum dolore fieri sunt naturæ aptæ, quemadmodum erysipelas, inflammationem, & vulnus, & collisionem, atque rupturam, & conuulsionem, & quodcumque tale aliquid, quod si adsit, & ab ægroto non sentitur, mentem indicat ægrotare. Debebat autem Marcellum non latere, dolorem esse tristem sensationem, ut dicit Gal. lib. 1. de symp. caus. c. 6. In qualibet vero sensatione duo esse: Vnum, receptionem obiecti; & ita sentire esse quoddam pati, & moueri, ex Aristot. 3. de anima. 3. & 2. eiusdem tex. 51. Alterum vero, cognitionem receptionis obiecti: & ita sentire esse agere, non pati. Hanc vero actionem esse sensus communis, in cerebro residentis, & secundum hanc animam esse causam efficientem sensationis. Est enim anima omnium actionum efficiens causa, 2. de anima 36. ut explicat Auer. 2. de anim. comm. 149. & Alex. & Simp. Si enim anima in sentiendo solum reciperet, se haberet ut materia, cuius est pati, non ut efficiens, cuius est agere. In qualibet ergo sensatione anima eodē tempore duo facit: & obiectum sensibile recipit, & illud cognoscit: licet ob-

Quid dolorem non sentiunt, ijs mens ægrotat.

Dolor, tristem sensatio.

Anima efficiens causa actionum omnium. Anima in sensatione duo agit.

At receptio prioritate naturæ eius cognitionē antecedit. In dolore igitur, qui per sensum tactus præcipue fit, præcedit receptio obiecti improporionati, producentis intemperiem, & continuum soluentis confertim. Et hanc receptionem vocat Gal. passionem 1. de symp. causis cap. 6. & ita sentire est pati; Vnde Gal. 16. de usu part. cap. 2. dixit: Naturam dedisse sensibus nervos molles, vt facilius paterentur. Succedit cognitio talis receptionis, & hæc est propria actio animæ cognoscentis, & formalis ratio doloris, ex Gal. 7. de plac. Hipp. & Plat. cap. 6. vbi inquit: Neque tamen alteratio ipsa, vt quidam putant, sensus est, sed alterationis dignotio. Quapropter 8. de usu part. cap. 6. vbi de visu loquitur est, inquit: At nihil ex ipsius alteratione assequeremur, nisi imaginatio, ratiocinatio, & memoria eius alterationem sentiat. Hinc est, quod dispositionem præter naturam, quam infert causa dolorifica, si mens ægotans non sentiat, non dolorem, sed laborem vocat Gale. 7. de placitis cap. 6. cum subdit: Hic enim laborantes nominat eos, qui aliqua in parte offensi sunt ita vehementer, vt nisi delirio premerentur, dolerent. Igitur si noster ægotus comate non laborauit, ab vstorij medicamenti dolore percepit: si laborauit, non percepit quidem, sed doloris damnum, & laborem, ab obiecto dolorifico illatum, perpeffus est. Verum si vesicantia dolorem vel exiguum, vel omnino nullum intulere, vt inquit, tunc vel debilissimam, vel omnino nullam reuulsionem præstiterunt. Frustra igitur fuerunt apposita. Si enim vesicantia ideo fuerunt instituta, vt ad cutim succos à profundo traherent, & à capite diuerterent illorum fluxum: vbi dolorem summum non intulerunt, attractionem nullò modo moliri potuerunt. Omnis enim attractio fit vel calore, vel dolore, vel ne detur vacuum, vel substantiæ similitudine, vt colligitur ex Gal. 2. de diff. feb. c. 11. & 3. de nat. facul. c. 14. Sed substantiæ similitudine, ratione vacui, & calore in ægroto nostro trahere non poterant: vtilia igitur nullo modo erant vesicantia. Primò substantiæ similitudine à cerebro non trahunt cantharides: nullā enim habent cum cerebro sympathiam, quando ad vesicam, non ad cerebrum suapte natura deferantur, ex Dioscoride lib. 9. c. 1. nullam cum humore pituitoso, faciente coma, vel cum veneno ex humo-

rum

*Attractio fit
fiat.*

*Cantharidū
vsus in peste
Sicilia, nullus
fuit.*

rum corruptione producto : quando non venena de foris imposita, sed alexipharmaca esse debeant, quæ ab alto trahunt venenum ad cutim, ex *Gal. 5. simp. c. 18.* Secundo nec ratione vacui reuulsionem præstare poterant commodam vesicantia, quoniam quando tractio fit, ne detur vacuum, ut docet *Gal. 3. de natu. facul. c. 14.* quod leuissimum tenuissimumque est, prius ei, quod vacuatur, succedit, quam id, quod grauius est, & crassius. Est porro omnium, quæ in corpore sunt, leuissimum tenuissimumque spiritus: secundo loco halitus: tertio gradu, qui planè absolutus attenuatusque est, sanguis Crassi ergo humores, ac lenti omnium tardissime profluent. Morbo igitur magno celeritatem auxiliorum experienti, & inducias non danti, lenta satis, obscura, & inconueniens reuulsio fuisset instituta. Rursus si arteriæ, ut ibidem subdit *Gal.* loquens de vacuo, neque ex intestinis, & ventre, quæ adeo crassum graueque in se nutrimentum habeant, possunt aliquid, de quo ratio vlla habenda sit, in se transferre: multo minus à cerebro, & venis penitioribus, ad cutim aliquid, de quo ratio habenda sit, transferre poterunt vesicantia. Tertio neque calore id efficere poterant, cum dicat *Marcellus fol. 86.* remotas partes ea non calefacere, sed tantum illas quas immediatè contangunt. Igitur vesicantia vel dolorem intulerunt, vel nullam attractionem effecerunt. Quod si dolore præstarunt reuulsionem, non nisi summo dolore eam molita sunt. Dicebat enim *Gal. 2. de diff. feb. c. 11.* *Vehementiores calores atque dolores attrahunt Vehementius, minus autem debiliores.* Ergo omninò inutilia fuerunt remedia ad reuulsionem, si dolorem summum non intulerunt.

Saxonia responsio euertitur. C A P. I X.

Hercules Saxonia lib. de vsu vesic. fol. 16. inquit, Magnos dolores non ex vesicantium natura, sed magis ex medentium inertia subsequi solere. Sed hæc euasio recta non videtur. Primum, quouis modo subsequatur dolor, euenire illum in febre maligna ob vires, quas solet deijcere, timoratum est valdè, & summo opere euitandum. Mox vesicantia suapte natura, non ex medentium errore, dolorem inferunt summum; aliter suapte natura diuersium auxilium non forent, ut monstratum est. Inquit enim Saxo-

*Vesicantia
dolorem in-
ferunt sum-
mum.*

Ex alto tra-
hēt atenuiū
esse partium
debent.

Vesicārium
effectus.

Vesicārium
Vlcera et cu-
sanda.

nia lib. 2. de phæn. c. 32. Cum enim ad repellendas Vehementissimas fluxiones Valentissimo etiam remedio sit opus: quod quidem & calore, & dolore potissimum agere ex Galeno iam satis docuimus. Et cap. 40. inquit: Quæ ex alto attrahere debent, tenuium quoque partium esse oportet, & sensum partis minimè corrumpere, imo vero eundem, & calore, & dolore excitare. Ergo si vesicantia per se dolorem non inducunt, per se à profundo non attrahent: cum auctore Sax. 3. de phæn. cap. 1. vesicantia interiora vlcera, & remotas partes minimè calefaciant. Præterea cucurbitulis scarificatis incidimus solam cutim simplicibus incisionibus paruis, nec omninò profundis. Vesicantia vero vesicas attollunt; epidermidem omnem euellunt: cutim lancinant: vlcera inducunt, quæ curatione egent, vt ad cicatricem perducantur, vt inquit Saxon. 3. de phæn. cap. 54. per illa verba: Sublato Vesicatorio, si Vesica multo ichore iam referta appareat, quamprimum tota epidermis euellenda est. Et mox: Satius est, inquit, butyro partem lancinatum contegere, & paulo post: Et si forte, dicit, Vlcus ante morbi perniciem occludi videatur, nono Vesicatorio, noua quoque exulceratio excitabitur. Sed cucurbitulæ scarificatæ sunt valdè dolorosæ, per Saxoniam, qui lib. 2. eodem cap. 32. inquit: Propterea experientia quotidiana docet, quam dolorosa sint cucurbitule scarificatæ. Multo ergo vehementiores dolores de sui natura inducent vesicantia ex Saxonie principijs. Rursus eodem cap. loquens Sax. de cucurbitulis scarificatis, subdit: Frictiones autem, ligatura, & balnea calida, quamuis cum prædictis in doloroso sensu minimè sint comparanda, attamen ipsa quoque si in Vehementibus fluxionibus aliquam vtilitatem præstare debent; dolores non contemnendos afferunt, & propterea ex calido balneo in vniuersis pedibus talis visor excitetur, qualem ex Vesicatorio in vnicâ particula fieri conspiciamus. Igitur si balnea calida, dum rubefaciunt, vt vesicatoria, excitant dolores non contemnendos: vesicatoria non solum non contemnendos, sed vehementissimos excitabunt dolores, quæ non modo partem rubefaciunt, sed exulcerant, & adurunt. Præterea Saxoniam lib. 3. eodem cap. 54. curans vlcera, quæ faciunt vesicantia, inquit: Si vero magnus sit dolor, & Symptomata non Urgeant, ipsi diachyloni butyrum addendum.

dendum esse consulo. Et mox subdit: Morbo autem iam inclinante quam primum vel phanicio medicamento, vel de cerussa, Sclero, in maximo etiam dolore, camphorato, aut de minio, ad cicatricem erit producendum. Ergo afferunt vesicantia summos dolores, etiam citra errorem medicorum. Accedit, quod fateretur Saxonia, fieri vesicantia ex materia venenosa lib. 2 de phan. cap. 40. cum dicit: Nullum inueniri potest medicamentum, quod simul & semel caliditate, & substantia similitudine attrahat, nisi vesicatorium. & mox subdit: Si enim qua venenum ex profundis attrahunt, caliditate, & substantia similitudine agunt, hac sane nemo ignorat, venefica quoque esse debere substantia enim similitudo nulla est alia, quam veneni cum alio veneno. Igitur si vesicantia dolorem inducunt, malignum, atque vehementissimum illum esse debere necesse est. Galenus enim 6. in 6. de morbis vulgaribus commen. 5. inquit: Exoriuntur enim dolores quidam maligni à maleficus seu medicamentis, qua deleteria, id est mortifera vocant, seu feris venenum ictu fundentibus, sine succo aliquibus ex improbo victu, aut pestilenti calo in corpore genitis. Rationabile vero non est, malignos esse dolores, & non vehementes, sed omnino leues, vel nullos: nisi similes illis sint, quos aspis excitat; ut de Cleopatra refert Gal. lib. de ther. ad Pisonem capit. 8. quod non contingit in casu nostro. Cantharides enim lethales sunt, ex Gal. 3. symp. cap. 23. & 4. eiusdem c. 19. & doloris inferunt vehementes, ex Aetio libr. 4. tetrab. 4. cap. 49. & ex Avicenna libr. 4. sen. 6. tract. 2 cap. 3. præcipue quando vis earum non est antidotis refracta, sed venenis calidis effecta potentior, ut fuit in vesicatorijs Marcelli, in quibus euphorbium cantharidibus fuit permixtum. Ad extremum, hæc vesicantia fiunt ex medicamentis suapte natura acribus, & adurentibus, & escharam inducentibus: igitur secluso omni medicorum errore, eorum vi propria summos dolores inducunt. Gal. 4. symp. cap. 19. inquit: Rursum ad acres orationem vertamus. Ac primum exactè ipsos calidos dicimus: deinde exedentes, & rentes, crustam molientes, ac denique etiam colliquantes. eosque omnes vel cuti impositos esse huiusmodi. Declarans autem, quæ sint hæc acra, eodem cap. subdit: Velut chalcitri, mysi fori: adhuc arsenicum, hydrargyros, lithargyros,

Vesicantia ex materia sunt venenosa

Cantharides lethales.

Vis earum antidoti refringenda.

Et alia innumera. Et paulo post: Iſtis autem ſubtiliora ſunt, tametſi Et ipſa terrena ſunt conſiſtentia, calx, cantharis, lepore marinus. Hæc Galeus.

Veſicantia damnantur, quia ſummo eorum calore febreſ augment. C A P. X.

*Cantharides calidæ
Et ſiccæ in
quarto gradu.*

Cantharides in quarto ordine calidæ ſunt. Quamquam enim Auic. *lib. 2. traſſ. 2. c. 201.* tertium ordinem caloris dicat illas excedere, expreſſe tamen Ardoynus *lib. 4. de Ven. c. 1.* naturam earum calidam & ſiccam in quarto gradu eſſe affirmat; quod aſſerit & Matthiſolus *in li. 6. Dioſ. c. 1.* & ratio monſtrat. Habent enim vim exedentem vrentemque, auctore Paulo *lib. 7. c. 3.* Plinio *li. 29. c. 4.* Talia autem quarti ſunt ordinis calida, ex *Gal. 5. ſymp. c. 27.* Igitur appoſitæ cantharides brachijs, ſpatulis, & tibijs, adoleſcenti, ſummo febris peſtilentis incendio æſtuanti, calore earum calorem febris efficient vehementiorem. At hoc aduerſatur Galeo, qui *lib. 10. meth. cap. 10.* dicit: *Sed calor omni febre eſt inimicus: quando refrigerari, non cal fieri februm affectus poſtulat.* Quod confirmat *11. eiſdem cap. 9.*

Prima Saxonia, Et Marcelli reſponſio conſutatur. C A P. XI.

*Veſicantium
calor etiam
ad interna
pertingit.*

Reſpondet Marcellus *lib. de morbo pandemico fol. 86.* (Non augeri febreſ ex veſicantibus. Licet enim acria ſint, nunquam arterias, & remotas partes calefaciunt, ſed tantum illas met, quibus inſiguntur.) Quam reſponſionem protulit ad verbum Saxonia *lib. de Veſicant. fol. 16. & 3. de phanigmiſ cap. 1.* Recta tamen non eſt. Cor enim per arterias, ad cutim uſque deſinentes, (dum illæ dilatantur,) attrahit ad ſeſe non modo aërem ambientem, verum etiam, quamquam ex accidenti, venena frigida atque craſſarum partium, cuti appoſita & comminuta. Ergo multo promptius attrahet venena tenuium partium, in quarto ordine calefacientia, cuti infixia. Antecedens eſt *Gal. 3. ſymp. c. 18.* ubi inquit: *Sane ad opera eiſmodi non mediocriter conſert innata corporibus noſtris caliditas, quippe qua intro ad ſeſe attrahat, Et comminuendo extenuet.*

Hinc

Hinc est quod & quæ natura frigida sunt medicamenta, ne-
pe quæ deleteria nuncupantur, utputa cicuta, papaver, hy-
scyami semen, mandragora, & quæ eius sunt generis, citius
magisque in calidis naturis vim suam exercent. Et paulo
post subdit: Etenim cum sit impossibile, ut talia interficiant,
nisi prius cor refrigerent, sane intrò comminuta extenuataque
ingrediantur, necesse est. Et lib 3. de nat. facul. ca. 14. modum
explicans, quo per cutim intrò trahantur, inquit: Nihil
miri tibi videbitur, arterias omnes, quæ ad cutim finiuntur,
externum aerem, cum dilatantur, attrahere. Et 2. aphor. com.
41. refert illius mulieris historiam, quæ in balneo (ligno-
rum vitiatorum fuliginem unà cum aëre externo attra-
hens ad cor vsque,) frequenter & valide exsoluebatur. Ita
qui luc Gallica laborant, si hydrargyrio cutim summam
inungant, quamquam alexipharmacorum opæ refractò,
ad viscera tamen penetrantis veneni, & ad fauces vsque,
symptomata patiuntur. Consequentia est evidens. Cali-
dissima enim atque tenuium partium aptissima sunt, ut
penetrent, & facilius ab arteriis, cum dilatatur, attrahun-
tur. Subdit enim Galen. 3. simp. c. 18. Deducit porro, ut causa
primaria, arteriarum attractio. Ostendimus enim ipsas inter
dilatandum vicinum omne attrahere: ut secundaria verò &
materialis, essentia tenuitas. Ita calida promptè penetrare
docet exemplo vini Galenus 5. aphor. com. 5. Ita calefacien-
tia, quamquam mediocriter, tum in cute, tum in profun-
do corporis posita, aperire venarum oscula docet 2. in 6. e-
pidem. com. 1. Præterea, medicamenta venenosa, quæ abdi-
ta vi deleteria sunt, etiam in minima quantitate, siue per os
assumantur, siue cuti sint imposita totum corpus derepẽ-
tè immutant, & sibi simili qualitate afficiunt. Ita Galen. 1.
de sem. cap. 16. inquit. Valida enim facultates sibi simili qua-
litate uniuersum corpus immutant. Quæ ratione etiam mini-
ma particula humoris lethalium Venenorum, quæ deleteria
appellant, ubi in animalis corpus ingressa fuerit, totum id mo-
mento temporis immutat, sibi que simili affectione alterat. Et
de his, quæ cuti affiguntur 3. de locis affect. cap. 7. auctori-
tate Pelopis inquit: Quis enim crederet vel à scorpionibus
infixo aculeo, vel à phalangiorum paruorum ictibus totum cor-
pus ingenti & inusitata mutatione affici. Sed cantharides,
& euphorbium venena, sunt in quarto ordine calida, ex

Deleteriora
frigidiorum vi-
res an
quomodo ad
cor deueni-
ant.

Hydrargyri
vires.

Calidissima
facillimè pe-
netrant.

Medicamẽ-
tis deleteris
etiam appo-
sitis, totum
corpus im-
mutatur.

venena euacuato toto genere deleteria.

Vesicantia cur cuti apponantur.

Febris pestilens quibus in locis residet.

Attractio non fit sine contactu.

Gal. 6. *simp. cap. de euphorb. & ex Ardoyno loco superius adducto de cantharidibus* Ergo si cuti imponantur, calore, ac natura venenosa totum corpus sibi simili qualitate immutabunt: cum venena calida non quantitate solum, sed toto genere lethalia sint, *ex Gal. 3. simp. cap. 19.* Quod non negat Saxon. *lib. 2. de phæn. cap. 10.* Accedit, quod ideo ponuntur in cute vesicantia, ut a cerebro, thorace, corde, & aliis internis partibus ad cutim fluentes succos diuertant, *ex Saxon. lib. 3. de phæn. cap. 2. & Marcello lib. suo fol. 79.* Sed si calor vesicatorii ad profunda viscera non penetrabit, ut inde succum confluentem ad cutim deducat, illum nullo modo ad cutim attrahet. Igitur vel omnino inutilia erunt vesicantia, vel profunda corporis calefacient. Inquit enim Gal. 5. *simp. cap. 18.* deleterij veneni euacuationem a foris impositis medicamentis fieri, vel caliditate attractionem molientibus, vel totius substantiæ similitudine. Quæ verò substantiæ trahunt similitudine, calidiora; & quæ trahuntur, minus calida sint necesse est. Nam dicit Gal. 5. *eodem cap. 17.* *Ceterum calida ut sint id genus omnia necesse est. Nam inter ea, quæ essentiis similia sunt, quod calidius est, id potentius attrahit.* At loca penitiora, in quibus febris pestilentis focus residet, sunt vel cor ipsum, ut patet ex Gal. 3. *de prasag. expul. cap. 3.* vel corde compatiente, partes aliæ principes in profundo corporis positæ, *ex Gal. 2. in 3. Epidem. com. 1.* ubi inquit: *Febres à cerebro affecto maligna sunt: febres à membranis, quæ cerebrum continent, affectu maligna: febres à pulmone affecto maligna: iam præ his etiam febres à corde affecto maligna.* Igitur vesicantium calor partes illas pertingat, ac calefaciat oportet, ut ab illis succos attrahat: Secus attractio fieret sine contactu corporis, vel virtutis rei trahentis ad rem tractam. Quod principiis naturæ repugnat. Confirmatur, nam si vesicantia traherent ab alto ad cutim, sine eo, quod virtus eorum ad rem pertingat, quam trahunt: tunc ad omnem distantiam, & ab omni distantia trahentis, & rei tractæ, tractio fieret: quod falsum est. Motus enim est actus mouentis in mobili, *ex Aristo. 3. physic. 18.* Nec valet Saxon. confugium, qui *lib. suo de Vesica. fol. 16.* ideo inquit, trahere vesicantia. Nam partem, cui apponuntur, exulcerant, & calore, ac dolore imbecillam reddunt,

dunt, & ad impuritates illas suscipiēdas promptam, & paratam efficiunt. Non, inquam, valet. Tunc enim adēq̃ omnium partium corporis maximè succos, & impuritates attrahent, cum omnium maximè sūt imbecillæ, ac ad recipiendum aptissimæ, ex Gal. lib. 13. metho. c. 5. Sed hoc repugnat Galeno, qui non à debilioribus attractionem fieri, sed à validioribus affirmat. Inquit enim. 3. simp. cap. 35. *Verum, quæ attrahunt, quodammodo esse efficaciora validioraque.* Et mox *Verum fortior est quodammodo, ut attrahere sit aptior, quam attrahi.* Rursus, si pars effecta debilior, & inde promptior ut recipiat, ideo diceretur attrahere, quia recipit: tunc à patiēte proveniret actio, à recipiente attractio, & à materia efficiēs, quæ repugnant principiis naturæ. Adde quod apud Galenum valde differunt, quæ propellunt humores à seipsis, & quæ attrahunt ad se ab iis, quæ neque propellunt, nec attrahunt, sed in ipsismet tantum recipiunt profluētes; Expulsio enim & attractio à fortioribus sit: à debilioribus autem receptio, ex Galen. 2. de diff. feb. cap. 11. & 13. meth. cap. 5. Ad hæc dicuntur attrahere, non quæ recipiunt, vel quæ partem reddunt ad recipiendum idoneam: sed quæcunque sua abdita vi similitudinis substantiæ, suoque calore, partiumque suarum tenuitate, rem sibi similem, & minus calidam trahunt. Verba Galen. 5. simp. cap. 17. hæc sunt: *Igitur attrahunt: repulsiuentes Verò, quæ in aliū occurrentes sibi succos repellūt. At essentia illis quidē calida est, & tenuiū partium: his Verò frigida, & crassarum. Attrahit enim perpetuò calidum, repellit Verò frigidum. Verum quod cum caliditate coniunctam habet partium tenuitatem, trahit vehementius.* Ideo Avicēnas lib. 2. tract. 1. cap. 4. inquit: *Sed rubificativa est medicina, cuius proprietas est ut calefaciat membrum, cui obuiat fortiter: ita ut ad ipsum vehementi attractione sanguinem attrahat.* Accedit quod Galenus modum explicat, quo medicamenta calida attrahunt, libr. 7. simplic. capitul. de calamintha, cum dicit: *Calamintha essentia est tenuium partium, & calida siccaque temperie, ex tertio quodammodo ordine utraque qualitate.* Et mox subdit: *Quin etiam & coxendicibus eam quidam in agritudinibus ischiadicis, tanquam strenuum remedium, illiunt: trahit enim,*

Adena omnium partium maximè imbecilles.

Attractio à validioribus tantum fit.

Attrahere quæ dicantur

Calida medicamenta quomodo attrahant.

qua

qua in profundo haerent, ad extimam superficiem, totumque adeo articulum excalfacit, cutemque nō obscure adurit. Præterea si vesicantia eatenus traherent succos adcurim, quatenus illam reddunt debiliorem, & aptiorem ad recipiendum, nullam haberent facultatem, qua per se traherent. Rursus, & falso diceret Gal. trahere medicamenta foris imposita succos ab alto ob similitudinem substantiæ: hæc enim ad partem debiliorem efficiendam non conducit. Non minus aduersatur Galeno, qui medicamenti vim ad profundum penetrare apertè explicat *lib. artus med. cap. 95.* ubi dicit: *Quod si summa quidem partes omni noxa caruerint, id vero, quod euacuari oportet, in penitioribus partibus fuerit, intendendus atque augendus dispergentis medicaminis calor, cum dubitandum sit: ne prius, quam profundas attigerit partes, interim vires amittat.* Nec possum non satis mirari, Saxoniam virum alioqui grauissimum, qui, ut hanc sententiam Galeni declinet, illam inuertit. *Lib. enim 3. de phæn. cap. 1. dicit: Quod si veretur Galenus, ne medicamentum, antequam partem cuius statim subiectam pertingat, vires amittat, certe nulla est ratio, cur verendum sit, huius vires ad profundas partes posse penetrare.* Oppositum apertissimè dicit Galenus. Non enim timet vires medicamenti deficere posse, antequam partes cuti subiectas pertingant, sed antequam ad partes profundiores perueniant. Hoc enim sonant verba Gal. cum dicit, partes penitiores. Imo se ipsum explicans subdit: *Cum dubitandum sit, ne priusquam profundas attigerit partes, &c.* At partes penitiores, & profundæ cuti subiectæ immediatè non sunt, sed in reconditis, atque abditis corporis visceribus repositæ. Præterea si medicamentum attraheret ab alio, sine eo quod calor eius partes profundas penetraret; cur consulit Galenus, adaugendas esse, & roborandas medicamenti vires, ne antequam ad penitiora pertingant, dispergantur? Quod si neque necessarium est, neque possibile, ut calor ad profunda pertingat, consulit rem neque possibilem, neque necessariam, dum dicit, intendendas esse eius vires, ne priusquam interiores partes attingant, dispergantur. Adde quod sine ratione dubitaret Gale. nè vires medicamenti deficerent, antequam profundas partes penetrarent, si absque illa penetratione à profundis extraherent. Manifestum

Medicamentorum penetrantium vires cur & quando augenda.

festum igitur est, Galenum recte timere vires medicamēti posse deficere. Supponit enim, oportere illas penetrare vt extrahant, recteque nouit, agens in agendo repari. Cōsultat ergo summa cum ratione roborandas illas esse, vt penetrent: requiritur enim necessariò illarum penetratio ad profundas partes, vt ab eis euacuent. Penetrat igitur ad profundum calor medicamenti in cute positi, vt ad cutim inde succos euacuet.

Secunda Saxoniam euasio euertitur.

CAP. XII.

Prioris reipsonis defectum timens Saxoniam, nouam adducit lib. 3. de phan. cap. 1. cum inquit: *Calida febrib. esse aduersa, quando vniuerso corpori extrinsecus admoneantur. Sed vnica tantum particula hoc medicamento calefacta calorem in totum diffundendi non necessariò sequitur.* Et in hūc sensum, subdit, Galenum esse loquutum 10. meth. cap. 11. & vbi cumque dixit, contactum rei calidæ febrem producere, vel adaugere. Quod vesicatoriis non contingit, quæ cutim vniuersam non contangunt. Sed hæc responsio vana est. Nam agentia naturalia non impedita necessariò operantur. Constat venena non modo toto genere, sed caloris excessu deleteria, etiam in minimā quantitate vni corporis parti apposita, corpus vniuersum derepente immutare, & sibi simili qualitate afficere, manifestum quoque est, corpus humanum totum esse confluxibile, & conspirabile. Galen. 1. de nat. facul. c. 13. inquit: *Ideoq; in corporibus nostris vnum non spiratum confluxumque esse, ac omnia inter se mutuo affici.* Quod confirmat Galen. 1. de usu part. cap. 8. & Hipp. lib. de alimento, vbi dicit: *Confluxio vna, conspiratio vna, consentientia omnia.* & paulo post: *principium magnū ad extremam partem peruenit. Ex extrema parte ad magnū principium peruenit.* Confirmat idem experimenro: Hyemis enim tempore summas manus ad ignem calefacientes, sentiunt paulatim totum corpus calefieri. Ergo vna parte (vel potius sex partibus, à sex vesicatoriis eodē tempore calefactis, vt fuit in nostro ægroro) vehemēti calore ferè incensa, corpus vniuersum de parte post partem totum incalescat oportet. Accedit, quod inter alios generationis modus, etiam eo modo generatur calor extra-

*Veneni deleteriæ pars minima cor-
pus immutat.*

*Corpus humanum cō-
fluxibile &
conspirabile.*

Modus generationis cal-

oris

*toris extra-
mei in corpo-
re humano*

nus in corpore nostro, quo & ignis accenditur in rebus, quæ comburuntur, ex Gal. 1. de diff. feb. capitul. 3. Ignis autem ut ab igne accendatur in ligno, non est necesse, totum lignum igne circūdari, sed satis est ligni partem igne contingi, ut inde de parte post partem totus accendatur. Inquit etiam Aristot. 2. de anima tex. 41. quod ignis augmentum in infinitum est, quousque fuerit combustibile. Rursus Galen. lib. de causis morborum capitul. 2. dicit: *Et quidem tertia causa immoderati caloris ex his fit manifesta, quoniam modo animalibus adueniat, & ex iis, quæ exustiones appellantur.* Fit autem exustio etiam de parte post partem. Subdit enim Galenus: *Diuturna quoque mora in locis Soli expositis, nudis quidem, totam aliquando cutem superam calefaciunt: at iis qui vestibus operiti sunt, solum caput, atque hac exustio appellatur.* Ad extremum bubones, inflammationes sunt in vna tantum corporis parte, & non semel in extrema. Inquit tamen Galen. 1. de diff. feb.

*Inflamma-
tiones partis
alicuius et
iam vicinas
calefaciunt.*

capitul. 5. Quoniam quæ ex bubonibus fiunt, concalefaciunt semper partes continuas, donec usque ad cor calor febrilis attingit. Et lib. de causis morborum, capit. 2. inquit: *Nam in vicinis bubonibus, & inflammationibus, & erysipelatibus, atque omnibus adeo calidis morbis, semper contingens pars atque continua, ipsa quidem primum caliditatem assumit, deinceps vero & partem vicinam afficit, & hac deinceps sibi proximam: atque ita usque ad principium insiti caloris ubi pervenerit intemperies, totum celeriter corpus principij sentit affectum.* Cantharides igitur in quarto ordine calefacientes, exulcerantes, escharam inducentes, vel non minorem, vel fortè maiorem imprimunt calorem in parte, cui affiguntur, quam bubones a sanguinis inflammatione progeniti. Certè quidem minus adurentem calorem Sol imprimit in partem corporis, quam contingit suo lumine, & omnino minus lassitudo, quam vel bubo, vel cantharides. Inquit tamen Galen. 1. de diff. feb. capit. 5. *Quo maxime modo in iis, qui Solis calore deurruntur, aut lassitudinem patiuntur, a primis partibus calefactis usque ad vitale principium caliditas permeat.*

Hæc Gal.

Solum-

Soluntur rationes, quibus Saxonia contendit, calorem vesicantium a cute ad profunda viscera penetrare non posse.

CAP. XIII.

Addit Saxonia rationes 3. eodem de phan. cap. i. quibus *Rationes Saxonia, Calorem Vesicantium ad interiora non demandari.*

1. persuadere conatur, calorem à vesicantibus ad profunda viscera non demandari, quæ sic commodius formari possunt: Prima: Si vesicantia calorem suum ad profundas partes demandarent, perpetuò traherentur ad interiora viscera, & nunquam traherent succos ad cutem. Evidens est ratio: quoniam partes profundæ sunt longè calidiores cutaneis. Quod autem calidius est, trahit ad sese; minus calidum trahitur: Secunda: Si calor vesicantium ad viscera penetraret, quæ suapte natura calida sunt; omnis tumor, rubor, & calor ex vesicatoriis fiet in profundo corporis, nullus in cute. Oppositum monstrat experimentum, & Galen. 2. de diff. feb. c. 11. Tertia: Tunc admota in delirio non cōferrent, sed illud augerent, cerebri calorem augmentia. Quarta: Tolleretur ab eis omnis facultas diuertendi, & deriuandi ab alto, si calor eorum ad interiora penetraret. His addi potest ratio eiusdem lib. de Usu Vesic. fol. 16. Nam Gal 5. meth. c. 14. in catarrho falso capiti imponit ceratum ex thapsia. Cæterum si thapsiæ calor ad profundum penetraret, non modo in salsa destillatione capiti imposita non conferret, sed citissimè necem afferret, aucta enim cerebri caliditate, & siccitate, falsedinem augeri necesse esset. Sed hæ rationes haud multò negotio dissoluntur. Prima in authorem potest retorqueri sic: Partes profundæ sunt longè calidiores cutaneis. Vesicantia a cute ad profundas partes calorem suum non demandant, ex sententia Saxonie. Igitur à profundis nunquam trahent succos ad cutem. Ergo omninò erunt inutilia; vel necessariò caloris copiam imprimunt vesicantia, qua viscerum calorem internum euincant. Si enim attrahit quod calidius, 5. simplic. 17. manifestum est vesicantia debere in viscera calorem imprimere potentiorum, ut inde succos ad cutem extrahant: secus à calore viscerum validiore attrahentur. Rursus, viscera calidiora sunt cute in febre pesti-

pestilenti, ex Gal. 1. in 6. epid. 29. & Auis. lib. 4. sen. 1. tract. 4. cap. 2. Igitur vesicantia vel inuenient calorem in visceribus proprio calore maiorem, & sic non trahent ad cutim, sed trahentur ad profunda: vel proprio calore calorem internum superabunt, & sic viscerum calori proprium addent, & febrem efficient vehemētiorem. Manifestum igitur est, suam rationem demonstrare, vesicantia, si calorem internum non vincant, esse inutilia, ut ab internis partibus trahant ad cutim: si vincant, augere illa febrem necessario, & maius inferre damnum, quam iuuentum. Ad secundam dicimus, consequentiam non valere. Non enim obstat, posse vesicantia calefacere, & in tumorem eleuare partes externas, quas immēdiatē contangunt, & inde partes internas successiuē inflammare, vsque ad partes principes. Si enim fieri caloris generationem docet Galen. 1. de diff. feb. & de causis morbi. a cute, cui res calefaciens adhæret, de parte post partem ad profundas, & principales. Ad tertiam, nullibi Galenus in delirio hæc vesicantia apposuit, ut assumit Saxonia: imo 6. de tuen. Gal. cap. 9. medicos arguit, qui in capitis calida intemperie thapsiam, & sinapi apponebant, cum dicit: *Nec committere, ut, quod nonnulli medicorum faciunt, qui omni capiti medicamentum, quod ex thapha & sinapi componitur, applicant, id ipsi quoque faciunt: quando, si ex calida intemperie caput male habet, talia medicamenta noceant.* Nec erat, quod Galenus ad diuertendam flauam bilem vesicantibus, ad cutim trahentibus, vteretur, cum id commodius medicamento bilem per aluum expurgante fieret, ut in humoribus tenuibus faciendum iubet Galen. lib. quos & quando purgare oportet. Ad quartam, vesicantia omnino nunquam ab alto diuerterent, si calor eorum ad profundas partes non penetraret. Calore enim & substantiæ similitudine id fieri docet Gal. 5. simp. c. 18. Vsum vero vesicantium omnibus morbis non interdiximus, præsertim si alexipharmacorum administratione præparentur. Illis enim grauissimi medici multis in morbis vsi sunt, tum ad diuertendum, tum ad deriuandum, ut docet Galenus de calamintha 7 simp. in agri tudinibus isehiadicis, & de thapsia in catarrho salso, 5 meth. cap. 14. In lethargo autem quamquam Galen. 13. meth. cap. 21. cæteris præsidii non conferentibus, si vitium diu perseveret, sinapi com-

2.

3.

Thapsia & sinapi citanda in intemperie capitis valida.

4.

Vesicantium usus non omnino reprobat.

pi commendat, certe quidem, nec euphorbium, neq; thapsiam, neque cantharides admittit, v̄t eo loco videre est: illis enim palatum nunquam inungeret. Nec est, v̄t id ego pluribus monstrem, cum ipsemet Saxonia lib. 3. de phen. c. 1. dicat: *Vt propterea nec Orbasius, nec Paulus, aut Aëtius in acutis morbis (nisi ex frigida causa producantur, & in temperamento frigidior consistant,) sinapismi & sum probare audeant.* Ad vltimam, falsum est, thapsiam cuti capitis admotam, non penetrare ad profundum. Contradicit enim Galenus, qui lib. 6. simp. cap. de thapsia, dicit: *Thapsia acrem habet ac valenter excalfacientem facultatem cum humiditate coniunctam. Quamobrem ex alto & violenter extrahit, & quod extraxit, digerit.* Idem Auic. lib. 2. tracta. 2. capit. 700. & Diosc. lib. 4. cap. 151. Galenus quoque 5. simp. c. 17. thapsiam dicit ex alto vehementer extrahere. Quod si talem facultatem non haberet, frustra Galen. thapsiæ vsum commendasset, v̄t capiti apposita destillationem ab eo ad pulmonem prohiberet. Apposuit autem, v̄t pituitam salſam à cerebro ad cutem extraheret, & digereret, indeque eius fluxionem ad pulmonem interciperet. Rursus falsum est, quod interficeret ægrum, si thapsiæ caliditas ad profundum cerebri penetraret. Quamquam enim summè cerebrum calefaceret, necem nō inferret: secus omne deliriū, omnisque phrenitis necessario enecarent. Accedit, quod in catarrho salſæ pituitæ, laborabat cerebrum intemperie frigida. Quamuis enim Galen. vocet aliquando calidum, saporem salſum, & 4. simpl. capit. 21. & 5. eiusdem 26. Non absolutè tamen proferri potest de pituita salſa, sed in relatione ad alias species pituitæ, præsertim ad vitream. Absolutè si quidem pituita salſa, pituita est, & in eius latitudine continetur, v̄t docet Galen. 2. de diff. feb. cap. 6. & 4. acut. 13. Igitur cum omnis pituita differat à flaua bile per qualitatem frigidam humidam, talisque sit eius natura, ex Galen. 2. de nat. fac. cap. penultimo, & 1. de nat. hum. 32. & 34. impossibile est, pituitam salſam absolutè calidam esse: secus quod per se generi competit, per se speciei repugnaret, quod est impossibile. Ideo Galen. 2. de diff. feb. cap. 6. pituitæ species nō esse æqualiter frigidas affirmat. Nam frigidissimam dicit vitream, minus frigidam dulcem, magis frigidam dulci acidam, quam vitrea minus frigidam

5.

Thapsia vires.

Thapsia cur
& sus sit Galenus.

Pituita species non æque omnes frigida.

dicat. Salsam autem pituitam, aut propter putredinem, aut propter salſæ ſcroſæ humiditatis miſtionem factam, minimè aliarum frigidam eſſe veriſimile eſt. Cum tamen pituita ſit, frigida humida neceſſariò eſt. Inquit enim ibidem Galen. *Quicumque enim frigidus atque humidus humor exiſtit, ad pituita appellationem reducitur, ſi Hippocrate omneſque non modo priſcos medicos, ſed alios etiam Græcos in nominibus imitari velimus.* Et mox: *Quicumque humor natura frigidus atque humidus fueris, hūc nos pituitam appellamus.* Neque nouum eſt, apud grauiffimos authores rem minus frigidam vocari calidam, in comparatione ad magis frigidam, & è conuerſo. Ita 3. *de praſag. ex pul. capit. 4.* dicit, aliquando in febre peſtilenti corpus cordis eſſe frigidum. Loquitur tamen in homine non viuente modo, ſed febricitante. Et ita aqua tepida, & vrina in balneo calido, apparent frigida, in algoribus vero calida, 3. *ſimp. c. 11.* Ad extremum, ſi in illo catarrho ſalſo cerebrum laboraſſet intemperie calida, Galen. thapſiam non laudaſſet, qui illam in capitis calida intemperie manifeſtè vituperauit, vt ex 6. *de tuend. val. capitu. 9.* monſtratum eſt: quod confirmat 13. *meth. cap. 22.* Tandem neque poterat thapſia augere ſalſedinem cerebrum exſiccando: laborabat enim cerebrum oppoſita intemperie frigida: oppoſitis autem medicamentis æqualibus in gradu membrum ad ſymmetriam ſeu contemperamentum reducitur, in quo ſanitas conſiſtit, vt ſapius docuit Galenus.

Tertia Saxonia reſponſio conſutatur.

C A P. IV.

Poſtremo Saxon. addit vltimam reſponſionem, lib. 3. *de phan. cap. 2.* quòd etſi ex veſicantibus inducatur corpori caliditas, ſi non ſp̄eta, ſaltem poſthabita ipſius indicationis à febre deſumpta natura, ſtudebimus quamprimum venenum in cutem ducere, virtutem vitalem ſubleuare, & à partibus principibus fluentes humores reuellere. Quafi dicat, quod licet febrem augeant, admitti tamen illa debent, ob longe maius iuuamentum quod præſtant. Sed neque hac reſponſione ſe ipſum tuctur. Nam febrem adaugent, & nullum afferunt iuuamentum. Nullum vene-

num sua vesicantia extrahere possunt; sed potius veneno *Vesicantia*
 interno, venenum eorum superaddunt: igitur & virtutem *Venenum*
 vitalem magis offendunt, & à principibus membris non *summadit*
 reuellūt. Hoc ego monstrabo primum ex ipsiusmet Saxo- *Veneno im-*
 nix confessione, mox ex doctrina Galeni. Saxonialib. 2. de *sermo.*
phan. cap. 40. habet hæc verba: *Duplici autem ratione equi-*
fica, & in quarto gradu calida, minime ad Veneni extra-
ctionem (si temperaturibus non moderentur) sunt accommo-
-data. Prima ratio est, quia qua ex alto attrahere debent, te-
nuium quoque partium esse oportet, & sensum partis minime
corrumpere, imò vero eundem & calore, & dolore excitare.
Escharotica vero crassarum sunt partium, & carnem ipsam
statim exiunt. Examinare, an hæc Saxonix dicta vera sint,
 præsentis loci non est. Non enim est verum calida, quæ te- *Calida, et-*
 nuium partium non sunt, non attrahere: quamquam non *iam non te-*
 attrahant vehementer, ut quæ tenuium sunt partium. In- *nuium par-*
 quit enim Galen. *5. simp. cap. 17.* *Attrahit enim perpetuo ca-*
lidum, verum quodcum caliditate coniunctam habet par-
tium tenuitatem, trahit vehementius. Nec est verum, escha- *tium attra-*
 ram inducentia non attrahere: quando ea calorem, & do- *hunt.*
 lorem inducant, & vrant non secus ac ignis, ex Gal *5. simp.*
cap. 15. Sed redeūtes ad institutum, arguamus ex concessis
 à Saxo, aduersus ipsum, sic: Escharam inducentia non
 trahunt ab alto. Sed vesicantia Sax. & Marcelli, ex euphor-
 bio & cantharidibus parata, & vigorata nitro, vel flam-
 mula, vel thapsia, vel sinapi, escharam inducūt. Igitur nul-
 lo modo trahunt à profundo ad cutim. Evidens est argu-
 mentum. Illa enim sunt calida in quarto ordine, ut supra
 monstratum est. Escharam igitur inducunt. Consequen-
 tia est Gal *5. simp. c. 27.* ubi inquit: *At qua iam vehementer*
quidem, non tamen summe, tertij: qua autem adeo excalface-
re possunt, ut escharam moliantur & vrant, quarti. Et mox
 subdit: *Caterum nullum inuenire est, quod quarto ordine de-*
ficcet, quod non etiam vrant: nam quod summe deficcet, omni-
no id etiam deurit. His accedit, quod medicamenta
 quibus ipsi parant vesicantia, acria sunt omnia, ut de
 euphorbio, cantharidibus, & reliquis testantur grauissi-
 mi Medici. De acribus autem Galen. ita inquit *4. sim-*
plic. 19. *Rursum ad acres orationem vertamus. Ac primum*
exaltè ipsos calidos dicimus, doinde exedentes, vrentes,

Summe ex-
ficcantia et-
iam exu-
runt.

*Calida &
sicca in quar-
to ordine o-
mnia videntur
& sunt escha-
retica.*

crustam molientes, ac denique etiam colligentes: eosque omnes & el cuti impositos esse huiusmodi. Rursus Galen. 6. simp. de euphorbio, inquit: *Euphorbium caustica siue vrentis facultatis est, & tenuium partium aliis succis similiter.* Et Auicēnas lib. 2. cap. 232, de eodem inquit, habere virtutem subtilem adustivam. Siue igitur tenuium sint, siue crassarum partium, quæcunque calida & sicca in quarto ordine sunt, videntur & escharam faciunt. Quare si ex sententia Saxonie, quæcunque adurunt, ab alto non trahunt; nullum ex suis vesicatoriis, quæ ex quarto ordine calidis & siccis parata sunt, (vt est videre 3. de phan. capitul. 55.) traher succos ab alto ad cutem. Conuincitur Saxon. & ex aliis suis dictis. Lib. enim eodem 2. cap. 40. subdit: *Secunda, & fortior ratio ex Galen. etiam 3. simp. desumitur, qui scribit, Venenata hac medicamenta Venenum attrahentia, non debere esse deletoria, sed media inter corpus & medicamentum.* Modo sic arguo: Cantharides, & omnia alia, quæ in vesicatoriis apponuntur, sunt verè venena, nullo modo media inter corporis nostri naturam, & venenum. Ergo nullo modo venenum extrahent à profundo. Minorem argumenti negare non potest Saxon. lib. eodem 2. ca. 40. dicit: *Nullum inueniri, aut excogitari potest medicamentum, quod simul & semel caliditate, & substantia similitudine attrahat, nisi Vesicatorium.* Igitur, si in veneni suspitione hoc prætermiserimus, cætera omnia, aut nihil omninò præstabunt, aut saltem inefficaciora existent. Antecedens autem non multo labore comprobari poterit. Si enim, quæ venenum ex profundis attrahunt, caliditate, & substantiæ similitudine agunt, hæc sanè, nemo ignorat, venefica quoque esse debere. Substantiæ enim similitudo nulla est alia, quàm veneni cum alio veneno. Hæc ad verbum Saxon. Ad extremum inquit. *Sufficere similitudinem Veneni trahentis cum eo, quod trahi debet in genere.* Ex his ita argumentor: Quæ extrahunt, debent esse similia saltem in genere cum veneno extrahendo: ergo quæ extrahere debent nullo modo continentur sub genere veneni. Quod enim est ali-

*Humores fe-
brem pestil.
constituen-
tes Venenosi.*

cui simile in genere, ab illo genere diuersum est: differant enim idem & simile, inquit Galen. 3. simp. cap. 25. Conuincitur non minus Saxon. ratione desumpta ex Galeni doctrina. Nam humores, qui febrè pestilentem constituunt,

venenum

venenum sunt, vt lib. priore satis monstratum arbitror, & probat Sax. 2. de phanig. cap. 3. 6. 16. & 17. & Marcellus lib. suo fol. 18. Ergo eorum vesicantia cuti apposita, nullo modo venenum extrahent à profundo, cantharides enim, ex quibus constant, venenum sunt. Quæ vero debent venenum extrahere cuti apposita, venena esse non debent, sed alexiteria, inter naturam nostram, & venenum media. Venenum enim cuti appositum ad profunda viscera penetraret, venenum internum si quod inueniret, fortè nõ exstingeret, sed adangeret, & ad cor ipsum, ad quod per meat propria antipathia, secum traheret atque deduceret, & ita summè natium calorem dissiparet, vitæque esset deleterium, corporique aduersissimum. Totum hoc prouulit Galen. 5. simp. c. 18. cuius verba hæc sunt: *Omne deleterium venenum à foris impositis medicamentis euacuatur, nempe caliditate attractionem molientibus, aut totius substantia similitudine.* Explicans autem, an hæc medicamentum & ipsa quoque venena esse possint, subdit: *Sed & hic quoad fieri poterit, maxime medium natura alexiterium sit oportet, corporis videlicet quod curatur, & veneni la dentis.* Nam si aduersissimū foret corpori, in ipsum ageret potius, ceterū deleterium, haud euacuaret venenum. Hæc Galen.

Venenum extrahentia alexiteria esse debent. Veneni appositi nocumenta.

Damnantur vesicantia. Nam veneficam qualitatem in corpus agrotantis immittunt, venenum ad cutem non extrahunt, sed veneno venenum adiungunt.

CAP. XV.

QUod autem venenum sit materia vesicantium, monstrare facile est. Cantharides enim, ex quibus fiunt, venenum sunt, ex Disc. lib. 6 c. 1. Ad hæc Auicennas libr. 4. Geneno confen. 6. tract. 2. c. 2. diuidens venena, & enumerans animalia, stat. quæ interficiunt suis corporibus, inquit: *Prima quidem diuisio ex diuisionibus est stellio, & cantharides, & rana, & lepus marinus, & lacertus.* Et cap. 3. Cantharides, ait, sunt acuta, mordicativa, perniciofa, &c. Galenus lib. 3. simp. cap. 23. loquens de deleteriis atque lethalibus, cantharidum affert exemplum, & 4. sim. c. 19. post chalcitum, arsenicum, hy-

Vesicantiū materia ex veneno confen.

*Cantharides
non refracta
Alexiphar-
maci sum-
me noxia.*

*Calor ab al-
to non tra-
hit ni ad al-
tum pene-
tret.*

*Venena cuti
apposita pe-
netrare pro-
batur.*

dragrum, cantharides, & leporem marinum adiungit: & lib. de ther. ad Pisonem c. 10. inquit: *Cantharus si sola exhibea-
tur, vesicâ exulcerat: & cum inimicam nobis facultatem ob-
tineat, hominem plerumque necat.* Igitur in veficatoriis ap-
positæ, nullis alexipharmacis refractæ cantharides, imo
potius euphorbio (vt fuit in nostro ægroto,) calidiores,
acutiores, ac magis perniciosæ redditæ, nullo modo vene-
num extrahent, sed vt aduersissimæ offendunt. Loquens
enim Gal. de venenis inquit 3. de temper. c. 4. *Medicamenta
isidem sunt, & qua nulla substantia sua mutata parte, sed
tota seruata integra, corpus ipsum afficiunt, ceterum grauior,
& natura animalis corruptentia. Vnde & totum eorum
genus deleterium & pestilens dici reor.* Quod confirmauit 5.
simp. c. 18. supra allegato & 6. in 6. epid. com. 5. & alibi sæpe.
Hic rationi duas affert responiones Marcellus lib. suo
fol. 87. Primam accepit à Saxonia lib. de vsu & esi. fol. 16. vbi
inquit, venenum foris impositum non nocere: nam ad
profunda non penetrat, sed suæ substantiæ similitudine ve-
nenum foras trahit. Sed indigna est vt redarguatur. Mon-
stratum enim est, non posse calorem ab alto trahere, ni ad
altum penetrat: secus esset actio à motore externo, & vio-
lento trahente, sine contactu corporis, aut virtutis mo-
uentis ad mobile, & agentis ad passiuum. Quod si calorem
penetrare admittat, & venenum quoque penetrare con-
cedat, oportet: cum venena calida, non modo tota sub-
stantia, sed ipsa qualitate venena sint. Rursus venena cuti
apposita alte penetrare, & vniuersum corpus afficere, sa-
tis docuit Gal. Pelopis auctoritate 3. de locis affe. c. 7. Mo-
dum, quo venena per vniuersum corpus sese diffundât, &
totum de repente immutent, aperte docuit, 1. de semp. c. 16.
Ita lib. de sec. c. 4. venenum vnâ cum ictu corpori perçusso
inherere, ac altè penetrare docuit. Nec non, quod ad pro-
fundum corporis virus serpat, clarè docuit lib. de ther. ad
Pison. c. 10. & 4. simp. c. 19. inquit: *Sed ferro lapidique ignito,
ea qua per erosionem interimunt medicamenta, similia sunt:
qua à corporis nimirum calore huc perducuntur, Velut chalcit-
is, mysis, sorj: adhac arsenicum, hydrargyros, lithargyros, & al-
lia innumera. Et mox subdit: Istitis autè subtiliora sunt, tam-
etsi & ipsa terrena sunt consistentia, calx, cantharus, lepus ma-
rinus: quorum quaedam & ad secerni pertingunt regionem
quadam,*

quadam Verò & ſque ad Veficam & peſtus, in tanto interim itin-
 eris ſpacio igneam acquirentia, naturam. Maniſtū
 ergo ex his eſt, falſum eſſe, venenum cuti appoſitū ad
 profunda non penetrare: falſum non minus, dum ſuo ca-
 lore ab aſto trahit, ſuo veneno non nocere. Secus enim
 perperam Galen. dixiſſet, opotere medicamenta cuti ap-
 poſita alexiteria eſſe, non venena. Nam ſi venena ſotent,
 corpori eſſent aduerſiſſima, & in illud agerent potius cū
 deleteria, haud euacuarent venenum, vt ex ſ. ſimp. caſp. 18.
 monſtratum eſt. Non minus indigna vito erudito ſecun-
 da reſponſio eſt, quam Marcellus aſſert lib. eodam fol. 87.
 cum dicit, venena non nocere in eorum tranſitu, niſi ſo-
 lum in termino. Quamquam enim multo vehementius
 noceant in termino: ſiue per terminum intelligat mem-
 brum; cui propria antipathia aduerſantur, vt cantharis ve-
 ſicæ, lepus marinus pulmōi: ſiue membrū, quod diutius
 tranſmiſſa obſident, vt in peſte Thucydidis erant pedes, &
 manus, quæ corrupēbātur, ac decidebant, mentumq; &
 oſſa, quæ denuābantur, ac reliqua membra in conſtitu-
 tione, quam narrat Hip. 3 in 3. epiſ. 25. Ex eo tamen dicere,
 venena non nocere in via, id eſt, dum per corporis viuētis
 membra deferuntur, vanū omnino eſt, & ab omni ratione
 alienum. Dum enim ſerpit per corpus humanum, ſeu eſt
 in via venenum, eſt per ſe venenū: ergo per ſe naturali tem-
 peramento partium, per quas tranſit, eſt aduerſiſſimum.
 Gal. n. ſ. ſimp. c. 18. inquit: Scire oportet, deleterias facultates
 Vniuerſas temperata eſſe aduerſiſſimas corporibus, qua ab
 ipsis laduntur. Quamquam autem ſint quædam venena,
 quæ ſtatim ac in corpus ingreſſa ſunt nullam ſenſibilem
 ſui maleficii noxam oſtendat, vt virus rabidi canis, & ſepti-
 ca: hæc ad noſtram controuerſiam non ſunt, qui de cali-
 dis & acerbis agimus, quales cantharides ſunt, & euphor-
 bium, quæ non ad tempus diuturnum, ſed de repente cor-
 pus immutant. Putate igitur cantharides veſicæ nocere,
 ad quam vt ad terminum deferuntur, viſcera autem per
 quæ tranſeunt: quoniam in via ſunt, non ledere, etiam i-
 diota exploderent, vt experimentum oſtendit. Dioſc. lib.
 6. c. 1. ita inquit: Quibus data ſunt cantharides, ſigna ene-
 mius grauiſſima. Ab ore enim ad Veficam & ſque cuncta ero-
 di ſentiuntur: picem, aut ſimile quiddam cedria reſpiuntur.

*Medicamē-
 ta cuti appo-
 ſita alexite-
 ria eſſe de-
 bent, non ve-
 nena.*

*Venena et-
 iam in trāſ-
 itu ladunt.*

*Venena
 quædam aſ-
 ſumpta non
 ſtatim à
 principio la-
 dunt.*

*Canthari-
 des etiam
 viſcera per
 qua ſerun-
 tur, ladunt.
 Signa can-
 tharidum
 aſſumpta-
 rum.*

*Canthari-
dum viri.*

*dextra prae cordia inflammantur: Urinam agrè reddunt, & subinde cum lotio sanguinem emittunt: strigmenta non secus atque dysentericiis, aluo deferuntur: fastidia urgent: animo linquntur: oborta que vertigine concidunt. Postremo mente ab alienantur. Et Auicenn. lib. 4. sen. 6. tract. 2. capit. 3. inquit: Cantharides sunt acuta, mordicativa, perniciofa, facientes accidere puncturam, & dolorem in visceribus, & omnino dolorem extensum ab ore & sive ad pectinem, & etiam apud ancas, & renes, & hypochondria, &c. Idem Aëtius lib. 4. terra. 4. cap. 49. & Galen. 4. simp. cap. 19. Ita Diosc. & Aëtius idem referunt in Bupreste. Pinorum erucis, salamandra, lepore marino, & reliquis eius generis. Ratio est: nam venenum toto genere deleterium, ubi in animalis corpus ingressum fuerit, totum id momento temporis immutat, sibi que simili affectione alterat, ut 1. de sem. c. 16. docuit Galen. Non minus indigna est Marcelli ratio, qua suam hanc fugam persuadere putat, cum inquit: *Quod si venenum noceret in via, numquam fieret bona crisis in febre pestilenti. Cum enim natura venenum deponeret ab internis ad extima, venenum pertransiens agrum interficeret.* Primum, crislum veram cum depositione humorum noxiorum ad partes ignobiles confundit. Mox in febribus pestilentibus rerò fiunt crises ad salutem, ut 2. aph. 13. Gal. innuit. Quando tamen fit vera crisis, humor euectus, malignitate refracta, nec in via, nec in termino multum nocere potest. Ad hæc venenosus humor etiam non victus à facultate concoquente, sed ab expultrice valida depulsus ad partes ignobiles, nullo modo ægrum necat, dum est in via. Primum, nam per partes principes non transit. Mox, etiam si pertrāsiret necessario non interficeret. Nam quibus calor hic putredinosus ad humores, quos continent cordis sinus, magis deflexit, quam ad corpus ipsius visceris, multi horum fuerunt superstites, ut 3. de pras. ex pul. cap. 3. dixit Galen. Adde quod dum propellitur a robustioribus membrorum facultatibus, longam moram in eis non ducit. Propellitur autem à partibus nobilioribus, & fortioribus, ad ignobiles, atque debiliores, quæ eadem, cum venenum à se ipsis non propulserint, ab eo corrumpuntur, & quandoque decidunt, ut 3. in 3. epid. 25. docet Gal. & ager ex veneni depositione superstes remanet, nulla modo ex veneni depulsionem occumbit.*

In febre pestil. raro fit crisis ad salutem.

An me.

An medicamenta, quæ cuti apponuntur ad euacuandum à profundo venenum, possint & ipsa quoque venena esse: an perpetuo esse debeant alexiteria, habentia naturam mediam inter venenum & corpus nostrum, ut inquit Gal. CAP. XVI.

QUoniam ex Gal. sententia s. *symp. c. 18.* statutum est, omne deleterium venenum à foris impositis medicamentis euacuari, quæ, quoad fieri possit, maximè mediam naturam habeant inter corpus, quod euacuatur, & venenum lædens, & omnino alexiteria sint, non venena: ut omne Marcello confugium præcludamus, hæc Galeni sententiam examinabimus. Videtur enim aduersum ea, quæ dicta sunt, pugnare tum Gal. tum experimentum. Gal. *lib. de ther. ad Pisonem c. 10.* inquit: Demorsus à crocodilo crocodilinum adipem summè contulisse nouimus, obrutis membris impositum. Muris aranei morsus, qui etiam ipsi interficiunt, ab eodem mure araneo contuse & imposito, sine dolore sanantur. Eodem modo & à vipera percussi liberantur, si quis illam atterat, & vulneri coniungat. Rursus, Plinius *lib. 27. c. 2.* loquens de aconito, inquit; Ea est natura, ut hominem occidat, nisi inuenierit quod in homine perimat: cum eo solo collatur, velut pari intus inuento solo. Hac pugna est, cum venenum in visceribus reperit: mirumque exitialis per se ambo cū fuerint, duo venena in homine commoriuntur, ut homo superfit. Adde his clarissimorum medicorum obseruationē. Philippus Ingrassias vir celeberrimus *lib. suo 3. de pest. cont. c. 14.* Fallopius *lib. de bubone pest. c. 15.* Nicolaus Massa *lib. de peste trac. 3. c. 8.* & plerique alij probatissimi viri testantur, sacculos, & offellas ex arsenico confectas, & cordi extrinsecus impositas, à futura peste tueri, & à præsentī ægros liberare. Hieronymus Mercurialis vir doctissimus *lib. 2. Variarum lect. c. 14.* refert, argentum viuum post toxici venenum superbibitum hominem liberasse, quod Aufonij carmine confirmat, Sed hæc explicanda sunt. Idem Mercurialis *lib. 1. de Venenis c. 20.* asserit, sententiam Galeni s. *symp. c. 18.* esse veram, ut in pluribus, nō tamen omninō in omnibus, quod probat authoritate Auic. *lib. 4. sen. 6. tract. 3. c. 1.*

Venena nō alexiterij statum, an etiā Venenis euacuanda, Sententia Galeni.

Venena Venenis curata.

Sacculi & offella ex Arsenico ad pestē

*Sententia
Galenicom-
probatur.*

Cæterum salua tanti viri auctoritate hæc responsio men-
tem Galeni non explicat. Si enim, quæ debent euacuare
venenum à profundo ad cutim, vt plurimum essent media
inter venenum, & naturam nostram, nõ tamen perperud,
& necessariò: tunc aliquando etiam venenum cuti imposi-
tum venenum euacuaret, vel quid aliud, quod nõ esset in-
ter naturã nostram & venenum medium, idem præstaret.
Sed vtrumque repugnat verbis Galeni. Nam si venenum
foret, falsa esset ratio Galeni, qua probans suam senten-
tiam subdit: *Nam si aduersissimum foret corpori, in ipsum
ageret potius, ceu deleterium, haud euacuaret venenum.* Si
vèro foret quid non habens naturam mediam inter ve-
nenum & corpus nostrum: tunc Gal. falso diceret: *Siqui-
dem facultates qua deleteria medicamina alterant, natu-
ram habent mediam inter corpora perpetientia, & medica-
menta ipsa ladentia: Vt videlicet eadem sit proportio corpo-
ris ad facultatem alexiteriam, qua illius ad deleteriam: &
rursum deleteriũ ad alexiterium, qua alexiterij ad corpus.*

*Sententia A-
uicenna.*

Hæc proportio vera non erit, si quandoque quid, non ha-
bens hanc mediam naturam, venenum extrahet. Nec A-
uic. dixit illam Galeni sententiam esse veram vñ in pluri-
bus. Eius verba hæc sunt: *Medicina vero, qua sunt sicut no-
ta, ebibita, rubificantes etiam, & attrahentes venenum, aut
sunt propter virtutem calefacientem attrahentem venenum,
aut causa similitudinis ad attrahendum illud, quod simile
est ei; sicut facit adeps crocodili ad morsum crocodili, & ca-
ro vipera post abscissionem extremitatum eius in attractio-
ne veneni sui: ita vt accidat quibusdam medicinis valenti-
bus ad venena, vt sint venena etiam. Verum ipsa sunt debi-
liora, & quasi ipsa sint inter complexionem corporis, & com-
plexionem veneni. Et sermo hic est ex eis, in quibus oportet
cum sapientibus considerare, vt sciatur, quod est non verifi-
catum, Medico autem non nocet, si non scit hoc.* His verbis
Auic. non dicit, illam propositionem Gale. non esse ve-
ram in omnibus, sed in omnibus non esse verificatam; non
quod omnia esse non debeant media inter venenum &
corpus, quæcumque cuti apposita venenum extrahunt sub-
stantiæ similitudine; sed in omnibus rationem ac causam
huius mediæ complexionis non esse exploratam & cogni-
tam. Si enim illud non putasset in omnibus verum, sine ra-
tione

tionem dixisset, *Medico non nocere si non scit hoc*. Noceret enim maximè pro recta cuiusvis veneni extractione, deficeretque à suæ facultatis perfecta notitia. Medici enim est, venenorum remedia rectè novisse, alexipharmacanè esse debeant, an & venena quoque, ut rectè curet, & non noceat. Ergo non auxiliorum naturam, sed naturarum rationes, & causas, dicit esse cum sapientibus considerandas. Confirmatur hoc: nam qua ratione alexipharmaca cum venenis pugnent, methodus apud Medicos non est, auctore Galeno 13. meth. cap. 6. sola enim experientia, nulla methodo cognoscuntur, ut confirmat 1. de comp. med. per genera cap. 18. Rursus, quamvis Avicennas dicat (ita ut accidat quibusdam medicinis valentibus ad venena, ut sint venenæ etiam.) non ideo putandum, velle Avic. illas venenum extrahere, quatenus ipsæ venenum sint. Subdit enim (Verum, ipsa sunt debiliora.) At venenum debilius non trahi ad se venenum validius, sed contrà potius trahitur. Quod enim trahit, debet esse efficacius, & valentius eo, quod trahitur, ex Gal. 3. symp. cap. 25. Itaque secundum Avicennam, quatenus venena sunt, venenum à profundo non extrahunt. Igitur ut primæ obiectioni fiat satis: dicimus, quod Gal. de ther. ad Pisonem cap. 10. primum hanc difficultatem proponit illis verbis: *Illud verò scrutandum potius esse duxi, quod plerisque admirabile videtur, quo pacto eadem animalia, quæ nobis inimica sunt, & hominem cito perimunt, si ipsorum morsibus imponantur, auxilio esse possint, & sola hominem ab ea noxa servare.* Et postquam aliorum responsiones attulit, & explosit, respondet quæstioni his verbis: *Affero enim, bestiolas istas lethiferas propterea commorsis à se hominibus auxilium præstare, quia maiorem partem venenosa facultatis cum capitisbus ipsarum amputamus, minorem autem reliquo corpori confusam convenienti præparatione obtundimus.* Nam & earum truncum cadauer elixamus, & non parvam salis & anethi quantitatem aqua commiscemus, non solum ut huiusmodi misturam suaviorem reddamus, sed ut viperarum carnes eliquemus, atque ita vel parum, vel nihil potius venenosum in ipsis relinquamus. Magnam vero momentum ad iuvandum viperis confert admissio. Nam tot talibusque rebus adiuncta, quo nam pacto officere amplius valent, soluta iam ipsorum noxia facultate. Hæc Gal.

Alexipharmacorum cum Venenis pugna sola experientia cognoscitur.

Animalia venenata, cur & quomodo præparantur.

Galenus. Verum aliquid deesse videtur in hac Galeni solutione: quod ex eodem Galeno peti potest. Nam adeps Crocodili curat suum venenum sine admistione alterius alexipharmaci: Scorpionis corpus super impositū, sanat suum virus, ex *Diosc. lib. 6. c. 44.* & alia quam plura animalia sua curant maleficia, ex *Galeno 11. symp. c. de Dracone marino.* Neque vero adeps Crocodili, vel scorpio, vel mus araneus cum amuletorum admistione theriacam constituunt, vt

Natura in animalibus venenatis providentia.

Partes alexiteria in animalibus venenatis duplices.

vipera, sed sola suis venenis auxiliantur. Notandum igitur, quod natura in his animalibus non modo partes venenosas effecit, sed & quasdam veneni eorum alexiterias: Secus omnia illa ad vnum maleficiū edidisset, ac de venenis sollicita remediorum fuisset oblita. Natura vero vt in superfluis non abundat, sic non deficit in necessarijs. Igitur hæ partes alexiteriæ sunt in duplici differentia: Quædam ingentam habent vim curandi sua venena, sine aliarum rerum mistione, vt adeps Crocodili, & scorpio: Quædam vero ingentam habent simul & admistam vim, vt corpus viperæ. Hoc enim sine admistione alterius amuleti viperarū percussione curat super impositum; cum admistione autem aliorum medicamentorum venena ferè omnia exstinguit. Explicat hanc duplicem iuuandi vim *Gal. lib. de ther. ad Pisonem c. 9.* vbi, post quam dixit capita & caudas viperarum fore amputandas, subdit: *Ne vero illa te capiat admiratio, si hisce partibus ademptis reliqua viperarum membra potentius antidotum efficiant, ex ingenta admistaque carnibus ipsarum iuuandi facultate.* vbi vocat illam facultatem ingentam, & admistam. Vt enim ex ingenta suum curant venenum: sic ex admista potentissimum efficiunt alexipharmacum, & acquirūt naturam mediam inter corpus nostrum & venenum, suntque idonea non modo ad sanandum venenum, sed ad illud ab alto euacuandum, cuti apposita; si tamen substantiæ similitudine, & calore sint potentiora. Dicimus igitur, Galenum *5. symp. c. 18.* vniuersaliter statuere, medicamenta cuti apposita, vt ab alto venenum euacuent, alexiteriæ esse debere, habentia naturam mediam inter venenum & corpus nostrum. Ad difficultatem igitur dicimus, plurimum interesse, si inquiramus, an detur venenum, quod determinatum sibi venenum possit exstinguere; & si perscrutemur, an detur venenum, quod

Medicamenta venenorum euacuantia, alexiteria esse debent.

cuti

cuti appositum possit venenum à profundo euacuare ad cutim. Euidens enim est, esse venena plurima non modo qualitatibus manifestis contraria, vt venena calida cū frigidis, in quem sensum argētum viuum super bibitum oppositum venenum extinxit; sed etiam plura, abdita totius substantiæ antipathia inter se pugnantia, in quem sensum Plinius de aconito loquutus est. Non enim si inueniat in visceribus quodcunque venenum illud extinguit, sed si contrarium. De simili enim non diceret Plinius, (*Nisi inueniat Venenum quod perimat.*) Simile enim sibi simile nō perimit sed conseruat. Sic de veneno neque simili neque contrario, sed diuerso non diceret (*cum eo solum colluctatur.*) Colluctatio enim non fit inter quæcumque, sed inter contraria: non enim quodlibet agit in quodlibet, sed determinatum in determinatum, quod clarè innuit Plinius, cum subdit: *Torpescent scorpiones acroniti tactu, stupentq; pallentes, & vinci se confitentur.* Quod quidem viperis, Cerastis, ac reliquis venenosis bestiolis non contingit. Euidens non minus est, quod vt contraria quædam, ita & similia quædam inter se sunt venena. Igitur vt contraria se mutuo perimunt; ita & similia se mutuo conseruant: & horum quod potentius est, & calidius, trahit ad se reliquum. Non tamen inde verum est, venenum cuti appositum, si simile intus inueniat, illud ad sese trahere ad cutim. Nam si internum erit vel calidius, vel potentius, trahet à cuti ad viscera externum. Si vero cuti appositum validius erit, trahet quidem internum ad sese, non autē ad cutim, sed suæ maleficæ facultati illud vniet, & secum deferet, atque deducet ad cor vsque. Venenum enim vbi in cute appositum est, ibi non oriatur, nec conquiescit, sed innata sua malefica facultate, qua calori innato est aduersissimum, corpus permeat, atque penetrat, illud sibi simili qualitate immutās; vnde venenum quod ad se trahit, ad cor vsque secum deducat necesse est. Quapropter veneno geminato nocumētum erit longè potentius. Vt si quis post epotam buprestem cantharidas superbibat, vel marinum leporem: manifestum est, quod si posteriora venena priore erunt efficaciora, eius maleficam facultatem ad se ipsa trahent, & secum ad vesicam vsque, vel ad pulmonem deducunt, ad quæ membra cantharis & lepus marinus propria antipathia do-

Venena inter se pugnantia.

Venena inter se similia

Venenū cuti appositum nō trahit ad se simile.

Veneni in cute appositæ actiones.

*Cur alexite-
rius euacuā-
da Venena.* deferuntur. Hæc igitur est ratio, quare Galenus velit, me-
dicamenta cuti apposita, vt venenum à profundo extra-
hant, venena esse non debere. Inquit enim: Scire oportet de-
leterias facultates vniuersas temperatura esse aduersissimas
corporibus, quæ ab ipsis laduntur. Itaque si à similibus tempe-
rie medicamentis euacuantur, erunt & hac corporum natu-
ris contraria. Sanè & sunt quadantenus contraria, non ta-
men adeo, vt interimant, sed ambigant potius, in medio sita
eorum, quæ apertè corpus animantis ladunt, & quæ inuant.
Hæc Galenus.

*An arsenicum, portatum supra regionem cordis præ-
seruet & curet pestem. CAP. XVII.*

*Arsenicum
cuti appositū
nocet, & quo
modo.* EX his mea est sententia; Arsenicum supra cordis regio-
nem apportatum tantū abesse vt à peste præseruet ho-
minem, quod illi deleterium potius esse possit. Arsenicum
enim quatenus venenum est, naturæ nostræ est aduersissi-
mum, ex Gal. 3. de temp. c. 4. vbi inquit, venena esse graui-
& naturam animalis corruptentia, totumque genus eo-
rum pestilens ac deleterium. Ergo cuti appositum supra
cor, statim ac incalcescet, (motu cōcitatiore hominis illud
gerentis, vt frequenter vsu venit) vapores venenosos demā-
dabit ad partem principem, qui vel propria vi penetrabūt,
vel arteriarum à corde ad cutim desinentium dilatatio-
ne cum aëre attrahentur. Introducti igitur venefici vapo-
res, cum venepum non inueniant contrarium, quod peri-
mant, (si quod enim venenum haberet homo, in se ipso sa-
nus non foret: quem autem præseruare intēdimus, sanum
esse necesse est:) maleficam qualitatem homini aduersissi-
mam imprimant necesse est. Quod si authore Galen. 5.
symp. c. 18. propemodum omnia, quæ deleterijs aduersan-
tur, si largius sumpta fuerint, grauitèr, animantis corpus
offendunt: An putandum, verè deleteria, quale arsenicum
est, si cuti apposita penetrent, aduersa summo perè innato
calori hominis non futura? Accedit, quod Gal. & reliqui
grauissimi medicorum nunquam præseruauerunt à peste
quempiam, vel à veneno toto genere deleterio cum alte-
rius veneni exhibitione, vel contactu, sed cum alexiphar-
macis. Lib. enim de theria. ad Pisonem c. 16. inquit: *Ad istū
modum.*

modum arbitror & theriacam, tanquam ignis quidam diris-
 ficans & ipsa esset, illos quidem, qui sani adhuc ipsam bibe-
 rint, non permittere, & pestilentia prorsus capiantur: illos au-
 tem, qui iam agroscent, sanare posse, cum aeris inspirati mali-
 gnitatem commatando, tum corporis temperaturam corrumpi
 non sinendo. Docet pariter Gal. ibidem modum, quode-
 beat homo præservari à peste, & subdit: *Quamobrem con-*
fulo tibi Piso, & partim ob has tam repentinas aeris commu-
tationes, partim ob alias nocentium rerum causas, frequen-
ter etiam sanus theriacam sumas, & exterius occurrentibus
noxis corpus tuum resistat, & si quando passum aliquid fue-
rit, ad sanitatem facile reducatur. Antidotis igitur præser-
 vare monet à peste non venenis. Idem monet lib. de ther-
 ad Pamphilianum, lib. 1. de ant. cap. 1. 6. in 6. epidem. commen-
 5. Aëtius lib. 1. tetrab. 4. cap. 96. & Paulus lib. 2. cap. 36. Præ-
 terea Galen. 6. in 6. epidem. comm. 5. inquit: *Verum ea de*
caussa mihi plura medicamenta non vocare mortifera medi-
ci videntur, (de purgantibus loquens) quod ipsorum tempo-
ribus quibusdam utilitas necessaria sit: ea vero appellare de-
leteria, idest, perniciofa, (de venenis intelligens) qua nullo
unquam tempore, neque agrotis hominibus, neque valenti-
bis opem ferunt. Neque enim aconitum, neque argentum vi-
uum, neque argenti spuma, neque marinus lepus, intra corpus
accepta ullum nobis afferunt emolumentum. Igitur perpe-
 tuò tam Arsenicum, quàm aliud quodvis venenum, cuti
 appositum, nocebit. Quod enim est per se tale, est de omni.
 Quamquam enim sint venena, quæ si contrarium venenū
 in corpore inueniant, cum eo pugnent, & ex mutua collu-
 ctatione ambo venena commoriantur, ut homo supersit:
 certè quidem, si nullum contrarium venenum in homine
 inueniant, hominem occidunt. De aconito dicebat Plini-
 us: *Ea est natura & hominem occidat nisi inueniat, quod in*
homine perimat. Arsenicum ergo ab homine sano apporta-
 tum præservationis causa, cum in eo non cōtrarium mo-
 dō, sed omninò nullum venenum inueniat, hominem ne-
 cessario offendit. Sed dicunt, qui sententiā cōtrariam tu-
 entur, ex arsenico venenis cor assuescere, ita ut alio tan-
 dem adueniente veneno non offendatur, cōsuetudine na-
 turam mutante. Hoc quamquam verum esse possit in ve-
 nenis sola quantitate nocentibus, ut frigida, de quib. dixit
 Gal.

Theriaces
in præser-
uando & cu-
rando.

Modus præ-
servandi à
peste.

Venenorum
inter se pu-
gna.

Num ex ar-
senico cor &
venis assues-
cat.

Gal. 3. *symp. c. 18.* (*Quod Anus Atheniensis à minima cicuta portione auspicata, nullo detrimento ad permagnam progressa est copiam: principio enim paucum exiguitate ipsa densitum est, at consuetudo naturale reddidit:*) certè quidem in venenis calidis ac toto genere deleterijs, quale arsenicum est, etiam pauca quantitas totum corpus immutabit, vt *ext. de sem. c. 16.* abundè monstratū est. Hæc enim venena qualitate, non copia solum offendunt. Ita Gal. 3. *in 3. epidemio. 75.* dicebat: *Itaque Veneno epoto lethali quidam postridie, vel tertio die moriuntur, qualitate eius, non copia mortem afferente.* Et 5. *symp. c. 19.* *At sunt, inquit, quæ tota essentia nobis contraria sunt.* Proinde si vel minimum eorum assumptum fuerit, omninò ladat necesse est, ceu dryopteris, & ptyocampe, & thapsia, & solanum manicum, & hydrargyros, & fungorum nonnulli: præterea salina & fel venenatorum animalium: nam talia omnia genere sunt deleteria, non quantitate. Sed dicent, experimentum aduersari nostræ sententiæ: nam multi sanitatis tempore ferunt arsenicum, & sine omni noxa. Isti aduertant velim, quod quamuis erodens sit arsenicum, crassarum tamen est partium, & multo calore indiget, vt eius vis deducatur ad actum. Monstrat hoc Gal. 4. *symp. 19.* cum inquit: *Sed ferro lapidique ignito, ea quæ per erosionem interimunt medicamenta, similia sunt: quæ à corporis nimirum calore huc perducuntur: Velut chalcitis, mysiæ fori: adhuc arsenicum, hydrargyros, lithargyros, & alia innamæra.* Crassarum enim sunt partium id genus omnia, ac potestate calida: ac proinde temporis spacio accensa per eam, quæ est in animante mutationem, non aliter quam lapis ferrum, quæ ignitum ventrem tum exulcerant, tum exurunt. Vnde si arsenicum portans non valdè incaleseat, vt nimio calore ad actum deducatur, illius noxam non experietur. Obseruatum tamen est, arsenicum apportantes motu exalfecti in syncopem incidisse, & in sæua alia symptomata, quæ non nisi amoto sacculo illo cessauerint. Alij, quamquam non statim, certè post aliquod tempus noxam eius perceperunt, in febres malignas, ac pestilentes, & mortem incidentes. Nec defuit, qui ob lusum pilæ vehementi agitatione corporis excandescens, arsenicum portans mortuus derepente conciderit, vt Franciscus Alphanus Medicus Salern. & alij fide digni testati sunt. Michridates non ex veneni as-

Arsenicum crassarum est partium.

Arsenicum portans cur illius noxam non semper experietur. Historia de Arsenico portato. Michridates cur Veneno non interierit.

suctu-

suetudine, vt quidam somniant; sed ex antidoti vsu, veneno interire non potuit, vt refert Gal. lib. de ther. ad Pisonem cap. 17. in fine. Ad præsèruandum itaque à peste non modo inutile, sed valdè periculosum, & non semel perniciosum arsenicum suprà cordis regionem portatum existimo. Pro curatione autem, siue venenum sit ex humorum interna corruptione genitum, siue ex aeris pestilentis inspiratione productum, arsenicum nullo modo gestandum puto. Nō enim est verum, quod dicit Antonius Firmanns, arsenicum ob similitudinem ad sese trahere venenata, & contagiosa pestis seminaria, & ita gestantem à peste tueri. Verum enim non est, omne venenum arsenico simile esse, vt nec omne venenum omni veneno, nec omnia seminaria contagiosa sunt arsenico similia; nec eiusdem impetus, vel analogiæ, vel similitudinis inter se. Quid igitur si non erunt similia? Quid si similia, & calidiora, ac potentiora quam arsenicum? Nec est quod dicat: venena à calore naturali, ceu inimica, actuationem non recipere, sed potius omni conatu expelli. Si enim hoc confertet, venena nunquam hominem necarent. Oppositum tamen monstrat tum experimētum, tum Galenus, quando etiam in minima quantitate à toto genere lædentia, totum corpus momento temporis immutent, sibiq; simili affectione alterent, vt suprà monstratum est. Adde, quod si venena actuationem requirunt vt operentur, tunc arsenicum neq; trahet seminaria venenosa ad sese, cum nec à se ipso, nec à seminarijs actuari possit, à calore autem nostro, vt ab inimico, non actuetur. Si vero actuatione non indigent: tunc arsenicum calorem nostrum quamquam refugientem, repugnantem, & illud propulsare contendēt vt aduersissimum offendet, cū venena à calore nostro vinci non possint, ex Gal. 3. de nat. facu. c. 7. Igitur arsenicum pro curatione apportatum, vel venenum inueniet sibi contrarium, vel simile, vel diuersum. Si diuersum; duo venena diuersa se mutuo nō periment: vtrq; tamen in eo conuenient, quod calorem innatum simul iuncta vehemētius offendēt. Si vero inueniat simile, vehemētius quoq; offendet. Si enim seminaria contagionis erunt calidiora, & potentiora quam arsenicum, illud ad se ipsa trahent, & secum deferent ad cor; ad quod per aërem multiplicata cū inspiratione, tū pro-

An pro curatione Arsenicum portandum.

Arsenicum an Venena trahat ob similitudinem.

Venena an à calore naturali actuationem recipiant.

Venena à calore nostro vinci nequeunt.

pria antipathia deferuntur. Si vero arsenicum contra erit calidius & potentius, seminaria pestis ad sese trahet quidē, ægrotum tamen à peste non liberabit. Calore siquidem febrili ægrotantis, vt ferrum lapisque ignitus, incensum, suæ venenosæ naturæ vi deleteria cordi aduersissima ad cor vsque penetrabit, & secum contagionis coinquamentum ad cor vsque deducet. Si tandem seminaria venenosa erunt arsenico contraria; pugnabunt quidem ad inuicem: poterit vtrumque venenum mutua colluctatione commori, vt homo ex accidenti superfit. & liberetur, in quē modum forte vera fuit obseruatio, quam Philippus Ingrass. Fallopius, & Massa, viri fide digni testati sunt: Ex eo tamen non debet prudens medicus arsenici apportationem consulere pro pestis curatione. Nam in venenis tota substantia pugnantis methodus non est, vt 13. meth. c. 6. docet Gal. & medicus non potest nisi ab euentu cognoscere, cui nam veneno, cuius veneni analogia, & abditæ substantiæ arsenicum contrarium futurum sit: sunt enim vltimæ rerum differentia ignota. Ignota est medico ac fortè incomprehensibilis indiuidui cuiusque natura, quam Græci *idiosyncrasias* vocant, auctore Gal. 3. meth. c. 7. ignota est veneni sympathia, vel antipathia cum altero veneno, ignota contagionum vires, & imperus. Ita in venenis, ab interna humorum corruptione productis, non est perspicuus cuiusvis putredinis sordidæ profundæ, in lentore positæ, gradus, modus, & facultas, in quibus omnibus est latitudo. Temerarij igitur consilij est, medicamentum propinare, quod si contrarium non inueniat, ægrum facile perimat. Monet autem Gal. 10. symp. contra Xenocratem, nunquam debere medicum medicamentis vri, quæ mortalibus noxam inferre possint.

*In Venenis à
rota substā-
tia pugnā-
tibus nulla
methodus.
Vltima rerū
differentia
ignota.*

*An ale cantharidum alexipharmacum sint
veneni, quod corpora inducunt.*

C A P. XVIII.

REdeuntēs vnde sumus digressi, difficultatem explicabimus, vt Marcello confugium omne præcludamus. Dici posset pro eo, non fuisse sua vesicantia parata ex veneno, quamquam ex cantharidibus essent confecta, &
nullis

nullis alexipharmacis commista. Integræ siquidem cantharides fuerunt appositæ. Igitur venenum, quod corpora potuissent inferre, alæ & pedes emendarunt; & ita alexipharmaca inter corpus nostrum & venenum media ad extrahendum ab alto venenum idonea, cantharides effectæ sunt. Galenus 2. de ant. c. 7. ad cantharidum venenum, cantharidum alas, & pedes ex melle potos commendat. Aëtius lib. 4. tetrab. 4. capit. 49. idem affirmat. Plinius lib. 29. cap 4. inquit: *Cantharidum Venenum in qua parte sit, non constat inter auctores. Alij in pedibus & capite existimant esse: alij negant. Convenit tantum, pennas earum auxiliari in quacumque parte sit Venenum.* Rursus, cantharides summam afferunt utilitatem, cum per os acceptæ, tum cuti impositæ, quam nullo modo præstarent, si essent venenum. Venena enim nullo vnquam tempore, neque ægrotis hominibus, neque valentibus opem ferunt. Nam Hipp. 4. acut. 122. pro hydropis curatione cantharides commendat: lib. de natur. mulier. ad menses ciendos, & secundinam extrahendam eis vitur. Quod confirmat lib. de morbis muliebribus. Ita lib. de internis affect. pro curatione morbi regij cantharides exhibet. In huius difficultatis explicatione non vulgaris est controuersia inter Medicos Græcos, Arabes, & Latinos. Sunt qui capita, alas & pedes venenum continere affirmant: Sunt contra, qui corpora venenum esse, alas & pedes antidotum existimant. Hieronymus Mercurialis lib. 2. de Ven. c. 14. cum corpora, tum alas, & pedes venenum putat. Ego hanc sententiam puto veram. Quamquam enim natura in multis bestiolis venenum, & veneni antidotum posuerit, id in omnibus non effecit. Quasdam enim integras venenosas protulit, quarum antidota aliundè parauit, vt Dryinam & aspidem, & quarum numero cantharides sunt. Nam si cantharides haberent aliquam partem venenosam, aliquam alexiteriam: tunc, dum integræ exhibentur, nullam haberent facultatem perniciosam, & deleteriam: earum antidoto proprium venenum extinguente. Neque opus esset externorum medicamentorum admistione, nè nocerent. Sed vtrumque de cantharidibus negat Gal. Lib. enim de ther. ad Pisonem c. 10. inquit: *Cantharis, si sola exhibentur, Vesicam exulcerat: & cum ipmunicam nobis facultatem obtineat, homi-*

Tam corpora, quam ala & pedes cantharidum venenosa.

nem plerumque necat. At si quibusdam alijs miscatur, auxilium eidem Vesica prabet, & Urinam maximopere promoucat. Dum autem Gal. cantharides exhibet, integras exhibet. Inquit enim 21. *symp. c. sp. de canth.* Porro praeceptorum meorum quidam, earum paulum quiddam in medicamento Urinam mouentia solebat inijcere. At quidam solas alas & pedes inijciunt, quia aiunt esse alexiteria iis, qui corpora ipsarum bibissent. Alij contra: At nos totas indimus. Ergo si totas exhibet, & ne noceant, medicamentis alexiterijs admiscet, totas putat inimicam nobis facultatem obtinere, hominemque necare posse. Ad hæc 3. *symp. c. 13.* inquit: Sane cantharides Urinam cientibus medicinis miscentur, sicut pleraque alia lethalia alexipharmacis, hoc est amuletiis. Atque id genus medicamenta composita, si aptè mixta fuerint, omnino efficacissima sunt: quoniam admodum, quod ex cantharide conficitur, Urina mouenda accommodum est. Feruntur enim aliqui sponte sua cantharides per Urinam ad Vesicam, atque sic rodendo eam exulcerant. Verum ubi paucum ex illis, multis miscetur bonis atque vtilibus, illa quidem velut manu ducunt, rodere tamen nequeunt. At integre nullo modo eroderent, nec opus esset paucam earum quantitatem multis bonis & vtilibus medicamentis admisceri; si alæ vel quid aliud in eis esset alexipharmacum, totaque maleficæ non essent. Galenus autem remediorum diligentissimus indagator, nec alarum vel pedum fuisset oblitus, vel alterius partis, si quam putasset antidotum. Nec pro vrina cienda citra noxam, externa vtilia multa paucæ cantharidum quantitati admiscuisset, si partem quampiam in eis alexiteriam iudicasset. Accedit, quod cantharides sunt lethales, tam si dentur abscissis alis & pedibus, quam si alæ & pedes exhibeantur. Refert Gal. 4. *acuto. 122.* hydrope affectum, qui illas hausit abscissis alis, mortuum fuisse. Refert & alium, qui alas & pedes accepit, non minus interiisse. Cum enim dixisset author (*Poculum hydropi: Cantharides tres abiectis singularum tum capite, tum pedibus, tum alis.*) subdit Gal. *Quidam distionis huius mentem haud quaquam intelligens audax medicus predictas partes à cantharidibus abiecit, deditque hydropi.* Et mox subdit: *Veruntamen non multis post diebus obiit.* Et referens alium inquit: *Quam ob causam medico quidam*

crimen

Galenus cantharides totas exhibuit.

Cantharidum Vesicae in diuretici.

Et corpora, quam pedes & alæ cantharidum exhibita solū, lethales.

crimen ingessit, perperam datum esse cantharidum corpora, inquit: Nempe propinanda ablatis corporibus, tum caput, tum pedes, tum alas, idque esse, quod in dictione enuntiaretur. Quare non cunctatus audax ille Medicus hydropi alteri ita propinavit. Et de hoc pariter concludit: Multis post diebus hominem mori contigit. Igitur & qui corpora sumpsit sine alis, & pedibus, & qui alas & pedes sine corporibus, uterque mortuus est. Præterea Gal. 4. *Symp. cap. 19.* inquit: Sanè verò & cantharis, parè interim sumpta, quibusque Cantharidis oporteat ad mista, præterquam quod Vesicam nihil offen- parè sum- dit, etiam renes expurget: imò & qua efficaciora conficiun- ptarum & ti- tur ad Urinas movendas medicamenta nonnihil habent litas. cantharidis. His verbis Gal. nomine cantharidis vel totas intelligit, vel corpora sine alis, pedibus, & capite. Si primum; certè perperam diceret Gale. parè sumptas, quibusque oporteat admistas nihil nocere, si alas & pedes earum antidotum credidisset. Si secundum; ergo nihil in eis esse existimat, quod deleterium non sit. Dioscorides lib. 2. cap. 55. pennas pedesque dixit esse antidotum non de propria sententia, sed referens aliorum opinionem, inquit enim: Aliqui cantharidas antidotis impositas, aqua subter cutem auxiliari prædiderunt: argumento, quòd Urinam moveant. Alij pennas pedesque contra potarum & Vesicæ, remedia esse tradiderunt. Lib. tamen 6. cap. 1. nula facta partium differentia, totas supponit venenosas. Inquit enim: Quibus data sunt cantharides, signa eveniunt Dioscorides gravissima: ab ore enim ad Vesicam & sique cuncta erodis- cantharides tiuntur: picem, aut simile quidam eedria respiciunt: dextra totas Venos- gracordia inflammantur, &c. Vbi multa subdit reme- nosas statuit dia, sed alarum, pedum & capitum omnino non meminit. Non tacuisset autem si illa antidota iudicasset. Ad extremum, ubicunque Hippoc. exhibet cantharides, alas & pedes abscindit, & corpora antidotis externis admiscet. Lib. de morbis mul. cantharidas alis, capite, & cruribus auulsis, cum semine apij, tribulis ad mare nascentibus, ovis sepiæ, & vino dulci bibendas exhibet. Ita & lib. de natura mulieb. ad menses ciendos, thuri ac myrrhæ admiscet, & unguento Ægyptio albo, aut rosaceo, ab formam glandulæ longæ lana obuolutas apponit. Lib. de inter affe. Exhibeto, inquit, cantharidas sine aliis & capite, qua-

Galenus explicatur.

tuor irritas in vini albi hemina dimidia dilutas, modico etiam melle affuso. Igitur alas, & pedes, & capita non putauit antidotum, sed venenum fortè potentius: secus enim ubique non absceinderet. Neque putauit corpora venenosa non fore, secus antidotis illa non miscuisset. Totas ergo cantharides venenosas agnouit. Igitur (vt oppositas auctoritates explicemus) si quando Gal. *vt 2. de antid. c. 7.* dixit, alas & caput esse antidotum eius veneni, quod cantharides inferunt, id non de mente propria, sed de sententia Aesclepiadis affirmauit, vt ex eodem capite videri potest. Alas enim & pedes alexiteria esse, non proprium, sed aliorum placitum fore, docuit *11. symp. c. de canthar.* Qui locus *2. de ant.* in causa fuit, vt Aëtius Galeni sententiam eam esse putaret. Vndè Andreas Matthiolus, qui *in lib. 2. Diosc. com. 55.* putauit cantharidum alas esse antidotum, Plinium fortè sequutus, rem maturius aduertens *lib. 6. commen. 1.* inquit: *Sed quoquo modores se habeant, ambarum partium placita attulimus, vt vnus quisque suam in hac re sequatur sententiam. Nos tamen suspecta medicamenta semper dimittenda iudicauimus, & hic vtendum, de quibus inter probatos auctores, & doctos viros conuenit.* Igitur Marcelli vesicatoria, ex cantharidibus & euphorbio confecta, nullisque alexiterijs refracta, ex veneno parata malefica esse, corporique nostro aduersissima, ex dictis est manifestum. Neo satis mirari non possum Saxoniam, qui *lib. 2. de phanig. cap. 41.* dicit, sua vesicatoria non esse deleteria, sed inter venenum & corpus media, cum ex medicamentis partim venenosis, partim veneno carentibus dicat illa confecisse. Oporteret enim vt alexipharmaca fiant, paucam veneni quantitatem, vel debiliorem venenosi animalis partem multis alexipharmacis miscere, vt *lib. de theri. ad Pisonem cap. 10.* docuit Gal. Saxonia vero, venena, quæ in suis vesicatorijs recepit, non solum alexipharmacis non miscuit, sed venenis potentioribus copulauit. Cantharidibus enim aliquando succum flammulae adiecit, quæ pariter venenum est, ex *Matthiola in 6. Diosc. cap. 7.* & exalfacit ordine quarto, adeo vt valentissimè corpus exulceret, ubi fuerit imposita. Quod protulit & Gal. *7. symp.* loquens de clematide altera. Aliquando addit succum ranunculi, cuius fa cultatem vehementer acrem, & exulcerantem dixit Gal.

Flammula vires.

Gal. 6. *Symp. capite de batrachio*. Aliquando tandem sinap-
tim & euphorbium miscet, vt videre est apud ipsum *lib. 3.*
de phan. cap. ultimo.

*Damnantur vesicatoria, quod obstructionem, at-
que putredinem efficiant maiorem in
febre pestilenti cum comata.*

CAP. XIX.

Damnanda quoque erant vesicantia in aegrotto no-
stro, quia putredinem maiorem efficiebāt Maiorem
fieri putredinem obstructione adaucta dubium non est,
cum potissima putredinis causa obstructio sit, ac prohibi-
ta transpiratio, ex *Gal. 11. meth. c. 4. 1. de diff. feb. cap. 3. & lib.*
de inaequali intemp. cap. 7. Augebant autem vesicantia ob-
structionem: apposita enim fuerunt à Marcello, vt extra-
herent ab alto ad cutim succos coma facientes. At horum
succorum pleraque pars crassa erat & lenta, quæ dum tra-
hitur à venis amplioribus, quales erant venæ inter alas &
inguina, vbi erat focus febris, ad venas minores, atque
venarum propagines, & ex illis ad capillares, à vena caua
ad cutem vsque, infarctum fieri maiorem per venarum an-
gustias, necesse erat, ac ex inde obstructionem, prohibi-
tam transpirationem, atque putredinem, præsertim cum
eodem tempore sex locis in cute vesicantia apponeren-
tur. Nec satis euitat hoc incommodum Saxonia, dum *lib.*
3. de phan. cap. 32. vesicantia post purgationem & sangui-
nis missionem parari oportere affirmat. Licet enim venæ
sectio & purgatio copiam minuant: tamen purgato cor-
pore, succi crassi & lenti, qui remanent, nunquam per
cutem educi commodè possunt, vt ex Gal. monstratum
est *3. acut. 62.* propterea quod tum crassus, tum glutinosus
succus, qualis pituita est, per venas capillares violenter tra-
ctus, obstruit, non educitur. Mox vel à purgatione in
principio facta totus succus morbum continens fuit eua-
cuatus, vel minor effectus. Si primum fuit, nulla remanet
Medico indicatio reuulsionis, vel attractionis. Si secun-
dum; tenuiores succi fuerunt educi, qui paratiores sunt
vt educantur, crassiores relict, præsertim cum doceat Gal.
lib. quos & quando, tennes à principio purgari, nō crassos.

*Obstructio
potissima pu-
tredinis caus-
sa.
Vesicatorium
vsu aucta
obstructio.*

*Vrina sub-
ingales quid
significant.*

Igitur si post purgationem coma perseverat, quod à cras-
sis ac lentis sit humoribus, vesicantia cuti apposita, crassos
succos ad cutim ducent, & in ambitu corporis obstructio-
nem augebunt. In nostro ægrotò, quo tempore vesicantia
parabantur, crassorum, lètorum, atque crudorum humo-
rum copia (quamquam post purgationem à principio fa-
ctâ) in foco febris maxima erat. Doccebat hoc coma somni-
ferum, quod purgatione facta, indies increfcebat vehe-
mentius, atque profundius. Idem monstrabant vrinę quas
subingales eo tempore fuisse fatetur Marcellus. Subinga-
les autem succum crassum, ac densum, à calore agitaturn,
bitumini & resinæ haud assimilem, significare docet Gal.
4. aphorism. 70. Crudum vero hunc succum esse explicat r.
cris. 12. & 3. in 1. epidem. comm. 21. in Philini vxore in Thaso,
vt suprâ monstratum est. Quæ igitur ad cutem trahebant
in casu nostro, manifestè obstructionem agebant. Quod
expresse damnat Gal. 8. metho. cap. 4. his verbis: *Periculum
vero est etiam, ne, quæ foras trahunt, & nâ cum ijs, quæ ob-
struunt, etiam aliud quippiam attrahant: & quæ ab in-
terno sursum scruntur, aliquid secum in ijs, quæ in vasis
continentur, rapiant. Quod ipsum, si tenax sit, & crassum,
obstructionem planè geminabit. Et paulo post subdit:
Quod si per meatum angustos est transitus, multo profectò
magis retineri.* Neque est recipienda altera Saxonix re-
sponsio, qui eodem capite dicit, vesicantia obstructionem
non augere. Nam vt calida sunt, rarefaciunt: vt tenui-
um partium, absterguunt: vt siccantia, putredinem amo-
uent. Non est, inquam, recipienda. Nam ipsemet Saxon.
lib. 3. eodem cap. 1. dicit, vesicantia, quamquam calida &
sicca, interiores partes non calefacere, sed tantum extima-
mas. Ea igitur crassos succos non calefaciēt, vel abstergēt
in penitioribus venis reconditos, vt indè ad cutim liqua-
tos extrahant. Sed concedamus, calorem illorum ad altum
penetrare, (qua ratione febrì aduersissima vesicantia esse
suprà monstrauimus,) nullo modo ita liquare poterunt
succos crudos, crassos, ac lentos, vt illi per venarum capil-
larium angustias ducti non obstruant, & retineantur:
quando succi crudi, & crassi etiam in amplioribus vasis
detenti à calore vehemente non fundantur vel dissoluan-
tur, vt liquecant, sed in lapidem transmutentur. Ita Gal.

*Calore vehe-
menti succi
crassi & cru-
di non dissol-
uuntur.*

3. aphorif.

3. aphorismor. 26. inquit: *Lapis vero maximè propria passio est talium puerorum, ut qui ob edacitatem non paucos crudos humores coaceruent, ex quibus pars crassior vnià cum urinis ad vesicam perueniens, sit lapidum generationis materia. Accidit altera causa, vehementia caliditatis.* Quod eo promptius cucire potuit in causa nostro, ut succi obstruerent qui non per vesicæ amplitudinem, sed per venarum angustias ducerentur. Quæ venarum angustia tanti est, ut sæpe ex ea, & succorum crassitie renes obstruantur, & lapides generentur, ut 3. aphorif. 31. docet Gal. Accedit, quod si calor summus succos crudos, & lentos rarefaceret, abstergeret, atque dissolueret; tunc tumores scirrhi à medicamentis sumimè calidis, & tenuium partium, qualia sunt vesicantia, commodè curarentur. Contradicit tamen hoc Galen. qui 2. ad Glauc. cap. 4. inquit: *Si quis igitur medicamenta vehementer dissoluentia induratis corporibus adhibuerit, quæ manifestam faciunt scirrhi diminutionem, breui tempore sperabit perfectam curationem, non verè, ignorans, quod residuum passionis hoc curationis modo incurabile redditur. Tenuiori enim ex eo dissoluto humore, residuum exsiccatum lapidis duritiem assequetur.* Vnde cap. eodem malactica commendat, non calida tenuium partium. Ad extremum, si conducunt vesicantia medicamenta succis crassis extrahendis, citra maioris obstructionis damnum, ex eo quia partes, per quas illos extrahunt, rarefaciant, & illos abstergant, ita ut quo ad humores, & quo ad vias corpus fluidum reddant: tunc illud multo magis præstabunt balnea in febre à succis crassis & lentis producta, Præsertim post vniuersalem purgationem. Balneorum enim est utilitas, excrementorum vacuatio, æqualis per totum corpus calor, exiguorum meatuum rarefactio, tensorum relaxatio, densatorum fusio, ut refert Gal. 10. meth. cap. 10. Sed balnea in febre ardenti à salsa pituita etiam post purgationem damnat Galenus lib. 3. acut. com. 62. vbi postquam dixit iuuare balnea, si purgato corpore exhibeantur, tandem habet hæc verba: *Verum si ardens febris ob salisam pituitam putrescentem oriatue, aduersissimū illis esse balneum scire oportet. Neque enim pituitosus humor, et biliosus, per cutim euacuatur, propterea quod tum crassum glutinosus sit.* Hæc Galenus.

*In scirrhis
tumoribus
quibus vni-
um medi-
camentum.*

*Balneorum
usus & vti-
litas.*

Suspecta erant vesicantia. Nam Galenus, Paulus, Aëtius, Oribasius, & Celsus, in multis morbis frequenter, in febre vero pestilenti ad venenum euacuandum, vel diuertendum, illis nunquam vsi sunt.

CAP. XX.

Suspecta meritis erant phænigmata: nam veteres Medici, quibus erant valdè perspecta, & qui multis in morbis sinapismis, cauteriis, & vesicatoriis utebantur, in febre pestilenti sinapismis raro, vesicatoriis nunquam vsi sunt. Cæterum quod illa nouerint, & administrauerint, est euidens. Quandoquidem venenum morsu, ictuque per cutem inditum, extrahendum esse medicamentis acribus dicit Galen. *lib. de sect. cap. 4.* Deinde, succos ad caput, & viscera confluentes, reuellendos docet, artubus acria imponens, *lib. de reuul. cap. 2. & 1. in Hippocrat. de hum. comm. 13.* Rursus, ad lassam destillationem diuertendam, imponit capiti ceratum ex thapsia, *5. methodi capitul. 14.* & medicamentum ex simo columbino, *lib. eodem capitul. 13.* Præterea, in stomachi inflatione, brachiis, & tibiis vesicas excitat, de sententia Archigenis, *8. de comp. medic. per loca capit. 4.* Ad hæc in emaciatæ carne implendis dropaces laudat. *6. de tuen. valet. capit. 8.* & rubificantia ex thapsia, *3. de offic. med. comm. 32.* Adde quod in dolore ischiadico calamintham affectæ parte illinendam esse commendat, *7. simp. capit. de calam.* Tandem, dolores igne, & vstoriis medicamentis curari quoque affirmat *6. in 6. epidemior. comm. 5.* Paulus in cura melancholiz sinapi, & acribus smegmatis, & dropacibus in dorso, & ventre vtitur, *lib. 3. cap. 14.* In fluxionibus ad oculos, & thoracem, vstionem circa medium capitis præcipit *lib. 6. capit. 2.* Oribasius *lib. 8. cap. 19.* medicamentis acribus reuulsionem parat. Cornelius Celsus in doloribus capitis sinapim temporibus admouet *lib. 4. cap. 2.* Aëtius *tetrab. 2. lib. 2. cap. 28.* agens de resolutione, affert cerata ex pyrethro, baccis lauri, nitro & sinapi: commendat smegmata ex facce vini, euphorbio, adarce: probat dropaces, & combustionem multiplicem, tum igne, tum medicamentis inductam. Et *lib. eodem capit. 50.* agens de cepha-

*Acribus
quando &
ubi vsi vete-
ris Medici.*

cephalæa, & hemitrانيا, ex Archigene, & Galeno laudat cataplasma ex cantharidibus. Verum hi affectus sine febre putrida sunt, & ab ea omnino diuersi, & illorum aliqui, febre superueniente soluantur. Cantharides vero, quas Aëtius laudat, non in febre, sed in cephalæa, & hemicrania commendat. Neque illas absolute admouet, sed proprio antidoto illarum maleficium refrangit, (venenosas enim fore protulit *lib. 4. tetrab. 4. capitul. 49.* Ideo *lib. 2. tetrab. 2. capitul. 50.* ubi eas proposuit, subdit: *Oportet autem munitam esse Vesicam per lactis potum, ac irrigationem.* Rursus, in febribus aliquando sinapismis veteres vsi sunt, raro tamen, & ad duas intentiones: Vel ad calorem reuocandum, externis partibus summè refrigeratis: vel ad succos frigidos alterandos, & deriuandos. Vesicatoriis vero ex cantharidibus, vel ex aliis venenis calidis, nec ad calorem euocandum, vel excitandum, nec ad succos frigidos deriuandos, nec ad euacuandum venenum à profundis ad eutem, vel ad eius fluxionem diuertendam vsi sunt vnquam. Aëtius in cardiaca affectione cum febre, ubi refrigerantibus spiritus qui exoluuntur, retinere, ac sudores reprimere docuit, ad naturalem calorem reexuscitandum partes extremas summè refrigeratas fecit vsta, sulphure, pyrethro, ac sinapi, & similibus conspergit, *tetrab. 3. lib. 1. cap. 1.* Et in peste *tetrab. 2. lib. 1. cap. 65.* si partes extremae, & superficies frigidae fuerint, ardor vero occupauerit interiores partes, fomenta calfactoria adhibet, vt calorem ad corporis superficiem trahat, & quibuscunque id fieri potest modis, consulit exsequendum. Sunt verò præter fomenta alij modi, frictiones, inunctiones, balnea: & sinapismi. Igitur sinapismos Aëtius in duobus prædictis casibus admittit, præter hos vero penitus interdicat, *tetrab. 1. lib. 3. capitul. 181.* cum inquit: *Cataplasma ex sinapi, sinapismum Vocare omnes solent. Est autem efficacissimum auxilium. Verum in acutis morbis non valde probatur, paucis exceptis. Nam in solis segnioribus, & pigrioribus, & in acutis affectionibus immersis sinapi vtimur.* Igitur multo magis exploderet vesicantia ex cantharibus, euphorbio, & reliquis venenosis parata. Ea enim præterquam quod quarto ordine calida sunt, venena sunt toto genere deleteria, vt supra monstratum est. Venena vero non sunt sinapi,

*Sinapismi
cur & quā-
do & si sint
Veteres.*

*Sinapismi
non proban-
tur in mor-
bis acutis.*

sinapi, nec fex vsta, nec pyrethrum, nec sulphur, & quæcunque ab Aëtio ad calorem euocandum parantur in affectione cardiaca. Sed Paulus, (inquit Saxonia *lib. 2. de phæn. c. 25.*) in febre pestilenti vesicatoria admittit. Nam *lib. 2. caput. 36.* inquit: *Quibus eiusmodi adsunt symptomata, calorisificis opus est, quo ulceretur præ ardore vndique corpus, & si qua alia via possibile est ex imis corporis partibus ad externas feruorem euocari atque deduci.* At ulcerant, inquit Saxonia, medicamenta vesicantia. Verum, quæ affert Saxonia, suam sententiam non tuentur. Primum, Paulus calorem euocare intendit à profundis ad extremas partes refrigeratas, non venenum euacuare, vel reuellere. Probant hoc eius verba, cum dicit: *& si qua alia via possibile est, ex imis corporis partibus ad externas calorem euocari atque deduci.* Igitur non phænigmis, sed sinapismis id exsequitur, vt fecit Aëtius, vel fomentis calidis, vt Razes; non vesicatoriis ex euphorbio & cantharidibus, quæ nec Paulus loco allegato, nec Razes, nec Oribasius, nec Aëtius admisit, vel explicauit. Præterea illa verba, (*vt exulceretur præ ardore vndique corpus.*) Quæ Saxonia Paulo ascribit, in germana versione contextus Pauli non reperiuntur. Nam Ioannes Guinterius Andernacus vir summi iudicij, & eruditionis legit, *Hi calefacientia requirunt remedia, vt calor per totum corpus distrahatur, ac si alio quopiam modo ab internis foras poterit elici.*) Quæ lectio eò verior est, quo Aëtius, qui agens de peste, eadem prorsus verba refert. Ac Paulus non inquit, vt exulceretur corpus, sed (*Hi calefactoria fomenta adhibere oportet vt calor ad superficiem corporis trahatur.*) (Quod confirmat Auicennas, *libro 4. sen. 1. tract. 4. c. 4.* referens eadem symptomata, inquit: *Tunc necesse est administrare cooperturam trahentem caliditatem exterius.* Galenus tandem, etiam si nullum librum de peste peculiarem confecerit, qui ad nos peruenerit, vt neque Hippocrates, referente Galeno *1. acut. com. 9.* tamen in comm. de morbis epidemicis, & reliquis suis libris sparsim de peste & febre pestilente loquutus est. Nullibi vero proposuit vesicatoria ex rebus summè calidis, ac venenosis parata, pro curatione pestis, & febris pestilentis. In lethargo, cæteris non conferentibus, ad sinapim vsque ascendit, ad thapsiam vero, vel euphorbium, vel cantharides nō progreditur. Libro enim

13. meth. c. 21. inquit: Mox etiam palatum Valentibus & acribus medicamentis vngemus. Ab his vero etiam sternutatoriis vitemur. Tum capiti similes praesidiarum facultates imponemus, adaugeta semper eorum ad ipsum & sine sinapim vehementia. Cantharides ergo plane excludit, qui ad sinapim usque acria medicamenta adauget. Palatum sinapi iungeret, cantharidibus certe non inungeret Gal. ut est manifestum. Deinde Galen. in febre pestilenti, quando reuulsione molitur in affectu, qui lethargum perniciem superat, ut in synope, auxilia explicans pro reuulsione, vesicatoria omittit. Primo ad Glauc. c. 14. inquit: Qui inflammationis magnitudinem, aut vehementis febris malignitatem, animi defectum patiuntur, & in principii accessionum refrigerantur, his artus fricare fortiter, & calefacere, cruraque, ac manus alligare, ac vigilias, cibique & potus omnimodam abstinentiam precipere oportet. Ergo refrigeratas partes calefacit frictionibus, & ligaturis non vlcera vesicantibus: quæ utique non tacuisset, si opportuna putasset. Præterea si vlla fuit febris pestilens, in qua vesicantia admoueri debuissent, pro reuulsione, & euacuatione succi malignissimi, à profundo ad cutim, certe fuit Critonis, de qua dixit Hippocrat. 3. in 1. epidem. 26. Altero die tumor toto pede, & ad talum subrubens, cum contentione pustula nigra: febris acuta: valde insanit: deiectiones mera, biliosa, subcrebra fuerunt. Perit postridie, quam agrotare ceperat. Vbi Galen. in commen. Nam ex illis, quæ scripsit, copia humorum permulta fuisse videtur, quos natura est à principibus partibus ad crura molitur deponere. Cum autem id membrum omnem capere non valeret superfluitatem, residuum recurrens ad caput ascendit: quod quia erat malignitate furiosum, delirium excitauit.) Profecto naturæ conatus expellentis succos noxios ad crura aperte indicabat, ut ars per eandem viam ignobilem, ad quam vergebat, illos deduceret, & euacuaret: Non minus & succi à crure recurrentes ad cerebrum extrahi omnino debebant, cutim, ut inquit Saxonia lib. de Vesicatoriis folio 13. v. rendo, secando, relaxando, ac vlceraando, ne ad cerebrum regressi agrum necarent, ut verè fuit. Itaque Galenus, qui in comm. miratur, cur Hipp. huic venam non secuerit initio morbi, multo magis mirari debuisset, quid causæ fuit, quo minus cruri vesicantia non apposuerit, si vtilia pro

veneno extrahendo ab alto ad cutim in febre pestilenti iudicasset, non potius calore, & veneno pernicioſa. Accedit, quod Galen. nullo modo in febre pestilenti, & vniuersaliter in quouis morbo, ad venenum ab alto ad cutim euacuandum, vesicantia ex rebus venenosis confecta admittere poterat, qui apertè venenum in veneni euacuatione ad cutim damnauit, *5 simp. cap. 18. vt supra cap. 16. monstrauimus.* Ad extremum, in febribus pestilentibus, quæ interno magno flagrant incendio, quamquam tangentibus neque calidæ & perurentes videantur, vt testimonio Thucydidis probat Gal. *1. in 6. epid. 29.* vesicantia ex cantharidibus, vel euphorbio, vel thapsia, vel aliis quarto ordine calidis confecta nunquam admitteret Galen. qui *10. meth. cap. 10.* calorem dicit omni febri esse inimicum, & *2. de compos. med. per locos cap. 2.* loquens de medicamentis ab alto attrahentibus, etiam in morbis à febre diuersis, vt in capitis dolore, *Ego vero, inquit, cum intemperies quapiam humida & frigida, aut per se ipsam in partibus affectis adeſt, aut propter eiusmodi humorum frigiditatem fuerit oborta, ex sinapi & thapsia ac similibus adhibeo pharmaca, calidis vero & siccis non adhibeo.* Et *6. de tuend. Gal. capit. 9.* Nec committere, inquit, *vt quod nonnulli medicorum faciunt, qui omni capiti medicamentum, quod ex thapsia & sinapi componitur, applicant, id ipsi quoque faciant: quando, si ex calida intemperie caput male habet, talia medicamenta noceant.* Quod confirmat *13. method. capitul. 22.* Manifestum igitur ex dictis est, cognouisse Medicorum Principes hæc vesicatoria, & ab eis in febre pestilente omnino se continuisse.

Improbanda erant vesicantia in nostro aegrotò. Nam utilem excretionem noxij humoris, per aluum à natura inceptam, diuertebant, & impediebant.

CAP. XXI.

Rationem, quam in consultatione attuli, à fluxu per aluum, quem natura iam erat aggressa, desumptam cautè suo libro tacet Marcellus, non ignarus quod ea mani-

manifestè conuinceretur. Quamquam enim vesicantia numeris omnibus vtilia pro diuersione fuissent, vt contrà maximè erant perniciosà, & in ægroto nostro nullo modo ad moueri debebant. Eo enim tempore inceperat natura per aluū noxos humores morbi causam excernere. Non erat igitur, vt eius motus vesicantibus interceptetur, & succus ad cutim transfretetur. Excernebat enim natura per intestina, loca crassioribus succis pituitosis, & atrabiliariis apertissima, decliuiora, patentiora, vt docet Galen. 4. aphorismo. comment. 9. ad quos excernendos cutis erat omnino inepta, vt supra monstratum est. Quamquam autem ante coctionem ea excretio esset, Marcellum tamen latere non debebat, in illa constitutione ferè omnes, quibus aluus copiose, excreuit, licet cum signis cruditatis, fuisse tandem liberatos. Precedente enim alui fluore indies, coctionis signa superueniant, & morbus euadebat clementior, & tandem alui fluore perseverante, perfectè, fideliter, & integrè ægri iudicabantur. Docet autem Hippocrat. 3. prognost. 38. quod *Oportet impetum populariter grassantium morborum considerare, nec non teneri temporis conditionem.* Cui rationi respondebat in collegio Marcellus, vesicantia cuti apposita à capite quidem diuertere, non autem ab intestinis. Quasi medicamenta illa cum electione operarentur, vel non essent differentiarum diuersionis sursum, deorsum, ante, retro, intus, extra, & conuerso. Quod si putaret vesicantia solum succos tenues trahere ad cutim, non crassos, cogeretur fateri, esse illa pro comate omnino inutilia, cuius gratia tam enixè illorum vsum commendabat. Nec est audiendus Saxon. qui lib. 3. de phan. capitul. 20. affirmat, alui fluxum febrium pestiferarum proprium, colliquatium, vilo vnquam tempore vtilem esse: cum Galen. 3. in 3. epidem. 57. dicat: *Et pestis quoque illa longissima, qua nostra aetate vulgata est, ex eis, qua per aluum vacuantur, omnes propè peremit. Quae euacuabantur, erat colliquatio, quod quidem esse symptoma videtur in perpetuum febris, quam pestilentem priuatim vocitant.* Non est, inquam, audiendus. Loquitur enim Galen. non de quacunque peste, vel febre pestilente: sed solum de illa, quam 3. epidemi. enarrabat. Variis autè sunt morborum constitutiones, diuersi pestis impetus,

*Fluxus colli-
quatiuum
quius febris
pestil. sym-
ptoma*

*Alui fluor
an sitis in
pestil. febra.*

tus, differentesque analogiæ, vt *primo lib.* à nobis mon-
stratum est. Neque verò *3. epidem.* dicit Galen. fluxum colli-
quatiuum symptoma esse perpetuum pestis, quæ vulga-
ris est morbus perniciosus, sed febris, quam pestilentem
priuatim vocitant, cum mortales vel citra pestem corri-
piat: hæc autem sporadica est. Neq; huius dicit esse perpe-
tuum symptoma, sed quod esse videatur. Quod si in febrib.
verè pestilentibus fluorem villo vnquam tempore vtilem
esse statuat Saxonia, tunc sua vesicatoria villo vnquam tẽ-
pore febris verè pestilenti cum fluore, erunt vtilia, cuius
oppositum monstrare intendit. Ea enim cum calida sint
in quarto ordine, & acria, colliquationem augebunt. Hoc
docet Galen. *4. simp. c. 19.* vbi loquens de acribus, inquit:
*At primum exactè ipsos calidos dicimus, deinde exedentes,
Grentes, crustam molientes, ac denique etiam colliquantes,
eosque omnes vel cuius impositos esse huiusmodi. Quo capite
inter acria cantharidas numerat: & acerrimum refert esse
euphorbium Diosc. lib. 3. c. 80.* Putare item fluorem omnem
in febribus pestilentibus villo vnquam tempore vtilem ef-
se, aduersatur Galeno, qui multas verè pestilentes consti-
tutiones alui fluore iudicatas recenset & *4. apho. 21.* ita in-
quit: *Plurimas vero huiusmodi deiectiones in pestilenti hoc
morbo longo conspeximus, qua non magis in iis, qui exitio pro-
ximierant, quam in aliis saluandis apparebant. Et 5. meth. c.
22.* inquit: *Ceterum, qui ex pestilentia hoc vitio laborarunt,
propterea mihi facile sanati videntur, quod præsiccatum iis
præpuratumque totum corpus fuerit: quippe cum & vomue-
rint ex iis nonnulli, & omnibus venter profluxerit.* In nostra
constitutione, licet ea verè pestilens omninò non fuerit,
post septimum diem quibusdam, post nonum multis, al-
ui fluere incepit, qui ferè omnes alui fluore fuerunt libe-
rati. Consimilem alui fluorem obseruauit Galen. in qua-
dam pestilenti constitutione, retulitque fuisse salutarem
lib. de atra bile c. 4. vbi inquit: *Simile quoque iis effectus longa
hac prolixiore æstate pestilentia orta: nec paucis eorum, qui
seruari fuerunt, nigrorum dictorum excretio per inferiorem
ventrem fiebat, die maxima ex parte, nono, vel
septimo, vel undecimo, &c.*

TER.

TERTIA PARS DI-
SPVTATIONIS.

Vesicantia egroto nostro non contulerunt, sed offecerunt vehementer. CAP. XXII.

SEd contulerunt vesicantia, inquit Marcellus. Eius verba lib. suo fol. 76. hæc sunt: *Vesicansibus statulis, brachiis, & suris applicitis, statim & sine ulla dolore morbi causa reuelli capitis, delirium, & coma lenari, atque etiam febris. Unde cima vero die, natura fortior reddita, & per aluum & per vesicam multa deiecit; Urina duodecima die coloratior, & visâ fuerit, coctioresque: Noctu plurimâ minxit, delirium cessauit, & pulsus magis eleuabatur: decimatertia die noster Archiater Byssus Panormo Messanam accedens eum inuissit, & dum capitis illum grauiamine detineri audiuiisset, hirudines naribus apposuit, & decimaquarta indicatus fuit morbus.*

Hæc Marcellus. Verum, pace sua, factum inuertit: quandoquidem ab apposis vesicatoriis alui fluor desiit, stomachus dolere cepit, febris increuit, coma fuit effectum profundius, (humoribus, qui per aluum excernebantur, retractis ad focum febris, ac vaporibus, qui ab eo ad caput eleuabantur, multiplicatis:) vt medici cogerentur apponere fomenta ex decocto sinapis, vrticæ, rutæ, origani, & euphorbij: mox vero & assam fetidam naribus ægri; castoreum, & capillos humanos aceto acerrimo madefactos coronali futuræ. Quibus triduo insistentes, & omnino nihil proficientes, tandem venas narium, admotis hirudinibus, aperuere, & sanguinem pro virium tenore eduxerunt, à cerebro abeuacuant, ac deriuantes. Et ita incepit tandem morbus fieri mitior, & natura ad alui excretionem, à qua fuerat impedita, redire. Urinæ coctionis notas insinuarunt, ac tandem alui fluore perseverante ad diem usque vigesimum, morbus fuit integrè iudicatus. Hæc ita contigisse vt narro, Illust. adolescens qui tunc ægrotabat, astantes & medici rectè cognouerunt. Remedia ita fuisse instituta, vt retuli, testis esse potest locupletissimus magnificus Antonius Ferrara vir diligens, qui ea omnia remedia composuit eo ordine, quò telata sunt, & illorum

*Symptoma-
ta ex vesica-
torio apposi-
to.*

Q. exca-

exemplar suis librorum monumentis conseruat. Ego verò Marcellum nullis testibus potioribus, quam propria confessione conuincere decreui. Fatetur die nono ægritudinis fuisse admota vesicantia: die decimotertio è naribus per hyrūdinis sanguinem euacuatum. Ergo à vesicatoriis morbus non modo non solutus, vel redditus mitior, sed omnino vehementior effectus est. Nam si vesicantia contulerunt tam egregiè, vt illis appositis statim coma & delirium cessauerint: cur medici eruditi venas narium secauere exacto triduo? Respondet; nā capitis grauamine ægrum derineri audiuerunt. Verum, si vesicantia statim ac apposita sunt, potuerunt coma & delirium auferre, cur & capitis grauitatem propulsare non potuerunt? Si quæ virtus potest maius atque potentius, eadem potest minus atque debilius in eodem geuere multò facilius superare. Vel cur perseverante vesicantium reuulsoria facultate (ex vlceribus, quæ in tibis, brachiis & spatulis illa excitant, (à quibus, dicit Marcellus *lib. eodem sol. 77.* ad diem vsque vigesimum plurima fuisse expurgata,) triduo capitis grauitas leuari non potuit? Vel cur nouum auxilium, vt est venæ narium sectio, moliti sunt viri prudentes, si tam contulere: Contra vulgatum Hippocrat. axioma, quò præcipit, *Omnia secundum rationem facienti, etiam si secundum rationem non eueniat, non esse transcendendum ad aliud, stante eo quod à principio visum est. 2. aphorismo. 52.* Accedit, quod vehementiores affectus sunt coma & delirium, quam capitis grauitas. At si, de quo minus videtur inesse, in est, ergo & de quo magis. Non erat igitur, quod Medici ad noua auxilia confugerent, si utilitas, quam vesicatoriis refert acceptam Marcellus, vera fuisset. Rursus, si intimius aduertamus Marcelli verba, pariter utilitatem vesicantium, quam persuadet, euertur. Inquit enim: *Vndecima die natura fortior reddita, & per aluum, & per vesicam multa deiecit: Urina duodecima die coloratiores visa fuerunt, coctioresque, noctu plurima minxit, delirium cessauit, & pulsus magis eleuabantur.* Et mox concludit: *& decima quarta iudicatus fuit morbus.* Hæc, quæ refert, si vera sunt, Medici venæ sectione crism vel inchoatam, vel saltem indicatam intercepissent, aduersus vulgatissimum præceptum Hipp. *1. aphorismor. 20. Quæ indicantur, & indicata sunt integre,*
neque

neque mouere, neque mouere aliquid, siue medicamento, siue aliter irritando, sed sinere. Quod cum dici non debeat de Medicis viris celeberrimis, consequens est, vtilitatem vesicantium, quam Marcellus prædicat, purum figmentum eius fuisse. Hæc demonstrari facile possunt. Si vesicantia nono die apposita contulerunt ita, vt quæ refert euenisse ab vndecima, ad decimam quartam diem vera sint: euidense est, quod crisis fuit inchoata die vndecima, & complera decima quarta, vel vndecima dies fuit indicatoria crisis decimæ quartæ. Ad crisim enim requiruntur coctio humorum, eorumdem excretio per loca conuenientia, in die critica, cum conferentia & tolerantia, vt colligitur ex Galen. 1. aphorismor. 20. Ergo si a vesicatoriis natura fortior reddita per aluum, & vesicam multa deiecit, vrinæ coctiores redditæ sunt, delirium cessauit, pulsus effecti sunt validiores, & tandem decima quarta solutus est morbus; manifestum est crisim eo tempore naturam molitam esse. Sed si hæc ita fuerunt, cur Medici præstantes die 13. medio inter H. & 14. natura criticè operante, venastarium secauerunt? An non manifestè errarunt, si Marcellus vera dicit? An vnum capitis grauamen inducere poterat viros in artis operibus apprimè exercitatos, vt sanguine è venis narium misso, crisim vel indicatam, vel inchoatam, omninò tamen imminenti inturbarent? qui probè scirent longè grauiora symptomata crisim comitari, & antecedere. Quæ vbi post coctionem appareant, peritum medicum neque terrent, nec ad operandum impellunt. Dicebat Galenus primo aphorismor. commen. 12. Aliud est signorum genus, quæ indicatoria ab ipso nominantur: sunt autem hæc, sudores, sanguinis fluxus, rigores, multum alui proflusum, & similis vomitus, dolor capitis repente inuadens, difficultas spirandi, &c. Quæ ibi refert, omnia quidem capitis grauamine grauiora, in quibus tamen non audent Medici magna remedia adhibere, sed naturæ iudicium imminens expectant, & obseruant. Rursus; non latebant peritissimos medicos verba Galen. 1. aphorismor. 21. quæ sunt: Oportet itaque medicum naturæ inclinationem animaduertere, & si quidem idonea fuerit, & adiuuare: Sed si vera sunt quæ

*Ad crisim
quæ requi-
rantur.*

*Signa indi-
catoria.*

*Medico na-
tura inclina-
tio obseruanda.*

Q²

Marcellus

Marcellus profert, natura ab vndecimo die per aluum & vrinam prospere excernebat, ab excretionē morbus fiebat clementior, virtus validior: ergo debebant Medici nihil operari, vel saltem naturam iuuare, si diminuta videretur eius actio, per eandem viam, qui bene sciebant vulgatum aph. prima particula 21. *Qua ducere oportet, quo maxime natura vergit per loca conferentia, eò ducere conuenit.* Errassent igitur grauitate, qui non modo naturam sanguinis missione irritassent, dum morbum iudicaret, mouentes ipsi dum natura moueret. Verum multò vehementius deliquissent, operationem moliti omninò contrariam actioni naturæ rectè operantis; excernente natura per inferiora, per superiora euacuantes ac diuertētes criticam euacuationem. Sursum enim & deorsum contrariæ sunt diuersiones, vr ex Galen. monstratum est. Ad hæc, si ad vnam capitis grauitatem tollendam venas narium secassent, tunc medici rationales sine indicante, auxilium nullo modo indicatum adhibuissent. Magnum auxilium est sanguinis missio, ex Galen. 2. apho. 29. & 5. eiusdem comm. 55. Ergo indicari debebat à morbo magno, vr probat Galen. meth. capitul. 15. contra Erasistratum. At capitis grauamen non modo morbus magnus non est, sed quandoque nec morbus quidem, cum sæpe nullas operationes naturales, vel animales offendar. Nec magnus ratione partis affectus: sic enim & levis dolor capitis, vel destillatio magni erunt affectus, magnaue indicabunt remedia. Neque vero si magnus fuisset, vbi natura vincente ad declinationem deduceretur, magna requireret vltra remedia. Circa initium enim & finem leuiora sunt omnia, 2. aphorif. 30. & in vniuersali declinatione affectus à natura est victus. Igitur illud capitis grauamen à comate derelictum, nullum magnum præsidium requirebat, ab auxiliis, quæ coma propulsarunt, nouum atque diuersum. Ad extremum maior affectus est pleuritis benigna capitis grauamine; cum hæc sit de genere inflammationis in thorace, seu pleura, illud à solis flatibus fieri possit. Inquit tamen Gal. 3. in 6. epidemio. 44. *Sed cum morbus lateris mitis admodum foret, necesse non erat: (sanguinem mittere intelligit) Ideo neque id genus remediij adhibuimus; atque euidenter hominem hunc lateris morbo laborare cognouimus, quod & alijs huius morbo con-*

*Sanguinis
missio auxi-
lium ma-
gnum.*

*In pleuriti-
de mitiore
non necesse
sanguinem
mittere.*

gra-

gruentibus remediis citra Vena sectionem leuatus est. Dicendum ergo potius ut ferè fuit, medicos illustres omni ratione, morbo magno indicante, venas narium aperuisse: vesicatoriis enim adausus fuit morbus. Nam intercepta fuit alui fluxio, retracti humores, geminata obstructio, adducta putredo, & febris incèdium atque perniciès. Quæ si iuueni non contigissent, ægrum facile necassent. Ideo ad cerebrum non modo vapores multiplicati sunt, sed postmodum & humores firmati, qui ex comate lethargum, & ex intemperie inflammationem concitarunt. Quare firmati humores deriuationem indicabant. Ea enim humorum, qui iam membrum obsederunt, medela est ex Galen. 2. ad Glauconem capitul. 2. Igitur ad cerebrum in summo discrimine positum iuuandum venas narium secari curare. Nam *caput dolenti, aut circum dolenti pars, vel aqua, vel sanguis effluens per nares, aut os, aut aures, morbum soluit. 6. aph. 10.* Hæc volui dixisse, nè tyrones, his Marcelli exemplis irretiti, vesicatoriis temerè vtantur ad ægrorum perniciem.

*Notum est
ex Vesicatorio
apposito.*

QVARTA PARS DISPUTATIONIS.

Ratio prima Saxonie diligitur, & ostenditur, non omni febris putrida deberi reuulsionem, vel deriuationem ad cutim, neque vesicatoria.

CAP. XXIII.

Hercules Saxonie lib. 2. de phan. à cap. 22. ad 54. longa verborum serie pro vesicatoriis pugnat. Eius rationes breuissimè referemus; ac pro vna veritate explicabimus. Primò sic ratio cinatur c. 22. Nulla est febris putrida, siue continens sit, siue per circuitum repetat, quæ reuulsionem vel saltem deriuationem non indicet: At tam reuulsio, quam deriuatio omnium commodissimè fit ad cutim, & per vesicantia. Nulla igitur est febris putrida, quæ vesicantibus non indigeat. Maiorem probat; nam febres putridæ, quæ per circuitum repetunt, oriuntur ex fluxione humorum, ex Galen. 2. de diff. feb. capitul. 6. ultimo. Subdit: in eis esse dispositiones inflammationi similes. Inflamma-

Ratio Saxonie.

Q

tiones

tiones verò fieri ex humorum fluxione, 13. meth. cap. 3. lib. de tum. prater naturam cap. 2. de inaequal. intemper. cap. 3. Et fluxionibus deberi reuulsiones, ex Galen. 3. meth. capitu. 11. Minorem probat cap 24. eiusdem libri. Nam Galen. lib. de humoribus & reuul. ad fluxiones in caput & thoracem tendentes acria, quæ nos, inquit, vesicantia vocamus, manibus & pedibus imponit. Probat autem in his fluxionibus adesse febrem. Non enim indigerent partes principes reuulsione tam valida, nisi vel phrenitidem, vel lethargum, vel pleuritidem, vel alios consimiles graues affectus incurrerent. Hi vero sine febre non sunt. Ceterum huius argumenti neque maior propositio vera est, neque minor. Primum, non est verum, nullam febrem putridam esse, quæ reuulsione vel saltem deriuatione non egeat. Deinde falsum est, reuulsione & deriuationem commodissimè omnium ad cutim fieri. Ad extremum nec verum est, omnium auxiliorum, quæ reuellunt vel deriuant, commodissima esse vesicantia. Hæc tria facili negotio demonstrantur. De primo. Febris putrida nec reuulsione indicat, nec deriuationem. Nam vt febris est, indicat refrigerationem, ex Gal. 8. meth. cap. 1. & 9. meth. c. 14. & alibi saepe. Putredo vero, si ex ea febris accendi contingant, reuulsione ad loca contraria nō indicat, nec ad vicina deriuationem, sed inquit Gal. lib. artis med. c. 89. Indicatio in huiusmodi est euacuatio & alteratio. Hæc quidem, qua putredinem finiat manente adhuc causa: euacuatio vero qua totam à corpore substantiam educat. Et 11. method. capitu. 13. inquit. At vero in humorum putredine, & excretio, & refrigeratio, & ventilatio, & semiputridorum concoctio, ex aduerso respondent. Ipsius vero febris refrigeratio oppositio est. Rursus causa, nempe humori febrem constituentis, necessario debetur reuulsio, vel deriuatio. Nam si succus in foco febris sit firmatus, nullo modo, indicat reuulsione, ex Galen. 5. meth. capitu. 3. & 2. ad Glauc. capitu. 2. Si firmatus & in phlegmonem versus, qui sit concoquendus, nec deriuationem requirit. Nam 2. in 6. epidem. 31. Qua concoquenda sunt, occludi oportet. Contraria vero siccare & aperire. Deinde si firmatus sit succus, & ad bonum concoctione reduci idoneus sit, nec deriuandus, nec diuertendus. In hunc sensum consuluit Hippocrat. 2. aphorismor 30. in sta.

Refutatio
 rationis Sa-
 xoniae.

1.
 An febris
 putrida re-
 uulsionem
 aut deriua-
 tionem re-
 quirat.

Humorum
 putredo &
 curanda.

Concoquen-
 da occluden-
 da sunt.

in statu quiescere melius, vt 2. eodem comm. 29. docet Gale.
 & Auctor 4. acut. 44. dixit, corpus quieri permittere, vt in
 80 comm. docet Galenus. Præterea, neque verum est, omni *Non cuius*
 succo fluenti etiam ad focum febris, conuenire reuulsio- *succo fluentis*
 nem. Quid enim si fluat ad adenas, & in eis putrescat, & *conuenit re-*
 febrem producat? præsertim si dolor in parte non vigeat, *uulsio.*
 & corpus plethoricum non sit, nec cacochymum: ad Ga-
 len. tunc diuerteret? qui relaxantibus curat partem ita af-
 fectam 13. method. cap. 5. & cap. 15. aduersus Attalum me-
 thodicum. Rursus, quid si malignus succus à parte princi-
 pe demandetur ad eius emunctorium? vt à cerebro ad
 parotidem concitandam: an Galenus fluentem illuc hu-
 morem interpellaret? qui ad affectam partem trahendum
 consulit 3. de comp. medic. per. locas capitul. 2. vt & Paulus
 lib. 3. cap. 23. Aëtius tetrab. 2. lib. 2. capitul. 89. Auicennas lib.
 1. fen. 4. capitul. 25. Tandem, quid si humores perniciosi
 producantur in aliqua parte ignobili, ibidemque perni-
 ciosos tumores concitent? an Galenus eos inde diuerteret?
 qui oppositum docuit 2. ad Glauc. cap. 2. 14. meth. capit. 10.
 vt & Paulus lib. 4. cap. 25. Aëtius tetrab. 4. lib. 2. capitul. 58.
 De secundo, neque verum est, humori fluenti ad febrem
 constituendam, vel fluxo seu firmato, qui eam continet, si
 reuulsio vel deriuatio conueniat, ad cutim omnium com-
 modissimè conuenire. Nam si turgeat ad cutim, nō est ne-
 que reuellendus, neq; deriuandus, sed omninò extra cor-
 pus purganti medicamento per ventrem inferiorem edu-
 cendus, 1. aphorisma 63 & 4. eiusdem 10. Ita si fluat ad caput,
 per inferiorem ventrem est expurgandus, ac diuertendus,
 ex Galen. 4. meth. capitul. 6. & 13. eiusdem capit. 11. Ita si à ca-
 pite fluat ad thoracem, ad pleuritidem excitandam, me-
 dicamento purganti reuellit extra corpus, antequam in
 pectore firmetur, Gal. 4. acut. comm. 76. Ita si fluat ad fau-
 ces pro angina constituenda, tum secta vena, tum me-
 dicamento purgante reuellit 4. acut. 30. Ita crassum suc-
 cum, de parte ad partem delatum, ad cutim Galenus non
 reuelleret, vt patet ex his, quæ dixit 3. acut. 62 & lib. de
 const. artis capitul. 19. Ad extremum, si ad humorum fluen-
 tium reuulsionem commodissima omnium est curis,
 cur Galenus pro reuulsione facienda docuit loca conueni-
 entia fore, sursum, deorsum, dextrum, sinistrum, ante, retro,
 intus,

3.
An vesican-
tia prae-
stantissimae eo-
rum quae re-
soluunt, aut
deriuant.

intus, extra, *5. methodi capit. 3.* Quod Oribasius confirmat *lib. de reuul. cap. 19.* de mente Galeni, quamquam intus & extra ad tres priores differentias referri possint. An non satius fuisset ad vnam cutim? si ad eam fieret reuulsio omnium commodissimè, vt putat Saxonia. De tertio, neque verum est, omnium auxiliorum, quæ ad cutim reuellunt vel deriuant, vesicantia esse præstantissima. Ea enim omnium sunt maximè pernicioſa, vt secunda parte præsentis disputationis abundè monſtrauimus à *cap. 7. ad 20.* Accedit, neque verum esse, Galen. *lib. de humoribus*, dum acria artubus imponit ad reuellendum succos fluentes ad cerebrum & thoracem, ea vesicatoria intelligere, quæ parat Saxonia. Primo quidem per acria nullo modo intelligit cantharides, thapsiam, euphorbium, chalcitem, hydrargyrum, & alia huius ordinis acria; Sed his multo mitiora, vt synapim, pyrethrum, staphisagiam, & huius generis reliqua, vt explicat Oribasius *lib. de cucurb. & reuul. c. 18.* & Gal. *lib. 1. in Hipp. de hum. com. 13.* vbi hæc acria, tum pedibus ac manibus pro reuulsione, tum naribus, ori, palato & gurgulioni pro deriuatione admouet. Qui si illa summe calida venenosa intelligeret, nullo modo admoueret. Rursus, etiam si gratis concederemus, Galenum acria cuiusuis ordinis intelligere, perspectissimum est, ipsum libro de humoribus non loqui de fluxione ad cerebrum vel thoracem cum febre, & multo minus cum pestilente, *Et capitul. 19.* monſtrauimus. Nec momenti est ratio Saxoniz, quæ id probare nititur, cum inquit: Galenus ibi vtitur validissimis auxiliis reuulsuiſis; ergo ad magnas fluxiones morbos concitantes in cerebro vel thorace. Sed magni affectus in cerebro sunt phrenitis, in pulmone peripneumonia & pleuritis, quæ cum febre sunt; ergo in febribus vtitur acris illis reuulsoriis. Hæc ratio vera non est. Nam etiam si admittamus, ibi Galenum validissimis vt auxiliis ad validissimas fluxiones magnos morbos concitaturas in cerebro vel thorace: tamen dum infert, magnos affectus in cerebro fore phrenitim, & in thorace peripneumonia, quæ cum febre sunt; fallaciam committit à simpliciter ad secundum quid. Sunt quoque in cerebro magni affectus, apoplexia, & conuulsio, quæ febrè non habet, imo illa superueniente soluuntur. Est & magnus cordis affectus febris

febris pestilens cum animi defectu : in eius tamen reuulsionem his acribus non vitur Galenus, sed frictionibus, *ut patet 1. ad Glauc. c. 14.* Cæterum in affectibus magnis cum febre, si causa illam producat reuulsionem indicet, magnis quidem auxilijs reuellit Gal. non tamen acribus cuti applicatis, sed venæ sectione, & purgatione, *ut patet 2. acut. 11. lib. de curand. rat. per sanguinis missionem c. 8. & 4. acut. 30. & 76. ut supra retulimus.* Vtitur enim Gal. acribus pro reuulsionem morborum citra febrem, in febre vero his non vitur. Ratio est: nam acria illa summè calefaciunt & exurunt, *4. symp. c. 19.* talia vero summè pernicioſa docuit esse Gal. in febre, *ut ex 10. meth. c. 10. & 11. eiusd. c. 9. & alijs Gal. locis monstrauimus c. 11. 12. & sequentibus* in præſenti diſputatione.

*Acribus
quādo ſtra-
tur Galenus*

*Secunda Ratio Sax. diluitur ſitque manuſcriptum, pe-
stem, & febrem peſtilentem priuatam diſſerre ge-
nere, ſubiecto, cauſſis remotis, & proximis. Ve-
ſicantia vero ad venenum extrahendum,
neque conuenire in vera peſte.*

C A P. XXIII.

ESt ſecunda ratio Saxoniz, quam proſert c. 25. Peſtiferæ febres & vera peſtis quandoque nō diſſerunt, nec cauſſis remotis, nec proximis, nec ſubiecto, aut genere; ſemper tamen in eſſentiali cauſſa conueniunt. Ergo quæ pro expugnanda peſtis proxima cauſſa accipiuntur, ea quoq; pro expugnanda peſtiferæ ſporadicæ cauſſa uſurpari debebūt. At in vera peſte veſicatoria ob hanc proximam, venenatamque cauſſam conueniunt: Ergo eadem in ſporadica peſtiferæ erunt adminiſtranda. Sed hæc ratio multifariam peccat. Primo verum nō eſt, peſtem veram, & febrem ſporadicam peſtilentem quandoque conuenire genere, cauſſis, & ſubiecto. Secundo, nec in cauſſa proxima eſſentiali perpetuo conueniunt. Tertio, nec remedia, quæ pro demolienda cauſſa peſtis accipiuntur, pro euertenda febris peſtilentis cauſſa neceſſario ſunt adminiſtranda. Quarto, neque veſicatoria, quæ parat ad venenum extrahendum, vera peſti conueniunt. Hæc ſigillatim demonſtro. De prima; Vera peſtis eſt de genere morborum vulgarium, ex tant.

*Vera peſtis
& febris pe-
ſtilens ſpora-
dica &c diſſe*

Galeno 1. acut. comm. 9. Febris pestilens sporadica est de genere priuatorum, qui vulgaribus omnibus aduersantur, *ex Gal. ibidem, & 1. in 1. epidem. in proœmio.* Mox, cuncta pestis, ut & omnium morborum vulgarium, est communis: causa febris pestilentis sporadica, ut & omnium morborum priuatorum, est particularis, quæ seorsim ægrumprehendit, neque secundum communem modum constar, ut *Gal. eisdem locis* affirmat. Tandem subiectum in utroque morbo diuersum est. Quamquam enim utriusque principale subiectum cor sit, ut & omnis febris, etiam non pestilentis, (corde enim non patiente febris fieri, vel hominem interire est impossibile: adæquatum tamen in vera peste subiectum est vnus populus, vno & eodem tempore, non tamen perpetuò eodem morbo pernicioso correptus, (populum cum dico, multa eiusdem speciei indiuidua, vnā vel plures regiones incolentia, nationem vel exercitum intelligo:) pestilentis vero sporadica subiectum est vnus numero æger, à priuata causa prehensus, ut ex *Gal. monstrauimus lib. priore c. 2. & 3.* Sed locus, ad quem peruentum est monet, ut expendamus sententiam Eustachij Rudij, qui *li. 3. de feb. cap. 30.* asserit, morbum epidemicum non spectare ad essentiam veræ pestis, sed esse accidens, ab eius natura prorsus extraneum. Satis enim est, inquit, ut febris, quæ vnus homo laborat, si naturam & symptomata veræ pestis sortita sit, aptitudine sit vulgaris, non actu, quatenus apta sit ab eo ad alium, & ab vno ad multos contagione communicari. Hæc sententia recta non est. Quamquam enim ex vnico ægroto, febre pestilenti correpto, venenosa contagionis seminaria includere, possit ab eo ad multos pernicies contagione diffundi, eiusque febris characterismus propagari: Tamen dum in vno indiuiduo cōtinetur, à priuata illius causa dependens sporadica pestilens est sine peste. Vbi vero cōtagione cōmunis fit, & plures eorum, quos inuadit interimit, tunc fit, & est vera pestis. Nam si sola aptitudo, ac possibilitas ut communicetur, pestem veram constitueret, tunc differentia cōstitutiuā rei proueniret ab eo quod est in potētia. Hoc tamē verum non est. Actus enim est qui separat & distinguit, *ex Arist. 7. metaph. 49.* Deinde canis rabidus, dū suo veneno ægrotat, ac moritur, vera peste laboraret: eius enim morbus verè venenosus est ac lethalis, ha-

*Corde non
patientē fe-
bres non fiūt
Pestis vera
subiectū ad-
æquatum.*

*Ad essentiā
pestis spectat,
ut sit morbus
Epidemicus.*

lis, habens aptitudinē cōtagione in alios diffundi. Sed nec Gal. nec Diosc. aut Alexander, aut ullus Medicorum, qui de cane rabido locuti sunt, dixit vnquam, illum vera peste correptum. Præterea, Gal. vbique affirmat, veram pestem esse de genere morborum vulgarium. 1. acuto. 9. inquit: Nullum autem peculiarem de peste confecit librum, quoniam ex epidemijs vnam esse illam per libros epidemiorum demonstrauit. Et 1. in 1. de morbis vulg. in proæmio inquit: Et pestis quoq; namq; hæc in communibus morbis est. & mox subdit. Eo quod genere vulgari morbus est pestis. Et tandem. Itaque patet, inquit, ex vulgari morborum esse genere eos, qui malignissimi sunt, & pestilentes appellantur. Et 3. in 3. epid. 20. dicit: Neque vero certi est morbi nomen vulgare vel pestilens. Caterum, quicumque vno in loco multos simul inuaserit, vulgari hic vocatur, qui simul si hoc habeat, & multos perimat, pestis fit. Et subdit commen. 21. Cum dicit, & complures moriebantur, pestilentes fuisse morbos, qui vulgarentur, demonstrat. Ergo si, vt communes, ita & priuati perniciosi, esse possent vera pestis; perperam Gal. ex natura vulgaris morbi pestem declarasset. Adde quod primo acut. 9. perperam diceret, communibus omnibus morbis sporadicos aduersari: nam darentur sporadici & vulgares, qui eiusdem omnino naturæ forent. Esset enim ita vera pestis, quæ actu plures interficeret, vt quæ in vno priuata resideret, cum sola aptitudine ad plures interficiendos. Implicat autem, sibi mutuo aduersari quæcūque eiusdem naturæ sunt. Accedit quod Gal. 3. de prajag. ex pul. cap. 4. postquam fuit loquutus de peste vera, subdit: Sciendum tamen, nonnumquam incidere sine peste has ipsas febres. At falsum hoc esset si vera proferret Eustachius. Quandoquunque enim hæ ipsæ priuata febres inciderent, numquam sine peste essent, si in vnico ægroto citra morbum actu vulgarem vera pestis stare posset. Sed dices pro Eustachio: cur ergo Gal. postquam loquutus est de vera peste, febres sporadicas pestilentes vocat has ipsas, quasi easdem cum peste esse velit innuere? si eiusdem omnino naturæ non sunt Et si sunt, cur has ipsas dicit esse sine peste? Respondeo, eas ipsas vocare, non quod sint ambæ eiusdem naturæ: sic enim priuatam non diceret pestilentē sine peste, sed eam ipsam vocat. Nam inter omnes sporadicas,

Pestis de genere morborum vulgarium.

sola

sola pestilens sine peste à tota substantia sui veneni, offendit cordis humores, vel spiritus, vel solidas partes, vt facit & vera pestis, quamquam ea vera pestis non sit. Vera enim pestis inter alias multas differentias ab ea distat. Nam communis est morbus à communi causa venenosa, multis eodem tempore perniciosus: pestilens vero sine peste vnus est priuatus affectus. Explicat hoc Gal. 3. in 3. epid. 57. dum inquit: *Quid quidem esse symptoma videtur in perpetuum febris, quam pestilentem priuatam vocant.* Reddens autem rationem, cur priuatam appellent, subdit: *Cum mortales vel citra pestem corripit:* vbi priuatam febrem pestem excludere manifestè supponit. Sed redeamus ad Saxoniam. Nō

*Pestis Vera,
& febris pestilens non
conueniunt
in causa essentiali.*

enim est verum, febrem pestilentem & veram pestem conuenire in causa essentiali, vt accipit in suo argumento. Quamuis enim vterque affectus à veneno fiat, ratione cuius veneni vterque diuersus sit à febribus malignis, tam sporadicis, quam epidemicis: Quamquam enim Gal. saepe malignum cum pestilente confundat, de nominibus parum sollicitus, reuera malignitas morbi morem dicit & latitudinem habet, pestilens vero speciem morbi constituit, qui venenum necessario continet, in quo tam vera pestis, quam febris pestilens sine peste conueniunt: Non tamen ab omni veneno fit pestis, & febris pestilens, nec in eodem veneno conueniunt. Nam febris pestilens sporadica fit à veneno, ex humorum particularium, ac propriorum corruptione genito, per putredinem illam excellentem, ac ferè indicibilem, quæ putredine venenosa ægroti particularis cor offendit. Pestis autem vera à communi veneno fit, quod communis causa producit, vt communis aer maleficus, vel cibus, & potus communis perniciosus, plures eodem tempore inuadens, & eorum maiorem partem occidens, Venena ergo hos affectus producentia, tum causa, tum modo generationis diuersa sunt, Natura quoque distinguuntur, quod differentia symptomatum in vtrisque demonstrat. Venenum enim pestem veram constituens symptomatum copia, vehementia, magnitudine, modo operationis acutioris, velocioris, quo ægros inuadit ac enecat, contagij velocitate, ac impetu, quo addistans se diffundit, vlcerebus, tumoribus, & excretis alijs perniciosis, quibus corpora excruciat, cum vt fera quædam venenata

*Pestis Vera
& febris pestilens
causa
sa.*

*Venena pestis
& febris
pestilentem
constituens,
ut differant.*

totas ciuitates depascatur, ac miserè perdat, longè superat priuatum venenum, quod febrem constituit pestilentem sine peste. Mox neque priuata venena, quæ seorsim febres sporadicas pestilentes inducunt, eadem sunt inter se. Differunt enim tum penes diuersas humorum species, è quorum corruptione generantur: tum penes diuersos corruptionis gradus, à quo fiunt: corruptio enim, insignis illa, ac indicibilis, latitudinem habet: tum & penes diuersas analogias, quas venena, postquam genita sunt, sortiuntur: tum denique ob venena specie diuersa, quorum naturas ac vires æquant. Generantur enim quandoque similia e-
 potis venenis, quæ celerrimè enecant, vt *de locis affec. c. 5.* docet Gal. Quandoque caninum virus, quod lètè progreditur, repræsentent, vt explicat Gal. *2. in 1. proet. comm. 17.*

Neque vero venenum commune, quod verà pestem constituit, idem est in omni constitutione pestilenti. Diuersum enim in singulis est & omnino multiplex, tum penes diuersas causas cælorum ac sublunarium, è quibus fit: tum penes contagionis diuersa seminaria, quibus diuersimodè diffunditur: tum ob differentes impetus, & antipathias, quas habet, nunc ad solidas partes, modo ad spiritus, quādoque ad humores: & ex humoribus modo ad vnum, modo ad duos, sæpe ad omnes, vt refert Fracastorius *lib. 2. de cont. c. 4.* tum & propter species animalium diuersas, quas proprio, ac determinato coinquinamento in diuersis constitutionibus lædit, ex *Hippoc. lib. de flatibus*; tum & ob mēbra particularia, ad quæ determinatum sortitur impetum, vt in illa peste euenit solos pedes lædente, ex *Gal. 3. de usu partium c. 5.* Sic & ad ætates, sexus, & conditiones diuersas, vt explicauimus *lib. 1. c. 27.* Vt iure optimo impetus morborum populariter grassantium Medico considerandos proponat Hipp. *3. prog. 38.* Ex his patet, quam malè concludat Saxonia, remedia quæ pesti conueniunt, & febrì pestilenti sine peste conferre. Morbis enim & causis diuersis, diuersa cōueniunt auxilia. Gal. *10. meth. c. 2.* unicuique morbo suam dicit esse contrarietatem. Aduersus venena antidotis rota substantia contrarijs pugnandum est, quæ nulla methodo, sed solo experimento dignoscuntur, ex *Gal. 13. meth. c. 6.* Hinc est quod auxilia, quæ vni pesti contulerunt, alteri sæpe noceant. Alui profluuium optimè contu-

Venenū pestem constituens, non idem in omni constitutione pestilenti.

Non eadem pestis & febri pestilenti remedia.

lit in

It in constitutione, quam refert Gal, *si de atra bile c. 4. & 5. meth. c. 12.* omnes vero substituit in altera, quam 3. *epid.* narrat Hip. Sanguinis profluuium omnes iuuat in peste Asiæ populante, quam refert Oribasius, non conuul't autem in illa, quam refert Gal. *lib. de cibo boni, & mali succi c. 1.* Multo minus valet Saxonix illatio ab vna constitutione ad aliam, & à vera peste ad morbos sporadicos. Ad extremum, nec verum est, vesicantia, quæ parat ex medicamentis venenosis, in vera peste venenum à profundo ad cutem extrahere, si vera sunt quæ Gal. protulit 5. *Symp. c. 18.* vt supra c. 16. monstratum est. Razes, Paulus, Aëtius, Auicennas, in vera peste calorē in profundo corporis demersum, ad extremas partes summè refrigeratas euocant caloricis, balneis, linimentis, sinapisinis, ex nulla tamē re venenosa cōfectis, nullo modo his vesicantibus. Gal. *lib. de sectis*, venenum à feris inditum per cutem, ad eandem trahi dicit, nō tamen venenis cuti impositis: sed igne, attractoriis calidis, & in summa cum alexiterijs, vt supra c. 16. monstratum est. Cum recentioribus vero, quos refert Saxo. qui vesicantibus summè calidis ac venenosis vtuntur in peste, cautius agendum est. Illos enim imitari puto perniciosum: quod dāna, quæ ex illis vesicantibus inferuntur, ostendunt, vt 2. parte præsentis disputationis abundè monstrauius. Philippus Ingrassias *lib. 4. de contra pest. c. 27.* pro cauterijs in peste faciendis medicamenta venenosa apertè damnat, & igne vri oportere affirmat. Antonius Firmanus *lib. 2. de peste c. 37.* ex Albucasi *lib. 1. c. 1.* idem affirmat. Medicinæ enim comburentes, inquit, sua vi perueniūt etiam ad membra distantia, & in eis ægritudines etiam sanatu difficiles excitant, & fortasse interficiunt. Longam seriem grauissimorum medicorum, qui vesicantia venenosa omnino explodenda esse consulunt, referrem, si pro omnibus vera ratio, & vna Galeni auctoritas non sufficeret.

Tertia ratio Saxonie diluitur, & probatur, neque cutem omnibus corporis excrementis, neque sudorem morbis omnibus communem esse.

CAP. XXV.

Capite 26. iterum arguit his verbis: *Pestifera, quæ ex ha-*
vum

*Calor quib.
in peste vera
ad partes ex-
tremas euo-
candus.*

rum februm per circuitum repetentium numero sunt, reuulsio egent auxilio: Ergo Vesicantibus. Quæ ratio cap. 23. abundè soluta est. Confirmat Saxonia rationem his verbis: *Febris morbus est communis; & partes à quibus excitatur, sunt tam varia & diuersa, & nulla serè sit interna nostri corporis pars quæ aliquando febris focus esse non possit. Ideo cum reuulsioni locum eligere oporteat, qui cunctis partibus determinatis, & toti corpori sit communis: talem esse solam cutem unicuique constat.* Verum bifariam peccat hæc ratio. Primiò, sit communis morbus febris, falsum est, illam communem locum pro reuulsione require, cum omnino nõ reuulsionem indicet, sed refrigerationem, vt ex Gal. 11. meth. cap. 13. supra monstratum est. Secundo, quanquam quælibet interna pars corporis focus febris esse possit, non tamè ex eo locus communis omnibus constitui debet pro excrementorum cuiuscunque partis excretionè: quando singulis singulas partes natura deputauerit. Dicit enim Gal. 11. meth. cap. 19. *Illud profectò te non fugit, nos singularum particularum meatus, qui ijs ad superuacuum emissionem sunt proprii, fluxiles reddere, intestino, Ventriculo, & mesenterio, & concauis iecinoris, intestinum rectum: Renibus, Vesica, iecinoris gibbis, Vena caua, & Arteria magna, & omnibus, quæ in lumbis habentur, cum qui Grinis est delegatus: Pulmonibus, & pectore ipsam asperam arteriam, & fauces: Cerebro & inuolucris eum, qui per palatum & nares descendit.* Cutem his communem non proferit, nec alicui eorum propriam, imo illam ab his omnibus abdicauit lib. artis med. cap. 99. 7. meth. cap. Ultimo 4 aphorism. 2. vt fusè cap. 6. præsentis disputationis monstratum est. Addit Saxonia ad idem probandum, sudorem omnibus morbis esse communem, ex Auctore lib. 4. de rat. sic in acut. tox. 84. Subdit: *Ea, quæ putrescunt, nõ tantum per urinam, aluum, & os ventriculi, quantum etiam per cutem expelli debere, censuisse Gal. lib. 11. meth. cap. 8.* Neutra tamen auctoritas suam sententiã tue-
tur. Sudor enim neque omnibus morbis, neque omni-
bus succis morbos constituentibus, neque omnibus parti-
bus affectis utilis est. Quid enim si sit symptomaticus? quid si frigidus? quid si diaphoreticus? quid si miliifomes? An hos in morbis laudauit Hippoc. & Galenus 1. progn. 26.

*Febris non
reuulsionem
sed refrigerationem indi-
cat.*

*Sudor non
semper utilis*

Quid

Quid si morbus fiat à succis crassis & glutinosis? quid si cū obstructione viscerum? quid si cum plenitudine, vel caco-chymia? Quid si partes affectæ meatus ad cutem commodè definentes non habeant? An Galenus in Simōne lasar. pustulas habente sudorem commendauit, an potius venæ sectionem, & purgationem? 2. in 6. epidemior. 30. Nonnè solum tenuibus succis, purgato tamen prius corpore, per eutem & sudorem euacuationem admittit, lib. de const. artis c. 19. crassis, ac lentis & glutinosis interdicit? vt 3. de causis symp. c. 2. & 3. acut. manifestum est. Ideo Gal. 4. acut. comm. 84. auctorem quasi redarguens, inquit: *Sermo hic neque vniuersalis est, neque communiter inest omnibus.* Humores vero corruptos nec omni tempore, nec omnes euacuat per sudorem. Eius verba 11. meth. c. 8. hæc sunt: *Ita & tunc & putredinem, quæ in viuis est orta, sanabimus, id scilicet, quod iam corruptum est, omni ratione euacuantes.* Vacuationis vero modum assignans, subdit: *At vacuationem quidem illam per Urinam, deiectiones, vomitum, ac sudores moliemur.* Ad extremum explicat, quibus succis præter naturam sudores conueniant, cum inquit 14. meth. c. 1. *Cutis vero densitas nõ aquè est huic bili peruiua, nisi si admodum tenuis aquosaque sit: talis namque maximè est etiam, qua quotidie cum sudore exit.* Hæc Galenus.

In principio accessionum, in febribus, quæ per circuitum repetunt, succi non confluent ab ambitu corporis ad focum febris, vt putat Saxonia. CAP. XXVI.

Saxonia opinio: In rigore succos ad focum febris confluere. Rationes Saxonie.

ARguit ad idem Saxonia: Gal. lib. de hum. com. 13. docet, omnem fluxionem per opportuna loca esse retrahendam. At vero in febribus per circuitum repetentibus fluxiones ad interna viscera, non ad ambitum corporis fiunt: Itaque necessario sequitur, talem fluxionem tanquam improbam, à loco nobili ad ignobilem, ab interno ad externum esse deducendam. Itaque reuulsoria in cute sunt necessaria. Assumptum probat c. 28. ex Gal. 2. de diff. feb. c. 6. ultimo, ubi clare affirmat, initio accessionis febrium intermittentium confluere noxios succos ad interna viscera, his verbis: *Sed & retro ostendimus, & ubicunque accenditur, atque augetur*

augetur caliditas, isthuc ab alijs partibus sanguinem solere confluere. Quò vero tempore confluit, illas quidem refrigerari priuatas sanguine est necessarium: quod vero patitur membrum grauari, ac distendi. Igitur si in accessione externa refrigerantur, vnde nam constat, inquit Sax. in principio accessionis humores ad ambitum corporis demitti? Et si demittuntur, quomodo verum erit, partem internam ex fluxione ad ipsam grauari & distendi? Adde, inquit, quod si in principio accessionis humor à venis extra venas mittitur, quomodo febres per circuitum repetentes, ex locis determinatis patientibus ortum ducere poterunt? Ad extremum, dicit, confiteri cogimur, in principio accessionis humores in interna viscera confluere, ea grauari & distendere, calorem natium suffocare, & hoc esse accessionis principium. Sic enim scribit Gal. *Quosif, & instar lignorum humidorum, quæ paucam super flammam vniuersim projiciuntur, succendatur, atque hoc tempus accessionis principium nuncupatur.* Confirmat tandem hanc sententiam ex Gal. 3. de prasag. ex pul. cap. 7. quando inquit: *Quæ igitur pulsuum mutationes sunt, cum cordis calor augetur, vel confluunt intro humores, aperte hæc videbuntur accessionis initium annunciare.* Et paulo post subdit Gal. *Ita fit in febribus, ubi acerrima materia humida initio accessionis ad cor pervenerit, primum mortis periculum esse, &c.* Ex quibus concludit Saxonia, in intermittentibus febribus minime mitti humores à venis extra venas circa accessionis initia. Hæc sententia etiam si admittatur, nullo modo vesicantia confirmat, vt mox monstrabimus. Sed neque vera est: quandoquidem in principio accessionis in febre intermittente succi non confluunt ad focum febris, sed contra à foco extra venas effunduntur. Hoc ita demonstro. Si confluere ad focum febris in principio accessionis, esset, vel quia ab alijs membris eo tempore depellerentur, vel quia tunc à foco febris traherentur; tot enim modis fit succorum transmissio ex vno membro ad aliud, ex Gal. 2. de differ. fer. feb. cap. 6. ultimo. Sed neutrum esse potest. Non enim demandantur depulsi à facultate membrorum, quæ in ambitu corporis sunt, vt putat Saxonia: nec ab aliquo alio quouis membro fortiore: nec à foco febris trahuntur. Hæc etia sigillatim demonstro. De primo:

R

Si in

Succi an ad
focum febris
an contra flu-
ant in prin-
cipio accessio-
nis febr. in-
termit.

4.

Succos ab ambitu corporis ad focum febris non demandari probatur.

Cutis, & sensus gratia à Natura facta.

Si in principio accessionis demandarentur ab ambitu corporis ad internum focum febris: tunc tertiana intermittere exquiritur nunquā fieret. Nā flaua bilis ab ambitu corporis non ad interna viscera, sed ad autem demandaretur. Cutis enim omnium tenuium excrementorum, quæ in ambitu corporis continentur, est locus excretionis, *ex Gal. li. de morb. causis c. 6. 1. de tuend. Gale. c. 32.* Ita cutis est debilissima omnium internorum viscerum, quamquam illa ob febris intemperiem debilia reddita sint. Nā omnia viscera, in quibus residet focus putredinis, habent actionē expellētis facultatis: secus febres intermittētes sudorē nunquā finirentur. Cutis vero nullā operationem habet, sed vñs tantum gratia à natura instituta est, *ex Gal. li. de morborū causis c. 6.* Quod si cutis obstructione, vel astrictione succos egressi nō sineret, fieret febris non intermittēs, sed ephemera, vel synocha, *ex Gal. 9. meth. c. 2. § 4.* Rursus, si ab ambitu ad intrō demandaretur succi in accessionis principio, ut à robustioribus partibus propellentibus, tunc nullo modo in eiusdem accessionis declinatione iidem succi à foco febris, ut sudore expellātur, possent demandari, & sic tertiana exquiritur, quæ rigore exorditur, sudorē non finiretur. Euidens est ratio. Nam flaua bilis, quæ rigore ad focum febris cōfluxit, ab ambitu depulsa, debet iterum ad ambitum regredi, ut sudore excernatur. At hoc fieri nullo modo posset. Impossibile enim est, regredi succos semel depulsos ad membra fortiora, quæ illos depulere. Gal. id explicat 2. de diff. febr. c. 6. li. his verbis: *Sed ex aliis defluit ad alias, cū fortiores à se quidem pellunt, imbecilliores autem suscipiunt, utque ha rursus ad alias, donec tandem in eas, quæ imbecillissima sunt inter omnes, inciderit. Hinc Vero ad fortiores relabi est impossibile.* Præterea si ab ambitu succi confluerent rigore ad focum febris: tunc ante rigoris initium in ambitu totius corporis necessario sentiretur æstus, grauitas, distensio, sensus doloris, & molestiæ, succis collectis stimulantibus facultates partium, ut ad propulsandum insurgant. Oppositum tamen docet experimentum, & Hippoc. 4. acut. 39. Succus ergo in foco febris collecti illa omnia symptomata in visceribus inducunt, & naturam stimulant, quæ ut à se ipsa noxios humores propellat, accessionem febris constituit, & rigore extra focum illos expellit. Tādem
si rigore

si rigore ad focum confluerent, quāto magis rigor perse-
ueraret, tantō maior succorum confluentium copia partē
opprimeret, calorem magis suffocaret, pulsus tanto debi-
liores, minores, & calor innatus extinctioni vicinior red-
deretur. Opposito modo res se habet. Inter principium e-
nim & augmentum, medium est tēpus inaequalitatis, quō
pulsus eleuari, expandi calor, rigoris vehementia remitti,
grauitates, distensiones, & molestiae internae resolui inci-
piunt, ut docet Gal. lib. de morb. temporibus c. 3. exemplo ter-
tianae intermittētis. Ad extremum, si dum calor ab exter-
nis partibus ad focum internū febris refugit in principio
accessionis, succi praeter naturam depulsi ad eundem focū
rigore confluerēt; magna ex parte in ipso accessionis prin-
cipio febris intermittētis animal interiret. Si enim solum
confluens calor, & sanguis, ut facultatem partis congerie
succorum grauata iunet, quando hoc assequi nō potest,
suffocatur, & interit, ut lib. de rigore & palp. c. 7. docet Gal.
manifestum est, quod succis ad vnam vel alteram horam
successiue, ac perpetuo partem obruentibus, (praesertim
quando rigor vnam vel alteram horā excedit,) a continua
& successiue increscente succorum copia suffocari calor
facile poterit. Ab ambitu ergo corporis ad internum focū
febris succi non confluunt in principio accessionis. De se-
cundo. Nec a quouis alio membro demandantur in acces-
sionis principio ad partem affectam. Nam in principio ac-
cessionis febrium intermittērium sit rigor, & horror, ex
Gal. 1. ad Glau. c. 5. In rigore humores a venis extra venas,
ab internis visceribus extra corpus, vehementi motu de-
pulsi, demandantur. Ergo dum rigor fit, ad intro non con-
fluunt. Galenus lib. de rigore & palp. cap. 7. habet hae ver-
ba: Hac enim ipsa ratione sola, ardentes febres a tertianis dis-
ferunt. Etenim ardentes in vasis bilis habent, tertianae
extra vasa, sensilia corpora setur: nam dum per ipsa
rapitur, acrimonia offendens, dolorem excitat. Contin-
git igitur interea duo quadam fieri, inclinare nempe in cor-
poris alium sanguinem, atque ideo exteriora eius refrigera-
ri: particulas autem ipsas corporis, in quibus bilis consistit,
vnamquamque ipsam a se ad vicinam excretice alienorum
facultate propellere, &que dum ex omnibus abacta, per
sudores, aut vomitum, aut etiam per alium fuerit excreta.

2.
Successus ad fo-
cum febris a
membro fer-
uore non de-
mandari
probat.

Febres ardē-
tes & diffe-
rant a ter-
tianiis.

*bilis in tertiana extra vasa defer-
rur.* Ex his itaque patet, Galenum apertè profiteri, flauam bilē in tertiana extra vasa deferri; non ad focum febris internum, sed à particulis, in quibus collecta sit, abijci de parte post partem, donec ab omnibus abacta extra corpus excernatur. Quæ verba monstrāt, in rigore nō ad focum febris humores propelli, sed à foco effundi, ac extra cōrpus euacuari. Præterea, sit focus febris tertianæ intermittētis in hepate, incipiat cum rigore, adsit & vomitus flauæ bilis, vt in illa sit: ex Galeno 1. ad Glauco. cap. 5. An bilis hæc à vētriculo, vel ab ambitu corporis fluat ad hepā, vbi focus est febris? An contra ab hepate ad vētriculum vehemēti impulsu per partes sentientes demandabitur? Primum dici non potest: Vomitus enim bilis non fieret, si bilis ad vētriculum non demandaretur. Manifestum igitur est, in rigore succos à foco febris extra corpus demandari. Ad hæc, in febre ardente, dum rigor fit, flaua bilis ad venas nō confluit, sed contra à venis per partes sentientes extra corpus expellitur: secus morbum non iudicaret superueniens rigor, vt 4. aphorism. 58. docet Hippoc. Quem locum explicans Galenus sententiam nostram manifestè confirmat 2. de sympto. causis c. 5. cum dicit: *Quin etiam cum, qui ardenti febris laborat, rigor superueniens à morbo liberat, Hipp. ait: quoniam scilicet bilis, quæ prius in Venis errabat, à natura decretorie per carnes ad cutem traditur. Ergo motus eius delationis, quæ per sensibilia corpora agitur, simul, & symptoma & signum rigor est.* Rursus Galenus 2. crismus cap. 3. inquit: *Sed & hoc ita se habere videtur, & ipsa tertiana accessio ab acutissimis maximeque adurentibus febribus nullo modo relinquitur. Sed hoc differt, quod in hac per totum corpus bilis defertur, atque ideo vehemens fit rigor, bilisque superuenit vomitus, & urinaque ac sudores biliosi sunt.* Non est ergo quod putet Saxonia, in rigore flauam bilem ad focum febris deferri. Apertè enim Gal. subdit: *Atque hæc ipsa à tertianis differunt, quamuis eundem, qui caus facit, humorem habeant: quod in his quidem intra Venas continetur: in illis vero, cum vehementer moueatur, per singulas corporis partes disseminatur, quo fit, & delationis impetu ipsa per se ipsam expurgetur. Eadem causa est, cur febris ex sudoribus, atque vomitibus finiatur.* Hæc dicta Galeni falsa essent omnia, si dum rigor fit, ad interna viscera bilis conflueret.

fluere. Non enim rectè diceret Gal. bilem illam vehemēter motam per singulas corporis partes disseminari. Quod enim disseminatur, non ad idem confluit, sed dispergitur. Neque diceret, bilem suæ delationis impetu se ipsam expurgare: dum enim ad focum conflueret, non expurgaretur: expurgatur autem, dum sudore, vomitu, vel alui deiectione excernitur. Nec tandem diceret, eandem causam esse, cur febris ex sudoribus, & vomitibus finiatur. Vehemens enim delatio, quæ in rigore fit, non ad sudorem, vel ad vomitum, sed ad focum febris, bilem deferret. Accedit, quod calor in principio accessionis refugit ad interna viscera, ad locum ubi focus est febris, ex Gal. 3. de diff. feb. c. 8. & 11. At ibi non conquiescit: caloris enim quies, mors esset. Ergo statim refluit, & se diffundit. Igitur succos noxios, quos in foco, vel vijs inuenit, eius expansionem impediētes, expellere ab intto foras contendit, vt lib. de rig. & palp. cap. 6. docet Gal. Cæterum Eustachius Rudius lib. 3. de feb. cap. 14. asserit, calorem in rigore, vehemēti contractionē ad ima refugere, mox ptodire, & ita sensum doloris inferre. Tunc vero corpus concutitur, inquit, non propter molestantis humoris delationem per partes musculosas, & est medicorum communis opinio: sed, vt ait Galenus, propter duplicem innati caloris motum, modo ad interiora, modo ad exteriora, atque pugnam inter ipsum & superfluum humorem eius motu, & a proprio principio explicationem impediētem: Quia hac de causa inquit Galen. corpus veluti scilicet laborat. Hæc Rudius. Quæ sententia recta non videtur. Quamquam enim Gal. lib. de rigore cap. 6. quæ retulit de duplici motu caloris, deque eius contentione, vt impedimentum propellat, clarissimis verbis proferat: opinio tamen Galeni de naturâ rigoris ab ipso definita illo capite non est. Neque vero ad vnam caloris actionem se contrahentis & efferentis, nec ad pugnam eius cum succis, rigoris absoluta ratio refertur à Galeno. Illo enim cap. 6. solum inquirendo & disputando progreditur: cap. 7. sequenti suam explicat, & determinat sententiam de modo, quo rigor fit. Alioquin omnino vera Gal. non protulisset de rigoris natura, sibi ipsi dissonus fuisset. Si enim ob impedimentum calor effluens & recurrens, duplici illo motu corpus concutiens, si rigorem constitueret, in quartana longè vehemētiôr rigor fieret.

Calor in principio accessionis ad interna refugit.

Rigor an ob impedimentum caloris motu obiectum fiat.

fieret, quam in tertiana exquisita, & pituita, quam vitream, vocauit Praxagoras, maiorem faceret rigorem, quam flaua bilis. Quæ enim crassiora sunt & viscida magis, caloris egressum magis impediunt. Ob maius vero impedimentum, maior caloris validi reluctantis ac prodire contendentis conatus, regressio, impetus, ex eius autem duplici motu maiori, maior corporis concussio, maior rigor. Sed hoc contradicit cum experimento, cum Galeno *1. ad Glau. cap. 5. & lib. de rig. cap. 7.* Deinde, qui validum calorem innatum habent, si suffocati interirent, vehementissimè rigerent ante mortem. Calor enim eorum summum impedimentum propulsare, nè exstinguatur, contenderet, & vehementer vltro citroque fluctuaret, & corpus contrariis motibus summè concuteret. Sed nullus rigor in his apparet. Ad hæc flaua bilis sincera, dum constituit exquisitam tertianam intermittentem, paucum vel omnino nullum rigorem faceret in accessionis principio: succus enim calidissimus, subtilis, facile mobilis, aptissimus ut dispergatur, quantitate paucus, (qualis esse debet qui tertianam intermittentem exquisitam constitui,) paucum vel omnino nullum afferet impedimentum valido calori, à profundo foras profusili. Oppositum tamen monstrat experimentum & ubique Gal. Accedit, quod cruditate laborantes, aut vitioso humore pleni, in Solem æstiuum, aut balneum descendentes, horrore & rigore non corripiuntur. Sole enim & balneum non modo calorem euocant à profundo ad cutem, sed ad eam succos trahunt ut *10. meth. c. 10.* docet Galenus. Calor ergo in hac expansione à succis non impediatur, qui pariter eodem motu foras trahuntur. Rigent tamen & horrent, ut docet Gal. *lib. de rig. c. 7. & 10. meth. c. 10.* Præterea in vlceribus irritatis ab acro medicamento ægri, non rigerent, si duplex ille motus caloris ob succorum impedimentum ad rigorem faciendum esset necessarius. Tandem si Gal. *c. 6. lib. de rig.* modum, quo rigor fit, absoluisset, ut putat Rudius, statim c. 7. de eo non dubitasset. Dicit tamē: *Sed difficile est, ut causam inuenias, quomodo ob acrem calidumque humorem frigidus affectus constituitur.* Et paulo post de eiusdem rigoris causa dubitans, subdit: *Multo igitur satius erit, si inuenire difficile est, non euertere conari rem euidenter apparentem, sed causam ignorantiam fateri.* Ad extremum Galenus clarissimè

rissimè evertit Rudij sententiam. Nam vbi longa oratione c. 6. & 7. de rigoris causa, humorum illum facientium natura, & modo disputauit, propriam sententiam proferens, fieri illum à vehementi delatione humoris acris, molestantis partes sentientes extra venas positas per quas defertur, affirmauit. Eius verba c. 7. hæc sunt: *Nunc autem nostram proferimus sententiam, accommodantes ea, quæ ex Hip. opinione paulo ante comprehensa sunt. Etenim calidorum medicaminum applicationibus nonnunquam solus horror, sæpe & rigor superuenit: quemadmodum in ardentibus, quæ causas appellant, & tertianis febribus, cum flaua bilis non in vasorum conceptaculis, sed per carnes mouetur. Vel quod copiosior hic humor in ipsis creatus sit, vel quod per ipsas à natura expurgetur. Hac enim ipsa ratione sola ardentes febres, à tertianis differunt. Etenim ardentes in vasis bilem habent: tertianis extra vasa per sensilia corpora fertur. Nam dum per ipsa rapitur, acrimonia offendens dolorem excitat. Et paulo post: Conuenit autem non modo causam quandam in nobis esse mordacem, sed e iam vehementer agitaram, si factura est rigorem.* Et tandem vbi locutus est de humoribus frigidis & calidis, inquit: *Non absolute autem abundare ipsos dixi oportere, qui aut rigorem, aut horrorem sumi facturi, sed etiam motu vehementiori per corpora sensibilia ferri.* Idem confirmat lib. 2. de sympt. causis cap. 5. 2. cris. cap. 12. 4. aphorism. 59. & alibi sæpe. Ergo à calore prodeunte, & adiuvante facultatem expultricem, succi tam calidi, quam frigidi, acres tamen & vehementer compulsi extra venas per partes sentientes, mordicantes, & dolorificum sensum inferentes, corpore conuertunt, & rigor fit. Patet igitur, quod dum calor ab intro foras egreditur, facultas expultrix eo vigorata noxios succos à foco febris propulsat per partes corporis sentientes. Præterea si, dum fit rigor, acres succi ad internum focum demandarentur, in principio accessionis: tunc in accessionis declinatione, dum iterum effunderentur à foco ad eum, ut sudore expurgarentur, ut putat Sax. rigor iterum fieret. Pellerentur enim per easdem partes sentientes vehemēti motu acres humores. Nec est quod fortè putet, in declinatione succos acres esse iā euictos, & ita non mordicare, neque veloci expulsiōne deferri, attenuatos, aptosque in sudorē conuerri. Re-

Rigoris causæ vera.

pugnat enim Hippocrati & Galeno, qui volūt, in febre ardente flauam bilem extra venas depulsam rigore, febrem finire. Inquit Hippoc. 4. aphorism. 58. *A febre ardente habito, rigore superueniente solutio.* Vbi Gal. *Ostensum est, inquit, in sermone de rigore, etiam ob flauam bilem, qua per membra sentientia veloci motu desertur, fieri rigorem, post quem videlicet & alui soluantur, & sudores, & vomitus biliosi superueniunt. Cum ergo bilis, ex qua febris ardens habuit ortum, expurgatur, soluitur febris.* Paret igitur, cuius tam esse bilem: secus enim morbum non solueret, nec critica foret eius expulsio, vt criticam esse dicit Gal. explicans hunc aphorism. 2. cris. cap. 3. & lib. de rigore. cap. 7. Mordiet tamen, & rigorem efficit, dum expellitur. De tertio. Neque trahuntur à foco febris succi, dum rigor fit: esset enim motus lationis post terminum ad quem ipsius: & mouerentur succi ad terminum, quem actu possident, quod principiis naturæ repugnat. In febribus enim intermittētibz pars affecta calore perpetuò ad se trahit, quæ transfusio rigorem non facit, quia sensim fit: vel sua intemperie perpetuò generat & congerit excrementa, quæ vbi ad eam magnitudinem deuenierint, vt partem opprimāt, & stimulent, partis facultas alienorum excretrix insurgit, nocentes succos propulsat, & accessio fit. Explicat hoc totum Gal. 2. de diff. feb. cap. 6. Etimo, cum dicit: *Si quidem enutrita partes, quousque eandem seruauerint constitutionem, ab eodem nutrimento enutrita, excrementa etiam tum quantitate aqualia, tum qualitate similia, atque eodem temporis statuto termino cumulabunt.* Eodem præterea circuitu ad eas expellendas, atque ad imbecilliores partes detrudendas mouebuntur. Si quidem vis excretoria tunc primum ad suum opus excitatur, quando aut superfluitatum multitudine aggrauatur, aut ex qualitate stimulat. Non fit igitur accessio, si focus febris succis paulatim cōgestis non grauetur, & facultas in eo residens ab illis non stimuletur. Igitur antequam rigor incipiat, humores iam sunt in foco febris conflui, & aggregati. Ergo si ad focum confluerent in rigore, illuc tēderent vbi sunt: quod rei naturæ repugnat. Ad hæc longè vehementior fieret rigor in augmento, quam fuerit in principio accessionis. Si enim pars affecta ad sese traheret, quæ focus est febris, calore illud efficeret. Quādo igitur debilis

3.
Succos, dum
rigor fit, à fo-
co febris non
trahi proba-
tur.

est calor, debiliter trahit: quando autem validior est, tanto vehementius, *Et 2. de diff. feb. cap. & primo* declarat Galen. in principio accessionis debilius est calor in foco febris, in augmento validior. Galen. 2. de diff. feb. cap. & 1. inquit: *Quo fit, ut instar lignorum humidorum, quae paucam super flammam & universim projiciuntur, succendatur atque hoc tempus accessionis principium nuncupatur. Cum vero iam caliditas materiam convicerit, tunc huiusmodi tempus, & augmentum, & ascensus vocatur. In hoc vero & usque adeo calor augeatur, ut non modo locum exurat, qui est quodammodo putredinis focus, sed etiam continuatim per totum corpus dispergatur.* Manifestum igitur ex his est in principio accessionis febrium intermittentium succos non confluere ad internum focum febris, sed iam in illo sensim collectos tempore intermissionis in cessionis initio à natura detrudi, ac à venis extra venas effundi, & demandari, donec pro diversa humorum qualitate, & locorum aptitudine, vomitu, vel alui excretionem, vel tandem sudore extra corpus euacuentur. Ex dictis diluere rationes Saxoniae difficile non est. Erat prima ratio: Galen. 2. de diff. feb. cap. & 1. affirmat, calorem ad interiora confugere, eaque grauari: exteriora vero refrigerari in accessionis principio. Unde igitur constat, inquit Sax. succos eo tempore ad exteriora demitti? Constat ex eo dicimus, quod tunc partes internae grauentur: secus enim earum facultas expultrix non insurgeret ad propellendos succos noxios. Propellit ergo quod grauat ac stimulat. Cum itaque quod grauat in internis partibus sit, ut 4. acuto. 39. docet Hipp. facultas ab intro foras expellere necesse est. Constat idem & ex eo, quod tunc partes externae refrigerentur; quod ideo sit: nam calor influens illas destituit, qui ad ima recurrit. Recurrit autem, ut facultatem excreticem iuvet ad noxiorum excretionem. Neque valet, si ad intro confluat calor, debere pariter ad intro succos confluere. In rigore enim duo fiunt; calor & sanguis ad ima refugiant, succi à profundo ad exteriora depelluntur: expressit hoc Gal. lib. de rigo. cap. 7. cum dixit: *Contingit igitur interea duo quadam fieri, inclinata nempe in corporis altum, sanguinem, atque ideo exteriora eius refrigerari: Particulas autem ipsas corporis, in quibus bilis consistit & namquamque ipsam à se ad vicinam excretice alienorum*

Succi accessionis tempore à foro febris demandantur.

Confutatio rationum Saxoniae.

8.

In rigore duo fiunt.

R 5

facult.

facultate propellere, & ſque dum ex omnibus abacta, per ſudores, aut vomitus, aut etiam per aluum fuerit excreta. Ad aliam Saxonie rationem dicimus, idcirco febres intermittentes à determinatis locis affectis originem ducere. Nam ſucci in eis ſenſim congeruntur intermiſſionis tempore, qui ubi copia vel qualitate partem ſtimulant, vis excretrix tunc primum ad ſuum opus excitatur, vt 2. de diff. febr. cap. 6. docet Gal. ſuccos à foco febris rigore propellit, & febris acceſſio fit, vt ſupra oſtenſum eſt. In acceſſionis vero principio calor in foco reſidens, vt pauca flamma congerie lignorum humidorum, quæ conſertim proiiciuntur, ſuccenditur, non quia in ipſo principio acceſſionis ad calorem partis obruendum conſuant ſucci, ſed quia ante acceſſionem congeſti, ubi eò deuenierint, vt eorum copia calorem ſuffocent, tunc facultas nititur illos propellere, quibus obruitur, ſitque acceſſionis principium. Ad extremum, Gal. 3. de preſ. ex pul. c. 7. dum dicit: Quæ igitur pulſum mutationes ſiunt, cum cordis calor augetur, & conſuunt intro humores, aperte videbuntur hæ acceſſionis initium annuntiare: de pulſibus loquitur eius acceſſionis, in qua ob copiam ſuccorum viſcoſorum cordis calor exſtinguitur, qui multitudine facultatem vincētes, intro fluunt, & cordis calorem primum augent, mox exſtinguunt. Explicans enim Gal. id ipſum, ſubdit: Ita ſinge in febris, ubi acerrima materia humida initio acceſſionis ad cor peruenerit, primum moris periculum eſſe, quod periculum maxima mutatio pulſum in raritatem, tardiſtatem, paruitatemque prænunciet. Nam, ſi his in ſignis remiſſio ſucceſſerit, extemplo peribunt. Quod declarauit 2. de ſymp. cauſſis c. 5. explicans aphoriſm. 46. 4. partiæ. Ex his ergo non valet inferre, in cuiuſvis acceſſionis principio ſuccos rigore ad interna viſcera & cor conſinere: cum id tantum fiat, quando calorem in ſtimum alio exſtingui contigerit, quia ſuffocatus copia ſuccorum foras non tranſpiret, non valens illos diſcutere, & tunc animal emoritur, vt libr. de rigor. c. 7. & 2. de diff. feb. c. 6. ſilim. docet Gal. Multo minus valebit in rigoribus febrium intermittentium, in quibus animal mori non contingit.

Nam quocunq; modo intermiſerint, periculum abeſſe ſignificatur, 4. apho-

riſm. 43.

Reliqua

Reliqua Saxonia rationes solvuntur.

CAP. XXVII.

MANIFESTUM igitur ex dictis est, succos ab ambitu corporis non consueere ad interna viscera in accessionis principio. Quæcumque igitur infert Saxon. cap. 30. 31. & 32. de reuulsione vesicantibus faciendâ ad cutem in principio accessionis, spontè corruunt. Verum etiam si gratis condonaremus, succos ad penitiora consuere, ac eo maxime tempore indicare reuulsionem ad exteriora: non inde valet, nec probauit vnquam Saxonia, vesicatoriis illam fieri oportere. Dicebat autem Auicen. lib. 4. fen. 1. tract. 2. cap. 7. *Et non moueas in die paroxysmi aliquid, quanto possibile est tibi, neque cures febrem.* Gal. vero in accessionis principio vomitum admittit, grauiora præsidia silentio prætetit libro quos & quando purgare oportet. Medici omnes eo tempore neque venæ sectionem, neque purgationem administrant. Quem vsus commendat Saxonia capit. 31. & inquit: *Grauiora illa remedia non conuenire, ne ager duplici nomine conflatus, non leue incommodum subeat.* Multò minus igitur in accessionis principio conuenient vesicatoria pro reuulsione. Ea enim non modo magna remedia sunt, sed maxima. Hoc negare non potest Saxonia, qui dicit lib. eodem 2. capitul. 36. *Certum est extremis morbis extrema remedia conuenire. Vesicantia vero maximum esse remedium nemo vnquam in dubium reuocauit.* Et lib. 3. eodem capitul. 14. *Vesicatorij, inquit, hoc ipso tempore excitati facultas est vehementissima attractio caliditate, dolore, euacuatione, & substantia similitudine.* Nos vero non grauiamodo, sed perpiciosa ea esse monstrauimus 2. parte præf. disp. Nullo modo ergo in accessionis principio sunt adhibenda. In aliis vero temporibus accessionis, neque pro reuulsione, neque pro deriuatione conueniunt, ut in fine capit. 2. & 6. & cap. 23. præsentis libri monstratum est. In synocha nulla reuulsio, nulla deriuatio conuenit. Succus enim in illa non cõfluunt, ut reuulsione requirant: in omnibus enim vasis a c potissimum maximis æquabiliter putrescunt, ex Galen 9. meth. capit. 3. & 5. Vaporibus autem à putredine ad cor eleuatis reuulsio non debetur: putredine n. amota cessant. Nā primario affectu

Die paroxysmi nihil mouendum.

curato

curato, per consensum affectus nullus relinquitur, 2. de loci affect. cap. vltimo. Succis vero firmatis, dum corpus humoribus abundat, deriuatio utilis non est, neque a parte affecta, vt de cucurbitulis repleto corpore docet Gale. 13. meth. cap. 19. Neque si à tota eute fiat: secus enim corpori repleto balneum non interdiceret Galen. 10. meth. cap. 10.

*Synocham
vt curauerit
Galenus.*

Synocham igitur nullibi reuulsione, vel deriuatione ad cutem curauit Gal, sed sanguinis missione ad animi deliquium, si vires sustineant, & aquæ frigidæ potione tempore congruo. Dicit enim 9. method. cap. 5. *Maxima vero continentium febrium remedia hæc duæ sunt, detractio sanguinis, & potio frigida. Verum illa nullo non tempore, modo vires sustineant: hæc cum & in pulsu, & urinis, concoctionis euidentes cernuntur nota, febris autem est maxima.* His enim auxiliis eximit obstructionem, abundantiam euacuat, & feruorem extinguit. Vesicantia verò abundantiam satis parè minuunt, sed obstructionem & feruorem summè adaugent, vt ex dictis cap. 10. & 19. profuse monstratum arbitror. Subdit Saxonia cap. 32. inter omnia reuulsioniæ auxilia præcipuè probari vesicantia: nam citra dolorem, & omnium maximè succos reuellunt. Verum, & sibi, & Galeno aduersatur, vt cap. 9. probauimus. Quarto arguit capitul. 34. in febribus pestilentibus, inter cetera symptomatica, internæ partes vruntur, externæ refrigerantur, vt Hippocrat. Galen. Aëtius, & Paulus auctores sunt. At partibus summè refrigeratis, in febæ pestilenti, adhibent sinapismos, vt apud eosdem videre est. Rursus, inquit, cap. 35. in syncope, & cardiaca passione sinapismis calorem à profundo ad extremas partes euocant Aëtius, & Gariopontus medicus vetustissimus. Sæd hæc ratio vesicantia non confirmat. Quamquam enim grauissimi illi medici in solis segnioribus, ac pigrioribus morbis, & in acutis affectionibus immergis, sinapismis vtantur, vesicatoriis tamen, quæ ex cantharidibus & aliis venenosis parantur, in febribus pestilentibus neque ad succos frigidos extrahendos, vel alterandos, nec ad calorem ad externas partes refrigeratas euocandum, nec ad ipsum venenum à profundo ad cutem extrahendum, vsi sunt vnquam: vt cap. 20. præsentis disp. monstratum est: In syncope vero, dum malignæ febris est symptoma, nihil perniciosum, aut truculentum

Ratio 4. Saxonia & eius refutatio.

*Sinapismus
vsus a
jud. medicos
veteres.*

tum magis esset, quam vesicantia illa Saxon. summè calida, ac venenosa admouere. Siue enim ob summum febris calorem, siue ob vehementis febris malignitatem ægri syncope corripiantur, vesicantibus admotis ferè ad interitum ducerentur. Galen. enim *primo ad Glauc. cap. 14.* de his loquens, qui calore exsoluuntur, inquit: *Qua vero ex nimio calore accidunt, in, qua refrigerandi, ac corroborandi vim habent, curanda sunt.* An igitur vesicantibus quarto ordine adurentibus hos animi defectus curasset Galen. qui subdit: *Statim igitur ipsos corroborabis, si aqua frigida sparseris, & flauellaueris ad ventum conuersos.* Loquens autem de syncope ob febris pestilentis malignitatem subdit: *At, qui ob inflammationis magnitudinem, aut vehementis febris malignitatem animi defectum patiuntur, in principis accessuum, & refrigerantur, his artui fricare fortiter, &c.* An vesicantibus hic vteretur Galenus, quæ summo calore, & dolore, quem inferunt, ac malefica qualitate sudores funderent, spiritus dissoluerent, & innatum calorem dissiparent? Non equidem. Dicit enim *lib. de curandi ratione per sang. miss. cap. 6.* Nam, qua valenter calfaciunt, nimis subito vires desiciunt, & in reliquam curationem non sufficiunt: saepe etiam & febrem auxere. Itaque & inde viribus noxa obuenit. Arguit quinto *Sax. cap. 36.* In affectionibus frigidis, quæ reuulsionem exquirunt, vesicantia vltimum locum sibi non vendicare, vt ex Oribasio, Aëtio, Paulo, & Arabibus constat. Paulus enim lethargicis adhibet sinapismos *lib. 3. cap. 9.* multo magis igitur in delirio, vigiliis, & dolore capitis, quæ cum febre sunt, illis vt poterimus, pro calidorum succorum reuulsionè. Si enim frigidum humorem retrahunt, qui difficiliore negotio, ob sui lentorem, & crassitiem ad contrariam motionem diuertere posse videntur: multo magis calidos ad vnumquemque motum paratissimos retrahere poterunt. Sed huius rationis illatio recta non est, nec antecedens ad nostræ quæstionis propositum: quandoquidem vsus est Paulus sinapismis, vbi cetera non contulerint; vesicatoriis tamen non est vsus, imitatus Gal. qui *13. meth. cap. 27.* in lethargo ad sinapim vsq; ascendit, ad cantharides vero & chapiam non progreditur, vt supra monstratum est. Nullus autem veterum cantharidibus in febre pestilenti vsus est vquam, vt ex-

*Vesicantia
in feb. pest.
ob syncopam
summe ne-
xia.*

*Ratio 5. Sa-
konie.*

*Solutio.
Sinapismus
quando &
sunt sit Pan-
lus.
Cantharib.
Veteres & si
numquam
sunt in peste.
plica-*

plicauimus *capitul. 20.* Calidi vero succi quamquam facilius, & promptius transmittantur, tamen in febre vesicantibus reuelli non debent. Ea enim dum succos biliosos traherent, febris summum incrementum afferrent. Ideo Galen. *13. method. capitul. 22.* in calidis fluxionibus *Haud expedit, inquit, ut, qua ex thapsia & sinapi sunt, medicamentis uti, immo contrariis primum.* Ad idem iterum insurgit Saxonia *capitul. eodem,* & affirmat, succos, à capite acribus reuellendos, affectus magnos cum febre excitare. Hoc monstrat ex materia fluente, ex loco ad quem fluit, & ex modo reuulsionis. Fluit enim sanguis vel pro quarto humore acceptus, vel pro massa sanguinea reliquos succos continente: fluit autem ad caput & ventrem partes præcipuas. Ad eas ergo cum sanguis fluit, ex morbis inflammationes, ex symptomatibus vigilias, dolores, deliria, & alia huius generis grauissima constituat necesse est. Reuulsio tandem validissima, quæ acribus fit, magnum affectum à quo indicatur, ostendit. Hæc sine febre fieri rationi consonum non est. Quæ ratio, quamquam ex dictis *capitul. 23.* soluta planè esse videatur, adhuc tamen in multis peccat. Non enim verum est, omnem humorem fluentem ad caput, vel ventrem, esse sanguinem vel cum sanguine. Epilepsiam cerebri magnum affectum, vapor, ut aura quædam frigida, tibia ascendens, maleficus in cerebro concitauit, ut *3. de locis affect. capitul. 7.* retulit Galen. qui nec sanguis erat, nec sanguini permistus ascendebat. Succis crassis ac lentis, & viscidis cerebrum occupantibus fit apoplexia, eis transmissis ad neruos paraplegia, *4. de locis aff. capitul. 2.* qui à sanguinis tum natura, tum massa separati sunt. Salua pituita à cerebro ad pulmonem destillante, cruenta spuitio cum tussi excitatur, cui phlegmon necessario non succedit, ut *5. method. cap. 1. 4.* ex Gal. verbis colligitur. Neque vero sanguis confluens necessario parit inflammationem. Hippocrat. *6. aphorismo. 20.* dicit: *Si in ventrem sanguis præter naturam effunditur, necesse est suppurari.* Galen. in comment. aperte monet, non perpetuò id verum esse. Nam ubi monstrauit, à sanguine inflammationes, & ecchymoses fieri, subdit: *Suppurari autem non est rectè dictum: cum non mens sit vniuersæ mutationis in sanguine facta. Quare nonnulli*

ipsum

ipsum ad generalius transferunt, hoc est, ad corrumpi, id ab ipso dicentes significari. Sic enim fieri videmus, non permanere sanguinem, cum à suo loco exciderit, sed aliquando superari, aliquando nigrescere, aliquando in grumos verti, præsertim quando in magnam cauitatem exciderit præter naturam. Ad extremum, neque inflammatio in cerebro, vel in thorace pro reuulsione vel deriuatione succorum, qui illam constituunt, vesicatoriis indiget. Quandoquidem pro sanguinis plenitudine vel succorum qualitate, sanguinis missione, vel redundantis succi purgatione reuulsio fit, ex Gal. 13. meth. capitul. 5. 6. & 11. & alibi frequenter. Imò etiam si plenitudo non adsit, eisdem præsidiiis reuellit Galen qui lib. de curandi rat. per sang. miss. capitul. 8. inquit: Eadem ratione & in illis, quibus pars quæpiam grauerit ista est, aut sicunque aliter incipientem habet phlegmonem, cum magnum fore suspicamur, curationem ab inanitione auspicamur, aut purgatorio medicamine exhibito, aut vena incisa, pro ut nimirum alterum altero magis conuenire iudicamus. Quod si dicat Saxon. in accessionis principio venæ sectionem & purgationem exhiberi non posse, magna siquidem præsidia sunt: multo minus poterunt admoueri vesicantia, quæ non magnà modo, verum & perniciofa fore supra satis monstratum est. Sexto arguit Saxonia, ex modo curandi venena, à l. 38. ad 42. & primo capitul. 38. probat, venena perpetuò curari non posse venæ sectione, nec purgatione, vel vomitu, vel clysteribus, vel diureticis; cum multa sint, quibus vnum vel aliud horum præsidiorum non solum non conueniat, sed apertè officiat, vt ex Hippocrat. & Galen. eo capitul. monstrat. Rursus capit. 39. affirmat, venenum per corpus diffusum nullis auxiliis potioribus, quam deducantibus in cutem, euacuari; quod confirmat ex Galen. lib. de constitutio. artis capitul. 19. 13. method. capit. 6. & 5. simp. capit. 18. His suppositis capitul. 40. arguit: Multa sunt auxilia, quæ ad cutem extrahunt, verum omnium maximè venenum quoduis, siue epotum, siue in corpore genitum, in summam cutem educunt vesicantia. Probat hoc ex Galen. libr. de sectis capitul. 4. vbi acribus, & calidis, quibusque attrahi & siccare venenum possit, cuti impositis, venenum, quod vnà cum icu corpori inhaesit, extrahit.

Sanguis extra locum suum variè mutatur.

Ratio 6. Saxonia.

Sed

*Solutio.**Venenum
per totum
corpus diffu-
sum, quibus
curandum.**Galenus &
Venena eua-
cuet.**Obiectio Sa-
xonia.*

Sed hæc ratio momenti non est. Quamuis enim neque omni veneno epero, vel (ponte genito, vel extrinsecus illato morsu, ictu, vel contagione, venæ sectio, vel purgatio, vel vomitus, vel alia prælidiorum genera conducant indifferenter; sed quædam eorum quibusdam conducant, quibusdam non conueniant; omnia tamen prælidia venenis vtilia esse possunt, seorsim singula singulis, quibus conueniunt, opportune administrata. Venenum verò, quod per vniuersi corporis habitum effusum est, si curationem recipit, alexipharmacis tota substantia pugnans & momento corpus viuens penetrantibus, (vt docet Gal. primo de sem. cap. 16.) omnium commodissime curari debet. Quod si eo ingenio non succedat, in cutem extrahi oportet, vt, s. simp. 18. & 13. meth. c. 6. docet Galen. vbi alterantibus, & euacuantibus venenum curati oportere affirmat. Verum tamen non est, veneni in profundis visceribus repositi, vel per habitum corporis diffusi euacuationem ad cutem cum calidis siccis venenosis attrahentibus esse exequendam: quandoquidem Galen. s. eodem simp. cap. 18. venenum à foris impositis medicamentis, aut caliditate, aut totius substantiæ similitudine attractionem molientibus, exacuat; non tamen venenis cuti impositis, sed alexiteriis, mediam naturam habentibus, intrer corpus videlicet quod curatur, & venenum lædens. Nam si aduersissima forent corpori, vt omnia venena suapte natura sunt, in ipsum agerent potius, ceu deleteria, haud euacuerent venenum, vt fusc capit. 16. probatum à nobis est. Idco Galen. lib. de sectu venenum à feris inditum medicamentis calidis siccantibus, nullo modo venenis, euacuat. Sed iterum arguit cap. eodem Saxonia: nam ichores omnium succorum & partium corporis promptissime venenum, quod curationem admittit, concipiunt. Probat hanc maiorem propositionem, quia natura minori studio illa tuetur, quæ minus faciunt ad indiuidui conseruationem. Mox, quia venenum siue per os acceptum, siue in corpore genitum, non statim solidas partes corrumpit, aut bonos humores pro nutrimento accommodatos inficit, sed magis ichores. Et hanc ob causam venenum in corpore subsistens, non modo hominem semper non interficit, sed quandoq; per plures dies & menses, sine vlla hominis labe,

labe, ut actionum noxa in corpore latet. Probat ichores esse venenum ex Galen. 2. in *6. epidemio. 38.* & ex Aëtio. Ad-
dit minorem sic: Vesicantia omnium maximè ichores ex-
trahunt: Ergo in quocunq; veneno educendo primas par-
tes occupant. Cæterum hæc ratio multifariâ peccat. Pri-
mò verum nò est, ichores omnium facillimè in venenum
còmutari. Quid enim si venenum corrumpens non ha-
beat analogiam ad ichores? quod si illam habeat ad cor-
dis substantiam: quid si ad humores quos continent cor-
dis sinus: vt docet Galen. 3. de *præf. ex pul. cap. 3.* Non enim
quodlibet agit in quodlibet, sed determinatum in deter-
minatum, vt docet Arist. Nos vero de diuersa venenorum
antipathia ad diuersa animalia, & eorum membra, & hu-
mores fuisse dissèruimus *lib. 1. cap. 27. & lib. 2. cap. 24.* Dein-
de neque verum est, venenum si curationem recipiat, in i-
choribus concipi. Nam si verè venenum erit, toto genere
offendens, verè corporibus, quæ lædit, erit deleterium, vt
docet Gal. 5. *simp. c. 18.* Verè erit perniciosum ac pestilens,
ex Galen. 3. 4. de *tempor. cap. 4.* Verè à natura vinci non po-
terit, vt de veneno docet Galen. 3. de *natu. fac. cap. 7.* Caus-
sam verò, cur quandoque venenum non enecet, imò nec
omniò lædat, nunquam retulit Galen. esse, si venenum
ex succis fiat inutilibus, vel ex ichoribus: sed si in pauca
quantitate sit assumptum, multis bonis medicamentis ad-
mixtum, vt 3. *simp. c. p. 23.* si ob venarum angustias ad partes
principes non penetret, vt 3. *eodem 18.* docet Gal. si sit vene-
num copia offendens, & corpus illi sit assuetum, vt docuit
de anu Atheniense: & ob alias causas, quas explicauimus
lib. 1. c. 39. Ichorem & tenuem sanguinem venenosa facul-
tate præditum esse posse, fatentur Galen. & Aëtius, sed ta-
men omnium succorum promptissimè in venenum com-
mutari posse, nunquam protulerunt. Præterea ichores vbi
venenum conceperunt, an venenum euaserunt acutissi-
mæ, & velocissimæ actionis, an lentè progrediens? Si pri-
mum putet Saxoniam; tunc falso dicit, venenum hoc ad
multos dies, & menses in homine residens, illum non affi-
cere. Inquit enim Galen. 1. de *sem. c. 16.* minimam particu-
lam veneni deleterij vbi in animalis corpus ingressa fuerit,
totum id mòmèto temporis immutare. Si vero lentè pro-
grediatur, vt septica; tunc falso dicit, ichores venenatos

Solutio.

Venenum
cur quandoque
que non noc-
ceat.

Ichores an a-
nimam suc-
corum prom-
ptissimè in
venenum
commutentur.

à vesicatoriis omnium maximè extrahi. Lentè enim progredientia longum post tempus nocumentum ostendunt, crassaque sunt, lentique motus, *ex Gal. 3. simp. cap. 22.* Præterea, sint ichores omnium succorū promptissimi ad motum: an dum in venenum commutantur, ichoris formam retinent, an amittunt. Si primum dicat Saxonia, tunc corruptio non erit mutatio totius in totum, nullo sensibili remanente. Si secundum; tunc ab ichoribus non poterit sumi ratio facilioris educationis. Sumeretur enim ab eo quod nō est. Tandem Sax. illatio falsa est. Quamquam enim vesicantia calore, & dolore trahant ichores promptissimè, vesicantia tamen venenata ichores venenatos non trahunt. Venena enim non à venenis cūti impositis, sed ab alexiteriis trahuntur, vt *cap. 16.* monstratum est. Ad extremum etiam si gratis concederemus Saxonix, sua vesicantia trahere ichores venenatos quam facillimè, fallacia tamen erit à secundum quid ad simpliciter, si indè inferat, vt facit, in quocunque veneno educendo primas partes obtinere vesicantia. Quid enim si crassum erit venenum ac lentum? quid si venenis vesicantium contrarium? quid si diuersum? quid si simile, calidiùs tamen ac fortius? Sed hæc ex antè dictis soluta iam sunt. Addit alias rationes *cap. eodem* Saxonia, quibus probat, venenum in profundo positum, euacuari ad cutem medicamentis calore & substantiæ similitudine trahentibus. Igitur vesicantibus. Nihil enim inquit est magis veneno simile quam venenum. Sed in his immorandum non est: confundit enim simile & idem. Nos vero rationes has sigillatim *c. 40.* adductas profuse explicauimus *c. 15. 16. & sequentibus præ-*

Ratio 7. Saxonia pro vesicantibus. *sentis libri.* Septimò, arguit Saxonia, sumpta ratione a natura febris pestilentis, quæ ex veneno constituitur. Et primum *capitul. 43. 44. & 45.* probat, venæ sectionem, purgationem per ventrem inferiorem, & vomitum, non conuenire in omni febre pestilente. Sed subdit, vesicantia omni febre pestilenti vtilia sunt: conueniunt enim in febre pestilente hectica, & putrida. De hectica sic ratio- cinatur *capitul.* Hectica pestilens quædam est ex putredine solidæ substantiæ cordis, quædam ex putredine ro- ridæ humiditatis; & hac ratione inquit scripsisse Galen. omnes febres pestilentes oriri à putredine. Solidarum par

tium

tium hecticam dicit curari non posse, roridæ humiditatis posse. Curatur autem, inquit, alexipharmacis ratione victus, & medicamentis ducentibus ad cutem, autoritate Rasis & Nicolai Massæ. Ergo concludit, vesicantia, quæ venenum hoc absque ullo virium dispendio expugnare valent, ab hecticis pestilentibus non sunt ableganda. Mox probat conferre in pestilenti putrida *cap. 47.* sic: Hæ febres sunt venenatæ, ex veneno residente in toto corpore, ut in subiecto adæquato, in corde verò ut in subiecto principali, in his venenum generari incipit in externis & ignobilioribus partibus, ex *Galen. 6. de locis affect. capit. 5. & 2. iq. 1. prorrh. 17.* Ergo vesicantia, quæ ad cutem deducunt, venenum reuellent, & euacuabunt. Rursus *capitul. 48.* inquit: Si venenum quam citissimè non euacuabitur ad cutem, confluet ad partes principes. Ideo Hippoc. refert in constitutione pestilenti, quam *3. epidemio.* enarrat, illos seruatos fuisse. quibus in cute vicera, erysipelata, & huius generis excreta apparuerunt. Ita *5. method. 12. & lib. de cibis bonis, & mali succi cap. 1.* Præterea *cap. 50.* inquit, venena velocissimè penetrare: Ergo ante quam altius suas radices figant, retrahi velocissimè debent ad cutem. Hoc vesicantia præstant. Tandem *capitul. 54.* rationes quas profusis verbis explicauit, epilogo repetit. Sed hæc Saxonix ratio multis modis dilui potest. Primo, hecticis pestilentibus vesicantia non conueniunt, neque putridis, suarum rationum explicatione monstrabimus. Hæctica pestilens etiamsi ex roridæ cordis substantiæ corruptione, ac in venenum commutatione oriatur, eum rationem non recipit, inquit enim *Galen. 3. de praesex. pul. probatur.*

cap. 3. Quam enim excogites medicinam ad putredinem, quam in corde sit? Galibi de corpore cordis loquitur, & comparat non carnem cordis ad roridam humiditatem, sed corpus visceris ad humores, quos continent cordis sinus: In corpore cordis dicit affectam pestilentem lethalem, in humoribus contentis à sinibus cordis non omninò lethalem. Ergo tam si vere solidam, quam si roridam substantiam cordis putredo pestilens inuaserit, lethalis erit affectus Verba Gal. eo loco hæc sunt: *Quod vero in sermone praescriuimus, ubi aer, quem spirando attrahimus, infectus putredine sit, ac putredo corpus cordis attigerit, illi pulsus fiunt.*

Solutio.

Vesicantia non conueniunt hecticis pestilentibus, nec putridis.

*Venenidele-
terij & cor-
dis antipa-
thia.*

Nec iam quicquam habet admirationis, si eos pulsus, quos memorauimus, tali affecti peste habeant, nec si pestilentem respirationem, nec si omninò morituri sint. Quam enim excogites medicinam ad putredinem qua in corde sit? Nam quibus calor hic putredinosus ad humores quos continent cordis sinus magis deflexit, quam ad corpus ipsum & viscera, multi horum fuerunt superstites. Præterea rorida cordis humiditate corrupta, seu in venenum commutata, cor patitur, affectum longè grauiorem, quam si vel dolorem patiatur, vel inflammationem. Venenum enim totò genere deleterium peculiari antipathia cor offendit, & quamquam in minima particula acceptum, totum momento temporis immutat, sibi que simili affectione alterat, vt supra ex Galen. monstrauius. Dolores & inflammationes à calore naturali vinci possunt, venenum vinci non potest, Sed in dolore, & inflammatione cordis animal moritur. Hippocr. 7. de morbis popularibus loquens de Ctesiphontè, inquit: Ad noctem cordis ac oris Ventriculi dolor, & non longè post Vocis interceptio, strangulatio cum stertore, & mortuus est. Libro de coacis præn. de peripneumoniciis loquens, inquit: Quibus Verò totus pulmò inflammatus fuerit Vnà cum corde, vt ad latius allabatur, hi toti resolvuntur: & æger frigidus, sensus exors, moriturque secunda, aut tertia die. Et Gal. 5. de locis affect. c. 2. inquit: Caterum proprio quoque affectu cor laborare solet, vel ob simplicem intemperiem, sine inaequalis, sine aequalis ea fuerit: vel inflammationem, vel crispelas, idque dum fieri incipit. Illico enim antea, quàm augeantur huiusmodi affectus, animal corrumpitur. Et paulo post subdit: Inflammato manifestè corde gladiatoris, vidimus aut aliter quam qui cardiaca syncope pereunt obiisse. Itaque multo magis in veneno cordis roridam humiditatem depascente homo interibit. Accedit, quod etiam si hæc hectica pestilens curari posset vesicatoriis Saxoniar, non modo curari non posset, sed ad summam perniciem duceretur. Rasis & Massa Saxoniar vesicantia nullo modo proponunt, vt apud ipsos videre est, imò potius à Saxon. proposita expoldunt, qui hectica pestilenti affectos curant: mittentes eos in domos frigidas, prohibentes eis balneum & aquam calidam, Nec vllus eorum, qui scripsit de huius febris curatione, vesicantia vel proposuit, vel commendauit. Accedit quod

quod hectica pestilens summum habet incendium in so-
 lidis partibus: secus hectica febris non esset, & Gale. de ea
 loquens 3. de pras. ex pul. 3. inquit: Animaduertimusque eos
 primis statim diebus, & pestilentia laborare, & pessime affe-
 ctos esse, ex acredine caloris, atque ipsa caloris specie. De hecti-
 cis autem inquit Gal. 10. method. c. 11. Verum, quanto hecti-
 carum febrium affectus est calidior, tanto utique frigidiora
 requirit auxilia, & simul maiorem sollicitudinem, ne Valen-
 tibus auxilium utentes quicquam laedamus. Vesicantia & ca-
 lidissima sunt, & valentissimè trahunt, ut supra monstratum
 est. Tandem hecticas pestilentes liquantes esse dicit Gal-
 eodem 10. method. c. 11. & 8. de comp. med. per locos c. 7. Ergo
 calidis vesicantibus eas non curaret Galen. qui eodem 10.
 meth. subdit: Hac igitur cum scias, etiam colliquantium fe-
 brium iisdem methodis curam ages, tum ad frigidam, quam-
 primum properans, tum iis, qua humectent, & refrigerent, nu-
 triens. Et Aëtius lib. 1. retrab. 2 c. 90. inquit: Clarum est, quod
 exstinctoris medelis utimur, ita ut valde frigidam aquam
 potandam exhibeamus, & cataplasmata, & episthemata frige-
 facientia thoraci, ac praecordis imponamus, & cibos hume-
 ctantes ac refrigerantes demus. Vesicantia denique non mo-
 do non refrigerant, sed ex acribus confecta exurunt, &
 colliquant, ut ex Galen. 4. simp. c. 19. supra monstratum est.
 Neque verò conducunt in putridis pestilentibus. Quam-
 quam enim venenatae illae sint, falsum est, in illis perpe-
 tuò venenum oriri ab ignobilibus partibus. Galen. enim
 6. de locis affectis 5. & 2. in 1. prother. 17. de generatione ve-
 neni ex humorum corruptione loquitur, de eo autem, ut
 febris pestilentis est causa non loquitur. Pestes verò, quæ
 ut plurimum contingunt, aëris vitio fiunt, Galen. 1. primi
 epidem. in proæmio. Aëris autem malefici inspiratione cor
 afficientes enecant, ex Galen. 3. de pras. ex pul. c. 3. lib. de ther.
 ad Pisonem c. 16. Mox ubique oriatur venenum, nō ve-
 neni curatur, ut supra monstrauiusc. 16. sed antidotis,
 ex Gal. 13. meth. c. 6. epidem. 5. quæ momento corpus pe-
 netrant, ex Gal. 1. de sem. cap. 16. Ad hæc quamquam ex-
 cretiones in variis pestilentis modò per alium utiles fue-
 rint, modo ad cutem, pro vario illarum impetu: certè qui-
 dem, quæcunque ad cutem fiunt excretiones, nec perpe-
 tuò per eandem viam debet medicus illas moliri, ut appa-

*Hectica pe-
 stilentis in-
 cendium
 summum.*

*Hectica pe-
 stilentes li-
 quantes Ga-
 len.*

Ut curanda

*Vesicantia
 non condu-
 cunt in pu-
 tridis pesti-
 lentibus.*

*Venenum
 antidotis cu-
 ratum, non
 generis.*

*Vesicantiū
documenta.*

ret in Simone latas pustulas habente, 2. in 6. *ēpidem.* 30. & 1. *prorhet.* 12 & alibi saepe, vt *cap. 6. praesentis libri* explicatum est. Et tandem, quæ per cutem excerni debent pestilentes excernentes, multis auxiliis excerni debent, vt *cap. 2. reru-
limus: vesicatoriis vero Saxoniz excerni non debent; quæ
febrem augment, vires deiciunt, putredinem multiplicant,
per vias non idoneas succos trahunt, venenum intendunt,
& à profundo nullo modo ad cutem venenum deducunt,
vt 2. parte praesentis disp. monstrauius. Hæc ingenuè ad
vnam veritatem protulimus, doctorum hominum
iudicium expectamus, sententiam mutaturi,
si meliorem ostendant pro ægro-
rum salute.*

F I N I S.

SOLI DEO GLORIA.



INDEX RES ET VERBA NOTATV DI- GNIORA IN HOC VOLVMI- NE MEDICARVM DISPVTA- tionum contenta com- plectens.

A.



<i>Accessus an à natura victa.</i>	182
<i>Actus est qui separat & distinguit.</i>	7
<i>Actiones & mutationes nō distinguuntur à potentia, sed ab actu & formis.</i>	41
<i>Acribus quando & quib. & si sint medici.</i>	134
<i>Actionem mouere contrariam natura motioni, temerarium & perniciosum.</i>	244
<i>Acuti morbi qui sint, 126, dantur etiam sine febre. ibid.</i>	Duo genera. ibid.
<i>Adiutrix quasit.</i>	6
<i>Accessionis principium quod sit.</i>	273
<i>Aer quomodo causa putredinis & pestis.</i>	14
<i>Aer quando malo quodammodo immutatur pestis oritur.</i>	18
<i>non tamen aer est immediata causa pestis.</i>	ibid.
<i>Aeris alteratio & à celestibus, & ab inferioribus oritur.</i>	21
<i>Equinoctia perniciofa, maxime autumnale.</i>	25
<i>Aestate & autumno cibi concoctio difficilior.</i>	49
<i>Aestus maris in Oceano non aequè percipitur, ac in aliis fluminibus.</i>	51
<i>Aegyptia mulieres octauo mense feliciter pariunt.</i>	57
<i>Affectus magni in cerebro, & pulmone qui sint.</i>	248
<i>Affectus pestilens omnis perniciosus est.</i>	105
<i>Affectus ille magis lethalis est, qui omnes enecat, eo qui magna ex parte occidit.</i>	12
<i>Affectus aeris ambientis praecipua causa morborum communium.</i>	4
<i>Affectus pestilentes quandoque sine febre esse possunt.</i>	113
<i>Alysson.</i>	77
	Altera

I N D E X.

<i>Alteratio ex quibus.</i>	119
<i>Ala & pedes & totum corpus cantharidum Venenosum.</i>	229
<i>Alexipharmacorum pugna cum Venenis.</i>	219
<i>Alexiteria Venenum attrahentia. 213. cuti apponi debent.</i>	215.
<i>Alexiteria partes in animantibus Venenatis duplices</i>	220
<i>Alexiterius cur Venena euacuanda.</i>	222
<i>Alui fluor & stilis in febre pestilenti.</i>	240
<i>Anima hominis non educta est de potentia materia.</i>	85
<i>Animalia Venenata proprio Veneno curata.</i>	219
<i>Anima efficiens causa omnium. 195. in sensatione quid agat.</i>	ibid.
<i>Adena imbecilles.</i>	189
<i>Animalibus cuiusvis medici Venenum ad cutim extrahunt.</i>	191
<i>Antidotis cantharidum vires reprimenda</i>	199
<i>Animalia non aque omnia leduntur ab aere putrido. & cur</i>	85
<i>Apoplexia & fiat. 130. morbus acutus, ibid. cum salust febris</i>	127
<i>Attractio & fiat 196. à validioribus tantum</i>	203
<i>Attrahere qua dicantur.</i>	ibid.
<i>Ars quandoque humores crudos & stiliter purgat.</i>	178
<i>ex Arsenico sacculi & ossella contra pestem.</i>	217
<i>Arsenicum cuti appositum an noceat. 222. an ex eo cor Veneno assuescat. 223. eius parva quantitas totum corpus immutat, 224. crassarum est partium 224. historia de eo portato</i>	ibid.
<i>ibid. an ob similitudinem Venena trahat.</i>	225.
<i>Aristotelis opinio de observationibus Ægyptiorum & Chaldaorum. 22. eiusdem de stellis opinio. 23. corpora caelestia aeterna putavit, sed falso. 27. eiusdem de viribus Solis & Luna sententia. 28. observandum. 56 cur nihil de influxionibus tractarit.</i>	67
<i>Aspis.</i>	79
<i>Attractiones fiunt similitudine substantia.</i>	70
<i>Astrologia iudiciaria qua in parte reprobata.</i>	33
<i>Aratus male apparitiones Luna neglexit.</i>	21
<i>Author libri de natura humana à Galeno reprehensus</i>	20

Author omnia solius Veritatis gratia protulit. 278

B.

Balneum in febre ardente noxium. 187

Balnearum usus & utilitas. 233

Balneum & Sol calorem euocant ad cutem, & ad eam succos trahunt. 262

Biliosi humoris indicia. 185. ex salsa pituita orta. ibid.

Bilis anaria ob pravam naturam vehementibus putrescit. 145

Bilis flaua adustione in atram versa, febris tertiana in nostro

Ill. agroteo 68. in tertianas extra Vasa infertur. 260

Breuis occasio apud Galenum quid. 13

Bolo Armeno curatur pestis. 94

C.

Causa diuersitatis partium. 58

Cancer prodest morsis à cane rabido. 73

Cinis cancrorum 74

Calida humida putredini aptiora quam calida sicca. 94

Causa refluxus & fluxus maris. 52

Carne molles apti sunt mente. 35

Causa nulla sine patientis aptitudine agere potest. 13. & 18

Causa morborum communium tres. 3

Causarum efficientium morbi alij abdita sunt, alia manife-

sta. 7 Earum diuisio iuxta Galenum, ibid. & 8

Calor siderens frigori non est contrarius. 39

Calor cæli ex capite bonis putrefacti Vespas generat, 64

Calor quando Venenum generare queat. 135

Calor præter naturam seminariis contagiosis pestilentibus &

Venenosis mixtus Venenum ducit. 135

Causa qua rabiem efficit longo tempore augetur. 140

Calores vehementiores vehementius attrahunt debiliores

minus. 197

Calidissima facillime penetrant. 202

Calidum perpetuo attrahit. 211

Calida & sicca in quarto ordine videntur, & sunt escharodica.

212

Calor in principio accessionis ad internare fugit. 261

Capita libri secundi. 163

Canis rabidi Venenum in quibus consistat. 147

Cadavera Veneno perentium contagiosa non sunt: Et peste

mortuorum. 134

I N D E X.

<i>Cantharidum Vires.</i> 194. <i>Vfus in peste Sicilia nullus.</i> 196. <i>letalis.</i> 199. <i>etiam Viscera per quæ transeunt, ladunt.</i> 215. <i>Venenum eorum in quâ parte sit ignoratur.</i> 227. <i>Vfus in diureticis.</i> 228. <i>parcè sumptarum Utilitas.</i> 229
<i>Cælestia corpora nobilissima & perfectissima.</i> 27
<i>Cælum corruptionis sublunarium author & cura.</i> <i>ibid.</i>
<i>Cæli status omni momento immutatur.</i> 81
<i>Calorem Solis stellæ accedentes augent minuunt recedentes.</i> 36
<i>Cælo quot intelligantia.</i> 39
<i>Cælum quomodo frigiditatem producat.</i> 41
<i>Cælum animal magnum & sine contrario.</i> 69
<i>Cinis humorum nec Venenum est nec pestilentem febrem constituit.</i> 104
<i>Coma ex cerebri frigida intemperie.</i> 165
<i>Cerebri euacuatio quomodo fienda.</i> 186
<i>Convulsio an morbus acutus.</i> 128
<i>Corruptio necessaria est ad speciei propagationem.</i> 27
<i>Cor proprio affectu cur laboret.</i> 276
<i>Contagium quid.</i> 81
<i>Comparatio in specie fit non in genere.</i> 15
<i>Communium morborum alij Epidemij; alij Endemij; alij simpliciter Pandemij. i. eorum differentia. ibid. hac diuisio an sit de mente Galeni.</i> 2
<i>Cibi ingesti raro communium morborum causa.</i> 3
<i>Constitutio anni calida magnis & continuis imbribus humidissima causa ad humorum putridorum generationem & morbos pestilentes.</i> 5
<i>Communi putredinis causa, singula putrescentia peculiariter obtinent corruptionis speciem.</i>
<i>Crises morborum ordinata.</i> 59. <i>Vnde meliores, aut quo tempore.</i> <i>ibid.</i> <i>Crises febrium continuarum & intermittentium.</i> 61. <i>requisita eorum.</i> 243
<i>Cucumeris putredo & Melopeponis Veneno similis.</i> 135
<i>Corpus indiget exsiccatione.</i> 158
<i>Curatio febrium pestilentium non semper eadem.</i> 156
<i>Curatio à causa efficiente & incipienda concoquenda quiete opus habent.</i> 170
<i>Curatio pustularum in febre maligna iuxta Aëtium.</i> 182
<i>Cutis pars extrema & ignobilis.</i> 186. <i>susceptiva excrementorum.</i> 188. <i>an purgando cerebra apta.</i> 190
<i>Calor</i>

I N D E X.

<i>Calor in principio accessionis ad interna refugit.</i>	261
<i>Crassiora & viscida magis caloris egressu magis impediunt.</i>	262
<i>Calor quando debilis est, debiliter trahit.</i>	265
<i>Caliditas ubique accenditur ista ab aliis partibus sanguis confluit.</i>	259

D.

D eterminatum agit in determinatum.	273
<i>Die paroxysmi nihil mouendum.</i>	267
<i>Dies critici 59. Indicatorij, & Indicatorij ibid. causa.</i>	62
<i>Dies critici medico obseruandi.</i>	34
<i>Democritus posuit infinitos mundos.</i>	33
<i>Differentia generica stellarum qua.</i>	66
<i>Differentia multa rerum nobis incognita.</i>	62
<i>Diuinum Hippocratis.</i>	108
<i>Diuisionis requisita.</i>	122
<i>Diuisio acutorum morborum iuxta Galenum.</i>	129
<i>Diuerforum de Viribus caelestium corporum sententia.</i>	35
<i>Differentia hectica & putrida febris.</i>	143
<i>Dioscorides cantharides totas venenosas putat.</i>	229
<i>Dolor quid.</i>	195
<i>Dolorem non sentientes mente laborant.</i>	ibid.
<i>Duo genera agrotorum in peste Sicilia.</i>	157
<i>Deiectiones nigra pessima.</i>	181
<i>Deleteria.</i>	130
<i>Deleteria natura contrarietate agunt. 79. Eorum vires quando ad cor deueniant. 201. In apposis totum corpus immutatur.</i>	ibid.
<i>Duplex in homine constitutio substantialis & accidentalis. 83</i>	

E.

E lementa sibi inuicem contraria.	40
<i>Elementorum motus in fine velocior, contra in astu maris,</i>	50
<i>Elementum ignis maioris nobilitatis & actiuitatis elemento aqua.</i>	43
<i>Ephemerides approbata à Paulo IIII.</i>	34
<i>Ephamera pestilens ab aliquibus non admittitur.</i>	36
<i>Ens primum omnibus communicauit esse & vivere.</i>	27
<i>Epidemij morbi duplices.</i>	7
<i>Epidemius morbus est qui tempore aliquo in regione aliqua abundat. 3. Unde dicatur, Latinis & Græcis.</i>	6
<i>Essen-</i>	

I N D E X.

<i>Essentialis differentia à forma accidentium & à subiecto sumenda.</i>	18
<i>Errores & abusus rerum naturas non immutant.</i>	33
<i>Esu ciborum insolentium pestes contingunt.</i>	107
<i>Essentialis febris diuisio vnde sumenda.</i>	122
<i>Escharem qua inducant.</i>	193
<i>Excrementa totius corporis per solam cutem purgantur.</i>	189
<i>Euphorbii vires.</i>	194
<i>Eustachii Rudii opinio de febre pestilenti & eius oppugnatio.</i>	101
<i>Excretio mala & inutilis.</i>	183
<i>Exiccantia summè exurunt.</i>	211

F.

F <i>ebri pestilens quibus in locis resideat. 202. in ea raro fit crisis ad salutem.</i>	216
<i>in Febre non morbus sed causa remouetur.</i>	187
<i>Febris quid.</i>	90
<i>Febris essentia in calore præter naturam consistit. 8. 17. 19. 20. 21. 23. 24. 26. 28. 102. 106. 109. 123. 128. 166. 118. 87</i>	
<i>Februm diuisio iuxta Hippocratem.</i>	122
<i>Febris Britannica natura.</i>	100
<i>Febræ omni calor inimicus est 238. putrida an reuulsionem aut deriuationem requirat. 246. non reuulsionem sed refrigerationem indicat. 255. ardēs & differat à tertiana. 159</i>	
<i>Fracaſtorij definitio febris pestilentis 97. Valeriola aduersus eum ibid. opinio authoris.</i>	98
<i>Flaua bilis vehementior quam pituita.</i>	165
<i>Famina generatio quodammodo monstrosa.</i>	27
<i>Fœtus mense octauo an laboret. 57. & an per dies 40. & vult Vallesius.</i>	ibid.
<i>Fluxus & refluxus maris in fretu Urbis Messana.</i>	50
<i>Fluxus maris & fiat.</i>	54
<i>Fluor sanguinis ante coctionem.</i>	173
<i>Fluxiones colliquatiui in febribus pestilentibus. 181. cuius febris pestilentis symptomata.</i>	240
<i>Formis omnibus ingentum est sese propagare.</i>	99
<i>Forma non sunt propter materiam sed materia propter formam. 40. materiales iuxta analogiam intenduntur & remittuntur. 86. sunt indiuisibiles. 87. contrarietates earum. ibid.</i>	

I N D E X.

<i>Futura pradicere solius est Dei.</i>	30
<i>Futurarum tempestatum pradiçtio à Luna ex Galeno.</i>	55

G.

G alenus oppugnator Aristotelis. 70.84.2.20.21.121.123. 152.153.22.209.227.228.237.249.272.108	
<i>Gallicus morbus.80.eius symptomata.sibi contagiosus.81.qui- bus curetur.</i>	82
<i>Genethliaci Roma expulsæ.</i>	32
<i>Generatio & nius alterius est corruptio.</i>	27
<i>Genera morborum contagiosorum multa.</i>	97
<i>Gangrena & inflammationes etiam sine febre sunt.</i>	117

H.

H erculis Saxonia opinio de morbis Endemiis.	10
<i>Hætica pestilentes & differant à putridis. 105. liquan- tes Galeno.276.& curanda.</i>	ibid.
<i>Historia non & utuperanda.</i>	11
<i>Historia de peste a solis cibis & itiosis genita.</i>	15
<i>Hippocrates quid nomine fluxionis intelligat. 115. humorem turgentem per inferiora purgat.</i>	169
<i>Hieronymi Montalti rationes aduersus morbum à tota sub- stantia.83.Solutio earum.</i>	85
<i>Homines an interire possint putredine sine febre.</i>	120
<i>Hora non partus sed conceptus notanda.</i>	31
<i>Horatij Augenyj opinio.103.Examinatur.</i>	ibid.
<i>Homines carceribus inclusi ex esu quorundam scarabeorum mortui.11. item ex esu ossium & medullarum cadaverum.</i>	ibid.
<i>Humor corruptus non habet & im septicam. 104. 108.109.133. 179.190.117.14.212.246.176.177.178.159</i>	
<i>Hydrargyri vires.</i>	201

I.

I chores esse Venenum ex Gal. probatur.273. & an omnium facillime in Venenum mutantur ibi. si in Venenum mu- tantur an ichoris formam retineant.	174
<i>Ignobiliora pluribus, nobiliora paucioribus indigent.</i>	38
<i>Ignis in summo calidus est.42.aere potentior. 44. Eius motus ibid. proprietates.</i>	69
<i>Ioæ. Fernelyj laus.1.primum morbos Pandemicos ab Endemiis & Epidemiis distinxit.</i>	ibid.
<i>Impium est affirmare omnia fato fieri.</i>	30
	ab Im

I N D E X.

<i>ab Impellente & Vertente fit Vertigo.</i>	51
<i>Impressiones stellarum à quibus impediuntur.</i>	65
<i>Impetus morborum populariter grassantium considerari debent. 239 diuersi impetus pestis.</i>	ibid.
<i>Inferiores sphaera plures habent motus, superiores pauciores.</i>	38
<i>Intermittentes febres acutis morbis non possunt contingere.</i>	125
<i>Intensus calor febrilis intensam arguit putredinem à qua- ritur.</i>	148
<i>Indicia Urinarum.</i>	174
<i>Inuentum Aegyptiorum de stellis.</i>	21
<i>Inflammationum vires.</i>	206
<i>Iouis alia quam Saturni proprietates.</i>	65

L.

L <i>Ethales morbi secundum Galenum qui.</i>	117
<i>Lenissima putredo non sufficit ad Venenum.</i>	142
<i>Lethargus grauior affectus comate.</i>	167
<i>Loca per qua excrementa euacuanda.</i>	188
<i>Lippitudo est contagiosa.</i>	98
<i>Luna proprium. 69. dum est in opposito nobis hamisphaerio à quas nostri maris mouet. 53. & agris & sanis potest pra- nunciare quales dies futuri sint. 24. causa turbationis ma- ris. 45. & quatenus ibid. Eius & Solis magnitudo, ratione terra. 46. lumen. 47. Aspectus varij.</i>	ibid.
<i>Lumen calefacit.</i>	47
<i>Lumen & motus stellarum proprietates.</i>	68

M.

M <i>Artilius Ficinus pestis causam in aerem retulit.</i>	26
<i>Materia est pati.</i>	40
<i>Magnes cur ferrum trahat.</i>	70
<i>Marcelli Capra de morbis Pandemij Epidemij. & Endemij sententia. 1. negat à cælo malum influere posse. 23. est sibi i- psi contrarius. ibid. Eius pro Vesicatorij in morbo Pande- mico adhibitis rationes prima. 164. Eius euersio. 165. secun- da. 172. euersio eius. 183. probare contendit sanguinem fuisse mittendum in peste qua Anno 1592. Siciliam inuasit. 149. Eius rationum euersio.</i>	ibid.
<i>Massaria sententia de Vesicatorij. 172. Eius opinio de g. neri- bus morborum.</i>	71

<i>Medici medicorum observationes afferre debent. 10. non semper debent imitari naturam nec eius motum 183. artifices sensati.</i>	140
<i>Medicamenta in scirrhis tumoribus per medicamentosas qualitates Galenus quid intelligat.</i>	132
<i>Mensis medicinalis Galeni.</i>	62
<i>Minima particula Venenorum lethalium quid in corpus humanum ingressa operetur.</i>	14
<i>Mithridates cur Veneno non interierit.</i>	224
<i>Modus corruptionis humorum.</i>	141
<i>Modus quo humores in Venenum mutantur.</i>	140
<i>Modus praeservandi à peste.</i>	223
<i>Modus generationis caloris extranei.</i>	206
<i>Monstra error natura 28. sunt contra intentionem natura particularis.</i>	ibid.
<i>Morbi à cane rabido aquam expanscunt 75. & cur ibid. alios eodem possunt afficere morbo.</i>	76
<i>Morbus magnus remedium magnum postulat.</i>	161
<i>Morbi acuti ex deccedentia.</i>	129
<i>Morbus acutus est celeris indicij & magnus affectus.</i>	ibid.
<i>Morborum alij Pandemij, alij Sporadici.</i>	1
<i>Morbi Pandemij simplices ab Endemijs & Epidemijs nō sunt distincti secundum authorem.</i>	2
<i>de Morbis Endemijs Hippocrates in lib. De aquis acre & locis, egit de Epidemijs autem in lib. de morbis vulgaribus.</i>	3
<i>Morbi Endemij ab aere cibo & potu fiunt.</i>	4. & 9
<i>Morbi Epidemij eiusdem sunt generis. 8. sed à diversis causis oriuntur ibid propter formam & naturam eadem ibi. propter idem subiectum ibi. propter eundem lesionis modum.</i>	9
<i>Morbi multi & no tempore fieri possunt.</i>	18
<i>Morbi acuti quibus diebus terminentur.</i>	62
<i>Morborum genera quot</i>	71
<i>Morbi à tota substantia & unde & quomodo fiant.</i>	84
<i>Morbus citra febrem quis</i>	110
<i>Morbum acutum qua constituent.</i>	125
<i>Morbi quidam propriè acuti, quidam improprè.</i>	125
<i>Morbi communes ex aere & victu nū diversa constitutionis.</i>	9
<i>Morbi, & communes privati iuxta authorem 6. priorum subdiviso 7. Causa.</i>	ibid.
<i>Morborum differentia Vera & essentielles unde sumantur.</i>	7
<i>Mulie-</i>	

I N D E X.

Mulierem &tero gerentem acuto morbo corripit lethale est. 127

N.

N^{aturæ} quod numero non potuit specie æternum procreavit. 28.36.37.43.60.61.159.173.177.183.196
Naturales vires in omnibus agrotis spectanda. 192
Nihil seipsum destruit. 101
de Nominibus nulla inter medicos debet esse controuersia, sed de ipsa re. 2
Non omne quod corrumpitur, necessario putrescit. 104
Non omne venenum necat & cur. 124
Numerus omnis in Unitate continetur. 27
Nutritio & fiat. 49
Nubecula Urina quid denotent. 175. *Earum nigredo & inde ibi.*

O.

O^{ceani} fluxus & refluxus & inde. 31
Occludenda sunt qua concoquenda. 246
Ocimestris partus cur non vitalis. 56
Origo communium morborum an recte soli acri adscribatur. 3
Ortus & occasus stellarum obseruati à diuersis. 54
Oriente Canicula existẽte Luna in Leone vel Geminis vel Capricorno, copia olei, vini, frumentique expectanda. 53. *contra si in Cancro fuerit.* ibid.
Ordo mundi sempiternus est. 50
Observationes grauissimorum authorum non negligenda. 53
Omne lucidum an per se sit caloris productiuum. 66
an Omnes stella calefaciant. 67
an Omnis putredo & vapores putres ad cor ableget. 146
Operationes essentialcs, formas essentielles arguunt. 133
Opinio authoris de differentiis febrium pestilentium & putridarum: & oppositarum rationum solutiones. 106

P.

P^{artus} vitalis qui. 56
Paroxysmi cur non semper eodem tempore fiant, 61
Paucus humor vel est paucus ratione quantitatis vel ratione corruptionis. 145
Partes principes animalis. 166
Pesilens affectus in corpore cordis lethalis: in humoribus contentis in sinibus cordis non omnino. 275
Pestis qua Anno 1592. Siciliam inuasit an morbus Pandemius

<i>minus quod negatur. 4. Eius causa.</i>	<i>ibid.</i>
<i>Pestes quae fere quotannis Aegyptum innadunt, sunt morbi Epidemij.</i>	10
<i>Pestis Hierosolymitana.</i>	<i>ibid.</i>
<i>Pestes variis in locis observata.</i>	11
<i>Pestis communis morbus 116. an ex vitioso victu vera pestis possit oriri opinio quorundam. 11. Eorum refutatio.</i>	<i>ibid.</i>
<i>Peste perniciosior morbus nullus dari potest.</i>	12
<i>Pestes cur absolute ab aere dicantur fieri.</i>	20
<i>Pestilentis constitutionis aer potissima causa.</i>	12
<i>Pestis tempore Galeni.</i>	17
<i>Pestis natura. 89. species. 94. non est nisi magna ex parte lethalis.</i>	95
<i>Pestis non est nomen proprium alicuius morbi peculiaris.</i>	123
<i>Pestis sine febre iuxta Mercurialem.</i>	120
<i>Peste cur aliqui subito pereant.</i>	146
<i>Pestis vera & sporadica ut differant.</i>	249
<i>Pestis vera subiectum aequatum.</i>	250
<i>ad Pestis essentiam spectat, ut sit morbus Epidemicus ibid. an circa morbum actum vulgarem stare possit 251. Vera & febris pestilens an in causa essentiali conveniant. 252. Causa ambarum. ibid. in vera peste calor quibus ad partes extremas euocetur.</i>	254
<i>Pici Mirandulani opinio de stellis. 21. & 23. damnat omnem Astrologiam iudiciariam 29. Eius rationes contra stellarum influxus.</i>	63
<i>Perfecto nihil addi potest.</i>	36
<i>Penetrantium medicamentorum vires.</i>	204
<i>Pituita quid sit 200. Eius species, & an omnes frigida.</i>	209
<i>Platonis de corporibus caelestibus opinio.</i>	23
<i>Phlebotomia effectus.</i>	159
<i>Planetarum motus. 37. cur condita.</i>	<i>ibid.</i>
<i>Planeta diversi diversas habent complexionet.</i>	35
<i>Phrenitis maior affectus comate.</i>	165
<i>Proprius characterismus febris pestilentis.</i>	96
<i>Putrefactio quid. 14. ut fiat.</i>	99
<i>Putredo quid. 90. Excellens causa pestis. 95. fortis ac sordida est cum calore. 99. natura. 103. in quibus consistat putredo. 136. excellens & insignis non dicitur latere in corpore nostro</i>	<i>T</i>
	146.

I N D E X.

146. sanguinis missione non curatur iuxta Galenum	
159.	
Pulsus rari & pravi ex vehementia febris popularis.	167
Pulmone inflato qua expectanda.	276

Q.

Q ualitatem Veneno similem in corporibus generari an putet Galenus.	131
Quod per se est, est de omni & secundum ipsum.	141
Quod non frequenter accidit, nunquam fieri dici non debet.	8

R.

R abies canina 72. morbum à tota substantia constituit. 73	
quibus curetur.	74
Rationes quibus influxus stellarum probantur. 24. impro-	
bantur.	65
Ratio generationis causa & morbi non eadem est.	148
Res ipsa perduntur dum nimio studio de nominibus contendimus.	ibid.
Rerum differentia vel identitas unde sumatur.	6
Regio aeris media diaphana.	66
Rerum differentia & ultima ignota.	226
Reuulsio non cuius succo conuenit. 247. an commodissime ad cutim fiat. ibid. qua acribus sit magnum affectum ostendit.	270
Remedia non eadem pestis & febris pestilentis.	253
Reuellendi modi lupres.	171
Rigor in febre quando lethalis. 184. Eius causa Vera 263. in eo duo fiunt.	265

S.

S anguinem in peste Sicilia Anno 92. non copiose fuisse mittendum probatur contra Marcellum.	150
Sanguis non est mittendus viribus imbecillis. 151. in summa putredine an paucus an omnino nullus mittendus. 152. corruptus non mittendus. 154. thesaurus natura. 155. eius amissio. 156. non mittendus in pleuritis mitiore. 244. extra locum suum varie mutatur. 271. in eo critice euacuando requiritur concolitio.	173
Sani iuxta aeris statum alterantur.	26
	Sapiens

<i>Sapiens astris dominatur.</i>	32
<i>Sacer ignis à biliosa fluxione oritur.</i>	15
<i>Saxonia rationes quibus Venenum in corpore animalis generari posse absque insigni putredine statuit.</i>	136 evertuntur.
<i>139. pro Vesicatoris ratio. 202. refutatur. 205 & 207. 2. ratio & 3. confutantur. 210. 245. 249. 254. opinio eius in rigore succos ad febris focum confluere.</i>	256. 266, 274
<i>Scarificatio malleolorum & stilis.</i>	190
<i>Scopi curandarum februm.</i>	169
<i>Scorpionis corpus impositum suum virus sanat.</i>	220
<i>Signa indicatoria.</i>	243
<i>Signum bona crisis.</i>	185
<i>Sporades morbi quid sint. 2. aduersantur morbi Endemii & Epidemii.</i>	ibid.
<i>Solstitia perniciofa maxime æstiuum.</i>	25
<i>Solis calor sufficiens ad generationem sublunarium.</i>	36
<i>Solis calore non aque roboratur calor conchyliorum, & Luna.</i>	48
<i>Solis proprium.</i>	69
<i>Sorbus arbor à canina rabie solutum in eandem redigit.</i>	76
<i>Solani manici vires.</i>	80
<i>Signa Veneni epoti & corruptionis humorum eadem.</i>	133
<i>Stella quadam maligna, & humano generi perniciofa, morborumque productrices. 20. fortunata & infortunata. 24. nulla earum vis agendi in animam hominis. 30 innumerabiles 31 notabiles quot. ibid. qua promittunt non possunt euenire secundum Auenz. 32. earum proprietates non tolluntur actionibus aliunde impeditis 33. calor earum propter distantiam non percipitur.</i>	ibid.
<i>Spiritus putrescere possunt.</i>	88
<i>Seminaria pestis vnde.</i>	100
<i>Summe refrigerare maioris actiuitatis quam debilissime calere facere.</i>	66
<i>Substantiarum qua natura constant, differentia.</i>	67
<i>Summa & excellens putredo & intelligenda.</i>	144
<i>Summa libri secundi.</i>	163
<i>Succi crassi & crudi an calore & ebementi dissoluantur.</i>	232
<i>Sudor non semper & stilis.</i>	255
<i>Succus dum rigor fit à foco febris non trahitur 264. ab ambitu corporis ad focum febris non demandantur. 258. an ad focum</i>	focum

I N D E X.

<i>Focus febris an contra fiant, an in principio febris inter-</i> <i>mittentis.</i>	257
<i>Semen retentum an necessario putrescat.</i>	135
<i>Sinapismorum usus apud Veteres. 235. in morbis acutis non</i> <i>probantur.</i>	ibid.
<i>Symptomata ex Vesicatoriis appositis. 241. à symptomate nul-</i> <i>la sumitur curationis indicatio. 166. sequuntur morbum</i> <i>et Umbra corpus.</i>	81
<i>Sycamina.</i>	142
<i>in Synocha priusquam corrumpatur sanguis, Vena est secan-</i> <i>da iuxta Gal.</i>	150
<i>Synocham et curavit Galenus.</i>	168
<i>Subiectum morborum Epidemiorum.</i>	8

T.

T <i>emperamentorum omnium aeris ambientis pessimum</i> <i>est id quod humidum et calidum est.</i>	5
<i>Thoma de stellarum influxionibus sententia.</i>	34
<i>Thaletis Milesij de aqua opinio.</i>	43
<i>Theriaca 72. curat pestem. 91. est calida sicca. 92. Vis in praefer-</i> <i>uando et curando.</i>	223
<i>Thapsia et sinapi in intemperie capitis vitanda. 208. eius vi-</i> <i>res.</i>	209
<i>Tria genera pestilentium februm.</i>	24
<i>Turbationes aquarum quando et quare eveniant. 44. tur-</i> <i>batio humorum tempore coniunctionis.</i>	68

V.

V <i>era Astronomia.</i>	29
<i>Verum Vero non repugnat.</i>	33
<i>Vestes quare non putrescant.</i>	100
<i>Vena secanda in omni morbo magno iuxta Hippocratem.</i> 160	
<i>Vena sectio et purgatio duo magna remedia.</i>	161
<i>Verum Venenum ex humoribus fieri non potest. 131. et ex hu-</i> <i>moribus fiat requiritur assidua corruptio.</i>	141
<i>Venenum à saliva canis.</i>	140
<i>Venenum quid.</i>	78
<i>Venena</i>	

- Vena inter se differunt* 145. *cuti apposita penetrant.* 214. probatur *ibid.* etiam in transitu ladunt 215. an alexiteriis solum an verò etiam venenis euacuanda sententia Galeni. 217
- Veneni operatio.* 133. lethale cur non semper perimat 136. quandoque ab exiguo initio. 137
- Veneno etiam citius moriuntur homines, quam vel tempus & locus putrefactioni & accessioni concedatur.* 119. an in homine possit generari 110. opinioniones aliorum & eorum refutationes. 111. lethalis vires. 77 assumpti symptomata. 78. contrarietates & actiones per mutationem quam inferunt cognoscuntur. 79.
- Venena sine putredine ladentia.* 104. non possunt putrescere. 101.
- Venenum immatum calorem destruit.* 102. *Venena Venenis interdum curantur.* 217. sententia Avicenna. 218. inter se pugnantia. 221. 223 similia. *ibid.* incute appositi Veneni actiones. *ibid.* à calore nostro vinci nequeunt. 225. in tota substantia pugnantibus nulla methodus. 226. nunquam cuique opem ferunt. 227. pestem & febrem pestilentem constituentia & differant. 252. pestem constituens non idem in omni constitutione pestilenti. 253. per corpus diffusum nullis auxiliis potioribus quam deducentibus in cutem euacuantur. 271. cur non semper ladat. 159. ab alexiteriis non Venenis trahuntur. 274. toto genere ladentium peculiari antipathia cor afficit. 276. constituit essentiam febres pestilentis. 105
- Vnitas perfectionem arguit.* 30
- Vera pestis an possit esse sine febre.* 110
- Virus canis rabidi genere noxium. & propagetur.* *ibid.* ex summa humorum corruptione. 130
- Vitioso alimento qui utuntur facile in purgationibus solvantur.* 158
- Vires in febre pestilenti ab initio statim debiles.* 156
- Vires stellarum diuersa.* 65
- Vesicantia cuti apposita non deriuant à cerebro.* 168. Eorum vires. 170. potius nocent quam prosunt. 171. qua damna inferant. 172. ex cantharidibus vires agrotorum dissoluantur. 173

I N D E X.

<i>unt.</i> 19. <i>summum dolorem</i> 197. <i>eorum effectus</i> 198. <i>Glee- ra eorum ut curanda.</i> <i>ibid.</i> <i>ex materia fiunt & venenosa.</i>	
199. <i>cal'da & sicca in quarto gradu.</i> 200. <i>Eorum calor etiam ad interna pertingit</i> <i>ibid.</i> <i>suum Venenum Veneno interno addunt.</i> 211. <i>materia eorum ex Veneno.</i> 231. <i>da- mnanantur.</i> 231 <i>eorum & su obstructio augetur</i> <i>ibid.</i> <i>nocu- menta eorum.</i> 245. 278. <i>pro reuulsione maxima sunt re- media.</i> 267. <i>obsyncopem summè noxia.</i> 269. <i>nec heclicis pestilentibus nec putridis conueniunt.</i> 275	
<i>Vrinam nigram mingunt qui à cane rabido morfi sunt.</i> 147.	
<i>Vrina pestu curata.</i> 92. <i>nigra pessima</i> 174. <i>alba tenuis & turbulenta quid significet.</i> 185. <i>subingales quid significant.</i>	
232.	
<i>Vnica stella non potest quod cælum & vniuersum.</i>	65
<i>Vniuersi perfectio in quibus consistat.</i>	42
<i>Vna conditio morbum acutum non constituit.</i>	130
<i>Vstio quomodo adhibeatur.</i>	194
<i>Vtilitates & necessitates calis motus.</i>	28

Z

Z <i>Eno negauit motum.</i>	33
Z <i>Zodiaci signa duodecim.</i>	38

F I N I S.





BEST. LIBRO ANTICO
Cav. Giovanni Di Giacomo
Tel. 71550 - PESCARA

475

